

କାବ୍ୟ - କଲେକ୍ଟର

ଶ୍ରୀରାମପଦ ଯୁକ୍ତୋପାଧ୍ୟାୟ

ଶୁକ୍ରଦାସ ଚଢ଼ୋପାଧ୍ୟାୟ ଏଓ ସନ୍ସ  
୨୦୭-୧-୧ କର୍ମଓୟାନିମ ଟ୍ରାଷ୍ଟ ... କଲିକତା - ୭

চার টাকা আট আনা

অক্ষিন—১৩৫৯

শ্রীমতী কল্যাণী দেবী

স্নেহান্বিত—





**कल-कल्ले**



যাই হোক—বহু-গৃহিণীর উচ্চ মন্তব্য দুর্গামোহনের বৈঠকখানায প্রবেশ করলেও সেখানকার জমজমাট ভাবটা নষ্ট করতে পারে না। বৈঠকখানার ঠিক সামনে শাখা-সমৃদ্ধ জামগাছেব ডালে বসে দুটো দাঁড়কাক প্রত্যাহ দুপুরে যেমন কর্কশ স্বরে প্রণয়-আলাপের দ্বারা গ্রামবাসীদের অমঙ্গল আশঙ্কাকে বদ্ধিত করলেও—দুর্গামোহনের বৈঠকখানাকে বিদ্ধ করতে পারে না—তেমনি পাণের বাড়ির অনুযোগও শূন্যমণ্ডলে ভেসে চলে যায়। দান ও আড়ি মারাব চীংকাবে বড ঘবটা কল কল করতে থাকে।

কচে বারোর দান মেরে দুর্গামোহন শেষ ঘুঁটিটিকে ঘরে তুলতেই একটা সহর্ষ চীংকার উঠল। কিন্তু সে চীংকারের রেশ বেশিক্ষণ স্থায়ী হ'ল না। প্রার্থিত দানটির সঙ্গে একখানি খামের চিঠি বৈঠকখানা ঘরের দোড়গোড়ায় টুপ করে ফেলে দিয়েছে পিওন। পিওনের মূহু 'চিঠি' শব্দটি সহর্ষ চীংকার ধ্বনির মধ্যে ডুবে গেলেও—প্রতিপক্ষ বিপিন বাবের দৃষ্টি খামখানির উপর পড়ল। চিঠিখানা তুলে এনে তিনি তক্তাপোষের উপর রেখে বললেন, দুর্গা—তোমার চিঠি। চিঠিখানা ঘুরিয়ে তিনি মন্তব্য করলেন, চাপ দেখছি—জি-পি-ওর—প্রশান্ত দিয়েছে বোধ হয়।

দুর্গামোহন পত্রখানি খোলবার উদ্যোগ করছেন—কালীকৃষ্ণ মিত্র বললেন, প্রশান্ত জি-পি-ওতে সেদিন একটা ইন্টারভিউ দিয়ে এল না ?

হাঁ—বোধ কবি—চাকরি পেয়ে গেছে। খামখানার এক পাশ ছিঁড়ে চিঠিখানা দুর্গামোহন মেলে ধরলেন।

বিপিন বাব যরাসেব উপর চাপড মেবে বললেন, তবে আর কি তোমার তো পাথরে পাঁচ কিল! ভাল রকম খাঁটেব ব্যবস্থা করবে কি—হঁ।

সবাই চীংকার করে বিপিনের মন্তব্য সমর্থন করবার উদ্যোগ করতেই দুর্গামোহন হাত তুলে তাঁদের নিষেধ করলেন গোলযোগ করতে। চিঠির

দুটি ছত্রও অতিক্রম করেন নি—ইতিমধ্যেই দুর্গামোহনের মুখ গাঙীঘো  
থমথমে হয়ে উঠল। হেতুটা সাধাবণের বোধগম্য না হবারই কথা।  
পাশার বাজি আর সংসারের বাজি সাফল্যেব সডক বয়ে পাশাপাশি  
চলেছে। লক্ষ্যটা অনিশ্চিত নদ—ধ্রুব। অথচ—

দুর্গামোহন অত্যন্ত গম্ভীর মুখ পাঠ করে চলেছেন নিঃশব্দে। তাঁর  
গাঙীঘো অমঙ্গল আশঙ্কা করে আর সকলে শুরু হয়ে গেছেন। নিশ্চয়  
দুপুরের প্রকৃত রূপটি এই মৌন গাঙীঘোব মনো প্রকট হয়ে উঠল।  
শুরুভার দুঃসহ অস্বস্তি সকলকে পীড়ন করছে—কৌতুহল তো প্রবল  
হবারই কথা। বিপিন বায় সুসংবাদ অনুমান করে ভূরিভোজের দাবি  
জানিয়ে এই মুহুর্তে নিজেকে অত্যন্ত অপরাধী মনে করছেন। এই  
আকস্মিক দুর্ঘটনার দায়টা যেন তাঁর ঘাড়ই বোঝার মত চেপে বসেছে!  
এপাশ ওপাশে হোল—একটা কিছু বলে নিজেকে হালকা করে নেবার  
মানসে তিনি গুঞ্চ কণ্ঠে বললেন, প্রশান্ত ভাল আছে তো?

চিঠি পড়তে পড়তে দুর্গামোহন সংক্ষিপ্ত গম্ভীর উত্তর দিলেন, ভাল।

সাহস পেয়ে বিপিন বায় বললেন, চাকরিটি হয়েছে তো?

দুর্গামোহন বললেন, বলছি।

ছ'পৃষ্ঠার চিঠি শেষ হতে আরও কয়েকটি নিশ্চয় মিনিট কেটে গেল।  
দুর্গামোহন মুখ তুলে বললেন, যতটুকু বিদ্যা-শিক্ষা তার হয়েছে—তাতে  
ইন্টারভিউতে উৎরে যাবারই কথা। ঠা—চাকরি সে পেয়েছে—একশো  
টাকা মাইনের একটা ভাল চাকরিই। কিন্তু বিপিন, কথায় আছে না—  
কপালে নেইকো ঘি, ঠকঠকালে হবে কি। এও হয়েছে তাই।

ঠিক বুঝতে পারলাম না দুর্গা—

আমিও বুঝতে পারছি না ভাই। যুদ্ধের শেষ হয়েছে, জিনিসের  
দাম তবুও বাড়ছে। কেউ বলেন—এমন ধ্বংস হয়েছে যে কলপস্তর

কিছু নেই। অথচ মানুষও তো কমল! কেউ বলছেন—টাকার দাম আজ আর ঠিক চৌষটি পয়সা নয়, তেব পয়সা। তাই যে অল্পপাতে বায় বেড়েছে সে অল্পপাতে আয় হচ্ছে না। আয়ব্যয়ের স্তকায় যদি আকাশ-পাতাল থাকে—তো শান্তি আসবে কোথা থেকে!

কেউ কোন কথা কইলেন না। দুর্গামোহন হিসাব করে কথা বলেন—যেমন পাশাব চাল দিতে গুব জুড়ি মেলা ভার। গুছিয়ে কথা বলতেও উনি পটু। সদাগরি আপিসে চল্লিশ বছর চাকরি করে অক্ষর নিয়েছেন। ত্রিশ টাকায় স্কু—সাড়ে চাব শোষ শেষ। কমসে-কম পঁচিশ ত্রিশটা সায়েব তাঁর হাত দিয়ে পার হয়ে গেছে—সাভিস-শীটে সবারই কলমেব জোর স্পর্শাশি জল জল করছে। ফলে—অবসর নেবাব পরও—ঠিক পেনসন না হলেও—কর্মদক্ষতার পুরস্কার মাস মাস মাইনেব আদ্যেক পেয়ে আসছেন। এখনও ছটির কাজেব সমাধান করতে মাঝে মাঝে তাঁকে কলকাতায় ছুটতে হয়। তিনি বলেন, সায়েবেবা কাজ বোঝে—মানুষেব দাম ঠিক করে কাজেব কষ্টপাথেব কষে। এহেন লোক—কোন কাজই যার আঙ্গা বা এলো-মেলো নয়—একখানা চিঠি পেয়ে এ বকম অর্থহীন প্রলাপ বকবেন এ তো ধারণায় আসে না। গোড়া বেঁধে কাজ না করলে যুদ্ধান্তে হাজার হাজার যুবক যখন পাকা পাতাটির মত চাকরির বিশাল তরু থেকে টুপটাপ খসে পড়ছে—তখন তাব ছেলে যোগাড কবে নিলে একশো টাকার এক চাকরি। ভাগ্য আর কাকে বলে। আর এইমাত্র পাশাব প্রথম বাজিটাও—

দুর্গামোহন একটি নিঃশ্বাস ফেলে—চিঠিটা ভাঙ্গ করে ফতুয়াব পকেটে ফেললেন। মুখে শুধু উচ্চারণ করলেন, তারা—তারা।

সবাই বুঝলেন—আপাতত উনি এ প্রসঙ্গ তুলতে চান না।

দুপুর বেলায় মেঝেতে ঝাঁচল বা মাদুর পেতে শুনেই কিছু ঘুম আসে না। বস্ত্র-গৃহিণী হেমলতা বলেন, সারাদিন খাটুনির পর একটু গড়িয়ে নেওয়া—ঘুম নয় ভাই, আলিস্তি ভাঙা—তাও কি স্থস্থির হয়ে দু'দণ্ড...বন্তি পাশাখেলা!

ছোট বউ স্থচিত্রা ডিবেয় করে দুটি পান—জার্মান সিলভারের ছোট কৌটায় করে দোক্তা আর কামার ঘাসে এক ঘাস জল শিয়রের কাছে রেখে বলে, মা—পাকা চুল তুলব?

হেমলতা বলেন,—না। তুমি শোও গে।

পাকাচুল তোলার বিলাস হেমলতার নাই। নরম হাতের "ছোয়ায় মাথায় স্ফুস্ফুড়ি লেগে বেশ আরাম হয়—ঘুমটাও ছ'চোখের পাতায় জড়িয়ে আসে—যদিও তিনি স্বীকার করেন না চোখ বুজলেই ঘুম আসে। কিন্তু এক দণ্ডের আরাম নিতে গিয়ে নিজেকে হতশ্রী করার কোন মানে হয় না। একেই ওঁর মাথায় চুল তলা—ছোট। মরা খুস্কি কিনা ভগবানই জানেন—চিরুণী ঠেকালে গোছা গোছা উঠে আসে। কত গন্ধ তেল, কত ওষুধ—কিছুতেই কিঃকিছু হ'ল! ফাস্তনে পাতা ঝরার মত—বার মাস চুল উঠছে তো উঠছেই। এর ওপর মানুষের হাত লাগলে কি আর রক্ষা আছে!

স্বামী বলতেন,—সংসারের খাটুনি বেশি বলে ভগবান তোমায় দ্বা করেছেন—চুল বাঁধার পরিশ্রম থেকে বাঁচিয়েছেন।

হেমলতা কৃত্রিম ক্রোধে বলতেন, কেন,—আমার কি চুল বেঁধে দেবার লোকের অভাব—না কারো চুল বেঁধে দিই না? তোমার সংসারে এসে কোনদিন গতির কোলে করে বসে আছি—বলুক দিকি কেউ এ কথা!

কথাস্তর বা মনাস্তর যাই হোক—প্রভাতের মেঘ-গর্জনের মত আজও তা স্মৃতিতে শ্রুতি স্পর্শ করে উন্মনা করে দেয়। সে সব দিন আর আসবে না।

আজও শোবার আগে যথারীতি মস্তব্য করে চোখ বুজলেন—কিন্তু সত্যিই ঘুম তাঁর এল না। দান জেতার পর থেকেই ওদের বৈঠকখানা নিস্তর হয়ে গেল কেন? যে চীৎকারের তালে ঘুমের সংযোগ ঘনিষ্ঠতর হয়—তা যেন ব্যাহত হ'ল। ওরা ঘর ছেড়ে চলে গেল কি? না অস্বাভাবিক কিছু ঘটেছে? বিপিন একবার প্রশাস্তর নাম করলেন না? প্রশাস্ত চাকরি করছে? একটি নিঃশ্বাস কোনমতে বুকের মাঝে আটকানো গেল না। তা হবে বৈকি। বাপ পাচ্ছে মোটা পেনসন্—ছেলের হ'ল মোটা টাকা মাইনের চাকরি। ভগবান যখন দেন...কিন্তু আনন্দ-সংবাদ এমন চুপি চুপি চুরি করার মত ফিস্‌ফিসিয়ে বলছে কেন ওরা? তবে কি...

পাশমোড়া ভেঙে উঠে বসলেন। শিয়রে রাখা গ্লাস থেকে খানিকটা জল খেলেন—একটি পান ও ছ' আঙুলে তুলে খানিকটা দোস্তা গালে ফেললেন, তারপর বসে বসেই দেওয়ালের দিকে এগিয়ে গেলেন। ওদের বৈঠকখানার হাফ জানালাটা এ ঘরের রোয়াকের ওপরই হুমড়ি খেয়ে পড়েছে বলতে হবে।

চিঠির যেটুকু পড়া হ'ল—সবই কানে গেল—ওদের মস্তব্যও। ছ'চোখ থেকে তন্দ্রার ঘোর কেটে গেল—শ্রমক্ষিপ্ত বলিরেখাক্ত মুখমণ্ডল প্রসন্ন দীপ্তিতে হ'ল উদ্ভাসিত। বারান্দা থেকে রোয়াকের শেষপ্রান্তে এসে দেওয়ালের গায়ে মিশে বসে রইলেন—আরও কিছু শোনবার আশা।

কিন্তু আর কিছু শোনা গেল না। অকালে পাশার আড্ডা ভেঙে

গেল—বৈঠকখানার দরজা বন্ধ করে দুর্গামোহন অক্ষর মহলে চলে গেলেন।

হেমলতা ডাকলেন, ছোট বউমা—অ ছোট বউমা—একবার শোন তো মা।

দোতলার ঘরে বৃকে বালিশ দিয়ে আধ-শোওয়া অবস্থায় সূচিত্রা একখানি চিঠি লিখছিল। পাশে খোলা পড়ে ছিল আর একখানি নাতিদীর্ঘ পত্র—তারই প্রত্যুত্তর। স্বামী মলয় নাতিদূর প্রবাস শহর কলকাতায় থাকে। চাকরি করে কিনা সে সম্বন্ধে সূচিত্রা স্থনিশ্চিত নয়—তবে উপার্জন করে সে। কোন একটা আপিসে দশটা পাঁচটার বাধা খাটুনিতে মাসকাবারের বাধা মাইনে নয়; তার উপার্জনের টাকা কখনও সংসারে আসে—কখনও আসে না। মেজ ভাস্করের মত তা নিয়মিত নয়—আর মেজ ভাস্করের মত শনিবার সোমবারের আসা-যাওয়ার ফাঁকে রবিবারের ছুটিটা সে বাড়ির আবহাওয়ায় প্রিয়পরিজনদের মধ্যে কাটাবার সুযোগও পায় না। তার দেশে আসা অনিয়মিত বলেই চিঠিটা নিয়মিত চলে। সেকালের মেয়েরা দেখলে বলতেন, এ আবার কি চিঠি লেখার শ্রী! হিন্দু গৃহস্থ ঘরের বউ—স্বামীকে পত্র লেখার পূর্বে একটি ভক্তি-কিংবা প্রণয়কাচক সম্বোধনের দ্বারা অভিহিত করে না—পত্রশেষেও ভক্তি-ভালবাসার কোন চিহ্ন নেই। কালের ধারা কতই দেখব!

সত্যিই ওদের চিঠি অনাড়ম্বর—পরস্পরের নাম ধরেই পত্রালাপ আরম্ভ করে—আর যে সব বিষয় তাতে আলোচিত হয় তাতে প্রণয়ের বাস্পবিন্দুও থাকে না। ভাষা আবেগ-পুঞ্জিত অক্ষর গদগদ নয়—না আছে কাছে আসবার জন্ত আকুল আবেদন—না প্রকাশ পায়—দূর ও দীর্ঘ বিরহের জন্ত অস্তরের বেদনা।

মলয় লিখেছে : এবার একটা নতুন অভিজ্ঞতা লাভ করলাম



হয়। এমনি ভাবে ছেলেমানুষি করলে কার না স্নেহ হয়—হাসি আসে। ওরা এত লেখাপড়া শিখেও মনের দিক দিয়ে গিন্নিত্ব লাভ করেনি। বিদ্রোহী ওদের বাইরের চটক—সংসারে ওদের মত অসহায় বুঝি দুটি নেই।

মন্দাকিনী বললে,—আমার কষ্ট হয় কিসে জানিস? ঠাকুরপো ফি হুণ্ডায় বাড়ি আসে না বলে।

সুচিত্রা বললে,—তাকে সে কথা বল না কেন?

বলেছি—ফল হয় নি। ওরা একালের ছেলে—আর কিছু না থাক, বাহাদুরিটা তো আছেই। কিন্তু এ-ও বলে রাখছি, এক দিন পস্তাতে ওকে হবেই। কাজের সময় কাজ না করলে বিধাতাপুরুষের সাধা নেই যে মানুষকে সুখী করেন।

সুচিত্রা বললে,—বিধাতাপুরুষ সবাইকে সুখী করেন না—মেজদি।

সে দোষ মানুষের, না বিধাতা পুরুষের?

অদৃষ্ট মানলে বলতাম—অদৃষ্টের। সুচিত্রা হাসলে।

মন্দাকিনী পুনশ্চ গম্ভীর হ'ল। বললে,—জানি—হিঁদু হয়ে তোমরা অনেক কিছু মান না। এ ভাল নয়। সে যাবার ভ্রম্ব পা বাড়ালে।

\* সুচিত্রা মন্দাকিনীকে বাধা দিলে না। হিঁদুয়ানি যাকে বলে—এঁদের মুখে সে বহুবার শুনেছে। আচার-বিচারের নিখুঁত বিধান ও উপবিধান—সে সবার অবহেলার প্রায়শ্চিত্ত—ইহকালের শাস্তি ও পরকালের নরক ভোগ—এ সব বহু জনের কাছ থেকে অসংখ্যবার সে শুনেছে। শুনেছে—শ্রদ্ধা করতে পারে নি। খুঁত ধরা কিংবা খুঁত খুঁত করা তো স্বভাবের বশেই ঘটে এবং সংস্কার—বিচার এসবকে যুক্তি বলে খণ্ডন করা—এতেও স্বভাবের ক্রিয়া প্রকট। কার্য-কারণের উপলব্ধিওকে নাড়া দিয়ে প্রবল বেগে যে কালের স্রোত ছুটে চলেছে—

তার ইঙ্গিত অগ্রাহ্য করলে—কাব্য কারণকে উপলব্ধি করা যায় না।  
সংসারে এগিয়ে চলার কথা বললে—এঁরা নাসিকা কুঞ্চিত করবেন—খামলে  
বলবেন—সাবাস।

কিন্তু বাহাদুরি নেবার মত শিক্ষা সূচিত্রা পায় নি।



হেমলতার স্বামী অঘোরনাথ শেষ বয়সে চাকরি:নেন। পিতৃপুরুষের  
উপভোগ-অবশিষ্ট যে ক' বিঘা জমি ছিল—তাতে পেটের ভাত ও পরনের  
কাপড়ের সংস্থান হলেও—সংসার দিন দিন বেড়ে উঠছিল। খাওয়া-  
পরা ছাড়াও নানান রকমের খরচ—যা জমির উপস্বত্ব থেকে যেটানো  
হু:সাধ্য। শেষ বয়সে চাকরি নিতে হ'ল—জমিদারি সংক্রান্ত কাজে।  
তারই আয়ে ছেলেরা বিদ্যা শিখলে—হেমলতার তীক্ষ্ণ, বারব্রত  
যথাসাধ্য হ'ল; পুরাতন ঘর মেরামত—খাজনা ট্যাক্স মিটান—  
বারোয়ারির চাঁদা—বৌ-ভাত—অন্নপ্রাশন ইত্যাদি মর্যাদা অল্পঘাটী  
স্বসম্পন্ন হয়েছে। প্রথম মহাযুদ্ধের ধাক্কা এ সংসারকে বিশেষ কাবু  
করতে পারে নি। দ্বিতীয় মহাযুদ্ধও শেষের দিক থেকে ভয়  
দেখাচ্ছিল—ছেলেরা উপার্জনক্ষম হওয়াতে সে আঁচও তেমন গায়ে  
লাগে নি। জমির ধান ক'টা তেরশো পঞ্চাশে শুধুই মহাদুর্ভিক্ষ থেকে  
প্রাণ রক্ষা করে নি—উদ্ভূত ধানের বিনিময়ে কিছু ধন ক্যাশ-বাক্সে এনে  
দিয়েছে। জমি যে লক্ষী এ কথা তেরশো পঞ্চাশ ভাল মতেই প্রমাণ  
করে দিয়েছে। বউরা বলতে নেই—ভাল ঘর থেকেই এসেছে।  
প্রাচীন আচারনিষ্ঠা-প্রবণ সংসার থেকে এসেছে বড় ও মেজ, ছোটকে  
এনেছেন—এ কালের সঙ্গে সমন্বয় সাধন করে। এ বাড়িতে সে বিদূষী

আখ্যা পেয়েছে। ছেলে উচ্চ শিক্ষা পেয়েছিল—আর শহরে এই শিক্ষার সুযোগেই সুশিক্ষিত এক পরিবারের সঙ্গে তার আলাপ ঘটে। সূচিত্রার সঙ্গে তার পূর্বরাগ যতটুকু ঘটে থাক—এ বাড়িতে তা নিয়ে বিস্ময়-মিশ্রিত আলোচনা যথেষ্ট হয়েছে। বিয়ের পর অবশ্য আলোচনাটা গোপনেই চলত—তবে মেজবউ মন্দাকিনীর মন থেকে খুঁৎখুঁতুনি যায় নি। তারা এ সংসারে এসেছে স্ব মহিমায়—সপ্তপদী মন্ত্রের পুণ্য অনুষ্ঠানের মধ্যে দিয়ে—আর সূচিত্রার বিয়ে লোকাচারের অনুষ্ঠানগুলি পালন করেও—বহুদিন লোকায়ত্ত মর্যাদায় প্রতিষ্ঠিত হয় নি। যে বধ উপযাচিকা হয়ে আসে—তার প্রতিষ্ঠা বিলম্বেই ঘটে। যাই হোক, সূচিত্রাও এখন সুপ্রতিষ্ঠিত বলতে পারা যায়।

এটি ছোটখাটো দুর্ঘটনার অন্তর্গত হলেও বড় দুর্ঘটনা এ সংসারে ঘটেছে বৈকি। কর্তার স্বর্গারোহণ—সেটা কালধর্মের অন্তর্গত—বড় ছেলে মথুরামোহনের বিয়োগটাই মর্মান্তিক। মথুরামোহন তেজী স্বভাবের ছেলে—চাকরি করতে রাজী হয় নি প্রথমটা। প্রতিজ্ঞা করেছিল—বিদেশীর আপিসে সে কিছুতেই দাসখত লিখে দেবে না। স্বদেশীয়ানা তার ছিল না—ওই দশটা পাঁচটার ওপর বিরাগ ছিল অসীম। ছেলেবেলা থেকেই গানবাজনা—আড্ডা ইয়ারকি এই সবে আনুরক্তি-বশতঃ বাঁধাধরা সময়ের মধ্যে বসে দিনের পর দিন একই রকমের কাজ করে যাওয়া তার পক্ষে ছিল অসম্ভব। যে কাজে উত্তেজনা নেই—সে কাজ আবার মানুষ করে! শেষ পর্যন্ত কাজ অবশ্য তাকে নিতেই হয়েছিল—তবে আপিসের চাকরি নয়। বাবা তাকে জোর করে মিসিয়েছিলেন—এক জমিদারি সেরেস্ভায়। সেখানে দিন কতক কাজ করে ও পালিয়ে গেল—পশ্চিমের কোন শহরে। কিছুদিন পরে ফিরে এল কিঞ্চিৎ বিনয়ী হয়ে। সবাই ভাবলে বিদেশের কষ্টে ওর সমুচিত

বাবাকে সে চিঠি লিখলে, আপনার শ্রীচরণ আশীর্বাদে কাঞ্চনপুরের নায়েবি পদে পাকাপাকিভাবে বাহাল হইয়াছি জানিবেন।

বাড়ির সবাই খুশি হয়ে দেবতার মানত শোধ দিলেন—কেউ কেউ নূতন মানতও করলেন।

প্রথম বছরের উপার্জিত টাকায় বাড়িটা আগাগোড়া মেরামত করা হ'ল। তার আট মাস পরে কর্তা গত হলে—দানসাগর শ্রদ্ধ করে মথুরামোহন যথেষ্ট নাম কিনলে। সবাই বললে—এক ছেলে হতেই কুল উজ্জ্বল হয়—দেখ না আমাদের মথুরাকে।

তারপর একদিন হেমলতা যথারীতি ছুপুরে পান জরদা খাবার জল শিয়রে রেখে সবে চোখ বুজেছেন, এমন সময় কড় কড় শব্দে সদর দরজার কড়া বেজে উঠল। বাড়িতে কেউ পুরুষ মানুষ না থাকায় হেমলতাই উঠে দরজা খুলে—দু' পা আতঙ্কে পিছিয়ে এলেন।

লাল পাগড়ী মাথায় দু'জন পাহারা-ওয়ালার মাঝখানে থাকি হাফ্‌প্যান্ট পরা একজন মায়েব তাঁর পানে কট্ট মট্ট করে চেয়ে জিজ্ঞাসা করলে, এইটাই তো মথুরামোহনের বাড়ি? আপনি তার কে হন?

মায়েবের পিছনে সারা গা ভেঙে পড়েছে। গুঁর হয়ে তারাই জবাব দিলে। সে সওয়াল জবাবের বেশির ভাগই হেমলতা বুঝতে পারেন নি—তবে ভয়ে তাঁর বুক গুর গুর করে উঠেছিল। লাল পাগড়ী যে শুভ সন্দেহবহ নয় এ কথা গ্রামের একজন অজ্ঞ নিরক্ষর লোকও বুঝতে পারে। অচিরে তাঁর আশঙ্কা সত্য হ'ল—পাড়ার লোকে জানিয়ে দিল পুলিশে বাড়ি খানাতল্লাসী করবে। মথুরামোহন কাঞ্চনপুরে এমন এক কাণ্ড করেছে যার ফলে পুলিশ এসেছে তল্লাসী করতে। হাঁ—ঘটনাটা পাড়ার কয়েকজন বর্ষীয়ান সবিস্তারে (এবং সোৎসাহে) বলে গেলেন। নায়েবি করে মথুরা নাকি সদরে খাজনা পাঠায় নি—এদিকে 'লাটের

কিস্তির দায়ে জমিদারী নীলাম হয় দেখে সদর থেকে ম্যানেজার মশাই এলেন তদন্ত করতে। তিনি যে দিন আসবেন তার আগের দিন রাত্ৰিতেই এক ঘটনা ঘটে। তহবিল তছরূপ ধরা পড়বে—এই আশঙ্কাটা প্রবল হওয়াতে প্রমোদ-বাসরে মথুরা অপরিমিত মদ্য পান করে। তারপর সারারাত্ৰি ধরে চলে তাণ্ডব নৃত্য। পরিশ্রান্ত পারিষদেরা মেঝেয় অর্ধ উলঙ্গ ভাবে গড়াগড়ি যাচ্ছে—আলোর তেল কমে এসে বাতিটাও হুয়েছে নিবু নিবু—মথুরা কিন্তু জ্ঞান হারায় নি। রাত্ৰি প্রভাতেই তার হিসাব-নিকাশ দাখিল করার কথা—এ কথাটা স্বরার উগ্রক্রিয়ার মধ্যাণ্ড সে ভুলতে পারে নি। অসহায় রায়তের উপর নিরঙ্কুশ আধিপত্যের শেষ হবে কালকের সূর্যোদয়ের সঙ্গে—এ কথা সে ভাবতেই পারে না। যে করে হোক—মান তথা প্রতিপত্তি যজায় রাখতে হবে। চট করে একটা ফন্দী তার মাথায় আসতেই অর্ধ-অচেতন বার-বধুর হাত ধরে একটা হেঁচকা টান দিয়ে বললে, শুনছিস্ ?

‘উঃ’, বলে মেয়েটি তন্দ্রা-শিথিল দেহ থেকে সব আলস্য ঝেড়ে ফেলে সোজা হয়ে বসল।

শোন। মথুরা তার চোখের ওপর রক্ত-রাঙা দৃষ্টি মেলে কর্কশ কণ্ঠে বললে,—তোমার মিন্দুকে কত টাকা আছে ?

টাকা !

হাঁ—চাবিটা দে দিকি—। বলে হাত বাড়াতেই মেয়েটি চীৎকার করে উঠল।

উত্তেজিত মথুরা—পাশের টুল থেকে খপ করে তোয়ালেখানা টেনে নিয়ে তার মুণের ওপর চেপে ধরলে। তারপর দু’জনে নিঃশব্দে ধস্তাধস্তি করতে করতে মেয়েটি শ্রান্ত হয়ে ঢলে পড়ল মেঝেয়। মথুরা তখন উত্তেজনায় কাঁপছে—কোন দিকে দৃকপাত না করে ওর আঁচল থেকে

চাবির গোছা খুলে নিলে। নগদ টাকা আশাহুরূপ পাওয়া গেল না— কাজেই অলঙ্কারের দিকে তার নজর পড়ল। মেয়েটিকে অলঙ্কার মুক্ত করতে করতে তার মনে হ'ল—সে কি সত্যিই অচেতন হয়ে পড়েছে? নিস্পন্দ নিথর দেহ—বুকের উঠা-নামা টের পাওয়া যায় না, নাকের কাছে হাত রেখে নিঃশ্বাসের একটু তাপও তো পাওয়া গেল না। তবে কি—?... হু-হু করে উত্তেজনা বহু ডিগ্রিতে নেমে এল। ভাল করে মেয়েটিকে পরীক্ষা করে সে বুঝলে—মন্দেহের কিছুমাত্র কারণ নেই। এখানে বেশিক্ষণ থাকলে তহবিল তহরূপের দায়ে কারাবাস না হোক নারী হত্যার দায়ে ফাঁসি বা দ্বীপান্তর তার অনিবার্য। নেশা ছুটে গেল। রাত বেশি নেই—এখনি যা হয় একটা করতে হবে। উপায় বেছে নিতে তার বিলম্ব হয় নি। সকালে মথুরামোহনকে খুঁজে পাওয়া গেল না—অলঙ্কার-বিহীন মৃত মেয়েটির দায়ে বন্ধুরা ধরা পড়ল। মথুরামোহনের ঘাড়ে দোষ চাপিয়ে সবাই একবাক্যে জবানবন্দী দিলে। তারপর চলেছে এই অল্পসংসার—যার ফলে দেশের বাড়িতে ধানা-তল্লাসীর পরোয়ানা নিয়ে পুলিশ দিয়েছে হানা।

হেমলতা এই দীর্ঘ কাহিনীর একবিন্দুও বিশ্বাস করলেন না— দালানে পা ছড়িয়ে বনে ইনিয়ে বিনিয়ে কাদতে লাগলেন। পুলিশকে মনের ঝাল মিটিয়ে গাল দিতে না পেরে প্রতিবেশীদের মজা-মারা নিয়ে তীক্ষ্ণ তীক্ষ্ণ বাক্যবাণ প্রয়োগ করলেন। তারপর পুলিশ চলে গেলে তাদের চতুর্দশ পুরুষের নজরবাসের কামনা করলেন। এই ঘটনার ফলে বড় বউয়ের আরম্ভ হ'ল ঘন ঘন ফিট, পরে তার মাথার গোলযোগও দেখা দিল। ফলে এই সংসারে থেকেও সে বিচ্ছিন্ন হয়ে রইল। হেমলতা আরও জ্বোরে ঝাঁকড়ে ধরলেন সংসার, এবং পরের সংসারের দোষক্রটি ভাল মন্দ নিয়ে ঘরে ঘরে লোকের কাছে বলে বেড়ানোই হ'ল

শান্তি উত্তর দেবার আগেই ঘরের ভিতর থেকে প্রশান্তর মা বললেন—  
—এস দিদি।

কুলো রেখে তাড়াতাড়ি তিনি একখানি আসন পেতে দিলেন।  
জিজ্ঞাসা করলেন,—পান খাবে দিদি?

ওমা—পান আবার খাব না—বলে পান দোকলা চা এই নিয়ে কোন  
রকমে বেঁচে আছি। নইলে বড় শত্রুর যে দাগা দিয়ে গেছে তারই  
জ্বালায় দিন রাত জ্বলে যাচ্ছে বুকের ভেতরটা। স্বরটি অশ্রুর আভাসে  
করণ হয়ে উঠল—চোখে আঁচল ঘষে একটি দীর্ঘনিঃশ্বাস ফেললেন তিনি।

প্রশান্তর মা বললেন,—তুমি ভেবনা দিদি—মথুরা তোমার ফিরে  
আসবে।

তোমরা সতীলক্ষ্মী সেই আশীর্বাদই কর মা। আর একবার আঁচল  
ঘষে তিনি ভাল হয়ে বসলেন।

প্রশান্তর মা দুটি পান সেজে—ছোট রেকাবিতে করে তাঁর সামনে  
দিয়ে বললেন,—দোকলা লাগবে?

না ভাই—ওটি আমার কাছ ছাড়া হলে চলে না। এই দেখ সন্দের  
মাখী। বলে অঞ্চলগ্রস্থি মোচন করে কোঁটাটি বার করলেন।

চুম দেব?

না ভাই—তোমার হাতের পান এমন চমৎকার যে চুন খয়ের সব  
সমান থাকে। এ গাঁয়ে এমন পান মাজতে তো আর কাউকে দেখি না।  
বলে—বাইরে উঠে গিয়ে বার দুই পিক ফেলে ঘরে এসে বসলেন।

তারপর—জিজ্ঞাসাবাদ হ'ল রাগা নিয়ে। মুগের ডাল খেলেই পেটে  
অম্বল-গোলা ওঠে তাই সবিস্তারে জানিয়ে হেমলতা বললেন,—তা অম্বলের  
আর দোষ কি ভাই—ভাবনায় চিন্তেয় দেহ পাত হয়ে গেল। ছেলে না-  
হলে এক জ্বালা—হলে শতক জ্বালা! এই দেখ না—নিদ্দ্বী মথুরা—



স্বভাৱ জমিদাৰেৰ পাৰায় পড়ে বাছা যে কোথায় গেল! ছোটটা  
তাও চাকৰিতে স্থিতভিত হ'ল না! শুনি তো—রোজগাৰ কৰে  
দু'হাতে—ডোকলাগিৰিও তেমনি। অঘচ্ছল খৰচ ভাই। কি সব  
স্বদেশীৰ দল—তাদেৰ পেছনেই ঢালছে টাকা। বাড়িতে যখন দেয়  
ঢেলে দেয়—একেবাবে দুশো পাঁচশো—তবে ন'মাসে ছ'মাসে তো!  
ষেটোৰ বলতে নেই—সংসার তো ছোট নয়—মাস গেলে চাৰশো-  
পাঁচশো টাকা খৰচ। রোজ বাজাৰ খৰচই বলে—তিন টাকা!  
কৰ্তাদেৰ যাই বিষয় সম্পত্তি কিছু ছিল তাই এতগুলি হাত মুখে উঠছে—  
নইলে কি হত ভাই!

তা ত বটেই। নিজেদেৰ দিয়েই তো দেখছি ভাই—

এই বোঝ ভাই, নিজে হাতে সংসার না কৰলে কেউ খৰচের মন  
বুঝতে পারে! সে দিন আশুর মা বললে,—রোজ তিন টাকা বাজাৰ  
খৰচ এ তোমাৰ বড্ড বেশি ভাই! বড্ড বেশি হ'ল? এক টাকার  
জিনিসটা পাঁচ টাকায় কিনতে হচ্ছে, বেশি হ'ল? তবে যদি ছাই পাঁচ  
খেয়ে পেট ভৰাতে হয় সে হলো গিয়ে আলাদা কথা! আনু কপি না  
হলে কেউ তরকারি পাতে পাড়বে না—চুনো মাছ আনবার ষো নেই,  
শেষ পাতে দুধ সবারই একটু চাই—

তা ত বটেই।

এই—যাৰা বুঝদাৰ—তাদেৰ দুবাৰ বলতে হয় না! কথায় আছে না—

পড়ল কথা সভাৰ মাৰে

যাৰ কথা তাৰ গায়ে বাজে!

আশুর-মাৰ হলো গিয়ে তাই। বাপেৰ বাড়িৰ যেমন হৃদি খেতে গদি  
নেই—স্বপ্নবাড়িতেও তেমনি! তোৰা ভাল খাওয়া ভাল পৰাৰ মন  
কি বুঝবি লা?



প্রশান্তর মা মাথা নেড়ে সায় দিলেন ।

হেমলতা বললেন,—তাই বলছিলাম কি—ছেলের মত পরম মিত্রও নেই—পরম শত্রুরও আর নেই । এই তোমার প্রশান্তর কথাই ধর—কপে গুণে বিদ্যেয় এমন ছেলে এ গ্রামে কমই দেখতে পাই । সোনা এক দিকে আর ছেলে এক দিকে—ওজন করলে তুল্য-মূল্য—তবু এ হেন সোনার ছেলের এমন মতিগতি হল কেন ভাই !

প্রশান্তর মা গুঞ্চ স্বরে বললেন,—কেন দিদি—

না অণু কিছু নয় । স্বভাব-চরিত্রের আচার-ব্যভার ওসবে ছেলে তোমার তামার পাত্তরে গঙ্গাজল । শুনলাম ভাল একটি চাকরিও পেয়েছে । কিন্তু ছেলের নাকি চাকরিতে মতিগতি নেই ?

প্রশান্তর মা বললেন,—আমাদের ঘরে চাকরি না করলে চলে ? ও সব খেয়ালের কথা দিদি । কত্না বলছিলেন—সেখানে গিয়ে বুঝিয়ে স্বজিয়ে ছেলে যাতে চাকরি করে সেই ব্যবস্থা করবেন ।

বেশ বেশ ভাই, মাথার খামিজ না থাকলে ছেলে ভাল হয় ? বেশ ভাই—ভগবান ওর স্মৃতি দিন । তাই শুনলাম কিনা—কথা হচ্ছিল পাশা খেলতে খেলতে । মনটা খারাপ হয়ে গেল । বলি ওদের তো আর জমি-জমা বিদ্য-আশয় নেই—চাকরি না করলে খাবে পরবে কি ? আর একটি পান চেয়ে নিয়ে তিনি উঠলেন । আসল কথাটা জানা হয়ে গেছে—আশুর মার ওখানে এখন না গেলেই নয় ।

সন্ধ্যা বেলায় বেড়িয়ে এসে দুর্গামোহন পত্নীকে ডেকে বললেন,—এ সব কি কথা বলেছ তুমি মথুরার মাকে ?

পত্নী বিরাজমোহিনী সাস্চর্য্যে বললেন,—কি বলেছি ?

যে প্রশান্ত আমার কথা না শুনলে—আমি ওকে ত্যাজ্যপুত্র করব ।

বিরাজমোহিনী বিস্ময়ে কয়েক মুহূর্ত্ত থ মেরে রইলেন ।

হাতের ব্যাগটিকে মাটিতে নামিয়ে শিমুল কাঠের তক্তার উপর আসন গ্রহণ করলেন দুর্গামোহন। বললেন,—জানি তুমি আপিস যাচ্ছ না—খদ্দের জামা গায়ে দিয়ে কেউ আপিস যায় না।

মলয় বিনীত হাস্তে বললে,—যায় বৈকি কাকাবাবু।

সায়েরা কিছু বলে না ?

সায়েরদের আপিস নয় ত। তাঁকে বিশ্বয়ের অবকাশ না দিয়ে মলয় বললে,—ওসব কথা থাক—, আপনার নিশ্চয় খাওয়া হয় নি।

ফলমিষ্টি কিছু আনিয়ে নিলেই চলবে। কিন্তু তোমার কথা ত আমি বুঝতে পারছি না বাবা। খদ্দের পবে আপিসে গেলে—

ও কিছু নয়—খদ্দের এমন কিছু মারাত্মক বস্তু নয় যা দেখলে সায়েরা ক্ষেপে উঠবে। তা ছাড়া পচিশ বছর একই জিনিস দেখে দেখে চোখসহা বা ধাতসহা হয়ে গেছে কাকাবাবু।

মলয়ের হাসির ধরণে দুর্গামোহন প্রীত হলেন না।

ঈষৎ গভীর স্বরে বললেন,—যাই হোক—চাকরি যারা করে তাদের এসব জেদ ভাল নয়।

হবে। মলয় অন্তমনস্ক ভাবে উত্তর দিলে।

যেখানে উন্নতি কববে—সেখানে একটি পথই বেছে নেয়া ভাল। না ঘাটের না ঘরের এতে কোন দিকেই সামঞ্জস্য থাকে না।

মলয় চুপ করে রইল।

দুর্গামোহন বললেন,—প্রশান্ত কি কবছেন ? চাকরি, না খদ্দের পবে স্বদেশী ?

ওঁর কথার ধরণে মলয় হেসে ফেললে। মংঘত স্বরে বললে,—এই দশ মিনিট আগে সে আপিসেই ত গেল।

সে নাকি চাকরি করবে না ? স্বরে ঈষৎ জোর দিয়ে বললেন,—চাকরি

করার ভাবটি সুস্পষ্ট। নিজের আপিস-জীবনের শেষ ভাগে এই রকম নম্র-ঐক্যের নমুনা তিনি যথেষ্ট পেয়েছেন।

যাই হোক, কথা না বাড়িয়ে হেঁট হয়ে তিনি জুতোর ফিতে খুললেন—কাঁধের চাদরটা তক্তাপোষের উপর রাখলেন। তারপর বুক-পকেট থেকে ঘড়িটা বার করে সময় দেখলেন।

মলয় জিজ্ঞাসা করলে,—কোথাও যাবেন কি ?

যাব। হ্যাঁ, দুই-এক জায়গায় ঘুরে প্রশান্তর আপিসে একবার যাব ভাবছি।

তা হলে এক কাজ করুন—চাবিটা রেখে দিন, আমি কখন ফিরব—না—না, চাবি তুমি রাখ। প্রশান্ত ওই সামনের ঘরেই থাকে ? ওকে সঙ্গে করে একেবারে আসব।

মুখে হাতে জল দিয়ে একটু বিশ্রাম করুন।

তুমি ব্যস্ত হয়ে না—আমাদের হাড় অত পলকা নয় যে অল্প শ্রমে ভুয়ে পড়বে।

তিনি ঘরের চার দেয়ালে চোখ বুলিয়ে দিলেন। একটি তেরশো ছেচলিশের ইংরেজী ক্যালেন্ডার ছাড়া কোন ছবিপত্র কোথাও টাঙানো নেই। কোণের দিকে একটা কোরোসিন কাঠের ব্যাকের উপর স্তপাকার বই অগোছালো পড়ে রয়েছে—একটা বইয়েরও নাম পড়া যায় না এমনি অগোছালো। মেসের ঘর কোনকালে গোছানো হয় না তিনি জানেন, তবু এরা যেন বেশিমানায় বিশৃঙ্খল। তাঁদের সময়ে নিবিঘ্ন চাকরিতে আর সংসার চালনার দায়িত্বে যে জীবন বাঁধাধরা ছকের মত সরল ছিল আজ সেই কেন্দ্র থেকে সে বিচ্যুত হয়ে পড়ছে। এদের দেখে দুঃখ হয়, তবু এদের ওপর মমত্ববোধও পোষণ করা দুঃস্বপ্ন। দুটি যুদ্ধ দেশের ওপর যে ক্ষতচিহ্ন রেখে গেল—সমাজও সে আঘাত

বিস্তীর্ণ বালু-বেলার সমুদ্রের ভাঙ্গা ঢেউ শেষ হয়েও খানিকটা গড়িয়ে যায় যেমন—তেমনি। এদের ভঙ্গি দেখে মনে হয়—কোন একটা যীমাংসা করতে এরা এক জায়গায় মেলে নি। হয়তো এটা প্রতিবাদ সভা ছিল। কিন্তু প্রতিবাদের মধ্যে প্রতিকার প্রার্থনার সুরটি শোনা গেল না তো! কি চায় এরা? এ যুগের যৌবন—বিনয়ে উদ্ধত—নম্রতায় অহকারমত্ত—স্বাদিকারপ্রমত্ত যৌবন—কিসের প্রতিবাদে আজ আর কাল, কাল কিছা পরন্তু—দিনের পর দিন ধরে বিদ্রোহ ঘোষণা করছে? কার বিরুদ্ধে বিদ্রোহ?

একটা কথা কানে গেল—ইংরেজকে ভারত ছাড়তেই হবে। সাম্রাজ্যবাদের নাভিস্বাস উঠেছে। বেয়নেট বন্দুক—আকাশচাষী লৌহশ্বেদন অথবা অতিকায় ট্যাঙ্ক কি মৃত্যুবীজবাহী মেসিনগান এসব সাম্রাজ্যবাদকে আসন্ন মৃত্যু থেকে বাঁচাতে পারবে না। ওদের ধনবল, জনবল ফাঁকা শ্লোগানের চীৎকার ধ্বনিতে হতবল হয়ে গেল! দুর্গা-মোহন অবিশ্বাসের ভঙ্গিতে মাথা নাড়লেন। ঈষৎ উচ্চস্বরে হেসে উঠলেন।

পাশের একজন তরুণ উষ্ণ হয়ে উঠল,—কি মশাই, হাসছেন যে? ব্রিটিশ ভারত ছাড়বে এ বুঝি বিশ্বাস হ'ল না?

একটি মেয়ে বললে,—ওঁরা জনবুলের যুগের লোক—তার মুখের দাপটই জানেন।

দুর্গামোহন বাছা বাছা প্রমাণ প্রয়োগ করতে যাচ্ছিলেন—কি ভেবে বিরত হলেন। শুধু বললেন,—ওঁরা যতক্ষণ না কথা রাখছে—

ছেলেটি উষ্ণস্বরে বললে,—কথা রাখতে বাধ্য করাব আমরা। ভাবছেন ওদের অস্ত্র আছে—

দুর্গামোহন বললেন,—সেঁ ভাবনা তো তোমাদেরও রয়েছে—

হ্যাও তো চাকরিতে ঢুকেছেন—তঁারা ভাল রকম ইন্ফরমেশন রাখেন বলেই—

দুর্গামোহন নরম গলায় বললেন,—চাকরি করতে চান ?

চাইব না কেন, চাকরি করতে কে না চায় ! প্রতিবিশ্বয়ে যুবক তঁার পানে চেয়ে রইল ।

দুর্গামোহন বললেন,—একটু আগে ওই হলে মিটিং হয়ে গেল খবর রাখেন কি ? আপনার মত যুবকরা তো খোড়াই কেয়ার করে চাকরির !

ও কথা বলবেন না সার, এখনও বুড়ো বাপ মা বেঁচে—ভাইদের মানুষ করতে হবে—বোন আছে একটি, তার বিয়ে—

শহর সম্পূর্ণরূপে বদলায় নি তা হ'লে । দুর্গামোহন পূর্ণদৃষ্টিতে চাইলেন যুবকটির পানে । দেহের প্রত্যেকটি ভঙ্গি প্রাক-যুদ্ধযুগের ক্লাস্তিতে অত্যন্ত স্নান । কণ্ঠস্বরে ভিক্ষার বিনয় স্বর—যা আপিসের চেয়ারে বসে বহু বছর ধরে শুনে শুনে ক্লাস্ত হয়েছেন তিনি । ঈষৎ কৌতূহল হ'ল ছেলোটিকে ভাল করে জানতে ।

বললেন,—চাকরি তো অমনি হয় না বাপু—কিছু দক্ষিণা দিতে হয় ।

ছেলোটির চোখে উৎসাহের দীপ্তি দেখা গেল । বললে,—বেশি তো পারব না—অবস্থা দেখছেনই তো—

তবু কত ?

শ'খানেক টাকা—বলেই এগিয়ে এসে হেঁট হয়ে সে দুর্গামোহনের পায়ের দিকে হাত নামালে ।

দুর্গামোহন ব্যতিব্যস্ত হয়ে ওর হাত দুখানি ধরে ফেললেন । কি কোমল অসহায় হাত ! কি জানি কেন—দেহ তঁার ঘিন্ ঘিন্ করে উঠল—ক্লেদাক্ত পিচ্ছিল সরীসৃপের স্পর্শে যেমন স্নায়ুকেন্দ্রে আঘাত লাগে । কেন এমন হল ? তঁার সমাজে পরিবার-প্রতিপালনেচ্ছু এমনি

অবশ্য ছেলের সঙ্গে এ ভাবে সাক্ষাৎ হবে দুর্গামোহন আশা করেন নি।

গোলদীঘি থেকে গেলেন নিজের আপিসে। নিজের আপিস ছাড়া অন্য কথা তাঁর মনেই আসে না। জীবনের চল্লিশটি বছর—জীবনের সেবা দিনগুলি যে বিরাট সৌধের জুঁড়ে নির্বিঘ্নে কেটেছে—তাকে নিজস্ব নয় ভাবতেও কষ্ট বোধ হয়। যারা সহকর্মী ছিল তারা আজ নেই। কেউ অবসর নিয়েছে সংসার থেকে—কেউ বা আপিস থেকে। যে ঘরে বসে কাজ করতেন সে ঘরের চেহারাও বদলে গেছে আমূল। যে ব্যাকের গোড়ায় টুলের ওপর বসে ঝিমুতো দপ্তরী রহমৎ—তা কাঠের পার্টিশনের কল্যাণে অদৃশ্য হয়েছে। এ ঘরে বড়বাবুর ছিল আধিপত্য—আজকাল কাঠের ছোট ঘরের মধ্যে বিভল্ভিং চেয়ারে বসে একজন নতুন-গোঁফ-ওঠা ছোকরা সায়েব ঘন ঘন পাইপ টানে আর কলিং-বেল বাজায়। সুইং ডোর ঠেলে বাবুরা আর চাপরাসীরা মিনিটে মিনিটে যাওয়া আসা করে। বাবুরা সব তরুণ। কিটফাট চটপটে। ফাইল সাজিয়ে লেজার দুরন্ত রেখে—টেবিল সাফ করে সিগারেট টানছে। তাঁদের কালের কাজগুলো তাঁদের যতটা কাবু করে রাখতো এদের কালের কাজগুলো সেই অল্পপাতে লঘু বলতে হবে। এরা এত ঘেঁষাঘেঁষি বসে যে কোণের লোকের কাছে পৌঁছুতে হলে মাঝের বা পাশের লোকগুলির চেয়ার সরিয়ে কাত হয়ে হলে দশ হাত দূরে যেতে রীতিমত পরিশ্রম হয় আর সময়ও লাগে। তবু এরা মানবে না—লোক বেড়েছে। বলে—আপনাদের কালে কাজের অত ফৈজত ছিল না সার। এত নোটের পর নোট—এনকোয়ারি, ডি ও লেটার

ছোকরা—প্রায়ই সিগারেট টানছে—বুকে ফাউণ্টেন পেন—সেই তো ?  
সেতো পরশু একখানা রেজিগনেশন লেটার সুপারিন্টেন্ডেন্টের আপিসে  
দিয়ে গেল ।

সত্যাসত্য যাচাই করতে উর্দ্ধতন কর্মচারীর কাছে যাওয়া নিরর্থক  
ভেবে তিনি পথে বার হয়ে পড়লেন । লালদীঘির বেড়াগুলো যুদ্ধের  
সময় থেকেই ভেঙ্গে দেওয়া হয়েছিল—দীঘিটা পথের সঙ্গে মিশে  
আগেকার আভিজাত্য হারিয়েছে । নানান দিক দিয়ে তার পথ  
বেরিয়েছে—মানুষের চলাফেরায় ঘাস নিশ্চিহ্ন হয়ে গেছে—মরসুমী ফুলের  
কেয়ারীগুলি হতশ্রী—বিলাতী পাম কুঞ্জ ছাড়া ত দীঘিটায় দু'দণ্ড বসে  
ক্রান্তি দূর করবার জায়গাও বড় একটা নেই ।

সেইখানে বসেই দুর্গামোহন ভাবতে লাগলেন—অতঃপর কি করা  
কর্তব্য । দেশে ফিরে যাবেন—না প্রশাস্তকে ভুল পথ থেকে ফিরিয়ে  
আনবার চেষ্টা করবেন ? পিতৃহতের দাবিতে এই চেষ্টা মার্ধক হবে কি ?  
মাথা নেড়ে দৃঢ়নিশ্চয় হলেন—অবশ্য হবে । উপার্জন না করলে ছেলেদের  
ভরসা ত পিতৃবিত্ত । কাজেই তাঁর আদেশের গুরুত্ব অস্বীকার করা  
প্রশাস্তর পক্ষে সহজ হবে না ।

জি, পি, ও-র ঘড়িটায় চারটে বাজেনি—তখন থেকেই অনেক লোক  
বাড়ি ফিরতে শুরু করেছে । এরা নিশ্চয় আপিস থেকে পালাচ্ছে ।  
সিনেমার ছরা না রেসের তাড়া ? আগে শনিবার ছাড়া রেস হতো না,  
আজ কাল ছুটির দিনেও রেস হয় । যুদ্ধের বাজারে টাকাটা ফেঁপে  
উঠেছে এ-ও একটি প্রমাণ । আজ ছুটির বার নয়—রেস হবে না ।  
তবে রেসের প্রস্তুতি আছে তো । সবাই তো স্বহস্তে টিকিট কিনে  
রেস গ্রাউণ্ডে বসে চাঁচামেচি করে না—বুকির মারফৎ খেলাটা চলে  
বলেই আট আনার খেলুড়ে কেরাণী একখানা বই কিনে বা খবরের



দুর্গামোহনের মনে হ'ল—পায়ের তলা থেকে হাতের তালু থেকে সব রক্ত মাথায় উঠে আসছে—চন্‌চন্‌ করছে মাথাটা। রগের রক্তবাহী শিরাগুলি রক্ত চলাচলের দ্রুততায় দপ্‌ দপ্‌ করছে—চোখেও দুপুরের রোদ লেপে মুছে এক হয়ে গেল। অনহ্র ক্রোধে চীৎকার করে উঠলেন—প্রশান্ত—প্রশান্ত।

একটা চাপা বিকৃত ধ্বনি বার হ'ল গলা দিয়ে—কেউ চেয়ে দেখলে—কেউ চেয়ে দেখলে না। প্রশান্ত তার সঙ্গিনীর হাত ধরে নিষিকার চিত্তে তাঁর সামনের রাস্তা দিয়ে মাত্র দশ পনের হাত ব্যবধানে গট্‌ গট্‌ করে চলে গেল।

অনেকক্ষণ পরে দুর্গামোহনের সঙ্গিৎ ফিরে এল। আকাশ ইতিমধ্যে ঘোলাটে বোধ হচ্ছে—গাছের ছায়া হয়েছে দীর্ঘতর আর লালদীঘির চারধারে বয়ে চলেছে মানুষের বত্ম। মাথার ওপর সেই সঙ্গে ভেসে চলেছে ধোঁয়ার একটা ঘন স্তর—শীতের সঙ্কায় শহরের বস্তুপ্রধান জায়গাগুলি থেকে যেমন ধোঁয়ার কুয়াসা জন্মায়—অনেকটা সেই রকম। ক'টা মানুষ সিগারেট টানছে—এ নির্ণয় করা সম্ভব নয়—সারা শহরটাই ধূমপায়ী হয়ে উঠেছে।

ধীরে ধীরে তিনি চোখ বুজলেন।

চোখ চেয়ে দেখলেন তখনো পৃথিবী উজ্জ্বল নয়। এটা ফাঁকা খোলা জায়গা নয়, মাথাটাও বেশ ভারি বোধ হচ্ছে। একটি সঙ্কীর্ণ ঘরে তিনি শুয়ে আছেন—ব্রাকেটে টিক্‌ টিক্‌ করে টাইমপিস চলছে। অদূরে কারা ফিস ফিস করে কি যেন বলছে। ঘরটায় তরল ধোঁয়ার স্রোত—নিঃশ্বাস নিতে কষ্ট হচ্ছে। পাশ-ফেরার চেষ্টা করে অতিকষ্টে হাঁপাতে হাঁপাতে বললেন,—আমি কোথায় ?



এক অচেনা যুবক গুঁর সামনে এসে দাঁড়াল। বললে,—ভয় নেই, একটু দুধ খাবেন ?

তার হাতে ফিডিং কাপ দেখে দুর্গামোহন আচ্ছন্নের মত বললেন,—না—না—আমি সিগারেট খাই না।

যুবকটি মিষ্টস্বরে বললে,—সিগারেট নয়, দুধ।

দুর্গামোহন মাথা নাড়লেন। যুবকটি এগিয়ে এসে তাঁর মুখে কাপটা ধরলে। গলাটা শুকিয়ে গেছে—তরল পানীয় এক নিঃশ্বাসে শেষ করলেন। একখানি তোয়ালে দিয়ে যুবক তাঁর মুখ মুছিয়ে দিলে।

দুর্গামোহনের নাসিকায় নাতিতীর একটা গন্ধ ভেসে আসতেই তিনি প্রায় চীৎকার করে উঠলেন,—তুমি সিগারেট খাও ?

যুবক চম্কে উঠে বললে,—এখন তো খাইনি।

না—খেয়েছ। তোমার গায়ে সিগারেটের গন্ধ—তোমার হাতে—যুবক কি বলতে যাচ্ছিল—দুর্গামোহন চোঁচিয়ে উঠলেন,—গেট আউট, গেট আউট।

তাঁর উচ্চ চীৎকারে আর দু'জন যুবক দুয়ার ঠেলে ঘরে ঢুকল। তার মধ্যে একজন মলয়।

মলয় বললে,—ব্যাপার কি সূশীল ?

মনে হয় ডিলিরিয়ম। আবার সেট সিগারেট—গন্ধ—

মলয় বললে,—প্রশান্তুর নাম করেন নি ?

না।

দুর্গামোহনের কানে প্রশান্তুর নাম গেল। যেন কত দূর থেকে কারা—পরমবার্তা বয়ে নিয়ে এল। ঘাড় ফিরিয়ে তিনি বললেন,—প্রশান্তু কই ? প্রশান্তু।

মলয় কাছে বসে বললে,—সে আছে কাকাবাবু।

বউমাকেও আসতে বল—আমি ওদের আশীর্বাদ করব।

যুবক ক'জন পরস্পরের পানে চেয়ে কি ইঙ্গিতাভিনয় করলে। মলয় বাইরে এসে বললে,—এর মানে কি স্মশীল? উনি নিশ্চয় জানেন যে প্রশান্ত বিয়ে করে নি।

স্মশীল বললে,—ফ্রেড বলেছেন—মানুষের অবচেতন মনের স্তরে যে চিন্তা—

মলয় বিরক্ত হয়ে বললে,—মেডিকেল লাইনে তোমার ফ্রেডিয় গবেষণা উপকার দেবে—আপাতত—

স্মশীল বললে,—ওই প্রশান্ত আসছে—ওকেই জিজ্ঞাসা কর।

প্রশান্ত সব শুনে বললে,—বাবার মাথা খারাপ হয়েছে।

স্মশীল জিজ্ঞাসা করলে,—তোমার কাছ থেকে কোনদিন কি উনি ইঙ্গিত পেয়েছেন—

প্রশান্ত হেসে বললে,—আয়ের পথ খোলা না থাকলে মানুষের বিলাস-চিন্তা আসে?

স্মশীল বললে,—বিবাহ বিলাস?

মলয় বললে,—যাই হোক—তোমার বাবা তোমাকে খুঁজছেন—একবার যাও।

প্রশান্ত ঘরে এসে ডাকলে,—বাবা?

দুর্গামোহন পাশ ফিরে শুলেন—কোন উত্তর দিলেন না। আচ্ছন্ন অবস্থায় তাঁর নাক ও ক্র দু'টি বার কয়েক কুঞ্চিত হয়ে উঠল।

জ্ঞান ফিরে আসতে আরও কয়েকদিন গেল। যে দিন বালিশ ঠেস দিয়ে বিছানায় উঠে বসলেন—সেদিন বাইরের আকাশটা ভারি ভাল লাগল তাঁর। পৃথিবীর রূপ আর রঙ মনের মধ্যে নতুন করে প্রলেপ লাগিয়ে দিলে। সেই সঙ্গে ফিরে এল পুরাতন কামনাগুলি।

প্রশান্তর পানে ফিরে তিনি মৃদুস্বরে বললেন,—চাকরি ছেড়ে দিয়েছ—কেমন ?

সে মর্মভেদী দৃষ্টি থেকে নিজেকে আড়াল করে অর্থাৎ মুখ ফিরিয়ে প্রশান্ত মৃদুস্বরে বললে,—হাঁ।

তারপর কি করে চলবে—কিছু ঠিক করেছ ?

প্রশান্ত একটু নেড়ে বসল—কোন জবাব দিলে না।

তুমি নিশ্চয় জান উপযুক্ত ছেলেকে বসে খাওয়াবার জন্য আমি পেনসন্ পাই না—সে প্রত্যাশা তুমিও কর না নিশ্চয় ?

প্রশান্ত মাথা নেড়ে সংক্ষিপ্ত জবাব দিলে,—না।

তবে করবে কি শুনি ? ঈষৎ উষ্ণ স্বরেই তিনি প্রশ্ন করলেন।

যা হয় কিছু করব—কেরাণীগিরি ছাড়া।

মান্নে—কেরাণীগিরিটা তোমার কাছে সব চেয়ে নীচু চাকরি ? প্রশান্ত উত্তর না দেওয়াতে তিনি অসহিষ্ণু হয়ে উঠলেন। ঝাঁজের সঙ্গে বললেন,—স্বাধীনতা বলতে কি বোঝ তুমি ? চাকরি না করা ? সিগারেট টানা আর অনাস্থীয়া মেয়েকে নিয়ে পথে পথে আড্ডা মারা ?

প্রশান্ত সহসা ঘুরে দাঁড়াল। তার চোখ দু'টিতে অস্বাভাবিক দীপ্তি—মুখখানা লাল টকটকে হয়ে উঠেছে—ঠোঁটের কাছটা কাঁপছে। একটা কঠিন প্রত্যুত্তরকে অত্যন্ত সংযমের সঙ্গে সে ওষ্ঠচ্যুত হতে দেয় নি বেশ বোঝা গেল।

দুর্গামোহনও বুঝলেন—মাত্রাটা বেশি হয়ে গেছে। হয় তো শালীনতার গণ্ডি ছাড়িয়েছে—কিন্তু ধৈর্যের কি দোষ সে যদি আযৌবন প্রত্যাশার শেষ ভূগাছটি হতে অবলম্বনচ্যুত হয়ে পড়ে ?

মিনিট দুই একদৃষ্টে বাপের মুখের পানে চেয়ে থেকে প্রশান্ত ঘর থেকে বেরিয়ে গেল।

সিঁড়ির মুখে মলয় দাঁড়িয়ে ছিল। জিজ্ঞাসা করলে,—কাকাবাবু কি খুব রেগে উঠেছেন ?

প্রশান্ত বললে,—ওঁকে আজই দেশে পাঠাবার ব্যবস্থা কর ভাই—  
নইলে ব্লাড প্রেসার বেড়ে যাবে।

## ৭

অতীতকে সম্পূর্ণ মুছে ফেলে নূতন করে নিজেকে প্রতিষ্ঠা করা  
সকল বাক্যে আর কার্যে অনেকখানি তফাৎ।

প্রশান্ত পথ চলতে চলতে ভাবছিল, চাকরিটা ছেড়ে দিয়েও  
উপার্জনের চিন্তা মন থেকে যায় না—এ বড় আশ্চর্য্য! যে বিদ্যা সে  
অর্জন করেছে—তার মূলে রয়েছে এই প্রেরণা। না হলে হাতে-কলমে  
সে এমন কিছু শিখল না কেন—যা বইয়ের হরপের চেয়ে বেশি কার্যকরী।  
স্কুল সংসারকে অগ্রাহ্য করা চলে না—যে হেতু ক্ষুধা-তৃষ্ণা আরাম-শয়নের  
দাবি নিয়ে দেহ প্রতি দণ্ডে মানুষকে তাড়না করছে। তার দাবি  
মিটিয়ে যে উদ্ভূত সময় পাওয়া যায়—তাই নিয়েই তো জ্ঞানের বড়াই  
ভাল লাগে।

দুর্গামোহন এই ভাবের রুঢ় কথা বলবেন—সে অনুমান করা কঠিন  
নয়। নিজ উপার্জনের উপর আশ্রয় না করলে—পৃথিবী সত্যকার  
রূপে বারবার দেখা দেবেই। স্নেহ-ভালবাসার রঙীন উত্তরীয়ে নিজেকে  
শোভন করে রাখা সহজ ততক্ষণ—যতক্ষণ না বাড় উঠে সব বিপর্যাস্ত  
করে দেয়। যে কোন প্রকারে উপার্জনের দায়িত্ব নিয়ে সংসার-প্রতিষ্ঠার  
আশু কল্পনা তার ছিল না—অথচ দৈবচক্রে সংসার গুটিয়ে আসছে তার  
চারদিকে।

কালও শুভার সঙ্গে তার কথা হয়েছে। নীড়-বাঁধার তাগিদ কোন

দিক থেকেই নেই—তবু ছোট মত একটি বাগা চাই। শুভা করবে উপার্জন—সেও বসে থাকবে না। কি কি দিয়ে সাজাবে গৃহ—কোথায় কোন জিনিসটি রাখলে মানাবে—তার একটা ছক প্রশান্ত মুখে মুখেই দিতে পারে।

শুভার তাতেই আপত্তি। এই নিয়ে ওঁ বছবার পরিহাস করেছে। বলেছে, কমরেড, খুব বড় ঘরের ছেলে তুমি নও—তবু বুর্জোয়া মনোভাব তোমার কেন ?

প্রশান্ত জবাব দিয়েছে, নিজস্ব একখানি ঘরের দাবিকে তুমি কি বলতে চাও—

হেসে জবাব দিয়েছে শুভা, কিছুই বলব না কমরেড। যত সামান্যই হোক—পুঁজির বীজ যেন মনের মধ্যে না থাকে। আমাদের সাম্যবাদের শ্লোগান—ধনীদের হিংসা করে তৈরি হয় নি—নিজেদের শুদ্ধ করে নেবার মন্ত্র ওটি। ওদের ধন ঘুচিয়ে নিজেদের আরাম চাই না আমরা—সমস্ত জগৎকে অসাম্য থেকে বাঁচানোই হচ্ছে আমাদের নীতি।

তা কি করে হবে ? ধনটা কমিয়ে না বাড়িয়ে অসাম্য দূর করবে ?

ধন কমবে কেন—ব্যক্তিগত মুনাফা শুধু থাকবে না। তোমার মোটা দেহের চর্কি বৃদ্ধি করতে আমরা দেহের রক্ত ব্যয় করব কেন ? তোমরা চড়বে মোটর, আমরা পড়ব তার তলায় চাপা—এ কেমন বিধান কমরেড ?

তা হলে সকলের একখানি করে মোটর থাকুক এই চেষ্টাই করতে হবে তো ?

না কমরেড, মানুষের মনের খবর যাঁরা জানেন—তাঁরা বলেন,—ধনকে রাখতে হবে লোভের সীমানার বাইরে। ব্যক্তিগত আরাম-বিলাস একটুতেই মানুষকে পেয়ে বসে—ওটা একেবারে বাড়তে না দেওয়াই ভাল।

মানুষের বৃত্তিকে ছেঁটে ফেলবার ব্যবস্থা! এতে তোমরা স্বস্তি পেতে পার—জগৎ সুস্থ থাকবে তো ?

কেন ?

এই ধর, প্রতিভাহীনের পর্য্যায়ে যদি প্রতিভাবানদের ফেলা যায়—জগৎ আবার পিছিয়ে যাবে না কি ?

তুমি হাসালে—প্রতিভাকে অস্বীকার করবে কে! সোভিয়েটে এর প্রথম পরীক্ষা কি হয় নি? সোভিয়েট কি পিছিয়ে পড়েছে জগতের অগ্রগতি থেকে ?

তাকেও অনেক জিনিস বর্জন করতে হয়েছে—যা তাদের মুখিত ছিল না।

তাও না। নীতির পরিমার্জন মানে আমূল বদল নয়। পরীক্ষার কষ্টি-পাথরে যাচাই না করলে কাজের সোনাটুকু বার করবে কি করে?...একটু থেমে বললে, তোমার পৃথিবী তোমায় ক্ষমা করবে না কমরেড, যদি—নীতিকে কষে মেজে জীবনযাত্রার উপযোগী করে না নাও। ছোট ঘর বাঁধবার আশ্বাস দিয়েছ, কিন্তু বড় ঘর যখন ডাক দেবে তখন সে ঘরের মায়া তোমাকে ছাড়তেই হবে। ধন হচ্ছে নদীর জল, ওকে কোথাও আটকে রাখলে চলবে না।

তা হলে মোটর থাকবে না কারও? পরিহাসের ভঙ্গিতে প্রশান্ত কথাটি উচ্চারণ করেই হেসে ফেললে। শুভাও হাসলে সেই সঙ্গে।

না—না প্রশান্ত—আমাদের মতো, মরিতে চাহি না আমি সুন্দর ভুবনে—মানুষের মত বেঁচে থাকিবারে চাই। একটু পরিবর্তন করলাম—মানেটা স্পষ্ট হ'ল না ?

হাঁ, যে মানুষ কীর্তিহীন তার পক্ষে যথেষ্ট সুন্দর বলা যেতে পারে।

একটু একটু করে এগিয়ে এসেছে প্রশান্ত। শিরায় তার নীলরক্ত

ছিল না কিন্তু নীল রক্তের মোহ তো ছিল যথেষ্ট। যে বিদ্যা সে সঞ্চয় করেছে—উপকথা শুনে—দৃষ্টান্ত দেখে—সুখ সৌভাগ্যের নিরিখ নির্ণয় করে—তারই মাঝে আত্মনিমজ্জন করা সহজই ছিল তো! একটু চেষ্টা—হয়তো বিশেষভাবে চেষ্টা—তা কে না করে থাকে। উচ্চপদ, অট্টালিকা, মোটর, ব্যাঙ্ক-ব্যালান্স, কেশবতী রাজকন্যা, সোনার পালক, এর মধ্যেই তো রয়েছে সাম্রাজ্যবাদের ছোট্ট একটি বীজ। এর মধ্যেই কি ছিল না জীবনের শ্রেষ্ঠ কামনা—চরম স্বর্গবাস কল্পনা? তবু সে কেন্দ্র থেকে সরে এল কিসের প্রেরণায়? শুভার?

প্রশান্ত অস্বীকার করে না—যৌবনের নীতিকে। সেই সঙ্গে অস্বীকার করে দেহগত বিলাসকে। দ্বিতীয় মহাদুদ্ধের সর্বোত্তম পরীক্ষা হয়ে যায় নি কি সোভিয়েট রণভূমিতে? ক্যাসিবাদকে ধ্বংস করতে ওরা ব্রহ্মাস্ত্র প্রয়োগ করেছিল। সে ব্রহ্মাস্ত্র সহস্রাব্দ কোন দিব্যাস্ত্র নয়—রীতিমত তপস্কার দ্বারা আয়ত্ত্ব করতে হয়েছে। কত বিপ্লব—কত অনর্থপাত, দুর্ভাগ্য বাধা আর রক্তনদী অতিক্রম করে একে আয়ত্ত্ব করতে হয়েছে। একটি অনগ্রসর—বহুজাতি অধ্যুষিত—বহুধর্ম ও কুসংস্কার-পোষিত দেশে যা সম্ভব হয়েছে—পৃথিবীতে তাকে সুপ্রতিষ্ঠিত না বলে অগ্রাহ্য করবে কে? তবে এ কথা ঠিক, এক মাটিতে যে গাছ যে ফল প্রসব করে অন্য মাটিতে তার তারতম্য ঘটবেই। ঝারা স্ত্রী গুণী তাঁরা মূর্খ নীতিকে অস্বীকার করেন না। উপযুক্ত সার দিয়ে আবহাওয়াকে অনুকূল করে সামান্য অদল বদল করে ফসলকে তাজা রাখবার চেষ্টাই করে থাকেন। প্রশান্তর প্রথমটা মনে হয়েছিল—মানুষের জন্মগত বৃত্তি হিংসাকে সহজে লালন করা যায় বলেই বুঝি সাম্যবাদকে সে অত শীঘ্র মেনে নিতে পারলে। চিন্তাটার তলায় কিছু সত্য যে নেই তা নয়—তবে গুণলিকে সাধনার পথে বাধা বলে



জয় করার চেষ্টা করতে কতি কি ? ক্রমে সত্য আলোকের পুণ্যভূমিতে সে পৌঁছবে আশা হচ্ছে। সন্দেহ এখনও লেগে রয়েছে মনে—জয় সম্বন্ধে সন্দেহ নয়—প্রকৃত কল্যাণ বা সত্য এই পথে লাভ হবে কিনা এবং এই নীতিতে আস্থাবান পৃথিবী স্বর্গভূমি হয়ে উঠবে কিনা ! একটু সন্দেহ থেকে যায় বই কি ! জার্মানী থেকে নাৎসীরা ইহুদি-বিতাড়ন সম্পূর্ণ করে ভেবেছিল—যুদ্ধ জয়ের বাধা সম্পূর্ণরূপে অপসারিত হ'ল ! গায়ের জোরে মানুষকে কোন কিছুতে আটকে রাখা—তা সে যতই কল্যাণ-প্রসূ ও উত্তম প্রথা হোক—সম্ভব নয়। সু ও কু প্রবৃত্তির সম্বন্ধে জীবন দোলায়িত। চির শান্তি—জীবনকে অস্বীকার করার আর একটি সাদহীন শোভাহীন বৈচিত্রাহীন দিক নয় কি ? তা ছাড়া রক্তস্বাদলোলুপ বৃত্তিকে বিলুপ্ত করতে হলে আরও কঠিন ও বৃহত্তর পরীক্ষা দিতে হয়।

শুভার প্রতি মোহ—যার জন্ম এই নীতিতে তার অনুরাগ বেড়েছে—এটা ঠিক নয়। যে নীতিতেই সে বিশ্বাস করুক—যৌবন তার ধর্ম পালন করবেই। আর যৌবন তার ধর্মে যে প্রভাব বিস্তার করে তাতে চোখকান বুঁজে ঝাঁপ দেওয়াকেই বলে মোহ। এমন মোহ মনের কোথাও ছায়াপাত করে নি। শুভা যদি বলত—একশো টাকার চাকরি না ছাড়লে আমায় পাবে না—তা হলে খোলা চোখে মোহের একটা রূপ দেখা যেত। ওরা বলে না যে—চাকরি করো না—শুধু বলে—ধন উপার্জনে সঞ্চয়ের মেশা যেন না লাগে। তর্ক হয়েছিল. পুঁজিবাদীর চাকরি করে পুঁজিবাদকে ধ্বংস করার চেষ্টা চলে কি না ? চলবে নু কেন ? টাকাটাকে অস্বীকার করছে না কেউ—জীবন যাত্রার মানে ওটি অপরিহার্য বলে...কিন্তু মানুষের প্রতি মানুষের যে অগ্রাধিকার—যে লোভ বহুজনকে নামিয়ে একজনকে উঁচুতে তোলে—বহু অস্থিচূর্ণসারে পরিবর্দ্ধিত একটি সুন্দর গোলাপ গাছ—এ কোন



কল্যাণ-কামীই চাইবে না। একে ধনীর প্রতি ধনহীনের হিংসা বলে না—মানুষের গ্ৰায্য অধিকারে বেঁচ থাকবার সহজ ও সুসঙ্গত একটি দাবি।

তবু সে চাকরি ছেড়ে দিলে। চাকরি অসহ্য বোধ হ'ল। চাটুভৃত্তি—দাসমনোভাব সকলের ধাতে নয় না। দু'পুরুষের বৃত্তি—বন্দীর বন্দনা ছাড়া কি! আপিসকে প্রথমটা মনে হয়েছিল—নিরাকার একটি প্রতিষ্ঠান। ধনিকতাবাদের উদ্ধৃত অহমিকায় সে কারও দুর্গতিকে বাড়াচ্ছে না বরং বাঁচিয়ে রাখার চেষ্টাই করছে। কিন্তু সে প্রতিষ্ঠানের চাকর্য তেল দিতে গিয়ে বুঝলে দেহের রক্তকে বিশুদ্ধ রাখা সম্ভব নয়। এই প্রতিষ্ঠানের মূলে—সহস্রটা শিকড় রয়েছে, রস শোষণ-ক্রিয়া চলেছে অলক্ষিতে। অত্যন্ত শাস্ত্র ও নিয়মানুগ বিভাগ—তবু কিছুদিন আগে নিরুপায়ের শেষ অস্ত্র ধর্মঘট ঘোষণা করেছিল। ধর্মঘট সাফল্য লাভ করে নি। পুঁজিবাদ সূক্ষ্ম কৌশলে ভেদনীতির প্রয়োগে তা বার্থ করে দিয়েছে। একটা লাভ হয়েছে এই—যারা মাসমাহিনায় চোখ বুজে দুঃখ অভাবকে ঘাড়ে নিয়ে মনে করত ভগবানের দান—কর্মফল—কিংবা অদৃষ্ট—তারাও এইটুকু বুঝলে যে—মানুষ অনেক কিছুই নির্দিষ্টবাদে স্বীকার করে আর নির্দিষ্টচারে মেনে নেয় বলেই সেগুলি চিরকালের সত্য নয়। আর একটা মহৎ শিক্ষা তারা পেয়েছে যে—সব জায়গার নির্ঘাতিতরাই এক গোত্রের। স্বদেশী হোক কিংবা বিদেশী হোক—ধনিকদের ও গোত্রভেদ নেই। দুই গোত্রকে সমভূমিতে দাঁড় করাবার চেষ্টাই হ'ল সাম্যবাদের মূল নীতি।

এসপ্ল্যান্ডে শুভা অপেক্ষা করছিল। প্রশান্তকে আসতে দেখে চীৎকার করে বললে, হ্যালো কমরেড—এত ভাবছ কি? ঘর একটা ঠিক করলে বুঝি?

প্রশান্ত ব্লান হেসে বললে, তা করলাম। আকাশ তার আচ্ছাদন।  
—কুলোবে না আমাদের দু'জনকে ?

শুভা বললে, অবশ্য। কিন্তু ভয় পেয়েছ মনে হচ্ছে !

প্রশান্ত বললে, পিতৃবিত্তের যত নিন্দাই করি—আহার আর আচ্ছাদন থেকে সে যে নিশ্চিত করে রাখে।

শুভা বললে, নিজের উপর নির্ভরতা কমে গেলেই মানুষ সব দিকে উপায়হীন মনে করে। নিজেকে সৃষ্টি করে নাও না কমরেড—জীবনে সম্পদ কিছুমাত্র কমবে না।

না শুভা—পুঁজিবাদ যে জাতেরই হোক—বিষবৎ পরিত্যাজ্য।

দু'জনে হেসে ঘাসের ওপর বসলে। মাথার ওপর একটা পুষ্পাকীর্ণ অজানা গাছ ছায়া বিস্তার করেছে—দুপুরের রোদ গরম লাগছে। ওদিকে চলেছে ট্রাম—বিদ্যুৎবাহিত গাড়ি রঙ করা কতকগুলি সরীসৃপের মত এঁকেবেঁকে চলেছে—এদিকে অতিকায় বাস—আর মনুগতি মোটর। রাজকীয় উদ্যান-পরিক্রমায় এরা পরস্পরের সঙ্গে প্রতিযোগিতায় নেমেছে।

ব্রিটিশ পতাকা লাটভবনের মাথায় পত্ পত্ করে উড়ছে।

সামনের ও দু'ধারের সৌধশ্রেণীকে—ট্রামকে, মোটর ও অতিকায় বাসকে—প্রতিযোগিতায় উৎসাহিত করছে। এদের সৌভ্রাত্কে স্বাগত জানাচ্ছে আরও উপরের আকাশ। ঘাসের আসনে বসে শুভা বললে, পরিত্যাগ করলে তোমার বাহাদুরিটা কি ! ওদের জয় করে নিজের করে নিতে হবে।

আপাতত আমায় আশ্রয় দাও।

শুভা বললে, দিলাম আশ্রয়। তবে এ আশ্রয়ে এলে নিজেকে মনে রাখলে চলবে না কমরেড।

শুভা পরিহাস করছে মনে করে প্রশান্ত সব খুলে বললে।

শুভা বললে, ওঠ।

প্রশান্ত উঠলে।

শুভা তার হাত ধরে বললে, এস।

কোথায় ?

শুভা হাসতে হাসতে বললে, রসাতলে।

৮

জায়গাটা রসাতলের কাছাকাছিই বটে। চন্দ্রসূর্য-লাঙ্ঘিত এক গলির গহ্বরে নোনাধরা সঁাতসেঁতে দেওয়াল-ঘেরা একখানি বাড়ি। এমন জীর্ণ বাড়ি কি করে পৌর আইনকে বৃদ্ধাঙ্গুষ্ঠ দেখিয়ে আজও খাড়া রয়েছে ভাবলে আশ্চর্য হতে হয়। অথচ এই বাড়িতেও মানুষ বাস করছে।

শুভা বললে, আমার একটি অনুরোধ—এখানে যা কিছু চোখে পড়বে তাতে আশ্চর্য হবে না—কোন কথা জিজ্ঞাসা করবে না। শুধু জানবে পৃথিবীতে এমন অনেক জিনিস আছে যা তোমার কল্পনার বাইরে। অথচ তা সত্য।

স্থলিতদন্ত বৃদ্ধের মত সিঁড়ি একটা পাওয়া গেল। কিন্তু একতলার সঙ্গে দোতলার পার্থক্য খুব কম। সেই পলস্তুরাখমা ইট-বার-করা দেওয়াল—দেওয়ালের গায়ে জল চুঁইয়ে পড়ছে—হু' পাশের বাড়ির পক্ষপুটে ঢাকা পড়ে, শীত না থাকা সত্ত্বেও, বাড়িখানা যেন কাঁপছে। ব্যাধিগ্রস্ত বাড়ি।

ওরই মধ্যে চওড়া একখানি ঘরে প্রবেশ করে শুভা বললে, বস।

প্রশান্ত ইতস্ততঃ চাইলে—বসবে কোথায় ? ঘরের অগ্রচূর আলো ভেদ করে দৃষ্টি বেশি দূর অগ্রসর হচ্ছে না। মনে হচ্ছে একটিও জানালা নেই—আলো আসবে কোন্ ফাঁকে ?

শুভা ওর হাত ধরে মেঝের ওপর বসালে। একটা মানুষের ওপরই বসলে—যদিও সেটার চেহারা স্পষ্ট নয়।

শুভা ডাকলে, নানিয়া রে—

একটা মোমবাতি নিয়ে আধবুড়ি গোছের একটি মেয়ে ঘরে ঢুকলে। বাতিটা মেঝেয় বসিয়ে বললে, নেণ্টুর বোখার হয়েছে দিদিজী। বহু তাঁত আছে—

আচ্ছা, আমি যাচ্ছি।

মেয়েটি চলে গেলে প্রশান্ত জিজ্ঞাসা করলে, ওটি কি ঝি ?

ঝি ! এই বাড়িতে ঝি রাখা চলে—না আমাদের ঝি রাখা সম্ভব ?

শুভার হাসিতে অপ্রতিভ হয়ে প্রশান্ত বললে, কিন্তু ওতো বাঙ্গালী নয়।

বাঙ্গালী পরিবারের সঙ্গে এক হ'ল কি করে এই চাইছ জানতে ? একটু বিশ্রাম কর, সব জানতে পারবে।

প্রশান্ত ঘরের চারি দিকে চাইছে দেখে হেসে বললে, পছন্দ হয় তো এই ঘরখানি নিতে পার। বাড়ির এক টেরে—কেউ তোমায় বিরক্ত করবে না।

প্রশান্ত মনে মনে বললে, সব সময়ে মানুষই মানুষকে বিরক্ত করে কি !

এই ঘর—! কারাকন্ডের সঙ্গে সাক্ষাৎ পরিচয় নেই, তবু এর চেয়ে নিকৃষ্ট বন্দীনিবাস কল্পনাতে আসে না। এ ঘরের কোন দিকে একটি মাত্র দরজা ছাড়া আর ছিদ্র নেই কেন ? ঘরে দিনের বেলায়

আলো জ্বলে পরিচিতকে সম্ভাষণ না করলে ভদ্রতায় বাধে। স্তম্ভ মন বা স্তম্ভ দেহ নিয়ে এ আশ্রয়ে একটি রাত্রি কাটানো হুসুর।

শুভা বললে, এ ঘরটি পৃথিবীর আরও বহু অকল্পিত আশ্চর্য্য জিনিসের অন্তর্গত। অথচ এদের পরিহার করবার উপায় নেই।

অসামোর এই রূপ প্রশান্ত কখনো দেখে নি। এ বস্তু অকল্পিতই বটে। সে বললে, চল না, ছাদে গিয়ে বসি।

ছাদ! এত বড় বিলাস আশা কর তুমি কমরেড?

তবে মানুষ থাকে কি করে এখানে? আশ্চর্য্য প্রশান্ত প্রশ্ন করলে। শহরের পথ নিরাপদ নয় বলে।

বুড়িটা দুটি ঠোঙা নিয়ে ফিরে এল। বললে, লাই চানা আছে দিদিজী। ঠোঙা দুটো মাদুরের ওপর নামিয়ে দিলে।

নাস্তা কর কমরেড—মুড়ি আর ছোলা। একটা ঠোঙা সে তুলে নিলে।

প্রশান্ত তবু সহজ হতে পারছে না। এই ভাবের জীবন যাপন—সে পারবে কি? এ বাড়িতে আলো রোদ নেই—আকাশ দেখা যায় না, শুধু নোনাদরা নির্ঝম ইন্টার দেয়াল—চার ধারে শাস্ত্রীর মত খাড়া হয়ে পাহারা দিচ্ছে।

বললে, তুমি নিশ্চয়—এই বাড়িতে থাক না শুভা?

শুভা হাসলে, রাজ.অটালিকা কোথায় পাব কমরেড?

তা বলে এই নোংরা বাড়িতে—, খানিকটা ক্রোধযুক্ত ক্ষোভে সে প্রতিবাদ করলে।

উপায় কি! রুপোর চামচে মুখে পুরে জন্মাবার সৌভাগ্য সকলের হয় না।

কিন্তু তুমি—

বাড়িটার দোষ কি ? এখানে মানুষকে নোংরা মনে হচ্ছে—বিশ্রী মনে হচ্ছে, কিন্তু অপরিষ্কার এর কোথাও নেই। এই বাড়ি থেকে বেরুলেই তো পথে-চলা মানুষের গোত্রে অদ্বুত ভাবে খাপ খেয়ে যাই কমরেড। আমার শাড়ী—চালচলন—কোথাও এই বাড়ির ছাপ লেগে থাকে কি ?

তবু এখানে মানুষ স্বস্থ ভাবে বাস করতে পারে না। এই বন্ধ ঘরে সঙ্কীর্ণ হয়ে যাওয়া কিছু আশ্চর্য্যও নয়।

হাসালে—তোমরাই গীতা আওড়াও—তুংখেষু অনুধিগ্নমনা—স্বখেষু বিগতস্পৃহ—!

প্রশান্ত কোন কথা বললে না।

মুড়ি খাও কমরেড।

ক্ষিদে নেই।

মুড়ি খেয়ে ক্ষিদে মেটে কখনও ? বার বার এত ভুল করছ কেন প্রশান্ত ! ওহো—একটু ব'স—নেটু কেমন আছে দেখে আসি।

সে চলে গেলে প্রশান্ত নিরুপায় দৃষ্টিতে ঘরের পানে চাইলে। না—এই অব্যাহিত নির্ভঙ্ক দারিদ্র্যে কোথাও এতটুকু সম্মান বা গৌরব নেই। এর থেকে পরিত্রাণ না পেলে মানুষের মূল্যই বা কি ! শুভা তার সঙ্গে পরিহাস করছে না তো ?

শুভা ফিরে এসে বললে, বাঃ রে—মুড়ির ঠোঙাটি ছোঁও নি ? সত্যি কি ভাল লাগছে না প্রশান্ত ?

প্রশান্ত মনকে সজোরে শাসন করে ঠোঙাটি টেনে নিয়ে বললে, তুমি পরীক্ষা করছ কিনা—তাই ভাবছি।

পরীক্ষা !—এমন নির্ভুর পরীক্ষা করে আমার লাভ ? তুমি জান না প্রশান্ত—যার মাথার ওপর পুরুষ অভিভাবক নেই—ছোট ছোট ভাই বোন—কৃষ্ণ মা—অথর্ব ঠাকুরমা এদের নিয়ে জীবনের যুদ্ধ চালাতে

হয়—তাদের এ ছাড়া গতিই বা কি? এ বাড়ির চারিদিকে যে বাড়িগুলি মাথা উচু করেছে—তাদের, নিরুপায় হয়ে, মাথা তুলবার অধিকার দিয়েছিলেন বাবা। তখন তাঁর উপার্জন ছিল না—আমরা বুলছি গলায়—এ ছাড়া গতান্তর ছিল না।...বলবার সময় একটুও গলা কাঁপল না—মুখের ভাব বদলাল না—অন্য কারও দুর্ভাগ্যের কথা অত্যন্ত সহজ ভাষায় গল্পছলে যেন বলে গেল।

প্রশান্ত বিচলিত হ'ল যথেষ্ট। দুটি ছোট অসহায় ভাই-বোন—রুগ্না মা—অথর্ব ঠাকুরমা—অথচ বাইরে কোন দিন শুভা এ নিয়ে আক্ষেপ করে নি। কি করে চালায় সে সংসার? পার্টির কাজ করে কতই বা পায়! পার্টিতে কাজ করে কি না তাই বা কে জানে। কোন আপিসেই কি কাজ করে? মনে তো হয় না। পরিষ্কার শাড়ী সব সময়েই শোভন করে পারে—সব সময়ে অপরিমিত হাসে—তর্ক করে—সিনেমাতেও তার অরুচি নেই। রেস্টোরাঁয় ঢুকে কত দিন চা খেয়েছে—প্রশান্তর সঙ্গে অন্তরঙ্গতা কি বন্ধুত্বের অভিনয় মাত্র নয়?

নানিয়া ফিরে এসে বললে, দিদিজী—মাজী বোলাতা আপকো।

মা—? প্রশান্তর পানে ফিরে বললে, এস প্রশান্ত—এ বাড়িতে থাকবেই যখন—সকলের সঙ্গে পরিচয় করে রাখা ভাল।

পরিচয়ের আগ্রহবশতঃ নয়—এই ঘর থেকে পরিত্রাণ পাবার আশাতে প্রশান্ত উঠে দাঁড়ালে। ঘরের বাইরে সরু মত একটা পথ—দুধারের দেয়ালের দৌলতে এটিকে স্বড়ঙ্গ বলা যেতে পারে। তার পরে যে ঘরটায় এসে পৌঁছল ওরা—সেটা অপরিমিত আর অন্ধকার আর আগেকার ঘরখানির মতই সঁগাতসেঁতে ও নিরানন্দময়। ঘরের এক পাশে ছোট খাটিয়ায় এক স্ববিরা অশীতিপর বৃদ্ধা শুয়ে ছিলেন। বাতির আলোটা তাঁর জরা-শিথিল বহুধা-কুঞ্চিত মুখখানিতে পড়েছিল—চোখের



দৃষ্টি বোধ হ'ল ভাবলেশহীন। একহাতে মাথার বালিশটা ঠিক করছিলেন—  
অন্য হাতে গায়ের স্থানচ্যুত কাপড়খানি টেনে দেহ আবৃত করার চেষ্টা  
করছিলেন। এটা সম্ভ্রম রক্ষার অভ্যাসবশতঃই হয়ত ঘটছিল। কারণ দৃষ্টি বা  
শ্রুতি কোনটাই নতুন আগন্তুককে দেখে সম্ভ্রান্ত হয়ে ওঠার অমুকুল নয়।

শুভা পায়ের শব্দ করে বললে, এটি ঠাকমার ঘর—ওই যে উনি—

বৃদ্ধার কানে হয়তো শব্দটা প্রবেশ করল কিংবা অভ্যাসবশতঃ তিনি  
বললেন, কে? নানিয়া? আজ আমাকে খেতে দিবি নে তোরা?

ঠাকমা—আমি। শিয়রে এসে শুভা বৃদ্ধাকে সচকিত করলে।

কে, নাতনী? বলি ইঁালা—তোদের আক্কেল কি—আজ সাব্বাদিন  
জলম্পর্শ করলাম না—

শেষের দিকে তাঁর স্বর অশ্রুর আভাসে কেঁপে উঠল।

প্রশান্ত বেদনা বোধ করলে। চলচ্ছক্তিহীন হয়ে বেঁচে থাকার  
বিড়ম্বনা কেউ ঠেকাতে পারে না। ক্ষুধা-তৃষ্ণা—হাসি-কান্না তারই মাঝে  
নির্মম জরার আঘাত—নিষ্ঠুর বিশ্বাসিত। এই বেঁচে থাকার মত করণ  
ব্যাপার পৃথিবীতে নেই।

তোমায় খাবার দিচ্ছি। কানের কাছ থেকে মুখ উঠিয়ে শুভা  
বললে, আস্থন।

পিঠোপিঠি ঘর। এ ঘরেও একখানি খাটিয়া পাতা, তবে খাটিয়ার  
ওপর কেউ শুয়ে নেই—মেঝেতে বসে এক বর্ষীয়সী কি যেন করছিলেন।  
শুভা ডাকলে, মা। এই এঁরই কথা তোমায় বলেছিলাম—প্রশান্ত।

প্রশান্ত অদূরেই দাঁড়িয়ে রইল—প্রথম পরিচয়ের ক্ষেত্রে একটা  
প্রণাম—অস্তুতঃ কিছু সম্বোধন করা উচিত এ তার মনেই হ'ল না।  
বর্ষীয়সী এদিকে মুখ ফিরিয়ে মুহূর্ত্তে কি যেন বললেন—প্রশান্ত অর্থহীন  
দৃষ্টিতে তাঁর পানে চেয়েই রইল। বর্ণহীন, অবয়বহীন এমন অস্থি-



কাঠামো তার চোখে পড়ে নি এর আগে। মুখের লাবণ্য মারীচিহ্নে নিঃশেষিত—ক্রতে বা চোখের পাতায় নেই লোম—গণ্ডাস্থিতে চোখ দুটি অপ্রকট—প্রতিনী ছাড়া এ মূর্তিকে কিছু বলা যায় না।

বয়সী হতবাক প্রশান্তর মনোভাব বুঝলেন কিনা—কে জানে। শুধু বললেন, ছেলেকে ও ঘরে নিয়ে গিয়ে বস। - কিছু খেতে দে।

ও ঘবে মানে আগের ঘরখানিতে। প্রশান্তই এবার প্রথম পা বাড়ালে। মনে হ'ল আগের ঘরখানি এ বাড়ির মধ্যে সত্যিই ভাল। ঈষৎ প্রশস্ত বলে নয়—নির্জন বলে ও নয়—জীবনের বিকৃত রূপ ওখানে অন্ততঃ চোখে পড়বে না—এই আশ্বাস ও ক্রত পা চালানো।

শুভা বললে, আস্তে হাঁট প্রশান্ত—এ বাড়ি সহজ মানুষের পক্ষে গুরুপাক তো বটেই।

শুভা হাসলে কি নিঃশব্দে? হালুক। বাড়ির সঙ্গে নতুন পরিচয়টা কোন দিক দিয়েই ভ্রতর গণ্ডিতে বাধবার উপযুক্ত নয়। সৃষ্টির মাঝে সৃষ্টিছাড়া এই সব বস্তু—এরা মানুষের সহজাত আচার-ব্যবহার আদর-আপ্যায়ন এ সব দাবি করতে পারে না নিশ্চয়।

আগেকার ঘরে ফিরে আসতেই জীবনের আভাস পাওয়া গেল। দশ-বারো বছরের একটি মেয়ে কোন অন্ধকারের গহ্বর থেকে বেরিয়ে এল। বেরিয়ে এসে সে শুভার কোল ঘেঁষে দাঁড়িয়ে জিজ্ঞাসু দৃষ্টিতে প্রশান্তর পানে চেয়ে অস্ফুটস্বরে বললে, দিদি—

শুভা হেসে বললে, তোর দাদা—প্রণাম কর খুকি।

মেয়েটি সমকোচে এগিয়ে এসে প্রশান্তর পায়ে হাত রাখলে। প্রশান্ত তাকে দু'হাতে তুলে ধরতেই ও কলকণ্ঠে হেসে উঠল। সেই হাসিতে মৃত্যুপুরীর নিস্তরতা ভেঙ্গে টুকরো টুকরো হয়ে কোথায় ছিটিয়ে পড়ল—প্রশান্ত ফিরে এল জীবনের রাজ্যে।

ক্রমশঃ সহজ হয়ে এল পারিপার্শ্বিক । গভীর অন্ধকারে পথে নামলে প্রথমটা নিঃশ্বাস রোধ হয়ে যায়, দৃষ্টি অন্ধকারে ধাক্কা খেয়ে ফিরে আসে— এক পা এগিয়ে যাওয়া প্রায় অসম্ভব বোধ হয় । সে মাত্র কয়েক দণ্ডের ব্যাপার । তারপর দৃষ্টিতে সয়ে যায় অন্ধকার—অন্ধকার তরল হয়—মুক্ত প্রান্তর হাত-ছানি দিয়ে ডাকে রহস্যপূরীর অভিমুখে । একবার চলা শুরু হলে সন্দোহ, ভয়, ইতস্ততঃভাব কিছুই বাধা জন্মায় না ।

তবু একটা কিছু করা দরকার । সংসারে ভার হয়ে থাকলে চলে না । এটি পরের দিন সকালে মনে হ'ল ।

পরের দিন সকালে সবে ঘুম ভেঙ্গে সে উঠে বসেছে বিছানায়—শুভার মা এসে দাঁড়ানেন ঘরের সামনে । গুঁরা এ ঘরে বড় একটা আসেন না ।

তাড়াতাড়ি বিছানা থেকে উঠে ও জিজ্ঞাসা করলে, আমায় কিছু বলছেন ?

শুভার মা বললেন, একটা টাকা দিতে পার বাবা ? শুভা কোথায় বেরুল—সে এলেই দিয়ে দেব ।

কয়েকটি টাকা মাত্র পকেটে আছে—তা থেকে একটি টাকা অনায়াসে দেওয়া যায় । তার নিজের খরচও তো আছে । কিন্তু টাকা ধার নেওয়ার মত করে চাইলেন কেন শুভার মা ? উনি কি জানেন না—শুধু কয়েক দিনের জন্য প্রশান্ত এ বাড়িতে বাস করতে আসে নি !

টাকাটা দিয়ে আরও তার মনে হ'ল—উপার্জন চাই বইকি । সাম্যবাদী হওয়ায় আপত্তি করবে না কেউ ( বাবা-মায়ের কথা বাদ দেওয়া যাক—গুঁরা নিজ স্বার্থবিরোধী যে কোন সংকাজেই আপত্তি তোলেন ! ) কিন্তু যে নীতিতেই আস্থা থাকুক—অলস হয়ে বসে থাকলে মুখে

প্রবিশস্তি যুগাঃ হয় না। জীবন রাখতে জীবিকা বেছে নিতেই হবে। রেজিগ্‌নেশন-পত্রটা আপিসের উর্দ্ধতন কর্তার কাছে যদি না পৌঁছে থাকে তো ফিরিয়ে নিতে হবে। আত্মসম্মানে বাধবে? সেখানে কিংবা এখানে সর্বত্র আত্মসম্মানকে অক্ষুণ্ণ রাখা চলে না।

শুভা এলে সে বললে, আমি যদি আপিসের চাকরিটা ফিরে পেতে চেষ্টা করি—অগ্রায় হবে কি?

শুভা বললে, নিশ্চয় নয়। বাঁচবার দাবিটা আমাদের জন্মগত দাবি।

প্রশান্ত ইতস্ততঃ করে বললে, একবার রেজিগ্‌নেশন দিয়ে—

শুভা বললে, পুরাতন বৃত্তিকে শেষ করে দাও কমরেড। মান-সম্মান ভক্তি ওসব নতুন পৃথিবীতে মানাচ্ছে না—অনেক দিনের পুরনো জিনিস।

প্রশান্ত বললে, তাই বলে মানুষ আত্ম-সম্মান বিসর্জন দেবে?

শুভা বললে, আত্ম-সম্মান তো পরের কাছ থেকে ধার করা জিনিস নয় যে নষ্ট হবে! যা তোমার মনের সঙ্গে জড়িয়ে বেড়ে উঠেছে—তা মনেরই জিনিস, কিন্তু কমরেড, বড় সাংঘাতিক জিনিস ওই আত্ম-সম্মান। ওকে যতই বাড়তে দেবে—অহঙ্কার ততই প্রবল হবে। সামাজিক মূল্য আদায়ের চেষ্টা করে যারা ওই আত্ম-সম্মানের দাবি জানিয়ে—তাদের মনোভাব জনকল্যাণ-প্রবুদ্ধ নয়।

প্রশান্ত বললে, পথের ধুলোয় সব মিশিয়ে হীন হয়ে যাওয়া—সেও তো ভাল নয়।

কে করবে কাকে হীন? বিত্ত নিয়ে এক দিন সমাজবিধান তৈরী হয়েছিল? শ্রেণী বিভাগে বুদ্ধির বা প্রতিভার প্রভেদ অস্বীকার করি না—কিন্তু বিত্তবানেরা কি তথাকথিত মর্যাদা মান পূজা ভক্তি এ সবের বিধান দেন নি? তাঁরা পৃথক হয়ে গড়লেন রাজাকে—দেবতাকে। শ্রেণী ভাগ হ'ল। আরম্ভ হ'ল মানুষের দুঃখ-দুর্দশা।

প্রশান্ত বললে, আজ এসব তর্ক করব না—মানুষের বিধি-বিধানে যথেষ্ট গলদ ছিল বলেই এতবড় প্রমাদ ঘটতে পেরেছে আজ। এসব দূর করা কর্তব্য এও বুঝি, কিন্তু পুরাতন জিনিস মাত্রেই যে খারাপ এ সম্বন্ধে আমার যথেষ্ট সন্দেহ আছে।

কি জান কমরেড—শ্রেণীস্বার্থ—ব্যক্তিস্বার্থ থেকে দানা ঝেঁড়েছে। শুভা দুয়ারে দুটি টোকা মেরে হাসলে। পুঁথিতে বিধানকে আটকে ফেলতে পারলেই—ব্যবস্থা পাকা হয়ে গেল—কিংবা অপৌরুষেয় কিছু লাভ করলাম এ ভাবা উচিত নয়। দেশের সঙ্গে দেশ মিশছে—মহাদেশে মহাদেশে আজ কোলাকুলি—পৃথিবীর বিস্তার কমে যে এসেছে সে তো অস্বীকার করে লাভ নেই। নানান দেশের সেরা মানুষেরা চেপ্টা করছেন কিসে মানুষ সুস্থ থাকতে পারে—স্বচ্ছন্দে চলতে পারে—বার বার যুদ্ধের নামে যে নরহত্যার অভিনয় হয়—তা থেকে নিষ্কৃতি লাভ করতে পারে। সত্য কিনা ?

প্রশান্ত বললে, যাই হোক—তুমি বলছ পুঁজিবাদীর দুয়ারে ধরনা দিতে আমার লজ্জা হওয়া উচিত নয়।

শুভা বললে, যা তোমার প্রাপ্য—তা আদায় করতে বিধা করবে কেন? পুঁজিবাদকে ধ্বংস করতে হলে তার মধো না গিয়ে উপায় কি! দূরে আগুন জ্বলছে দেখে হায় হায় করা—আর ভাল ভাল স্লোগান আউড়ে জনযুদ্ধ জয় করা—একই ধরনের!

তর্ককে চালিয়ে যেতে উৎসাহ আসছে না। মনের সঙ্কল্পে অটুট থেকে প্রশান্ত বললে, একবার ঘুরে আসি।

ব্যাগে কয়েকটা টাকা ছিল—সোজা গিয়ে উঠল একটা মাঝারি গোছের রেস্টোরাঁয়। একই রাত্রিতে জিহ্বার রুচিবোধ প্রবল হয়ে উঠেছে।

অনেক ঘুরে সে এল আপিসের সামনে । কত লোকই স্বচ্ছন্দে গোল গম্বুজশোভিত আপিসের বিরাট জঁঠরে প্রবেশ করছে—বেরিয়ে আসছে । রামায়ণের একটা বর্ণনা মনে পড়ল । নিদ্রিত কুম্ভকর্ণের বিরাট দেহ ঘুমে অচেতন—তার ব্যাদিত বদনের মধ্যে নিঃশ্বাসের টানে যে সব প্রাণী মুহূর্ত্তেকে অদৃশ্য হয়ে যাচ্ছে—তারাই নাসিকা-ও শ্রবণ-ছিদ্র পথে শ্রোতের মত বার হয়ে আসছে । বস্তু গ্রহণ ও বর্জনের লীলায় নিদ্রা ভালই জমেছে কুম্ভকর্ণের । জি, পি, ও'র গোল গম্বুজওয়ানা সাদা বাড়িটাকে তেমনি মনে হচ্ছে । সময়ের সঙ্কেত তার তিন পিঠ-ওয়ানা ঘড়িটার—তিনটি বুকু চোখে—যারা আসছে আর যারা যাচ্ছে—তাদের লেহন করছে । ওর বিরাট জঁঠরে যারা উদয়াস্ত কলম চালনা করে—তারাই কি খাচরুপে পরিপুষ্ট করছে না কুম্ভকর্ণকে ? রাজকীয় উপচারে কুম্ভকর্ণের দেহে জমেছে মেদ—চোখে জলছে বিশ্বগ্রাসী ক্ষুধা—নিঃশ্বাসে বেজে চলেছে কালের জয়ডঙ্কা । কত এল আর কত গেল, এক পুরুষ—দুই পুরুষ—বহু পুরুষ রাজানুরক্তির প্রমাণ রেখে গেল—ধুলো-জমা পুরাতন ফাইলে তাদের জাতি গোত্র লেখা আছে । অল্প মূল্যে জীবন বিক্রিয়ে যায়—গম্বুজের ঘড়িতে টুং টাং করে শব্দ করে মহাকাল—মানুষ মুগ্ধ হয়ে শোনে আর এগিয়ে যায় ।

প্রশান্ত ফিরে এল । আত্মসম্মান বটগাছের শিকড় । পুরাতন ইমারতের প্রতিটি অস্থিপঞ্জরে—তার শিরা স্ফূট হয়ে জড়িয়ে আছে—উপড়ে ফেলব বললেই উপড়ানো সহজ নয় । অগ্নি আপিসে চেষ্টা দেখা ভাল তার চেয়ে ।

যুদ্ধ খেমে গেছে—পৃথিবীতে শান্তি ফিরে এসেছে কি ? হয়ত শান্তি আসবে এই আশ্বাসে স্বস্তির নিঃশ্বাস ফেলছে সবাই । সম্মিলিত জাতিপুঞ্জ চেষ্টা করছে যাতে স্থায়ী শান্তি প্রতিষ্ঠিত হয় বিশ্বে । কিন্তু জাতিতে জাতিতে

দরকষাকষির ব্যাপারটা চলছে পুরোদমে। যারা যা গ্রাস করে আছে—  
 তারা তা কণামাত্রও ছাড়বে না। সাম্রাজ্যবাদ শিথিল করবে না তার  
 হাতের মুঠো—গণতন্ত্রীরা নতুন পৃথিবীর নতুন বিধান তৈরি করে  
 নিজেদের প্রতিষ্ঠিত করবে—এই আনন্দে মশগুল। আমেরিকা জয়ের  
 পথে সৌভাগ্যের সন্ধান পেয়েছে—নিজেদের নিরাপত্তার দোহাই দিয়ে  
 জলে স্থলে অন্তরীক্ষে প্রসারিত হতে চাইছে—রাশিয়া যুরোপে সাম্যবাদের  
 জিগির . তুলছে—আর ব্রিটিশ সশস্ত্র দৃষ্টিতে সন্দেহ-দোলায়িত মনে  
 একবার চাইছে রাশিয়ার পানে আর বার স্বস্তি উচ্চারণ করছে নতুন  
 পৃথিবীর। তার উপনিবেশে যুদ্ধ দোলা দিয়েছে প্রচণ্ড ভাবে—তার  
 অধীন রাষ্ট্রগুলি নব কামনার বহি-বেদনায় বিপ্লবোন্মুখ। এশিয়ার গণ-  
 বিদ্রোহের বীজ মহীকূহে পরিণত হতে চায়। আগুন জ্বলছে ভারতবর্ষে  
 —ব্রহ্মে—ইন্দোচীনে—ইন্দোনেশিয়ায়। দ্বীপময় ভারতের সমুদ্রে দাবানল  
 প্রসারিত হচ্ছে। স্বদূর ফিলিপাইনে তার অগ্রগামী শিখা পৌঁছে গেছে,  
 কোরিয়ায় তার একটি ফুলিঙ্গ ছিটকে পড়েছে। পারস্যে—প্যালেষ্টাইনে  
 —মিশরে—প্রশান্ত মহাসাগর থেকে ভারত মহাসাগরে—সেখান থেকে  
 আরবাসাগরে—ভূমধ্যসাগরে পৌঁছে গেছে বার্তা। লেক্ সাক্সেসে—  
 লণ্ডনে—প্যারীতে—কাসাব্লাঙ্কা—তেহরান—ইরান্টায় প্রতিক্রিয়া চলছে।  
 এক একটি ঘোষণায় অগ্ন্যুৎপাতের দীপ্তি বিশ্বের আকাশ ধাঁধিয়ে  
 দিচ্ছে। ইনি ভাবছেন ওঁর ত্যাগেই শান্তিপ্রতিষ্ঠা—উনি ভাবছেন—  
 প্রথমে গ্রাস করেছেন বলেই সম্পত্তিটা চিরকালের থাকবে এই বা  
 কোন্ কথা! স্তব্রাং ছাড় তার স্বত্ব—শান্তি আসবে। ইহুদী আর  
 আরব—পারস্য আর আজারবাইজান—কংগ্রেস আর লীগ—ব্রহ্মের  
 জাতীয় দল ও সীমান্ত দল—কুওমিটাং ও কম্যুনিষ্ট—সাম্রাজ্যনীতির  
 দাবার ছকে চালের পর চাল দিয়ে যাচ্ছে। আগে-আমার দাবিতে ও

ডলার পাউণ্ডের স্বর্ণভারে—পৃথিবীকে ডাইনে থেকে বায়ে—আর উর্ক থেকে নীচে হেলাচ্ছে যারা—তাদের গোত্র বর্ণ চিহ্নিত হলেও—অবশিষ্ট যে ক্ষমতা তাদের হাতে আছে—তাতে দাবার ছকে খেলাটা আরও খানিক চলবে। তবে সব খেলারই যেমন শেষ আছে—এ খেলাও এক দিন থামবে। সাম্রাজ্যবাদ ভেঙে পড়বার আগে যে চরম আঘাত হানবে—তারই সূচনা দ্বিতীয় মহাযুদ্ধের শেষে দেখা দিয়েছে।

কতক্ষণ মন্ত্রমুগ্ধের মত বসেছিল প্রশান্ত জানে না। পায়ে পায়ে সে অনেক দূর এগিয়ে এসেছে। মনুমেন্টের তলায়—স্লোগানবিদ্ধ পতাকা হাতে অপরিমিত চেষ্টাচ্ছে—মজদুর দল। ওদের ক্ষোভ অভিযোগ প্রকাশ করবার দ্বিতীয় রাস্তা নাই। নাঠের চারধারে যে সব প্রাসাদ কেলা প্রমোদ-উদ্যান চোখ রাঙিয়ে শাসন করছে—এই স্বল্প পরিসর মাঠকে আর অব্যাহত আকাশকে—তারা কেঁপে উঠছে কি ধ্বংস-কামনার উষ্ণ নিঃশ্বাসে? ওরাই হানবে শেষ আঘাত শাস্তিপ্রিয় মানুষকে—আর ওরাই মিশে যাবে এই নব-জাগ্রত জীবনের উদ্বোধন মন্ত্রে? ভাবতে ভালই লাগছে। দিবাস্বপ্নের মত মধুর—আবেগ-মদির চিন্তা। এ চিন্তা সকল হবেই—আসিবে সে দিন আসিবে।

কিসের মিছিল তোমাদের? চাকরি ছাঁটাইয়ের? কিসের অভিযোগ করছ তোমরা? মাগ্‌গি ভাতা—বেতন বৃদ্ধির? ধর্মঘটের হুমকি কেন? মানুষের নিম্নতম পর্যায়ের বেঁচে থাকবার অধিকারটুকু চাই আমরা। আমাদের বাঁচতে দাঁও শুধু। রেশনে অর্দ্ধাহার—বসনে আদিম যুগের ব্যবস্থা—পশুত্বের স্তরে নামাবার প্রাণপণ আয়োজন কেন? তোমাদেরই সৃষ্ট সভ্যতাকে তোমরা হনন করছ। স্বর্ণ সঞ্চয়ের বাসনাকে নিরুদ্ধ কর—বাঁচাও আমাদের। দূরে চলে যাচ্ছে চক্চকে মোটর—মোটরের গর্তশায়ী কোন স্বেশ মানুষ চেয়ে দেখছে ময়দানের দিকে



লকোতুকেই। রেস্টোরাঁয় বাজছে ফস্ক ট্রটের হাঙ্কা স্বর—মেট্রোর নিয়ন লাইটের নীলিমায় অগ্নিঅক্ষরে 'বেদিং বিউটি'র ঘোষণা—আর ইস্‌হার উইলিয়াম্‌সের প্রায়নগ্ন নির্লজ্জ দেহভঙ্গিমা। পণ্যসস্তারে চৌরঙ্গী কণ্টকিত। দোকানে কত রকমের খাবার—সাজে সজ্জায় নব নব ফ্যাশানের রীতি—সাম্রাজ্যবাদ শেষ আঘাত দেবার জগ্ন প্রস্তুত হয়েছে।

১০

ফিরে এল শ্রান্ত ক্লান্ত অবসন্ন দেহে। বাড়িটা শ্রান্তি দূর করবার মত নয়—তবু এই হ'ল তার আশ্রয়।...

দোতলায় উঠবার মুখে একটি উচ্ছ্বসিত হাসির সঙ্গে আরও কয়েকটি গলা শোনা গেল। বাইরের কেউ এসেছেন।

একটি বড় মোমবাতি জ্বলছে ঘরে—ঘরটা বেশ আলোকিত হয়েছে। মাদুরের ওপর বসে দু' তিন জন যুবক আর শুভা—একটা বড় কলাইকরা প্লেট থেকে খাবার তুলে নিয়ে খাচ্ছে—পাশের প্রকাণ্ড শালপাতার ঠোঙাতেও রয়েছে খাবার। খাবার নিয়ে চলছে ছেলেমানুষি—কাড়াকাড়ি—আর চলছে গল্প আর হাসি। অন্তরঙ্গতার পরিমণ্ডলে বাতিটাকে বেশি উজ্জ্বল মনে হচ্ছে আর ঘরের শোকস্তম্ভ নির্জনতাটা উপলক্ষি হচ্ছে না।

প্রশান্তকে দেখে শুভা কোলাহল করে উঠল, এস কমরেড—বসে পড়। তার পর যুবক তিনটির পানে ফিরে ওর পরিচয় সাধন করিয়ে দিলে।

প্রশান্ত আসন গ্রহণ করলে। বাতির আলোয় অত্যন্ত রুক্ষ চেহারার মানুষকেও কিছু কোমল বোধ হয়—একজনকে ওরই মধ্যে সমগোত্রীয় মনে হ'ল প্রশান্তর। আর দু'জন নিতান্ত পথে-বেড়ানো গোছে



চেহারা। যেমন উস্কথুস্ক চুল—তেমনি আধ ময়লা পাল্লাবী গায়ে—মুখ রুক্ষ—আর খাবার খাওয়ার মুহূর্তে চোখ দুটিতে খাঙ-লালসার চিহ্ন ফুটে উঠছে। অতীন আর চাকু ওদের নাম। কমরেড অতীন—কমরেড চাকু—পদবীপুচ্ছ উল্লেখের প্রয়োজন নাই। কমরেড অবস্তীকে মোটের ওপর মন্দ লাগল না। বেশবাসে রুচি আছে—আর মুখে আছে লালিতা। মাথার একপাশে টেরিকাটা—তেল কিংবা লাইমজুসের কল্যাণে চুলগুলি চকচক করছে।...সে-ই বললে, আরম্ভ কর কমরেড—নইলে হাভনটদের দলে পড়বে।

শুভা বললে, এটাকে ভোজও বলতে পার। অবস্তী মীরাট যাচ্ছে কাল চাকরি নিয়ে—তারই খাওয়া।

কোন্ আপিস? জিজ্ঞাসা করলে প্রশান্ত।

মিলিটারি অ্যাকাউন্টস্। মাইনেটা মন্দ নয়—আর শুনেছি—অনেক বাঙালীও আছে ওখানে।

অতীন বললে, বাঙালী না থাকলেই বা কি? দিস ওয়ার্ল্ড ইজ আওয়ার হোম।

চাকু বললে, পার তো আমাদেরও টেনে নিও। যুদ্ধের পর পৃথিবীটা বেশি বেয়াড়া হয়ে উঠেছে।

শুভা বললে, হোক, নব-বিধান রচনার পক্ষে এই তো সুযোগ। আরে—হাত গুটিয়ে বসে রইলে কেন—নাও। দুখানা সিগাড়া ও প্রশান্তর হাতে তুলে দিলে।

চাকু বললে, সন্ধ্যাবেলায় এই জলখাবার খেয়ে আমি কিন্তু রাত কাটাতে রাজী নই।

শুভা বললে, আজ রান্নাঘর থেকে ছুটি নিয়েছি কমরেড—উত্তুন জ্বলবে না।

চারু বললে, বেশ তো—তোমায় ছুটি দেওয়া গেল। কি হে অতীন—খিচুড়িটা নামাতে পারবে ?

অতীন বললে, কেন পারব না—কিন্তু কমরেড খিচুড়ি নয়—রীতি-মত ঘি চাই।

অবস্ঠী বললে, জগাখিচুড়ি বল ! তার চেয়ে ব্যবস্থা যখন করবেই—আর একটু ওঠ। ঘি ভাত—খাটি বুর্জোয়া রীতিতে।

একটা হর্ষধ্বনি উঠল। অতীন দু'হাতে চাপড়ালে মেঝে—চারু দিলে করতালি—শুভা চাপড়ালে অবস্ঠীর পিঠ। প্রশান্তর মুখ ঈষৎ গম্ভীর হ'ল। মনে হ'ল ওরা অত্যন্ত ছেলেমানুষ।

শুভা বক্র দৃষ্টিতে প্রশান্তর পানে চেয়ে বললে, ঘি ভাত তোমার মনঃপূত নয় প্রশান্ত ?

অমৃতে কার অরুচি।

ব্যস—ব্যস—। অতীন আর একটা চাপড় মারলে মেঝেতে।

প্রশান্ত বললে, কিন্তু রসনাকে প্রশ্রয় দেওয়া উচিত হবে কি ? যে কোন ছিদ্রপথে—একটু আরাম প্রবেশ করলে—

অবস্ঠী বললে, পিউরিটানদের মত কথা বলছ কমরেড।

অতীন বললে, যা হাতে আসছে—তাকে না নিয়ে জাঁক করব এত বড় বোকা আমরা নই। কাল হয়ত পাল্লা ভাত জুটবে না—তা বলে আজকের ভোজ ছেড়ে দেব ? একটু থেমে বললে, আমরা হচ্ছি জ্ঞানী লোক—বোকাদের টাকায় ভোজ বাগিয়ে বুদ্ধি প্রকাশ করতে ভালবাসি।

শুভা অবস্ঠীর কাঁধে মৃদু চাপড় মেরে বললে, শুনলে তো—প্রকারান্তরে ও তোমাকে বোকা বলছে।

চারু বললে, কাজের কথা কও। একটা কাগজ আর পেন্সিল দাও—ফর্দটা করে ফেলি চটপট।

অবস্খী বুকপকেট থেকে ছোট নোটবই আর কাউন্টেন বার করে বললে, বল। কলম উত্তত করে সে বললে, কিন্তু ভাল চাল জোগাড় করবে কোথায় ?

চারু বললে, সে ভার আমার। র্যাশন হয়েছে বলে কলকাতায় পোলাওয়ার চাল মেলে না—এ কথা ভুলে যাও।

ব্ল্যাকমার্কেট তো ? তাতে আমি রাজী নই। অবস্খী নোটবই বন্ধ করলে।

অতীন বললে, আরে—চালের অভাবে পোলাও বন্ধ হবে—বাই নো মীনস্। এক জায়গায় আছে চাল—গ্রাঘ্য দামে পাওয়া যাবে। আলো চাল—গন্ধটা নেই।

চারু বললে, যা ব্যাপার—তাতে রাত্রিতে বাড়ি ফেরা সম্ভব বলে বোধ হয় না।

শুভা বললে, নাই বা ফিরলে ! :

অতীন বললে, এর আগে যেন কোনদিন এখানে রাত কাটাও নি ? তুমিও কম পিউরিটান নও কমরেড ! হাসতে হাসতে সে প্রশান্তর পানে ফিরে চাইলে।

ভাবটা—তোমার হয়ে প্রত্যাশারটা আমিই দিলাম।

একটু খেমে বললে, চাকরি করেন তো ?

প্রশান্ত বললে, না।

ও—। মাথা চুলকে সে একবার কাসলে।

চারু বললে, আর একটা খ্যাট পাওনা রইল অতীন, নোটবইয়ে টুকে রাখ।

প্রশান্ত বললে, চাকরি পাই যদি—

পাবেই চাকরি, বাংলাদেশের পাস করা ছেলে চাকরি পাবে না ত পাবে কে গুনি ! চাকরি তুমি পাবেই।

অবস্তী ভাবছে কালকের কথা। নির্ঝাঁকব দূরদেশ—একা—অজানা  
আপিস। চাকরির জগতে এই তার প্রথম প্রবেশ—সহ হবে ত ?

হঠাৎ সে প্রশান্তকে প্রশ্ন করলে, আপনি চাকরি করেছেন  
কখনও ?

প্রশান্ত একটু অবাক হ'ল তার প্রশ্নের ধরণে। দু'জনে মুখোমুখি  
বসেই—কথার সুর পালটে গেল ? আপনি সম্বোধন এই প্রথম অবস্তীর  
মুখ থেকে বেরুল। এটা কি চাকরি পাওয়ার সুর—ভদ্রতার সুর ?  
বললে, হাঁ—তবে বেশি দিন নয়।

অবস্তী বললে, চাকরি করা শক্ত—না চাকরি রাখা শক্ত ?

এ প্রশ্নও অদ্ভুত। প্রশান্ত বললে, আমি দশ-বার দিনের বেশি চাকরি  
রাখতে পারি নি। তবে সকলের ধাত ত সমান নয়।

অবস্তী মাথা নাড়লে। ঠিক বলেছেন আপনি। চাকরিটা বলতে  
গেলে আমি নিচ্ছি না—সংসারই নেওয়াচ্ছে।

তাই নেওয়ার। সংসার মানুষের কাছে দাবি করে—পাওয়ার বেশি  
—অনেক বেশি। অভিজ্ঞজনের মত প্রশান্ত জবাব দিলে।

আপনার সঙ্গে আমার মিলছে। আপনার ভাইরা নিশ্চয় ইন্সুল  
কলেজে পড়ে ? বোনেরা বিবাহযোগ্য ? বাবা ইন্ড্যানিড—আর মা  
নেই। ঘরে আছেন বিধবা পিসি আর নিষ্কর্মা কাকা।

প্রশান্ত হেসে বললে, সব না মিলুক কতক মেলে।

তা হলে আমিই বা চাকরি রাখব কি করে ? চিন্তায় ওর ভ্রু দুটি  
কুঞ্চিত হয়ে উঠল।

তা জানি না। তবে চাকরির মাইনে হাতে না পেয়েও ভোজের  
ব্যবস্থা করতে পারেন যখন—কথাটা খোঁচার মত নিজের কানেই বেসুরো  
ঝাঁজতে ও সহসা থেমে গেল।

কিন্তু সে ক্রোধ প্রকাশ করলে না—বা নিজেকে ছাড়িয়ে নেবার জগ্ন অথবা বলপ্রকাশের অভিনয় করলে না।

কয়েকটি মুহূর্ত। শুভার কপোলের উপর উষ্ণ নিঃশ্বাস অনুভূত হতেই সে অত্যন্ত সহজ ভাবে প্রশান্তুর হাত ছাড়িয়ে সোজা হয়ে বসল—বিশ্রান্ত কাপড়খানা গুছিয়ে নিয়ে বললে, আমি জানি। দেহের দাবিটা অস্বীকার করে লাভ নেই কমরেড, কিন্তু মনকে ওর থেকে আলাদা করে রাখাই ভাল।

ওর এই নিরুত্তাপ উত্তরে প্রশান্তুর রক্ত কয়েক ডিগ্রি নেমে এল। এত বড় কথা বললে শুভা! শুদ্ধান্তঃপুরের কোন বাঙালী মেয়েই এ ধরণের কথা উচ্চারণ করতে পারে না। ও স্তম্ভিত হয়ে হাতখানি গুটিয়ে নিলে।

শুভা বুঝলে এই উত্তর প্রশান্তুর মনে কি প্রতিক্রিয়া এনেছে। গৃহধর্ম বলতে যা বোঝায়—ও জিনিস তার অন্তর্ভুক্ত নয়। মন যুক্ত হোক আর নাই হোক, সামাজিক ক্রিয়াকলাপ আর সপ্তপদীর মন্ত্র উচ্চারণ—এ সবার মারফৎ যে বাঁধন দেহগত দাবির প্রতিষ্ঠা করে—তারই আবহাওয়ায় প্রশান্তু মানুষ হয়ে উঠেছে। এই সমাজ-বিদ্রোহমূলক কথা ওদের কানে বেঙ্গুরো লাগবেই।

কি প্রশান্তু, আমার কথায় দুঃখ পেলে ?

প্রশান্তু ম্লান হাসি হেসে বললে, এ ছাড়া তুমি কি-ই বা বলতে পারতে শুভা !

অভিমানের অন্তর্নিহিত স্মরণটা শুভা বুঝলে। কিন্তু এ নিয়ে আপাততঃ তর্ক করে লাভ নেই। অবস্খী ফিরে আসছে।

অবস্খী এসে ওদের বৈলক্ষণ্য লক্ষ্য করলে না। বললে, তোমার মার অনুভূত স্নেহ শুভা—বলেন—দূর দেশে নাই বা গেলে।

শুভা মাথা নেড়ে বললে, ঠাকুরমা কি বললেন ?

বললেন—পশ্চিমে নাকি অনেক তীর্থ আছে, সেগুলি দেখতে ভুল না করি ।

শুভা বললে, তুমি বুঝি বললে—তীর্থ দেখবার বয়স আগে হোক—

প্রশান্ত বললে, যাই বল, তীর্থস্থান নিয়ে এমন উপহাস করা ভাল নয় ।  
ওর স্বরে চমকে উঠল দু'জনে । অবস্খী বললে, দেবদেবীর  
প্রকালতনামা নিশ্চয়ই নেন নি ?

না, দেবদেবী না মেনেও এটা মানতে বোধ হয় আপত্তি করবে না যে  
—দেশভ্রমণে অভিজ্ঞতা বাড়ে—মনের প্রসার হয় ?

তেমনি করে দেশভ্রমণ করি আমরা ? কোন তীর্থে কখনও কি  
যান নি, না মা ঠাকুরমার মুখে সেখানকার গল্প শোনেন নি ? দেবতার  
নামে এই যে বিরাট ব্যবসা—

শুভা বললে, প্রশান্ত জানে বৈকি—শুধু তর্কের খাতিরে—

প্রশান্ত বেগের সঙ্গে বললে, শুধু তর্কের খাতিরে নয়—তুমি বয়সের  
কথাটা তুললে—

বয়সের কথাটাই তো আসল । শরীরের সামর্থ্য গেলে তীর্থ করা  
দুষ্কর হয়ে ওঠে—এটা তোমরা বলে থাক, কিন্তু আমি জানি, দেহের রক্ত  
ঠাণ্ডা হয়ে না এলে যথার্থ ধর্ম—অবশ্য ধর্ম বলতে সাধারণে যা বোঝে  
তারই কথা বলছি—যথার্থ ধর্ম সাধন হয় না । কেন ?—শক্তি প্রবল  
থাকলে—মন ভক্তির চেয়ে শক্তিকে মেনে নিতে ভালবাসে—কিন্তু  
শক্তিহীনের অবলম্বন যে অদৃশ্য শক্তি সে অস্বীকার করি কি ক'রে !  
সুতরাং পলিত কেশ, গলিত দস্ত, পরনির্ভরশীল বুড়োবুড়ীদের ওই তো  
হ'ল একমাত্র আশ্রয় ।

আশ্রয়ে তারা নিরঙ্কুশ। ঘুমিয়ে পড়লে হয়তো মস্তিষ্কের রক্ত-চালনা স্বাভাবিক নিয়মে ঘটে—কিন্তু মাথার রক্তে যদি কামনার আগুন জ্বলে, ঘুম আসবে কোথা থেকে! শুভার সব কথা তখন মুছে গেছে—শুধু জাগছে ওই কথাটি :

দেহের দাবিটা অস্বীকার করে লাভ নেই কমরেড। দেহের দাবি? শুভাকে সে ভালবেসেছে? এ ভালবাসার কি অর্থ? সে অর্থ কি ওর কথায় পরিস্ফুট হয় নি? তবু প্রশ্ন জাগে—মানুষের মন কিছু জলে-ডোবা পদ্মপাতা নয়—কিংবা হাঁসের পালকও নয়। আগুন নিয়ে খেলতে গেলে হাত পুড়বেই—অথচ আগুন নিয়ে খেলতে না পেলেও মনের অতৃপ্তি ঘোচে না। মন না জড়িয়ে পড়লে সে এতদূর এল কেন? আর কোন মেয়েকে না চেয়ে শুভাকেই বা কামনা করে কেন? অথচ শুভা—ব্যক্তিগত সম্পত্তি সঞ্চয়ের বিরোধী। মানুষ কি সম্পত্তি? হাঁ—ওরা বলবে ভালবেসে যাকে আপন করে নিতে চাও তার স্বাধীনতা হরণ করবার জন্মই তোমার আবেগ—উচ্ছ্বাস—ত্যাগ এ সবের কলকৌশল। দুটি স্বাধীন মানুষ—তাদের স্বাধীন মত নিয়ে মিলতে পারে শুধু সাময়িক ভাবে। কতকগুলি সুবিধা, সুবিধা বলতে আপত্তি হয়—সহযোগিতা বলতে পার—এই নিয়ে তারা পরস্পরের সহযোগিতা করবে—একটি মহৎ প্রচেষ্টা অর্থাৎ ভালবাসা থাকবে এই মিলনের মূলে। কিন্তু কায়ার সামীপ্য থেকে মনের গভীরে যদি প্রসারিত হয় সেই মহৎ প্রচেষ্টা অর্থাৎ ভালবাসা—তা হলেই কি বলতে পারবে তোমার স্বাধীন সত্তাকে অপহরণ করবার কৌশল? মানুষকে সম্পত্তির মধ্যে গণ্য করে পেতে গেলেই যত আপত্তি, অথচ—মানুষের মুখ্য বৃত্তি এই একান্ত করে পাওয়ার সাধনাতেই সারা জীবন উৎসর্গ করে দিয়ে ধন্য হচ্ছে। পুঁজি-পতির নিজেদের সুযোগসুবিধা কায়মি করবার জন্ম



হুই, তিন। ওরা ঘুমুচ্ছে নিশ্চিন্ত—নির্ভয়ে। গভীর রাত্রি ওদের মস্তিষ্ক-কোষে ঘুমের স্নিগ্ধতা ভরে দিয়েছে।

বিছানা থেকে এগিয়ে গেল প্রশান্ত। এক, দুই, না, কুঁজোটাই ঠেকল হাতে। গ্লাসটাও রয়েছে কুঁজোর মুখে। গ্লাস ভরে সে জল নিলে—টক্ টক্ করে পান করলে আকণ্ঠ। সেই জলে হাত ডুবিয়ে কপালে, গালে, বুকে, ঘাড়ে, পায়ের পাতায় ও হাতের চেটোয় ভাল করে লেপে লেপে দিলে। তারপর বিছানায় শুয়ে কল্পনায় টেনে আনলে নিজের গ্রাম-খানিকে। সেই সঙ্গে ভেসে এল অশ্রুসজ্জল একখানি মুখ—সেই করুণান্নিগ্ধ মুখখানি আর কারও নয়—তার মায়ের।

এতক্ষণে প্রশান্ত সত্য সত্যই ঘুমিয়ে পড়ল।

ঘুম ভাঙল পরিপূর্ণ নিদ্রার শেষে। এ ঘরে সময়ের পরিমাপ করা করা যায় না—অন্ধকার অনেকখানি তরল হয়েছে এই মাত্র। রাত্রি নেই বেশ বোঝা যায়। প্রশান্ত উঠে বসল। চারিদিকে চেয়ে দেখলে—ঘরে কেউ নেই। তবে কি বেলা অনেকখানি হয়েছে? অতঃপর সে কি করবে? এ বাড়িতে এই তার প্রথম রাত্রি যাপন। কোথায় কলতলা—কোথায় শোচাগার কিছুই তার জানা নেই। ~~আসল~~—তাকে কিছু না জানিয়েই ওরা চলে গেল?

শরীরে আলস্য লেগে রয়েছে—আরও খানিকটা ঘুম দিলে মন্দ হয় না। কিন্তু এ বাড়ি থেকে আজই বিদায় নিতে হবে। এখানকার আবহাওয়া স্বাস্থ্যকর নয়। মনুষ্যত্বের দাবি জানাতে গিয়ে মানুষ হারিয়ে যায় এর অন্ধকারে। অন্ধকারে বসে আলোকের সাধনা!

নড়বড়ে দরজায় শব্দ হ'ল—কে এল বুঝি? চোখ চাইবার আগেই সে ডাকলে, ঘুম ভাঙল প্রশান্ত?



তড়াক করে সে বিছানায় সোজা হয়ে বসল। বললে, কোথায় গেছে সব ?

অবস্তীকে তুলে দিতে হাওড়া ষ্টেশনে গিয়েছিলাম প্রথমে—  
ভারপর—

হাওড়া ষ্টেশনে ? কিন্তু ক্যালকাটা-দিল্লী মেল তো—

ও পাটনার হন্ট করবে—পাঞ্জাব এক্সপ্রেসে গেল। একটু হেসে বললে, সারারাত জাগলে বেলার পরিমাণ ঠিক রাখা যায় কি কমরেড ?

কে তোমায় বলেছে আমি সারারাত জেগেছি ?

কথাটা ভুল বলেছি কি ?

ভাগ্যে ঘরটা সব সময়েই আলো-আধারি ! মুখের ভাব গোপন করতে মুখ ফিরিয়ে নেবার দরকার হয় না। প্রশান্ত বললে, তা হলে ভূমিও ঘুমোও নি শুভা ?

কেন ঘুমোব না—যথেষ্ট ঘুমিয়েছি।

তবে কি করে বুঝলে আর একজন জেগে রয়েছে ?

অত্যন্ত সোজা জিনিস। ঠাইনাড়া হলে শীগ্গির ঘুম আসে না।

আর সকলের এল কি করে ?

শুধুই অভ্যাস আছে। তা ছাড়া ওরা কালই প্রথম রাত কাটিয়ে গেল না এ বাড়িতে।

প্রশান্ত বললে, এ রকম করে ছল্লোড় করে লাভ কি ? এতে আসল কাজের ক্ষতি হয় না ?

কিছুমাত্র না। যে কাজ আমরা হাতে নিয়েছি—তাতে মানুষে মানুষে যত জড়তা বাড়ে ততই কাজটা সহজ হয়ে আসে। নিজস্ব একটা বাড়ি—নিজস্ব একখানি ঘর—নিজের রুচিমত শয্যা—এর মোহ না কাটলে জগৎকে টেনে নিতে পারব কেন নিজের মধ্যে।

রহস্যচ্ছলে বললেও সে স্বীকার করলে, সে শিশু। ছেলেরা চাঁদের লোভে আকাশে আঙুল তুলে বায়না ধরে—আর যৌবনের ধর্মবশতঃ সে এসেছে এই পরিমণ্ডলে। শুভাকে সরিয়ে নিলে তার ত্যাগের কোন মূল্যই থাকবে না।

\* সত্যই সে কি অর্দেক পথ এগিয়েছে? . পিছু হটে যাত্রা আরম্ভ করা তার পক্ষে আর সম্ভব নয়?

১১

বিরাজমোহিনী মলয়কে একান্তে ডেকে বললেন, তুমি আমার ঘরের ছেলের মত—ইঁা বাবা, সত্যি করে বল ত—প্রশান্ত কি সত্যই বয়ে গেছে? তাঁর অশ্রু-গদগদ কণ্ঠস্বরে মলয় বেদনা বোধ করলে। মিথ্যা করে শাস্তনা দিতে তার মন সরলো না। বললে, কাকিমা, সত্যি কথা বলব রাগ করবেন না। কাকে আপনারা বয়ে যাওয়া বলেন? যে ছেলে চাকরি করতে চায় না—দেশের কাজে জেলখানায় যায়—যক্ষ্মায় ভোগে—

বিরাজমোহিনী বললেন, লেখাপড়া জানি না বলে কি ভালমন্দও বুঝতে পারি না বাবা? ও সব কাজ করে অখ্যাতি পেয়েছে কেউ সে কথা তো জানি না। অবশ্য—যে ছেলে সংসার-ধর্ম কি উপার্জন করে না তাকে ছুনিয়ার বার বলে থাকি আর সেই ছেলের জগুই মায়ের মন পোড়ে বেশি।

মলয় বললে, তবে কি ভেবে আপনি বললেন ও কথা?

বিরাজমোহিনী মনে কি যেন হিসাব করলেন। কথাটা বলা যুক্তিযুক্ত কিনা হয়তো ভাবলেন মুহূর্তকাল—কিন্তু মনের সন্দেহ ও বেদনাকে মুক্ত করে না দিলেও তো নিস্তার নাই। অবশেষে বললেন, মায়ের মনের

বিরাজমোহিনী পুনরায় অনুনয়ভরা কণ্ঠে বললেন, সত্যি করে বল তো বাবা—সে কি সেই মেয়েটিকেই বিয়ে করবে ?

মলয় বললে, আমি বিশেষ কিছু জানি না কাকিমা, খোঁজ নেব ।

শুধু খোঁজ নিলে হবে না, এগিয়ে এসে তিনি মলয়ের দুটি হাত চেপে ধরলেন, এর উপায় তোমায় করতে হবে ।

উপায় ! কি উপায় করব আমি ? মৃঢ়ের মত জিজ্ঞাসা করলে মলয় ।

যাতে এ বিয়ে না হয়—

মাপ করবেন কাকিমা, তাদের মধ্যে যদি ভালবাসা হয় থাকে...না, না, আমায় মাপ করবেন ।

বিরাজমোহিনী খানিকটা অভিভূতের মত চেয়ে রইলেন মলয়ের পানে । তারপর মনে হ'ল—ও তো হেমলতারই ছেলে । নিকট প্রতিবেশিনী—যারা সর্বদাই অন্বেষণ করছে প্রতিবেশীর ছিদ্র—তাদের সততায় বিশ্বাস রাখা কঠিন—অত্যন্ত কঠিন । প্রতিবেশীরা ভাল—এ কথা পাঁচিলের পিঠে ঘর তুলে স্বীকার করা কঠিনই তো ।

স্কন্ধ কণ্ঠে বললেন, তা বলবে কেন বাবা, তুমি তো অজান্তের মেয়ে ঘরে আন নি—সমাজে কোন নিন্দেও হয় নি তোমাদের—

মলয় দুয়োরের কাছ থেকে ফিরে এল । নীচু গলায় বললে, আপনি দুঃখ পাবেন জানলে একথা কখনই বলতাম না কাকিমা । কিন্তু এ-ও জেনে রাখবেন—প্রশান্তকে যদি আমাদের সমাজ ঠাই না দেয়—আমার ঘরে ওদের জায়গা আমি রেখে দেব ।

বিরাজমোহিনী এ কথায় সাস্বনা লাভ দূরে থাক—রীতিমত রুষ্ট হয়ে উঠলেন । মলয় ভাগ্যিস তাঁর সামনে নেই—না হলে ক্রোধের বশে তাকে কটু-কাটব্য করা তাঁর পক্ষে একটুও অসম্ভব ছিল না । দ্রুতপদে তিনি দুর্গামোহনের শোবার ঘরে এলেন ।

কিন্তু ওই বার্ক্য-পীড়িত শয্যাশায়ী মানুষটিকে তিনি কি বলতে পারেন ? তাঁর মনে যে বেদনা—সে কি গুঁর মনেও গুরুভার হয়ে নেই ? উনি বার বার ক্রুদ্ধ কণ্ঠে ঘোষণা করেছেন, প্রশান্ত গুঁর ছেলে নয়—সে যদি অসবর্ণ মেয়ের পাণিগ্রহণ করে—এ ঘরে তার স্থান হবে না—এক কাণাকড়িও তাকে দেবেন না উনি । পিতামাতার প্রতি কর্তব্য-উদাসীন ছেলের প্রতি কিসের বা মমতা !

দুর্গামোহন মাথা তুলে বললেন, এখন তো ওষুধ খাবার সময় হয় নি—

না—এমনি দেখতে এলাম ঘুমিয়েছ কি না ?

দুর্গামোহন একদৃষ্টে তাঁর পানে চেয়ে বললেন, কাঁদছিলে বুঝি ?

বিরাজমোহিনী ত্রস্তে চোখের কোলে তর্জনীটা বুলিয়ে নিয়ে হাসলেন । বললেন, তুমি শীগ্গির করে সেরে ওঠ দেখি—

আমি সেরে উঠলেও চোখের জল শুকোবে না—শুকোবে না—শুকোবে না । ছেলেমানুষের মত তিনি হেসে উঠলেন ।

বিরাজমোহিনীর বুকখানা কেঁপে উঠল । দুর্গামোহনের মাথার গোলমাল হয় নি তো ? সত্যিই তাঁর চোখের জল শুকিয়ে গেল । বেদনাকে ঢাকা দিতে দুশ্চিন্তার মত বস্তু আর নেই ।

শিয়রের টুলের ওপর বসে বললেন, মাথায় হাত বুলিয়ে দেব ?

তা দাও । তবে কিছুতেই কিছু হবার নয় । বলে একটু হেসে বিরাজমোহিনীর হাতখানি টেনে এনে বুকের ওপর রাখলেন ।

বিরাজমোহিনী বললেন, আজও কি বুক তেল মালিশ করে দেব ?

না—হাতখানা রাখ । তাঁর হাতখানি চেপে ধরলেন ।

আর কোন কথা হ'ল না—ঘড়িটা টিক্ টিক্ করে দুটি অস্তরের মর্ষব্যথা প্রকাশ করতে লাগল ।

—আর একবার উনি অসুস্থ হয়ে পড়েছিলেন। সেই দু'বারের অভিজ্ঞতা—সারাজীবনে ভুলতে পারবে না মলয়। ধনধাণ্ডেপুষ্পেভরা—বা মাঠে মাঠে ভরা সোনার ধান—মনে হয়েছিল কবিদের অত্যাঙ্কি। যে কবির জমি ছিল না—পাকা ধানভরা মাঠের শোভা দেখে মুগ্ধ হওয়া তাঁরই মানাতো। কিন্তু সরল চাষীদের কাছে ভাগ বুঝে নেওয়া ও হিসাব মিল করা—ধান কাটা—আছড়ানো—কড়তা বাদ—সুদের হিসাব—পায়ে ধরাধরি—ফাঁকি দেবার কচকচি—এ সব বাস্তব ব্যাপারকে লক্ষীর আবাহন বলে ভুল করবেন না কেউ। চাষারা সরল দুঃখী আর নির্বোধও বটে—তবে পয়সার দিক দিয়ে তারা শক্ত। একটি পয়সার জগ্নু তারা অজস্র কথা বানিয়ে বলবে—রাতারাতি মাঠের মাড়াই ধান সরিয়ে ফেলবে—না দেখলে ত কথাই নেই। সব চাষার সম্বন্ধে এ কথা খাটে না—তবে মলয় যাদের সংস্পর্শে এসেছে তাদের কথা ভোলা শক্ত। হয়তো অনেক দিনের অত্যাচার সয়ে—এই সংস্কার তাদের মনে বদ্ধমূল হয়েছে যে যারা হিসেব বুঝে নিতে আসে তাদের সঙ্গে শঠতা না করলে সর্বস্বান্ত হতে হবেই। হয়তো পাইকদের হাতে লাঞ্ছনা সয়ে—নায়েবের ধমক ও চোখ রাঙানী পেয়ে স্বভাবটা ওদের অমনিই দাঁড়িয়েছে। পীড়ন শুধু দেহকেই পঙ্গু করে না—মনকে সত্য থেকে বিচ্যুত করে—নীতি থেকে করে ভ্রষ্ট। ওরা যা হতে পারত তা হতে পারে নি—লাঞ্ছনা ও বঞ্চনা রয়েছে এর মূলে। সেইজগ্নু প্রভুজাতীয় কোন লোককে ঠকাতে ওরা সিদ্ধহস্ত। এই বঞ্চনা যে ঘৃণার নামাস্তর নয় তাই বা কে বলবে ?

বহুদিন থেকে একটা কথা কানাকানি হচ্ছে। চিরস্থায়ী বন্দোবস্ত নাকি থাকবে না। মধ্যস্বত্বভোগীদের সুবিধাটুকুও আইন করে কেড়ে নেওয়া হবে। যে নিজের হাতে হাল-বলদ দিয়ে জমি চষতে পারবে—জমির স্বত্ব সেই হবে স্বত্ববান। এতে করে প্রত্যেক রায়তের হাতে জমি

বড়দির জীবনটা নষ্ট হয়ে যায়, সে কথা ভাবছ কি ?

মলয় মাথা নেড়ে বললে, যদি কোন দিন আইন হয় দুষ্কৃত্তিবান স্বামীকে হিন্দু-স্ত্রী অনায়াসে বর্জন করতে পারবে—আমি সে আইন সমর্থন করব।

তুমি তো আইন-সভার কেউকেটা নও—তোমার সমর্থনের মূল্য কি ! স্মৃতিজ্ঞা হাসলে।

কিন্তু এ নিয়ে প্রোপাগাণ্ডা করতেও তো পারি।

ক'রো—উপস্থিত খবরটা নেবে কিনা ভাল করে ?

চটি পায়ে দিয়ে মলয় বললে, এইজন্ম বাড়িতে আসতে চাই না—একটা-না-একটা হাঙ্গামা তোমরা বাধাবেই।

হাঙ্গামা ! তোমরা যে স্বদেশী কর—সেকি বিনা হাঙ্গামায় ?

মলয় উত্তর না দিয়ে বার হয়ে গেল।

নস্তু-দাদুর পুরো নাম নারায়ণ রায়। বয়স সত্তর দাঁড়িয়েছে—তবু দেহের প্রান্তে যৌবনের পড়ন্ত রোদটুকু লেগে রয়েছে। এ বয়সে মাথার চুল ক'গাছি পেকেছে গুনে বলে দেওয়া যায়। চালছোলা ভাজা চিবোবার মত মজবুত দাঁতের অভাব নেই। যৌবনকালে তিনি নাকি দুঃসাহসিক ছিলেন। লোকে বলত উচ্ছৃঙ্খল। এখন বছরের তিন-চার মাস ঘুরে বেড়ান তীর্থে তীর্থে। একই তীর্থে বহু বার গেছেন—তীর্থকৃত্য তাও নিষ্ঠার সঙ্গে সম্পন্ন করে থাকেন। সকালে আর সন্ধ্যায় পুরো দুটি ঘণ্টা কাটে তাঁর রুদ্ধ-দ্বার ঠাকুরঘরে। যৌবনে যে উত্তমে একটিও দেবতাকে মাথা হুইয়ে স্বীকার করেন নি—জরার অধিকারে এসে তেমনি উত্তমে তাদের তেত্রিশ কোটিকে জীবনের জপমালায় গাঁথে নিয়েছেন। সংসার তাঁকে সৌভাগ্য দিয়েছে—আঘাত দিয়েছে। নারায়ণ রায় আর এক দিক দিয়ে গ্রামের অগ্রণী হয়েছেন বলা যায়।

গেল মহাযুদ্ধে সবস্বত্ব আশি লক্ষ লোক মরেছিল—এ সব ঠিক বলে  
যেনে নেওয়া হয়। যুদ্ধের ব্যাপারে কিছু উনিশ-বিশ হয়ই।

কিছু নয়—আকাশ-পাতাল তফাত। আর এই আজগুবি গল্প—!

দাদু বললেন, পৃথিবীতে কোন্টা আজগুবি আর কোন্টা সত্যি  
কে বলবে ভাই! দুটো বোমা খেয়ে দুর্ধর্ষ জাপান ঘাল হবে—একথা  
তোমরা কোন দিন বিশ্বাস করতে কি? অথচ তাই হ'ল। যখন  
তর্ক করার প্রবৃত্তি থাকে মানুষের তখন বয়সটা থাকে তোদের কোঠায়—  
আমাদের কোঠায় বয়স গড়ালে বিশ্বাসই হ'ল আসল বস্তু। দাদুর  
কথার সুর ঈষৎ গম্ভীর হ'ল।

বেশি দিনের কথা নয়—সেকেণ্ড ইয়ারের গ্রীষ্মের ছুটিতে মলয়  
তখন দেশেই রয়েছে। দাদুর ছোট ছেলে নিশীথ—মলয়ের বন্ধুই  
ছিল সে—কাজ করত একটি মার্চেন্ট আপিসে, এক শনিবারে  
জ্বর নিয়ে বাড়ি এল। দারুণ জ্বর, বেহঁস অবস্থা। ডাক্তাররা কেউ  
বললেন, পক্স—কেউ বললেন, ম্যালিগ্‌ন্যান্ট ম্যালেরিয়া—কেউ বা  
বললেন, মেনিন্‌জাইটিস। মোট কথা তাঁদের মতভেদ হওয়াতে  
সে রাত্রিতে ফিভার মিক্‌চার ছাড়া বিশেষ কিছু পড়ল না। তার  
পর দিন আসল রোগ ঠিক হ'ল বটে—রোগীকে ফেরানো গেল না।  
সেইটি দাদুর শেষ ছেলে। তার পরই দাদু মত্ত নিলেন—নিয়ম করে  
গীতা, রামায়ণ, মহাভারত পড়তে লাগলেন। কেউ তর্ক করতে এলে  
বলেন, ও সব পাট মিটিয়ে দিয়েছি ভাই—আর কেন!

আপনার মনের বল কমে গেছে দাদু।

দেহের বলও কমছে যে ভাই। কিন্তু সে কথা নয়। আসলে আমরা  
খাড়া হয়ে দাঁড়াতে পারি একটি অবলম্বন পেলে। সে মানুষই হোক, আর  
ঈশ্বরই হোক। তুমি তো বলবে ঈশ্বর নেই? তোমাদের কাজ



জানী—সংসারের স্বাদ আর পরব্রহ্মের অনুভূতি—একের সঙ্গে অণ্ডের তুলনা—এ তো চলে না জানেন।

মলয় জিজ্ঞাসা করলে, তা হলে তিনিই যে আমার দাদা—এ সম্বন্ধে আপনার সন্দেহ নেই?

কিন্তু তিনি নবজন্ম লাভ করেছেন—তাঁর সঙ্গে সম্পর্ক টানতে গেলে তোমরা হয়ত দুঃখই পাবে ভাই। অন্ততঃ বড় বৌমাকে এ সব না শোনানই ভাল।

কিন্তু দাদু, মন্দ যা তা ঘটে গেছে।

তারা, তারা! দাদু একটি গভীর নিঃশ্বাস ফেললেন। যা ভাল বোঝ কর ভাই—না ছাড়, তাঁর আশ্রমের ঠিকানাটি দিচ্ছি, কিন্তু মেয়েদের নিয়ে সেখানে যেও না। মানুষের ইচ্ছা ব'লে যে জিনিষটি আছে তার প্রতিকূলে কিছু করা যুক্তিসঙ্গত নয় ভাই।

মলয় বললে, তা কি সম্ভব দাদু! তবে আমাদের কর্তব্যে ষেটুকু না করলে নয়...আচ্ছা আসি দাদু।

দাদু তার কাঁধে হাত রেখে স্নেহ হাসি হেসে বললেন, হাঁ রে—তুই নাকি একবার জেল খেটেছিলি?

মলয় মাথা নীচু করে হাসলে, সে আর বেশি কি দাদু।

কবে?—আমি তো শুনি নি—

সে এমন কিছু নয় শোনার মত। ওই যে আগষ্ট মাসে 'কুইট ইণ্ডিয়া'-রেজলুশন হ'ল না—তারই ফলে ভারতবর্ষে একটা ঢেউ বয়ে গিয়েছিল তো—

বলিস কি—আগষ্ট মুভ্‌মেন্ট! সিপাহী বিদ্রোহের পর ও ধরণের বিক্ষোভ ভারতবর্ষে আর দেখা দেয় নি। শুনি তো বহুলোক রক্ত দিয়ে তাদের ভুল কাজের প্রায়শ্চিত্ত করেছে।



সংসারমুক্ত বহু সন্ন্যাসীকে দেখেছেন দাদু—আর স্বাধীনতাকামী এদের কয়েকজনকেও দেখেছেন। সম্পূর্ণ ভিন্ন-মুখী দুই জাতের সাধনান্তে আশ্চর্য্য রকমের মিল তাঁর দৃষ্টিতে পড়ল আজ। দুই সাধকই তো মৃত্যুকে ভয় করেন না—দুই যোগীই ধ্যাননিবদ্ধ দৃষ্টিতে দেবভূমির মহিমা নিরীক্ষণ করছেন। এক জন দেবতার জ্যোতিকে আর এক জন তাঁর মহিমাকে আয়ত্ত করতে চায়। এদের মধ্যে বড় ছোট কেউ নেই।

দাদু প্রসন্ন স্বরে বললেন, আমার ভুলটাই মেনে নিলাম ভাই—

মলয় হেসে বললে, ছি দাদু—বুড়ো হয়ে আপনি সত্যিই দুর্বল হয়ে পড়েছেন। মনের আনন্দে পাক খেয়ে সে ঘর থেকে বেরিয়ে গেল।

## ১৩

বাড়িতে পা দিতেই হেমলতা একখানা পাজি এনে বললেন, এই মাসে কবে ভাল যাত্রার দিন আছে দেখ তো?

যাত্রার দিন! কেউ বাপের বাড়ি যাবেন বুঝি? মার হাত থেকে পাজিখানা নিয়ে—মলয় পাতা উল্টাতে লাগল।

হেমলতা বললেন, আমি তীর্থে যাব। আর তুমি আমাকে নিয়ে যাবে।

ওরে বাপরে—এরই মধ্যে আমার তীর্থে যাবার বয়স হয়েছে!

অতি দুঃখে হেমলতা হেসে ফেললেন।

আমাকে তীর্থে ঘুরিয়ে আনা তোমাদের উচিত নয়? অথর্ব হয়ে পড়লে ধর্ম কর্ম হয়?

মলয় বললে, মেজদাকে চিঠি লেখ—ওসব কাজ সে ভালই পারবে।

হেমলতা গম্ভীর হলেন। বললেন, বলতে গেলে এত বড় সংসারটা

সুচিত্রা বললে, সে কথা আমিও ভেবেছি। উপায় ভেবেছ কি?

তারপর দু'জনে উপায় উদ্ভাবন করতে লেগে গেল। একের উপায় অন্যের যুক্তিতে কেটে যেতে লাগল। কোনটা বুদ্ধিগ্রাহ্য হ'ল না—কোনটা মনে হ'ল ছেলেমানুষি—কোনটা আঘাত দেওয়ার মত পরিত্যক্ত হ'ল।

অবশেষে মলয় বললে, আমার হঠাৎ যদি জ্বর হয় তো ভাল হয়।

সুচিত্রা হেসে বললে, সেটা তো তোমার হাত নয়।

নিশ্চয় আমার হাত। মলয় সোৎসাহে বিছানায় উঠে বসল। জ্বর না হয়ে এমন কোন অসুখও তো হতে পারে যা অন্যের চোখে ধরা পড়ে না অথচ বিছানা ছেড়ে ওঠা নিষেধ। এমন কোন অসুখের নাম কর দিকি?

সুচিত্রা বললে, মাকে ঠকানো যেতে পারে কোন অসুখের দোহাই না দিয়েও—কিন্তু সেটা উচিত হবে কি?

মলয় মাথা নেড়ে বললে, ঠিক বলেছ। একটু পরে বললে, আজকের রাতটাও বড় কম সময় নয়—

সুচিত্রা বললে, তাহলে আজাদ-হিন্দ ফৌজের গল্প বল।

মলয় বললে, সে তো তুমি কাগজে পড়েছ।

সুচিত্রা বললে, তবু বল।

মলয় বললে, কাবুল থেকে রাশিয়া দিয়ে বার্লিন গেলেন নেতাজী। সেখানে প্রথমে আজাদ-হিন্দ দল গড়লেন—সাড়ে তিন হাজারের বেশি লোক পাওয়া গেল না।—পাওয়া যাবে কোথেকে? বেনগাজী—এল—আলেমেন মানে লিবিয়া থেকে যুদ্ধ-বন্দী ভারতীয় যে ক'জনকে পাওয়া গেল—তারাই নাম লেখালে দলে। তারপর জাপানী সাবমেরিন করে নেতাজী এলেন সিঙ্গাপুরে। সেখানে জাপানের সঙ্গে সর্ভ করে নতুন করে গড়লেন আজাদী দল। হাজারে হাজারে এল মানুষ—লক্ষ লক্ষ উঠল টাকা।

অদ্ভুত জীবন, অদ্ভুত তাঁর কর্মপ্রণালী আর তেমনি বিস্তৃত কর্মক্ষেত্র । ইংরেজের নজরবন্দী থেকে পলায়নকাহিনী কি কম বৈচিত্র্যবহুল ! কোথায় কাবুল, কোথায় বালিন—সিঙ্গাপুর—টোকিও—সাইগন—রেন্সন । তাঁরই আজাদী দল হুশো বছরের পরাধীন ভারতের মাটিতে নতুন করে বুনলে স্বাধীনতার বীজ । ইম্ফালের মৃত্তিকায় স্বাধীন বীরের দল নিয়ে এল সমুদ্রের জোয়ার—যার আঘাতে আজও কেঁপে উঠছে এর মাটি আর আকাশ । যে মানুষ চল্লিশ কোটি মানুষের বুকে জীবন এনে দেয়—তাঁর মৃত্যু ঘোষণা করবে বিশ্বে এমন দুঃসাহসিক কে আছে !

গল্প শেষ হ'ল—নিশ্চল রাত্রির প্রহরগুলি শূন্য পথে চলে যেতে যেতে সূচিকার জানালার ধারে নির্ঝাক বিষ্ময়ে খানিক উঁকি দিয়ে গেল । সময়ের স্রোতে তারা ভেসেই চলেছে । তারা ভেসে যেতে যেতে উজ্জল হয়ে উঠছে কোথাও—কোথাও অনুরাগলিপ্ত আরক্ত কপোলের মত স্কুমার—কোথাও বা বিদ্যুৎ-বিদীর্ণ মেঘের গায়ে অগ্নি-তরবারির আঘাত করছে । কোন হৃদয়ে আনন্দ-উত্তেজনা—কারো কর্মে প্রেরণা—কারো কল্পনায় মহত্ব—কারো জ্ঞানের বৃত্তিকায় একটি নতুন শিখা জ্বলে দিতে দিতে চলেছে তারা । বর্তমান বয়ে নিয়ে যাচ্ছে অতীতকে এক অনাগত কালের সমুদ্রসমীপে ।

প্রহর ঘোষণা করে শৃগাল ডেকে উঠল—গ্রামের প্রান্তে ।

চমকে উঠে সূচিকার বললে, ঘুমোও ।

মলয় দীর্ঘ নিঃশ্বাস ফেলে বললে, ঘুম আসছে না ।

জ্বর নয়—এক অভাবিত ঘটনা মলয়কে তীর্থযাত্রার দায় থেকে উদ্ধার করলে ।

সকাল থেকেই গোছগাছ আরম্ভ হয়েছে । যাই বললেই কিছু

যাওয়া সম্ভব নয়। সহস্রটা শিকড়ে বনস্পতি আঁকড়ে আছে সংসারের মাটি। তার থেকে গুটিয়ে গুছিয়ে নেওয়া দুই-এক দিনের ব্যাপার নয় তো! তবু হেমলতা অনেক কাজ তাড়াতাড়ি সারলেন। রান্না খাওয়ার উপদেশগুলি সংক্ষেপে দিলেন—কাঠ বা কয়লা কোন রীতিতে পোড়ালে অপচয় হয় না—ভাজা তরকারিগুলোয় হিসেব করে তেল দেবার প্রণালী কি—গরু দুটিকে ক'বার জাবনা আর ক'বার শুকনো বিচালী দিতে হয়—ছেলেদের সর্দি কাসি ইত্যাদির ওপর নজর রেখে—গরম-ঠাণ্ডা জল মিশিয়ে স্নান করানো—গৃহদেবতা নারায়ণের জলপানি কাচা তসর বা গরদ পরে দেওয়ার বিধান—কোনটাই বাদ গেল না। ভাঁড়ার গুছোতে পুরো একটি দিন যাবে। চাল ডাল মুগ কলাই গুড় চিনি ঘি ময়দা মশলা—এক মাসের মত আলাদা করে—আর ঢেকেটুকে না গেলে খরচ বেশি হবে—ইঁদুরে পোকায় নষ্টও করবে। এসব ঝেড়ে ঢেকে রাখা—আন্দাজ মত নেওয়া—রোদে দেওয়া—সংসারের ক্ষতি ঠেকানো যে সে গৃহিণীতে পারে না। কথায় বলে না :

আট পিঠে দড়—

তো ঘোড়ার ওপর চড়।

সংসার হচ্ছে তেমনি বস্তু—চারিদিকে চোখ আর হাঁস রেখে চালাতে হয়। এই সব গোছানোর কাজ পুরো দমে চলছে।

বেলা দশটা আন্দাজ মলয় বাজারের দিক থেকে ফিরছিল। গাঁয়ের এক ছোকরা বললে, মলয়দা, আপনাকে একজন খুঁজছিলেন।

কে ?

মনে হ'ল বিদেশী। কুলির মাথায় মোট রয়েছে, সঙ্গে একজন স্ত্রীলোকও রয়েছে দেখলাম। বললেন—বিদেশ থেকে আসছি।

সেই বাহিনী গঠনের ভার নিলে মনীশ। কাজে উৎসাহ ছিল, উপার্জন ছিল না। নাই থাকুক, মনীশ বেশ কিছুদিন রয়ে গেল দেখানে।

তারপর সেই জেলা-শহর থেকে মনীশ কেনই বা চলে এল—আর সঙ্গে নিয়ে এল একটি মেয়েকে—মলয় বুঝতে পারলে না।

সুচিত্রার ব্যবস্থায়—মেয়েটি অন্তর মহলে জায়গা পেয়েছে—মনীশ ইতিমধ্যেই হাতমুখ ধুয়ে এক কাপ চা নিয়ে বসেছে বাইরের ঘরে।

প্রথম পরিচয় সম্বন্ধনা সংক্ষেপেই শেষ হ'ল। মনীশ বললে, আপাততঃ দুই এক সপ্তাহের জন্য আশ্রয় দিতে হবে।

কেন—এ গাঁয়েও কি বাঁসীর-রাণী ফৌজ তৈরী হবে ?

দরকার হলে হবে বৈকি। আমার কথাটা শোন তবে।

এখন নয়—নাওয়া-ধোওয়া আহালাদি কর—

কিন্তু সব না শুনে তুমিও আমাকে আশ্রয় দিতে পারবে কি ?

সেটা এমন কিছু গুরুতর কাজ নয়। যিনি আশ্রয় দেবার তিনি ত সব ব্যবস্থা করেছেন।

কিন্তু তিনি জানেন না—

না-ই বা জানলেন—

বাধা দিয়ে মনীশ বললে, যদি কোন গুরুতর অপরাধ করে এখানে এসে থাকি—

গুরুতর অপরাধ করা তোমার পক্ষে বিচিত্র নয়—যেহেতু তুমি লালকেল্লায় আটক ছিলে—

রাজনৈতিক অপরাধের কথা বলছি না—সামাজিক—

মলয় শব্দ করে হেসে উঠল।

মনীশ ভ্র কুণ্ঠিত করে বললে, যদি আমি মেয়েটিকে ইলোপ করে থাকি ?

মেয়েটি ততক্ষণে বারান্দায় বেরিয়ে এসেছে। মলয় ও সূচিকাকে একত্রে দেখেও ও থামলে না—অকুণ্ঠিত গতিতে ওদের সামনে এসে দাঁড়াল। দাঁড়িয়ে এক মুহূর্ত্ত কি ভাবলে। তার পর মলয়ের পায়ের কাছে হেঁট হতেই ও বিব্রতভাবে সরে যাবার চেষ্টা করলে।

মেয়েটি ততক্ষণে ওর পা ছুঁয়ে প্রণাম শেষ করেছে।

সূচিকা মুখ টিপে হাসছিল। বললে, অন্ডায় করলে ভাই।

মেয়েটি মুখ তুলে বললে, অন্ডায় করলাম দাদা ?

এ প্রশ্ন সরাসরি সে মলয়কেই করলে। এখন কুণ্ঠা প্রকাশ করলে ওকে অসম্মান করা হবে। কণ্ঠে ওর স্নিগ্ধ-করণ স্বর—প্রশ্নের ভঙ্গিতে সূচিকার প্রত্যাশা। মলয় চোখ তুলে বললে, না—অন্ডায় করনি।

দুটি মেয়ে পরস্পরের পানে চেয়ে ইঙ্গিতময় হাসি হাসলে।

মেয়েটি বললে, কোন অন্ডায় করে আপনার বাড়িতে চুকবার সাহস হ'ত না দাদা। তবুও অনেক কথা বলবার আছে।

আচ্ছা—থাওয়া-দাওয়া হলে সবাই এক সঙ্গে বসে শুনব।

আহারাদি শেষে ওরা চারজনে মলয়ের শোবার ঘরে একত্রিত হ'ল। মলয় আপত্তি করলে, একটু বিশ্রাম কর।

মনীশ বললে, যথেষ্ট বিশ্রাম করেছি—এবার শোন। বউদি আপনাকেও বসতে হবে।

মেয়েটি উঠে ঘরের দরজা বন্ধ করে দিলে।

সূচিকা বললে, দরজা বন্ধ করার দরকার ছিল না। তোমরা রয়েছ, এ ঘরে কেউ আসবেন না।

মেয়েটি বললে, কেউ আমাদের কথা শুনলে কোন ক্ষতি হবে না—তবে ছেলেরা এসে গোল করতে পারে এই ভেবে—। সে অর্গল মুক্ত করবার জন্ত এগিয়ে গেল।

সুচিত্রা বললে, থাক—। ঠাকুরপো, খুব সংক্ষেপে বলুন। উনি আবার ভাল বা মন্দ কোন কাজেরই ব্যাখ্যা শুনতে ভালবাসেন না।

মলয় বললে, আর তুমি ?

হেমলতা ডাকলেন—ছোট বোমা, শোন।

উপর থেকে সম্ভরণে নেমে এল মন্দাকিনী। বললে, ছোট বউকে এখন ডাকবেন না মা—ওরা চারজনে মিলে দুয়োরে খিল দিয়ে গল্প করছে।

কিসের গল্প ?

কি জানি, মেয়েটি কেন ওর স্বামীর সঙ্গে চলে এসেছে—সেই গল্পই হবে হয় ত !

হেমলতার মুখখানা চক্ চক্ করে উঠল।

মন্দাকিনী বললে, আপনার দোক্তা দেওয়া পান আর জল—

থাক বাছা—তুমি বরং নীচের ভাঁড়ার গুছিয়ে নাও—আমি একবার ছাদের বিছানাপতুরগুলো রোদ্দু রে উল্টে দিয়ে আসি।

ছাদে যাবার পথে—সুচিত্রার ঘরের পাশে একবার উঁকি মারলেন। একটু এগিয়ে গেলেন—ওদের ঘরের দিকে। যে ফালি ঢাকা-বারান্দাটা ওদের ঘরের উত্তর কোণ ঘেসে—সিঁড়ির গোড়ায় মিশেছে—সেইখানে এসে দাঁড়ালেন। দেওয়ালের একটু ওপরে ঘুলঘুলির মত—কিংবা হাওয়া চলাচলের পথও বলা যায়—সেখান দিয়েই ঘরের ভেতরের কথাগুলি অবিচ্ছিন্ন শব্দপ্রবাহে ভেসে আসছে। মনোযোগী শ্রোতার পক্ষে সে ধ্বনির অর্থ উদ্ধার করা কঠিন নয়।

সুতরাং হেমলতা ছাদে যাবার কথা ভুলে গেলেন।

সাধারণতঃ প্রণয়-কাহিনী যেমন হয়ে থাকে, মনীষ-অনিয়ার গল্পও



ঠিক করেছিল—দেশসেবার তটিকে মুখ্য করে নিয়ে এই বিচ্ছেদ-বেদনা, অনায়াসে না হোক, কর্তব্য ভেবেও গ্রহণ করবে তারা। মনীশ ক্ষেত্রান্তরে গিয়ে—গঠনমূলক কাজ করবে। অনিমা নেবে এখানকার ভার।

তখনও ভোর হয় নি। শুরুপক্ষের প্রথম দিকের কোন একটি তিথি—শেষ রাত্রির অন্ধকার আকাশ আর গাছের মাথায় জড়িয়ে আছে, সপ্তর্ষি দিকপ্রান্তে হলে পড়েছে—ধ্রুবতারার ঠিক নীচের দিকে। নিষ্পত্ত গ্রাম। দু'মাইল গেলে তবে ষ্টেশন পাওয়া যায়। একলা মানুষ—প্রয়োজনীয় বস্তু গুছিয়ে নিতে সময় লাগল না—একটা ব্যাগের মধ্যে সবকিছু নিয়ে পিঠে ঝুলিয়ে দিল ব্যাগটি—তার পর যাত্রা। নিজের পায়ের শব্দ নিষ্পত্ত রাজপথে বেজে উঠল। খানিকদূর এসে মনে হ'ল নিজের পায়ের শব্দই। মনে হচ্ছে গভীর রাত্রির বুকে তার যুঁহু প্রতিধ্বনি—কখনও দূর থেকে মিলিয়ে যাচ্ছে দূরে—কখনও দূর থেকে এগিয়ে আসছে কাছে। হাঁ—এগিয়েই আসছে—কাছে—আরও কাছে।

অনিমা বললে, আমিও যাব তোমার সঙ্গে।

মনীশ বিস্মিত হ'ল—আনন্দিত হ'ল। মাথার ওপর একটা তারা সহসা খুব জ্বলজ্বল করে কেঁপে উঠল। ওদের মনের আনন্দ গ্রহের অন্তর স্পর্শ করেছে—তাই ছাতিময় হয়ে শিউরে উঠল সে। পুলক শিহরণ।

আত্মবিস্মৃত মুহূর্তে মনীশ প্রশ্ন করল তবু, এর অর্থ—বোঝ ?

অনিমা মাথা নেড়ে স্বীকার করলে। এগিয়ে এসে ওর হাত ধরলে। বললে, চল।

তাই চলে এলাম। গল্প শেষ করে মনীশ হাসলে।

সুচিত্রা বললে, ঠাকুরপো, একটা কথা জিজ্ঞাসা করি রাগ করবেন না। লোকাচার রক্ষার দায়টা নিলে কি ভালবাসার অসম্মান হ'ত ?

মনীশ বললে, কোথায় পেলাম সে অবসর! ওতে আপত্তি নেই



আমাদের আপনি আত্মীয় মনে করেন না ?

অনুযোগের উত্তরে মনীশ হাসলে। বললে, মলয়কে জানতাম—  
আপনার সঙ্গে আজ মাত্র পরিচয় হ'ল। তবু আপনাকে বহুদিনের চেনা  
বলে মনে হচ্ছে।

মলয় বললে, এই গ্রামেই তোমার প্রচার-কেন্দ্র স্থাপন কর না ?

মনীশ বললে, কিছুদিন যাক। আইন মতে বিয়েটা চুকিয়ে ফেলে—  
তার পর,—ও কি ! চারজনেই চমকে উঠল।

ঘরের বাইরে গুরুভার দ্রব্য পতনের শব্দ হ'ল।

সুচিত্রা বাইরে এল—তার পিছনে মলয়। কোথাও কেউ নেই। ওরা  
সিঁড়ির ধারে এসে দেখল—বহু দিনের পুরনো ধাতার একাংশ কোথা  
থেকে গড়িয়ে ঘরের দেওয়ালে কাত হয়ে পড়েছে। বাতাস নেই—  
ছেলেরাও বারান্দায় খেলা করছে না—অথচ—

সুচিত্রা বললে, ছাদে কেউ নেই ত ? দেখে আসি। সিঁড়ি বেয়ে  
তর তর করে সে উপরে উঠে গেল।

হেমলতা ভারি তোষকটা দু' হাতে উল্টে দেবার চেষ্টা করছেন দেখে  
সুচিত্রা তাঁর সাহায্যার্থে এগিয়ে এল।

হেমলতা গম্ভীর মুখে বললেন, থাক—থাক—আমিই পারব'খন।  
তোষক উলটে দিয়ে তিনি হাঁপাতে লাগলেন।

সুচিত্রা বললে, আমাদের কাউকে ডাকলেন না কেন মা ?

তোমাদের ডেকে আমার লাভ ! গম্ভীর মুখে জবাব দিলেন  
হেমলতা। এই অবেলায় তোষক কাচলে শুকোবে ?

তোষক কাচবেন কেন ?

এত কচি খুকী নও বউমা যে একথা বোঝ না ! বলি এটা হিঁচুর  
বাড়ি—এটা মান তো ?

সুচিত্রা ততক্ষণে শক্তি সঞ্চয় করে নিয়েছে। সহজ ভাবে বললে, বেশ ত, এক সঙ্গেই যাওয়া যাক।

মনীশ বললে, যাবেন বই কি—নিশ্চয় যাবেন। আজ নয় বউদি, একটা আশ্রয় ঠিক করি আগে—

ওরা প্রণাম করলে সুচিত্রাকে। মনীশ হাত জোড় ক'রে—অনিমা হেঁট হ'য় পায়ে হাত দিয়ে। কাউকে ও নিষেধ করলে না। ক্ষমা চাওয়া—দোষ স্বীকার করা—দু'পক্ষের কাছে ভদ্রতার বাঁধাবুলি আওড়ানো এ সব থাকুক। মানুষ সহজ হলেও আচরণে সরল হতে পারে না। ক্ষমাপ্রার্থনার মধ্যে নতি স্বীকারের ভঙ্গি সব সময়ে সূঁচি কি? সংসারে স্বাভাবিক নিয়মে যা আসবে—প্রকৃতির বিপর্যয়ের মত, তাকেই অক্ষুণ্ণ চিন্তে গ্রহণ করতে হবে। তোমার চোখের জল আমার স্নায়ুকেন্দ্রে যদি আঘাত করেই—চোখের জল ফেলেই জানাব সমবেদনা। মুখের ভাষায় বাহুল্য প্রকাশ করে নিজেকে খাটো করব কেন!

সুচিত্রার কাছে বিদায় নিয়ে ওরা নীচে নেমে এল। এ বাড়িতে আর যেন প্রাণী নেই—আর কারও কাছে বিদায় নিতে গেলে আঘাত না নিয়ে ফিরতে পারবে না।

এমন কি মলয় কোথায় এ প্রসঙ্গমাত্র ওরা উত্থাপন করলে না।

বাইরের দরজার কাছে এসে অনিমা সহসা ফিরে দাঁড়াল। এগিরে এসে সুচিত্রার একখানি হাত পরম সমাদরে টেনে নিয়ে বললে, আপনি যাবেন ত দিদি? আমরা চিঠি দেব কিন্তু।

চোখের কোলে অবাধ্য অশ্রুকে আর সামলে রাখা গেল না—সুচিত্রা অশ্রু গোপনের প্রয়াস না করে ধরা গলায় বললে, যাব।

এই সংসারের মত ভারতের রঙ্গমঞ্চেও ভাগ্যবিপর্যয়ের পালা শুরু হয়েছে। ঠিক স্বাধীনতা নয়—তবে ভারত যাতে সেই পথে দ্রুত অগ্রসর হয়ে লক্ষ্যে পৌঁছতে পারে তার জন্তু বিলাতের শ্রমিক গবর্নমেন্ট মন্ত্রী-মিশন পাঠিয়েছেন। তাঁরা একটা কিছু দেবেনই—এই প্রতিজ্ঞা করে ভারতের মাটিতে পা দিয়েছেন। বিভিন্ন দলকে নিয়ে তাঁদের বৈঠক বসল দিল্লীতে—সকাল বিকাল আর সন্ধ্যায়। বিভিন্ন শ্রেণীর লোক—তা তাঁরা অল্প নামজাদা বা অধিক খ্যাতিসম্পন্ন—নরম, গরম কিংবা মধ্যপন্থী যাই হোন না কেন—সেই সঙ্গে ভারতবর্ষের সব দলের মাথা-ধরা গুলিকেও—মহারাজা কিংবা তপশীলী নেতা, সবাইকে নিমন্ত্রণ পত্র পাঠালেন। লোকে ভাবল ধৈর্য্য ষটে এঁদের। সব দলকে এক করে—আলাদা আলাদা তাদের মত নিয়ে সুবিধা-অসুবিধা বুঝে যে শাসনতন্ত্রের খসড়া ছকে দিয়ে যাবেন—সর্ব-জাতি-ধর্ম ও মত সমন্বয়ে না জানি সে কি অপূর্ব বস্তুই দাঁড়াবে! বিভিন্ন দলের মত-স্বাতন্ত্র্য বৈঠক টলমল করে উঠল। দিল্লীর গরমে তিষ্ঠতে না পেরে মন্ত্রীরা গেলেন সিমলায়, সেখানকার ঠাণ্ডা আবহাওয়ায় মতবিরোধ মিটল না। স্বল্প বা দীর্ঘমেয়াদী ~~স্বাধীনতা~~ নিয়ে বাধল গোলমাল। অবশেষে তিনটি গ্রুপে ভাগ করা হ'ল ভারতবর্ষকে—পঞ্জাবের সঙ্গে সীমান্ত আর বেলুচিস্থানের লেজুড় জুড়ে দেওয়া হ'ল—আসামের কাঁধে চাপানো হ'ল বাংলাকে। মন্ত্রী-মিশন ঘোষণা করলেন—পাকিস্তানের দাবি অযৌক্তিক। তবে সংখ্যাগরিষ্ঠরা যাতে ~~সংখ্যাগরিষ্ঠ~~দের নশ্রাং করতে না পারে তার জন্তু যথোচিত রক্ষা-কবচের ব্যবস্থা রইল। কোন কোন রাজনীতিবিদ বললেন—বাহুতঃ পাকিস্তানকে অস্বীকার করে—কার্যতঃ গ্রুপের মধ্য দিয়ে তাকে স্বীকার

করেই নেয়া হ'ল। ল্যাজা মুড়োয় পাকিস্তানী প্রলেপ লাগিয়ে ধড়টাকে ঢাকের বাগে মোহিত করে দেবার ব্যবস্থা—এ কথাও বললেন কেউ কেউ। স্বল্পমেয়াদী স্বত্ব বাতিল করলে কংগ্রেস—লীগ দুটোই মেনে নিলে। কিন্তু মন্ত্রীদেব জিদ কংগ্রেসকে এর মধ্যে ঢোকাতেই হবে। পনেরই মে-র ঘোষণার ভাষা—টীকা ইত্যাদি শুরু হ'ল। কিন্তু ইংরেজী ভাষাটাই এমন যে রবারের মত যতই টেনে নেয়া যায়—বিভিন্ন অর্থসম্পদে ততই ওটি প্রসারিত হতে থাকে। প্রদেশসমূহকে এক জোয়ালে জুতলেও—আলাদা হয়ে যাবার ক্ষমতা ওদের থাকবে। তা ছাড়া অনিচ্ছুক কোন প্রদেশের ঘাড়ে বাধ্যতামূলক বিধান চাপানো চলবে না। ইচ্ছে করলে প্রদেশসমূহ গ্রুপিং-এর বাইরে চলে যেতে পারে।...কংগ্রেসের মীটিং চলছে ক'দিন ধরে। কি-হয় কি-হয়—এই উত্তেজনাতে বঙ্গদেশের দূর প্রান্তের এক অখ্যাত গ্রামেও তর্ক-আলোচনা চলছে।

কেউ বলছেন, উনিশ শো বিয়াল্লিশের ক্রীপস্ সায়েব সঙ্গে থাকলেও—এবার হেস্টনেস্ত একটা করবেনই এঁরা। এ, ভি, আলেকজাণ্ডার জাঁদরেল লোক—তাঁর সঙ্গে আছেন ভারত-সচিব প্যাথিক লরেন্স। প্যাথিক লরেন্সকে দেখলেই মনে হয়—লোকটি এ দেশেরই একজন—হাসিমুখ—গায়ের রংটাও উগ্র রকমের শাদা নয়, হতে পারে ওটা ফটোগ্রাফির খুঁৎ—কিন্তু গুঁর মুখের হাসিটি যে নিখুঁৎ। ওটি সমবেদনা-জাতীয় হাসি। যাই হোক—ভারতবর্ষ যে পরিবর্তনের মুখে এ বিষয়ে সংশয় নেই।

মলয় ভাবছিল, আজ বাড়ি ফেরা অসম্ভব। মায়ের রোষ কোন্ পথ ধরবে সে জানে না—তবু সে না থাকলে তা 'ইয়ত তেমন উগ্র না-ও হতে পারে। নস্তু-দাদুর ওখানেই রাতটা কাটিয়ে দেয়া যাক না।

বটতলায় খুব হৈ-চৈ হচ্ছে। কোন সভা বসেছে—না সভার

প্রস্তুতি? জয় হিন্দ—বন্দেমাতরম্ ধ্বনি শোনা গেল—সেই সঙ্গে বাছা বাছা শ্লোগান।

হঠাৎ কি হ'ল যে ওরা এমন করে আনন্দ প্রকাশ করছে?

কাছে আসতে-না-আসতেই একটি ছেলে লাফিয়ে দল থেকে বেরিয়ে এল, মার দিস্ কেলা! মলয়দা—কংগ্রেস লং-টার্ম অ্যাক্‌সেপ্ট করেছে। এই মাত্র টেলিগ্রাম এল।

মলয় ভিড়ের মধ্যে মিশে গেল। তারপর চলল জল্পনা-কল্পনা তর্ক উচ্ছ্বাস। ভিড়ের মধ্য থেকে যখন বেরিয়ে এল সে—তখন ভারতের ভাগ্যবিপর্যয়ের চিন্তায় বাড়ির অপ্রীতি নিঃশেষে মুছে গেছে।

সন্ধ্যার পর সে বাড়িতেই ফিরে এল।

নিস্তরক বাড়ি—নিষ্প্রদীপ। কংগ্রেস মন্ত্রী-মিশন-প্রস্তাব মেনে নেওয়ার পর ভারতের বৃহৎ অংশ যেমন স্বস্তির নিঃশ্বাস ফেলেছে—তেমন মনে হ'ল বাড়িটাকে। মনীশরা গেল কোথায়? সবাই ঘুমিয়েছে কি?

সুচিত্রার ঘরে আলো নেই—ঘরে মানুষও নেই—এমনি নিস্তরকতা।

অন্ধকারে হাতড়ে হাতড়ে ও ঘরের মাঝখান পর্যন্ত এসে ডাকলে, ঘুমুলে কি? চিত্রা—

শাড়ির খস্ খস্ শব্দ হ'ল—কে যেন বিছানার ওপর উঠে বসল। বেশলাই খোলার শব্দ—ফ্যাস করে কাঠি ঘষার শব্দ—আলো জ্বলে উঠল। শিররের কাছে একটা টুলের ওপর মোমবাতি ছিল—সেটা জ্বলে দিয়ে সুচিত্রা বিছানা থেকে মেঝেয় এসে দাঁড়াল।

অদ্ভুত আলো—এই মোমবাতির। কোমল আধ-আলো আধ-ছায়ায় ঝঙ্কময়। সুচিত্রার ঘুম-ভাঙা চোখে সে আলো পড়ে ওকে গম্ভীর আর বিষণ্ণ বোধ হচ্ছে। মুখখানাও ওর ফুলো-ফুলো—অকাল-নিজ্জাতদ্বন্দ্বিতা কিনা কে জানে।

—নব বিধানকে । যাই হোক—এ বাড়ি আজ মুখ ফিরিয়েছে সূচিত্রার দিক থেকে । এক পক্ষে ত ভালই হ'ল । নিত্য অসম্মানের দায় থেকে সে অন্ততঃ বাঁচল । নিত্য অসম্মানের দায় নয় তো কি ? সূচিত্রার ভেতর মনে পড়ে না হেমলতা তার হাতের নিরামিষ রান্না খেয়েছেন কোন দিন ! রান্নাঘরেই তার অধিকার সাব্যস্ত হয় নি । মন্দাকিনী বলে—তোমরা ছেলেমানুষ—এখন সেজেগুজে হাসি-আহ্লাদ করে কাটাবে—হাতাবেড়ি-খুস্তি ঠন্ ঠন্ এসব কি মানায় ভাই ! কথাগুলি স্নেহ-কোমল কিন্তু ওখান থেকে দূরে রাখার প্রচেষ্টা তার মধ্যে নেই কি ? ছোঁওয়া বা খাওয়াটাই জাত-বিচারের কষ্টপাথর এ কথাটা আজ স্পষ্ট করেই বলেন নি কি হেমলতা ? ওরা এ বাড়িতে থাকলে আমি জনস্পর্শ করব না ।

অভিমানে বার বার চোখের কোল ভিজে উঠছে ।

আজ কারও খাওয়া হয় নি । ছেলেগুলোকে মুড়ি মিষ্টি, ও বেলায় ভাত রুটি যা অবশিষ্ট ছিল তাই খাইয়ে ঘুম পাড়ান হয়েছিল । সূচিত্রাকে খাবার জন্ত অস্বরোধ করেছিল মন্দাকিনী—ও উত্তর দেয় নি । এই ঘটনার পর এ বাড়িতে থাকা কিংবা এ বাড়ির অন্ন মুখে তোলা ওর পক্ষে অসম্ভব নয় কি ?

ভোরবেলা মন্দাকিনী হেমলতার দরজায় ধাক্কা দিয়ে ডাকলে,—মা—মা—শুনছেন ?

হেমলতা জেগেই ছিলেন । খুব ভোরবেলাতেই তাঁর ঘুম ভেঙে গেলেও বিছানা ছেড়ে তিনি ওঠেন না । ঘরের বাইরে থেকে তাঁর কণ্ঠস্বর শোনা যায়—অনুচ্চ স্বরময় উচ্চারণে ঠাকুর-দেবতার স্তব পাঠ করেন—পঞ্চকন্যাদের স্মরণ করে মহাপাতক ক্ষয় করেন—আর যে দিন আসছে তাকে স্বাগত জানিয়ে তেত্রিশ কোটির কাছে সংসারের কল্যাণ

পরিস্থিতিতে সাম্রাজ্যবাদ ভিত্তি দৃঢ় করতে চাইছে—চতুঃস্বাধীনতাকে আপাততঃ ভাষায় কীর্তন করতে ক্ষতি কি।

বাইরে গোলমাল হচ্ছে—কারা যেন আশ্ফালন করছে। কলকাতা শহরটাই কোলাহলে ভরা।

হুপ্‌দাপ করে সিঁড়িতে পায়ের শব্দ শোনা গেল। চাকর, অতীন আরও অনেকে আসছে বুঝি? লেখাটা তাড়াতাড়ি জামার পকেটে পুরলো।

ওরা বারান্দার এল—ঘরে ঢুকল না।

বিস্মিত প্রশান্ত প্রশ্ন করলে, কে?

বাইরে আসুন। বাইরে আসুন। চার-পাঁচটি কণ্ঠস্বর একসঙ্গে ধ্বনিত হ'ল।

এদের কাউকে প্রশান্ত চেনে না। তবে এরা যে শুভার সুহৃদ-গোত্রীয় নয়—এটা বুঝা গেল এদের উত্তেজিত হাবভাবে। এরা চার কি?

আপনার নাম কি? আপনি মেয়েটির কে হন? এক সঙ্গে চার-পাঁচটি স্বর।

প্রশান্ত বললে, একে একে জিজ্ঞাসা করুন। কিন্তু আপনারা কে আগে তাই বলুন।

আমাদের পরিচয় পেলে খুব খুসি হবে না যাহু! আর পরিচয় দিলেও চিনতে পারবে না।

ভদ্রলোকের পাড়ায় বসে খুব মজা মারছ তো? ভাবছ আইন বাঁচিয়ে চালাকি করে ফুর্তি করছি যখন কার কি বলবার আছে!

প্রশান্ত অনুমানে বুঝলে—ওরা শুভাদের প্রতি প্রশ্ন নয়।

কথাগুলিও ওদের ভদ্রতার সীমা ছাড়িয়েছে। মনে স্বপ্না জাগল—



ক্রোধ হ'ল—কিন্তু এসব প্রকাশের ক্ষেত্র এখানে নয় ভেবে সে দৃঢ়স্বরে বললে, পরের বাড়ি চড়াও হবার ক্ষমতা কে দিলে আপনাদের ?

যেন ভীমরুলের চাকে খোঁচা পড়ল। সবাই একসঙ্গে কোলাহল করে উঠলে, ইস্—আবার রোয়াব দেখ ! এ্যাইসা বদা লাগাব গালপাট্টা খসিয়ে দেব। পাড়ার মধ্যে বেলেন্নাগিরি—এটা কি সোনাগাছি পেয়েছ যাতু

নিরুদ্ধ ক্রোধে ফুলতে লাগল প্রশান্ত—কোন উত্তর দিলে না।

ওরই মধ্যে বয়সে প্রবীণ গোছের একজন ভিড় ঠেলে এগিয়ে এসে বললে, মিত্তির মশাই আপনাকে ডাকছেন, আসুন।

প্রশান্ত বললে, কিন্তু এ ভাবে অভদ্র গালাগালি করছেন কেন এঁরা ?

সবাই হুম্বকি দিয়ে উঠতেই প্রবীণ লোকটি হাত উঠিয়ে একটা ধমক দিলে, এই—চুপ চুপ। একটি কথা কয়েছ কি—যাও, নেমে যাও সিঁড়ি দিয়ে—যাও বলছি।

জলের স্রোতের মত হুড় হুড় করে সবাই নেমে গেল। নেমে তারা সঙ্কীর্ণ উঠোনে দাঁড়িয়ে কোলাহল করতে লাগল।

প্রবীণ লোকটি বললে, আসুন আমার সঙ্গে।

প্রশান্ত বললে, আপনার মিত্তির মশাইকে আমি জানি না—

জানেন না ! অত্যন্ত বিশ্বয়ে সে মিনিটখানেক চোখ কপালে তুলে রইল—তারপর একটু হেসে বললে, এ পাড়ার বলতে গেলে উনিই মাথা। পুলিশে কাজ করতেন—এক একটা জেলা চরিয়ে এসেছেন। ওঁর প্রতাপে বাঘে গরুতে একঘাটে জল খেয়েছে। এখনই না হয় রিটায়ার করেছেন—তবু পুলিশ কমিশনার...

প্রশান্ত অধৈর্য্যকণ্ঠে বললে, কিন্তু আমি ওঁকে চিনি না—উনিও আমায় চেনেন না...



প্রশান্ত বললে, আমি যদি ঠাঁর সঙ্গে দেখা করি তা হলেও বাড়ি সার্চ হবে ?

লোকটি আড়চোখে প্রশান্তর পানে চেয়ে মনে মনে হাসলে। হাঁ, ঠিক জায়গাতেই পড়েছে আঘাতটা। সে অত্যন্ত উদাসীনভাবে বললে, বাড়ি সার্চ করা না-করা রায় সাহেবের ইচ্ছা। তোমার ইচ্ছা না হয় যেও না।

এ বাড়ির মালিক না আসা পর্যন্ত আমি কোথাও যেতে পারি না—আপনি সার্চ ওয়ারেন্ট নিয়েই আসবেন।

লোকটি এই কথায় দমে গেল—কিন্তু মুখে বললে, আচ্ছা যাদু—কুঁদের মুখে বাক কতক্ষণ মোজা না হয় দেখা যাক।

ওঘরের জানালাটার টুক টুক করে শব্দ হতেই লোকটি বললে, গ্যাট হয়ে বসে থেক না যাদু—মেয়েরা ডাকছে তোমাকে।

প্রশান্ত উঠে গেল। শুভার মা উদ্বেগে আকুল হয়ে উঠেছেন—ওকে দেখেই কেঁদে ফেললেন, তাই ত বাবা—কি হবে ?

ভয় নেই, কিছুই হবে না। প্রশান্ত ঠুঁকে আশ্বাস দিলে।

না বাবা—তুমি এঁদের জান না। আমাদের অবস্থা খারাপ হওয়া ইস্তক ঠাঁর কম গণ্ডগোল করছেন না। এখন তো বাড়িতে টিল পড়া বন্ধ হয়ে গেছে, তবু।

বলেন কি—এরা আপনাদের প্রতিবেশী !

শুভার মা বললেন, প্রতিবেশীদের মত বন্ধুও নেই—শত্রুও নেই।

ও মশাই—বলি জমে গেলেন নাকি ? মেজদার কর্কশ কর্ত্ত শোনা গেল।

শুনছ তো বাবা—আমাদের পুরুষ অভিভাবক কেউ নেই বলে—ওরা যা খুসি তাই অপমান করে। শহরের লোকগুলো—

বৈঠকখানা দেখে মনে হয়—রায় সায়েব দু'হাতে উপার্জন করেছেন।  
যে লাইনে চাকরি করতেন,—সে লাইনের সততাকে সাধারণে ভুলেও  
সত্য বলে মনে করে না, অথচ সাধারণের চাটুবাদে তাঁর বৈঠকখানা  
দিনরাত যে মুখরিত থাকে—ক্ষমতার শিখর থেকে নেমে এলেও আজ  
সে প্রমাণের অভাব হবে না। খেতাব আর চাকরি—দুইই পার্থিব  
নিরাপত্তার মস্ত বড় সহায়, এ কথাটা সাধারণে বোঝে। তারা আরও  
বোঝে—মরা হাতী লাখ টাকা এ প্রবাদ বাক্যের সার্থকতা রায় সায়েবের  
পদমর্যাদায় নিহিত। ওঁর একটি কথা—গুরুত্বে বহুদূরপ্রসারী।

খাটো চৌকির ওপর ঢালা ফরাস পাতা আসর। কয়েকটা তাকিয়া  
এদিকে ওদিকে গড়াচ্ছে—নক্সা-কাটা হুকোদানে একটা হুকো—আর  
একটা হুকো ফিরছে লোকের হাতে হাতে। গড়গড়ার নলটা কখনও  
রায় সায়েবের হাতে, কখনও বা তাকিয়ার ওপর—পানের ডাবরে এক  
ডাবর সাজা পান আর বড় অ্যাশ-ট্রেটা ফরাসের মাঝখানে চুরুটের  
ছাইয়ে প্রায় ভর্তি হয়ে গেছে। কাপ ডিস জমতে পায় না ফরাসের  
ওপর। সময় মত বেয়ারা ট্রেতে করে কাপ সাজিয়ে নিয়ে আসে—আর  
চা খাওয়া হয়ে গেলে কাপ ডিস গুছিয়ে নিয়ে যায়।

সব্চেয়ে দেখবার জিনিস হচ্ছে ঘরের দেওয়াল। কিন্তু নানান  
সাইজের ছবির বাহুল্যে, দেওয়ালটা যেন অলঙ্কারভারগ্রস্তা সেকলে  
গৃহিণীর মত। রায় সায়েবের কর্মজীবনের গৌরব আর ইতিহাস  
বহন করছে ছবিগুলি। এগুলি দেখলে মনে হবে—মহাবোধি হলের  
জাতক-কাহিনী। আজ মেদভারবহলু ভিটামিন-ক্যালসিয়াম পুষ্ট যে

দেখানি তাকিয়া আশ্রয় করে মজলিসের মধ্যমণি-স্বরূপ ঘরের শোভাবর্দ্ধন করছে—ছবিগুলি তার পূর্ব জন্মের কাহিনীর মতই লাগে। রাজা-রাণীর ছবির নীচে লেখা 'গড সেভ দি কিং'। আর সম্প্রতি পশ্চিমের দেওয়ালে একখানি ছবি যুক্ত হয়েছে—ব্রিটিশ-সাম্রাজ্য-ত্রাণ-কারী চাচ্চিলের। শ্রমিক গবর্ণমেন্টের চাপে টৌরীগোষ্ঠীসহ তিনি নেপথ্যে অবস্থিত হলেও—রায় সায়েব আশা করেন, সফট মুহূর্তে আবার তাঁকে মঞ্চাবতরণ করতেই হবে। সব দেশেই এমন একজন জবরদস্ত লোক সফট মুহূর্তের পরিত্রাতা হয়ে দেখা দেয়—বিনাশায় চ ছুফুভাম্ আর কি! ঈশ্বরকে ধন্যবাদ যে ক্ষমতা হারিয়েও ইনি এখনও বেঁচে আছেন।

বৈঠকখানায় আগেই বহু লোক জমা হয়েছিল। শুভা আসতে—পিছনেও রীতিমত ভিড় জমল।

শুভা স্পষ্ট কণ্ঠে বললে, আপনিই হরিপদ মিত্র—? নমস্কার।

নমস্কার নয়—মনে হ'ল যুক্ত কর বিচ্ছিন্ন হয়ে সজোরে রায় সায়েবের ছুটি গালে পড়ল। ঘরের মধ্যে অথণ্ড নিস্তব্ধতা।

শুভার কণ্ঠস্বর দেওয়াল থেকে দেওয়ালে প্রতিধ্বনিত হ'ল। সে বললে, শুনি আপনি লোকের অন্ত্যরকে শাসন করেন, পাপীকে শাস্তি দেন। জানতে পারি কি—কোন সাহসে পাড়ার লোকে—কোন ক্ষতি বা অপরাধ না করা সত্ত্বেও—আমাদের ওপর অত্যাচার করেন? একলা মেয়েছেলের ওপর জুলুম করতে তাঁদের বাধে না—কি লজ্জা হয় না?

দেওয়াল-ঘড়িটা টিক্ টিক্ করে শব্দ করতে লাগল শুধু—রায় সায়েব পর্য্যন্ত বাক্যহীন বিস্ময়ে শুভার পানে চেয়ে রইলেন।

শুভা একজন যুবকের দিকে আঙুল উঁচিয়ে বললে, ঐ লোকটি কাল আমায় অভদ্র ইনারা করেছে—আমার বাড়ির সামনে বখন-তখন

রায় সায়েবের পাশের বাড়িতে থাকেন স্থনীতি কর—কংগ্রেসের মাথাধরা লোক। যদিও তাঁর সঙ্গে রায় সায়েবের আদা-কাঁচকলাজাতীয় সম্বন্ধ—তবু সাক্ষ্য-প্রমাণের জন্ত তাঁকেও আহ্বান করা হল।

আহূত হয়ে তিনি জানালেন, কংগ্রেসের সঙ্গে ও পার্টির বহুদিন সম্বন্ধচ্ছেদ হয়েছে। উনিশ-শো বিয়াল্লিশে গণ-যুদ্ধের নামে সরকারকে সাহায্য করেছিল ওরা। আগষ্ট বিপ্লবকে পর্য্যন্ত ওরা ফ্যাসি-ষড়যন্ত্র বলতে দ্বিধা বোধ করে নি। কংগ্রেসকে ধ্বংস করবার জন্ত সরকারের হাতে হাত মিলিয়েছিল যারা—তারা কি কারণে স্বয়োগীর পদ থেকে সরে এল তিনি বলতে পারেন না। কংগ্রেসের কোন গুপ্তনীতি নেই বলেই রাজনীতির চাতুরী বুঝতে তিনি অক্ষম।

শুভা উত্তর দিলে, তা হলে রাজনীতি না করাই ওঁর পক্ষে মঙ্গলজনক।

রায় সায়েব বললেন, দেশে এত যে ধর্মঘটের প্রসার—এর মূলে এরা।

শুভা বললে, হাঁ—তুভিক্ষে যেমন লক্ষ লক্ষ লোক না খেতে পেয়ে কুকুর শেয়ালের মত পথে পথে মরে পড়ে ছিল অথচ আঙুলটি তোলে নি, আজও তাই হলে ভাল হয়। যুদ্ধের আগেকার বাজার ফিরিয়ে আনুন না রায় সায়েব ?

ফিরিয়ে আনবার মালিক যেন আমরাই !

তবে কম খেয়ে একটু কম চক্কি জমান দেহে—তাতেও গুটি কয়েক লোক বাঁচবে। একটি ছোকরা ভিড়ের মধ্য থেকে মস্তব্য করলে। হাসির উচ্চরব উঠল।

কর্ণমূল আরম্ভ হয়ে উঠল রায় সায়েবের। পুলিশ অফিসারের পানে চেয়ে বললেন, আপনার কাজ করুন—এদের—

পুলিস অফিসার রায় সায়েবকে একাঙ্কে ডেকে চুপি চুপি বললেন,

এত অল্প প্রমাণে ওদের অ্যারেষ্ট করা যাবে না। তা ছাড়া—আরও—  
ফিস ফিস করে তিনি কি সব বললেন।

রায় সায়েব বিষণ্ণ স্বরে বললেন, যা খুসি করুন। তবে—ভদ্রলোকের  
পাড়া এটা—সবাই যাতে মান-সম্মান নিয়ে বাস করতে পারে...

অবশ্য—অবশ্য, এ ব্যবস্থা নিশ্চয়ই হবে।

ওদের সতর্ক করে—শামিয়ে ছেড়ে দিলেন তিনি।

এই ঘটনায় আর কিছু না হোক—এদের চারিদিকে বাইরের  
পৃথিবীটার স্বরূপ বুঝতে পারা গেল। প্রশান্ত নিজ চিত্তের দৃঢ়তার  
সম্মান পেলে। কোথা থেকে ও শক্তি পেলে অপরিমিত—লাঞ্ছনা  
অপমান অগ্রাহ করে শুভার পাশটিতে গিয়ে দাঁড়াতে পারলে? দ্বিধা-  
সন্দেহে ছলছিল মন—অকস্মাৎ উৎপীড়নের আগুনে খাদ নিষ্কাশিত  
হয়ে খাঁটি সোনার জ্যোতি প্রকাশিত হ'ল। দুর্বলের পক্ষ নিয়ে  
অন্তঃস্বয়ের প্রতিবাদ করা যৌবনের ধর্ম বলেই প্রশান্ত নবীন উৎসাহে  
সম্মীলিত হয়ে উঠেছিল বুঝি?

ভিড় পাতলা হয়ে গেলে প্রশান্ত দেখলে শুভার থেকে সে অনেকখানি  
পিছিয়ে পড়েছে। শুভার কয়েকজন বন্ধু এসেছিল, তাদের বৃত্তলীন  
হয়ে ও তর্ক করতে করতে এগিয়ে চলেছে। বাড়ির দিকে না গিয়ে  
ওরা ভিন্ন পথ ধরলে। প্রশান্ত ওদের অনুসরণ করবে কি?

একটি ছোকরা তার কাছে এসে বললে, সুনীতি বাবু—আপনাকে  
ডাকছেন—ঐ যে—।

অদূরে দাঁড়িয়ে ছিলেন সুনীতি কর। ওদিকে চাইতেই তিনি হাত  
উঠিয়ে ডাকলেন তাকে। প্রশান্ত সেই দিকে গেল।

প্রশান্তকে দেখে তিনি বললেন, আমার সঙ্গে একটু আসবেন? মানে  
আমার বাড়িতে।

প্রশান্তর ইতস্ততঃভাব দেখে তিনি হেসে বললেন, ভয় নেই আপনার—আমরা রায়সাহেব-জাতীয় জীব নই—পুলিসের সঙ্গে বিশেষ সম্পর্কও রাখি না।

প্রশান্ত বললে, পুলিসের সঙ্গে সম্পর্ক রাখলেই বা ভয় করব—এ আপনি ভাবছেন কেন?

না—তাও ভাবি না। আপনাকে ওদের মাঝখানে কেমন মিস্ফিটেড মনে হতেই ডাকলাম।

প্রশান্ত অল্প একটু হেসে বললে, চলুন, কোথায় যাবেন।

বাইরের ঘরে প্রশান্তকে বসিয়ে সুনীতি কর আর সকলকে বাইরে যেতে বললেন। সকলে বাইরে গেলে বললেন, চা খাবেন?

প্রশান্ত বললে, না—থাক এখন। ঘরের চারিদিকে সে কোতূহলী দৃষ্টি বুলিয়ে নিলে। তিন-রঙা পতাকা—মহাত্মা গান্ধী, জহরলালের ছবি—বন্দে মাতরম্ গানের চার লাইন তুলোর অক্ষরে কাঁচের ফ্রেমে আটকানো—একটা চরকা—একরাশ তুলো—খানিকটা কাটা সূতো জড়ানো রয়েছে লাটাইয়ে—আর তকলি গোটা কতক পড়ে রয়েছে এলো-মেলো ভাবে। মোট কথা ঘরটাই এলোমেলো—বিশৃঙ্খল।

সুনীতি কর বললেন, আপনি কত দিন হ'ল যোগ দিয়েছেন ওদের পার্টিতে? মাপ করবেন।

প্রশান্ত বললে, এ অত্যন্ত সোজা কথা—জবাবও এর সোজা। খুব অল্পদিন হ'ল—

তার কথা শেষ না হতেই সুনীতি কর সোৎসাহে মাথা নেড়ে বললেন, আমি তা অনুমান করেছি।

প্রশান্ত বললে, পার্টিতে যোগ দিয়েছি বললে ভুল বলা হবে—ওদের কাজ আমার ভাল লাগে—

স্বনীতি কর বললেন, আপনাদের মত দেশভক্ত যুবকদের দেশের কাজ ভাল ত লাগবেই। কিন্তু কংগ্রেসে যোগ না দিয়ে—

প্রশান্ত হেসে বললে, তাতে আর ক্ষতি কি—ওঁরাও ত ক্যাপিটালিজ্‌মের শত্রু।

স্বনীতি কর হাসলেন। জানালার ধারে উঠে গিয়ে গলাটা পরিষ্কার করে চেয়ারে এসে বসলেন। বললেন, জাতিধর্ম-নির্বিশেষে কংগ্রেসই হচ্ছে একমাত্র প্রতিষ্ঠান যার শক্তিকে শাসকরা স্বীকার করেন।

প্রশান্ত বললে, তাই বা কেমন করে বলি! মুসলিম লীগকে বাদ দিয়ে তা হলে ইন্টারিম গবর্নমেন্ট গঠিত হ'ত।

স্বনীতি কর বললেন, কিন্তু এ কথাও ত এ্যাটিলি ঘোষণা করেছেন—  
মেজরিটির অগ্রগতি মাইনরিটি বন্ধ করতে পারবে না।

প্রশান্ত বললে, তা হলে—কংগ্রেস যখন ১৫ই মে'র ভাষ্য মেনে নিলে—  
—তখন লীগকে এর মধ্যে পুরে দেবার চেষ্টা হল কেন?

স্বনীতি কর বললেন, এই চেষ্টার মধ্যে আমরা দেখছি ব্রিটিশ ডিপ্লম্যাসি। গান্ধীজী বলেন—ওদের আন্তরিক ইচ্ছাকে বিকৃত করে ধরা সত্যগ্রহীর নীতিতে বাধে।

আপনি কি মনে করেন?

স্বনীতি কর বললেন, ব্যক্তিগত মনে করা-করির কোন মূল্য নেই—  
আমাদের চেষ্টা যাতে সফল হয়—সমবেতভাবে সেই চেষ্টা করাই হ'ল  
ঠিক পথ। একটু থেমে বললেন, তুমি বুদ্ধিমান—একথা নিশ্চয় বুঝেছ—  
গান্ধীজী আশাবাদী। রাজনীতির ক্ষেত্রে আশাবাদ হ'ল সব চেয়ে  
দামী কথা।

স্ববিধাবাদ বলতে পারেন। প্রশান্ত হাসল।

যাই হোক—এখন কথা হচ্ছে কখনো বা হাতে পাচ্ছি তা আদায়



করে নিয়ে আরও ক্ষমতা লাভের চেষ্টা করা উচিত। নয় কি? আর ভা  
করতে হলে—একটি শক্তিশালী দল গড়া উচিত—সব শক্তিকে এক  
জায়গায় এনে—অর্থাৎ সহযোগিতার দ্বারা ক্ষমতা লাভ...

প্রশান্ত বললে, তা হলে কোন দলকে বাদ দিলে চলবে না।  
মাইনরিটি বলে কাউকে অগ্রাহ্য করে সর্বভারতীয় শাসন-পরিষদ গড়া  
যাবে না।

কংগ্রেস ত আপোষের জন্ত বহুদূর এগিয়েছে।

বাজারদর কষাকষিকে এগুনো বলা ঠিক নয়।

স্বনীতি কর বিচলিত কণ্ঠে বললেন, তা হলে—পাকিস্তান কায়েম  
শোক ভারতবর্ষে এটিই চাইব আমরা? দ্বিতীয় অন্ত্রের কি প্যালেষ্টাইন  
গড়ে ওদের স্বযোগ দেব অছিগিরির?

প্রশান্ত বললে, মিশরও কত দিন আগে এই শাসন-সংস্কার মেনে  
নিয়েছিল—কিন্তু বৃটিশ মৈত্র্য অপসারণের কথা উঠলে জাতির নাবালকত্ব  
নিয়ে আজও তর্কবিতর্ক হয়। মাপ করবেন কর-মশায়—যারা আমাদের  
নয় ছেলে দেখে ভাল চরিত্রের মার্টিফিকেট দেবেন—কিংবা সাবালক  
বলে ঘোষণা করবেন—তাঁরা যে জীবন-মরণের স্বার্থে জড়িয়ে আছেন  
এর মধ্যে। আমরা স্ববোধ হলেও—তাঁদের নির্বুদ্ধিতা কোনদিন  
প্রকাশ পাবে না।

স্বনীতি কর বললেন, তা হলে বলছ নানান দলে নানান মতে ভাগ  
হয়ে থাকবে আমরা? আমরা যুদ্ধ করব কিন্তু একতার নীতি মানব  
না? বলব স্বাধীনতা চাই—অথচ রকম রকম শাসনতন্ত্র রচনা করব?  
ইঠাং তিনি বললেন, কংগ্রেসকে শক্তিমান বলে স্বীকার কর কিনা?

করি।

তা যদি কর—ইঠাং তিনি চেয়ার ছেড়ে প্রশান্তর সামনে এসে ওর



একখানা হাত চেপে ধরলেন, তা হলে কংগ্রেসে যোগ দিতে তোমার আপত্তি কি ?

প্রশান্ত কোন কথা বললে না। খানিক নীরবে গুর মুখের পানে চেয়ে হাতখানি তার মুক্ত করে নিলে। বললে, আমাকে মেঘার করে নেবার জন্য আপনার এই চেষ্টাকে স্নেহ বলেই মানছি—কিন্তু...

এর মধ্যে কিন্তু নেই। তুমি মাত্র অল্পদিন হ'ল এ পাড়ায় যাতায়াত করছ—তুমি আমাকে ভয় করতে বলছি না—কিন্তু অসত্যকে ঘৃণা করবে না কেন ? সব বাঁধন কাটা মানেই স্বৈরাচার নয় এ যেমন স্বীকার কর, তেমনি বাঁধন না কেটেও কলুষিত আবহাওয়ার সৃষ্টি করা যায় এটাও মান তো ?

প্রশান্ত কিছুই না বুঝে গুর পানে চেয়ে রইল। এ কথা বলার তাৎপর্য কি ?

স্বনীতি কর বললেন, ওই মেয়েটির সঙ্গকে অনেক কথা শুনেছি। রায় সায়েবের মত নীতিবাগীশ আমি নই—তবু ওদের সমর্থন করতে পারি নি। মানুষের রটনা সব সময়ে সত্য হয় না।

স্বনীতি কর বললেন, প্রমাণ দেওয়াটা আমার পক্ষে শক্ত নয়, তবে সম্মানজনক নয় বলেই তা দেব না। ওদের বাড়ির দুখানা বাড়ি পরে—শৈলেশ্বর বোস থাকেন—তার ছেলে মণ্টু—নিজের কথায় অসঙ্গতি বুঝতে পেরে তিনি সহসা চুপ করলেন।

প্রশান্ত উৎসুক হ'ল যথেষ্ট। শুভা সঙ্গকে—নিজেই সে নিঃসংশয় গীড়া অনুভব করে কেন ? একান্ত করে পাওয়ার মধ্যেই কি ঈর্ষ্যাবাদ লুকানো থাকে ? পুরুষের সম্পত্তি নারী—এই পৌরুষবোধের উগ্রতায় তার যুক্তি হয়েছে আবিল। নারীচিত্ত জয়ের সাধনা আর কিছুই নয়—ধন সঞ্চয়ের নেশার মতই এক আদিম প্রবৃত্তি।

চেয়ার ছেড়ে উঠতেই তিনি বললেন, কিছু মনে করলে না তো ভাই ?

প্রশান্ত মুখ চোখে তাঁর পানে চেয়ে মাথা নাড়লে। এই মিষ্ট সম্বোধনের পর মনে করা চলে না কিছু। ইচ্ছে হ'ল পা ছুঁয়ে একটি প্রণাম জানিয়ে আসে। লজ্জায় সঙ্কোচে তাও পারলে না।

## ১৭

অগ্রমনস্ক হয়ে পথ চলছিল প্রশান্ত। মনের মধ্যে বিচার চলছে—  
কোনটা শ্রেয়? উনিশ-শো বিয়াল্লিশের আগষ্টে বোম্বাইয়ে 'কুইট  
ইণ্ডিয়া' প্রস্তাব পাশ হবার পরমুহূর্তে জেলের ফটক খুলে গিয়েছিল—  
আন্দোলন চালাবার মত বাইরে ছিলেন না কেউ। গেল বার এমনি  
সময়ে জার্মেনী ভেঙ্গে পড়েছিল—জাপানের বুক লক্ষ্য করে প্রতিপক্ষ  
তুলেছিল শক্তিশেল। তার পর আগবিক বোম্বার প্রথম পরীক্ষা হ'ল  
হিরোসিমার অর্ধেক ধ্বংস করে—আর কয়েক লক্ষ প্রাণ আহতি নিয়ে।  
তার পর নাগাসাকিতে হানা দিল মৃত্যুদূত; জাপান নতজানু হ'ল।  
জগৎ থেকে ফ্যাসিবাদ নিঃশেষিত হ'ল। জার্মেনী হ'ল চার টুকরো—  
জাপান গেল আমেরিকার উদরে। বিশ্বশক্তি-পরীক্ষায় প্রথম শ্রেণীতে  
উন্নীত হ'ল মার্কিন। কংগ্রেস তখন কারা-প্রাচীরের বাইরে। দেশের  
মধ্যে তার শক্তি ও প্রভাব বেড়েই চলেছে দিন দিন। নির্বাচন-যুদ্ধে  
কংগ্রেস হ'ল জয়ী। তার পর ইণ্ডিয়ান গ্রাশনাল আর্মি (আই, এন,  
এ') দিল্লীর লাল কেল্লায় বিচার হ'ল যার নেতৃত্বের। লোকচক্ষুর  
সামনে থেকে উঠে গেল রহস্যের যবনিকা—দীপ্ত তেজে প্রকাশিত হলেন  
দেশ-বন্দিত নেতা সুভাষ বসু। দু'শো বছরের ভুলে-যাওয়া-স্বর ফিরে

এল কণ্ঠে—অবরুদ্ধ কণ্ঠ ফিরে পেল ভাষা—ধ্যানের দেবতা মূর্তিতে উঠলেন জেগে।

কংগ্রেস ঘোষণা করলে : আমরা স্বাধীনতার দ্বারদেশে। সাম্রাজ্যবাদ এখনও তৈরি হচ্ছে শেষ আঘাত দেবার জন্ত। শেষ আঘাতই সেটা, কারণ এর নাভিশ্বাস হয়েছে। সকলে এক হয়ে ঠেকাও সে আঘাত, ধ্বংস হোক দানবটা।

দানবের মায়া, সে বড় ভয়ঙ্কর। রাজনীতিতে সততাব স্থান কতটুকু সে বিচার ইতিহাস করেছে বার বার। নৈরাশ্রবাদ রাজনীতির অঙ্গ নয়। আজকের ত্যাগ, আগামী কালের পাওয়ার সঙ্গে, লাভ-ক্ষতির জের টানছে। সে হিসাব-নিকাশের জের, এক পাতা থেকে আর এক পাতায়, এক যুগ থেকে আর এক যুগে, টেনে চলেছে সবাই। তার সাক্ষ্য-প্রমাণও আছে ইতিহাসে। ভারতবর্ষ স্বাধীনতার সন্ধিক্ষণে দাঁড়িয়ে, পথ বেছে নিতে ভুল করলে সে অতলে যাবে তলিয়ে। বিশ্ব-বিপ্লবের ভূমিকায় আজ ধারা প্রধান ভূমিকা গ্রহণ ক'রে নতুন বিশ্ব রচনার স্বপ্ন দেখছেন, তাঁদের সামান্যতম ভুলও ক্ষমা করবে না মহাকাল। এক হাতে খর্পর আর এক হাতে বরাভয় শান্তির আশ্বাস জানাচ্ছে। কিন্তু এ বরাভয় বিশ্ব-পালিনীর মাতৃপানি-প্রসূত নয়, এ বহু নিক্ষেপের ভয় দেখিয়ে শান্তি রক্ষার প্রয়াসমাত্র। চতুর রাজনীতিবিদ এই শুভ মুহূর্তেই যথাসম্ভব ক্ষমতা বাড়িয়ে নিচ্ছেন; নিরাপত্তার নামে সাম্রাজ্যের শৃঙ্খলে গেঁথে ফেলছেন—স্বামীহীন ভূমি-ও সমুদ্র-স্বত্ব।

ভাবতে ভাবতে চলেছিল প্রণাস্ত। মাথার উপর কখন ঘনিয়ে এসেছে মেঘ, ও টের পায় নি। বর্ষাকালের আকাশ, বিন্দু সতর্কতায় বর্ষণ ওর রীতি। হঠাৎ বৃষ্টি চেপে এল। পথের ধারে বড় মত একটা

গাড়ী-বারান্দার নীচেয় ছুটতে ছুটতে আশ্রয় নিলে—মানুষ আর পশু।  
বায়ুবেগে বৃষ্টির ছাট যতই অগ্রসর হচ্ছে, মানুষ আর পশুতে ততই  
জমাট বাঁধছে।

কি দাদা, রেলোয়ে ষ্ট্রাইকটা আর হ'ল না ?

না—সাড়ে চার টাকা ইন্টারিম রিলিফ দেবে, এ্যাডজুডিকেশনে  
কতক বিষয় যাবে। পয়লা জানুয়ারী থেকে মাইনে বাড়বে।

তবে আর কি, সাড়ে চার টাকায় সব দুঃখ হরিপাল যাবে !

আমাদের ষ্ট্রাইকের ঠেলাটা বুঝবে। এ আর রেলোয়ে ইউনিয়ন  
নয়, রীতিমত হাংরি ব্যাচ পরিয়ে ষ্ট্রাইক নোটিশ দেয়া হয়েছে।

ট্রাম কোম্পানী কি বলে ?

সে দিন যুনিভার্সিটি ইন্সটিটিউট হলে আমাদের মীটিং হবে—  
কলেজ স্কোয়ারে দু'দলে দেখা। খুব ইন্কিলাব জিন্দাবাদ করা গেল।  
প্রা বললে, দাবি ছেড় না ভাই, হুমকি চালাও। লাখ লাখ টাকা  
কামিরে গ্যাট হয়ে বসে থাকবে কোম্পানী, ইয়ারকি আর কি !

হবে কি, রক্তারক্তি কাণ্ড।

এমনিতেই না খেতে পেয়ে মরচি, না হয়—

শুনেছ দাদা, মুসলিম লীগ মন্ত্রী-মিশনের খসড়া বাতিল করে দিলে ?

কাগজে বেরিয়েছে ?

দেখো আমার কথা যদি সত্যি না হয়—

দুস—তোরা সব ক্ষুদে সত্যপীর কিনা ! বাতিল করাই উচিত।

এ, বি, সি গ্রুপ করে ভারতবর্ষকে টুকরো করে ফেলতে পারলেই তো—

আরও দুশো বছর রে দাদা।

একটা পাওয়ারফুল সেণ্টার—

দুস—পাওয়ারফুল ! পলিটিক্‌স্‌এ আমরা তো নাবালক রে দাদা।

ওদের ভাষা বুঝতে পারবি ? বলে এক একটা আইনের ভাষা বুঝতেই বড় বড় মাথা সব ঘুলিয়ে যাচ্ছে। দশ-বারো দিন ধরে মীটিং করে তবে রেজলুশন পাশ করছে। আমাদের মত গোলা লোকেরা কি করবে শুনি ?

বাইরে যাবার উপায় নেই—খোলা গাড়ী বারান্দার নীচেয় সাধারণের রাজনীতির বিতর্ক জমে উঠল। বৈশিষ্ণ চুলল না রাজনীতি। মাহ, আনাজপাতি, সরষের তেল, আপিসের মাইনে, এইসব স্তরে নেমে এল বাদানুবাদ। প্রশান্ত স্বীকার করলে, এই স্তরেই আলোচনা বাস্তব রূপ পেয়েছে। স্বাধীনতার অর্থ সাধারণে বোঝে এই মাপকাঠির সাহায্যে। যুদ্ধে ক্ষতবিক্ষত দেশগুলিতে প্রাণ ধারণের সমস্যা এমন তীব্র হয়ে উঠেছে কি ? হাজার হাজার লোককে বেকার বানাবার আয়োজন চলেছে। তারা বলছে, এ কি সর্বনাশ ! এ জগতে আমাদের টিকে থাকবার অধিকার দাও। তোমাদের জন্ত আমরা সর্বস্ব দিয়েছি—আর তোমরা—

বিক্ষোভ এই কারণেই প্রবল হয়েছে।

জীবন বাঁচাবার কোন্ পথ ? পেটে না খেয়ে বিপ্লব আনা সম্ভব কি ? মানি—বেয়নেটের সামনে বুক পেতে দিলাম, লাঠি চার্জকে উপেক্ষা করলাম—উত্তেজিত মুহূর্তে শ্লোগান আউড়ে গলা ভেঙ্গে ফেলে মৃত্যুর মুখোমুখি দাঁড়াতে বুক একবারও কাঁপল না। কিন্তু এই মৃত্যু—! অন্ন-বঞ্চনার অভিনয়, বস্ত্র-বঞ্চনার নীতি—অস্তুরালে চলছে সমৃদ্ধ জীবন-প্রবাহ, কোটিকে মেরে গুটির অতিকায় হবার সাধনা—এর প্রতিকার কোথায় ? শুধু মীটিং করে ঈর্ষাত্মক শ্লোগান আউড়ে তাল ঠুকে অত্যন্ত অসহায়ের মত পথ দিয়ে শোভাযাত্রা করে গেলেই কি ধনিকতাবাদ বিপন্ন হবে ?

একদিন শুভার সঙ্গে এই নিয়ে কিছু আলোচনা হয়েছিল। ৩

বলেছিল, ছলে বলে অথবা কোশলে—এই নীতি নিতে হবে। প্রাণ বাঁচাবার জন্য উপার্জন করতে হবে।

ব্রিটিশ সাম্রাজ্যবাদের কাছ থেকে সাহায্য নিয়েছিলে তোমরা।

নিয়েছি তো। পুঁজিবাদ ধ্বংস করবার সক্ষম আমাদের—শক্তি সঞ্চয়ের দরকার নেই ?

কিন্তু নীতিবিরুদ্ধ—

আমাদের নীতি হ'ল বেঁচে থাকা ও বাঁচিয়ে রাখা। ক্ষমতা লাভ হ'ল আসল বস্তু। ভাল কথারও দাম থাকে না—জীবনের সঙ্গে যদি তার ভাল না মেলে।

যথা ?

পরদ্রব্য অপহরণ করিও না—সর্বোত্তম নীতিকথা। কিন্তু অনাহার-গ্রস্তের কাছে এ নীতির কোন দাম নেই।

তা বটে—আমাদের কোন নেতা সেদিন বলেছেন, ক্ষুধার্ত মানুষকে ভগবানের নাম দিয়ে ভোলান মিছে। কিন্তু এই ভাবে চেষ্টা করে ওদের শাসন করতে পারবে ?

শুভা হেসেছিল, ভুল বুঝো না প্রশান্ত—শ্লোগান আর কিছুই নয়, সকলকে এক করার মন্ত্র। শোভাযাত্রার অর্থও হ'ল তাই। ধনী তার সব ক্ষমতা দিয়েও এ শক্তিকে ঠেকাতে পারবে না।

আমাদের দেশে—ধনীরা এতে কৌতুক বোধ করে না কি ?

হ্যাঁ, তাদের আশ্রয়দাতা হ'ল সাম্রাজ্যবাদী শক্তি। গুলিগোলা যাইফেল মেসিনগান বোমারু নিয়ে ওদের দস্ত। সংশয় এই নিয়ে তো ?

শুধু প্রাণ দিয়ে লাভ কতটুকু...

শক্তি—শক্তি প্রশান্ত।

ওর হাসিতে প্রশান্ত কৌতুক বোধ করেছিল। কিন্তু সে দিন আর

দাক্ষিণ্যের সুবিস্তৃত বিবরণ। জনসাধারণ নামক এক তৃতীয় পক্ষের মহানুভূতি আকর্ষণ করবার জন্য এই প্রচেষ্টা। জনসাধারণকে ভয় করবার হেতু—ওদের কাছ থেকে তিল কুড়িয়ে এরা তালে পরিণত হয় পাছে। মুনাফার নেশা যার লেগেছে—তার মৌতাতটুকু সে ছাড়বে কেন। শক্ত মুঠো খুলবার জন্য হাতুড়ির ঘা পড়বে দমাদম—। এ যুদ্ধে কেহ নহে উন।

—ছুনিয়ার মজদুর এক হও—ইনকিলাব জিন্দাবাদ।

পথে দেখা হয়ে গেল পুরোনো এক বন্ধুর সঙ্গে। জলে ছপ ছপ করতে করতে কোথায় চলেছ হে? বন্ধু জিজ্ঞাসা করলে।

কোথায় জানে না সে। কলকাতার নতুন রূপ দু'চোখ ভরে দেখতে দেখতে সে চলেছে। সিনেমার গেটে তেমন ভিড় নেই, দোকানের পন্থা নেই বৈচিত্র্য—ক্রেতার চোখে নেই ক্রয়ের কৌতূহল। যুদ্ধোত্তর পৃথিবীর শান্তি—স্বস্তিবচন উচ্চারণ করলেই আসে না।

বন্ধু ওর পথ রোধ করলে। চল—চা খেয়ে আসি। চলতে চলতে বললে, কোন আপিসে কাজ করিস? রিট্রেক্‌মেন্টের কাঁচির পাশ ঘেঁসে আছিস তো?

না—ওসব বালাই নেই।

সাবাস—! ধর্মঘটের পাকে পড়বিনে তা হলে।

ধর্মঘট খারাপ কিসে? ও জিজ্ঞাসা করলে।

খারাপ বলছি!—বন্ধু শব্দ করে হাসলে। ধর্মঘট কারও কারও কাছে শাপে বর। হাসি খামিয়ে বললে, ধর্মঘটের আগে পাচ্ছিলাম আশী—পরে দু'শো যোগ হয়েছে। অথচ ধর্মঘটীদের সঙ্গে পথে পথে হঙ্গা করে বেড়াই নি—ওদের ইউনিয়নে এক পরনা ঠেকাই নি—

প্রশান্ত বললে, ব্ল্যাক শিপ।



না—তাও নয়। শুধু প্রমাণ করে দিয়েছি—আশী টাকাতেও আমার দিব্যি চলে—, ফলে দু'শো টাকা মাইনে বেড়ে গেল। এটা সত্যি কথা বলার পুরস্কার...আরে ওদিকে কোথায় ?

এই দিকেই যাব।

চা খাবিনে ?

প্রশান্ত ততক্ষণে অনেকখানি এগিয়ে গেছে।

হ্যাঁ, এরাও আছে। বেশি মাত্রায় হরত আছে। এরা সর্বদাই স্বেযোগ খুঁজছে—নিজেকে সংসারে সুপ্রতিষ্ঠিত করবার স্বেযোগ। এদেরও নেশা জমেছে। ক্ষমতা-মদের কিংবা ধন-মনের নেশা।

আর একজন বন্ধুকে মনে পড়ল। গেল বার কি যেন এক প্রতিবাদ-সভায় যেতে লাল ঝাঙা ধরে অপরিমিত চীৎকার করতে করতে শহর প্রদক্ষিণ করেছিল সে। তার পর সে হ'ল এক ইউনিয়নের নেতা। তার পরে নিলে রেল আপিনে চাকরি। সেখানকার ইউনিয়নে দাঁড়াল পাণ্ডা হয়ে। এক সপ্তাহ আগে দেখা হয়েছে তার সঙ্গে। পায়ে চকচকে জুতা, পোষাক-পরিচ্ছদ কণ্ট্রোলে কেনা নয়, রীতিমত স্টুট-পরা নেকটাই আঁটা, হ্যাট বগলে, মুখে প্রকাণ্ড বর্ষা, হাতে ইংরেজি কাগজ একখানা। নড করে বলেছিল, একটা শুভ সংবাদ দিচ্ছি...ডিপার্টমেন্টে অ্যাসিস্ট্যান্ট সুপারিন্টেন্ডেন্ট। অবশ্য—অফিসিয়েট করছি। চ'—চা খাবি।

চা খাবার প্রবৃত্তি হয় নি প্রশান্তর। বন্ধু এতকাল যা করেছে— তা নদীপারের আয়োজন মাত্র। অমিকরা যা চায়, ও চেয়েছিল তাই। ভাল থাকা, ভাল খাওয়া, পোষাক-পরিচ্ছদে সাজল্যা, জীবনের চারিপাশে প্রাচুর্য। কিন্তু প্রবৃত্তির সীমা টানছে কে ? সে অন্ততঃ টানতে পারে নি। সাধারণকে ডিঙিয়ে ও তাই অসাধারণ হতে পেরেছে।



আপিস বসেছে, টাইপ মেশিনের খটাখট শব্দ। উদ্দিপরা চাপরাসীরা ফাইল বগলে, এক ঘর থেকে আর এক ঘরে ছুটোছুটি করছে।

পদোচিত মহিমায় অফিসারের খাসকামরা বিরাজ করছে একধারে। সুইং ডোরের পাশে সুদৃশ্য ভেলভেট-পর্দাটা গুটোনো রয়েছে। চকচকে পালিশ করা কাঠের পার্টিশন, পার্টিশনের মাথায় ফিকে নীল রঙের ধোঁয়া আলম্বভরে নানা আকৃতিতে ভাসছে—মস্তুর বায়ু মিষ্ট একটি গন্ধে নাসিকাকে করছে উতলা! টুলে বসে ঢুলছিল একটা উদ্দিপরা স্ত্রী বয়সে এগিয়ে এসে জিজ্ঞাসা করলে, কাকে চাই? কার্ড দিন।

কার্ড তো নেই, স্লিপে নাম আর পিতৃপরিচয় লিখে দিলে। সঙ্গে সঙ্গে ডাক হ'ল।

একে অভ্যর্থনা বলাই সম্ভব। বাপের বয়সী ঘাটোত্তীর্ণ বৃদ্ধ, চেয়ার ছেড়ে উঠে এসে ওর হাত ধরে বিলাতী কারদায় ঝাঁকুনি দিয়ে আনন্দ প্রকাশ করলেন। ওকে চেয়ারে বসিয়ে নিজে বসলেন পাশের চেয়ারে। চাপরাসীকে হুকুম করলেন, চা আনতে অর্থাৎ টিফিন। প্রশান্ত অভিভূত হয়ে পড়ল।

তোমার মত উৎসাহী যুবক আমি চাই। বিশ্বস্ত স্নেহভাজন। একটি চিরুণীর কারখানা খুলবার ইচ্ছে আছে, অনিলকে পাঠিয়েছি আমেরিকাতে। হাতে-কলমে কিছু শিখে আসছে, আর প্ল্যান্টস আপ-টু-ডেট মডেলের, ছুটো কারখানার জন্মই চাই। তার পর ভাবছি কাপড়ের কল—

অনর্গল বলে যেতে লাগলেন। চা এল, কয়েকখানা কেক, স্মাণ্ডউইচ, অমলেট, টোষ্ট, মাখন এল। ভেলভেটের পর্দাটা টেনে দিয়ে চাপরাসীটা বেরিয়ে গেল। খেতে খেতে তিনি ভবিষ্যৎ কল্পনার কথা বলে যেতে লাগলেন সোৎসাহে।

ষাটোত্তীর্ণ বৃদ্ধ, জরার খাবা কোন প্রত্যঙ্গে স্পষ্ট নয়। হয়ত আর্টসাঁট স্ট্রট, হয়ত কর্মোংসাহ, ধনোপার্জন এ সবে জরাকে ঠেকিয়ে রাখা চলে! কিন্তু চোখে খেলছে যে বিদ্যুৎ তা অনেক যুবকের দৃষ্টিতে বিরল।

হুর্গামোহন অভাবগ্রস্ত নন। সংসার ভারী নয়, পেনসনের আয় সংসার চালিয়ে উদ্ভূত হয়; খাওয়া-পরায় স্বাস্থ্য যাতে বজায় থাকে সেদিকে লক্ষ্য তাঁর তীক্ষ্ণ। তবু ষাট তাঁকে স্তিমিত করে আনছে। মেদবহুল দেহের মাংস শিথিল, চলাফেরার বেগ মন্দীভূত, চোখের দৃষ্টিতে ক্লাস্তি। অর্থ উপার্জনের উৎসাহই কি মনের পরম রসায়ন?

কেমন তোমাকে পাব তো? আপাতত এনামেল ফ্যাক্টরীর চার্জটা বুঝে নাও। হাঁ—কলকাতার বাইরে, মাইল দশেক দূরে। ওখানেই কোয়ার্টার, মোটর থাকবে একখানা। যখন খুসি কলকাতায় আসবে, বেড়িয়ে যাবে।

তাড়াতাড়ি প্যাড থেকে একখানা কাগজ টেনে নিয়ে ফাউন্টেন পেন দিয়ে খস্ খস্ করে কয়েকটি অঙ্কপাত করলেন তাতে। তার পর প্যাডসমেত সেখানা প্রশান্তুর দিকে এগিয়ে দিয়ে বললেন, আপাতত এই তোমার মাইনে, প্লাস এ্যালাউন্স খার্চি পারসেন্ট। কেমন, অসুবিধা হবে?

প্রশান্ত সত্য সত্যই অভিভূত হ'ল। তিনশো টাকা বেতন আর নব্বুই টাকা ডিয়ারনেস এ্যালাউন্স। তা ছাড়া কোয়ার্টার, মোটর এবং একটা গোটা ফ্যাক্টরীর দণ্ডমুণ্ডের কর্তা। ব্যাপারটা আবুহোসেনীয়। আলনাঙ্কারের দিবাস্বপ্ন নয় তো? ডান পায়ের জুতোর ডগা দিয়ে বাঁ পায়ের গোড়ালীতে আঘাত করলে ঈষৎ জ্বরে। পেরেকওঠা জুতোর ঘা খেয়ে পা'টা বুঝি কেটে গেল! জ্বালা করছে।

বিচিত্র অশুষ্ঠানে বহু কণ্ঠের বহু ঢঙের আবৃত্তি, গান, যন্ত্রসঙ্গীত, সংবাদ পরিবেশন—কি না আছে এখানে! উঠোন নেই, ছাদ নেই। কাপড় শুকোতে দেবার বারান্দা আছে—কিন্তু কাপড় মেলে দিয়ে ঠায় তার দিকে চেয়ে বসে থাকা ছাড়া গত্যন্তর নেই। এমনি একখানি বাড়িতে আশ্রয় দিয়েছে মলয়।

ভাল আশ্রয় অশুষ্ঠ মিলত—কিন্তু সূচিত্রা আত্মীয় বাড়িতে যেতে চায় নি।

বাড়ি থেকে বেরিয়েছি—আরাম আশা করে নয়। এই তো ভাল।

এ হাটের মাঝে ঘর পাততে পারবে? আমার ধর বাইরের কাজ আছে—পা মেলে বেড়াবার অফুরন্ত পথ আর ফাঁকা জায়গা আছে—

আমাকেও তোমার কাজে টেনে নেবে। পারবে না?

তুমি যাবে?

অবশ্য—যদি তোমার মর্যাদায় না বাধে! ছুঁটামিভরা হাসি সূচিত্রার ওষ্ঠপ্রান্তে মিলিয়ে গেল।

মলয় বললে, মর্যাদা? কিসের মর্যাদা?

কেন—বাঙালীর অন্তঃপুরের একটি শুচিতা আছে তো।

মলয় উচ্চরবে হেসে বললে, পরীক্ষা করছ? অন্তঃপুর কোথায় যে তার শুচিতা বজায় রাখবার জগ্য—

বাঃ রে, যেখানে অন্তঃপুরিকা—সেইখানেই কি অন্তঃপুর নয়? সূচিত্রা কলকণ্ঠে হেসে উঠল।

মলয় বললে, রহস্য রাখ—সত্যিই কি তুমি আমার সঙ্গে কাজে নামতে চাও?

না হলে তোমার সঙ্গে এসেছি কেন?

কিন্তু এরও পরীক্ষা আছে।

বেশ, কর পরীক্ষা।

প্র্যাকটিক্যাল পরীক্ষা। দুঃখ কষ্ট—এসব সহ্য করার দৃষ্টান্ত দেব না—কারণ তাতে তোমরা অপরাড্বেয়। তবে সঙ্কম শুচিতা—এ সব খুঁৎখুঁতুনি মন থেকে মুছে ফেলতে হবে। মোট কথা পর্দার মধ্যে গজায় যে সব সংস্কার—হয়ত ভাল—হয়ত মঙ্গলজনক—তাও ত্যাগ করতে হবে।

সুচিত্রা বললে, মঙ্গলজনক যে সংস্কার তা ত্যাগ করবার প্রয়োজন হবে না। মেয়েদের হাতে দিব্য অস্ত্র আছে—তার সন্ধান তোমরা রাখ না বলেই এত সতর্কতা—উপদেশ বর্ষণ।

সে দিব্য অস্ত্রটি কি ?

দিব্য অস্ত্রের সন্ধান অপর পক্ষকে দেওয়া নিষিদ্ধ।

সে তো শত্রুপক্ষকে।

তা হলে যারা কাঁধে কাঁধ মিলিয়ে একসঙ্গে ফ্যাসি-শত্রু ধ্বংস করলে—তারা দিব্যাস্ত্রের সন্ধান অপর মিত্র পক্ষকে জানাচ্ছে না কেন ?

সন্দেহবশতঃ। ভাবছে—নীতিতে যারা ভিন্ন পথের পথিক—

তারা মিত্র হলেও মিত্র নয়—এই তো ? এ একটা কারণ বটে—কিন্তু নিজেকে গুরুত্ব গুরুতর করে রাখা মানুষের অগ্রতম অভ্যাস।

সে অভ্যাস রাখা চলবে না। বদ অভ্যাস।

ছ'জনেই কৌতুকে হেসে উঠল।

স্বপ্নপরিসর ঘরে মানিয়ে নিলে সুচিত্রা।

প্রয়োজনের বাইরে এতটুকু বিলাসকে কোন দিক দিয়েও প্রশ্রয় দিলে না। আর ছোট্ট ঘরে রান্না খাওয়ার অল্প সময়ই তো ব্যয় হয়। কোন কোন বাসিন্দার মত—কর্তারা কার্যক্ষেত্রে চলে গেলে—একখানা নভেল হাতে করে—বিহানায় শুয়ে শুয়ে পড়া—কিংবা ঘুম—তাস খেলা বা গল্প এ

সবে সময় কাটানো দুষ্করই ঠেকবে। একখানি ঘরে—রোজকার রোজ—  
একঘেয়ে কাজ—বন্দী জীবনের অমুত্তি ছাড়া কি? যেখানে মাঠ নেই  
—আকাশ নেই—নিস্তরতা নেই—গাছপালা নেই—যেখানে দিনদিন  
খাওয়া-শোওয়া-গল্প-কলহ চলেছে তো চলেছেই—বাইরের জগৎ কচিং  
দেখা দেয়—কালীঘাটে পূজা দিতে গিয়ে—দক্ষিণেশ্বরে বা বেলুড় মঠে  
বেড়াতে গিয়ে কিংবা পর্বোপলক্ষে গঙ্গাস্নানে—পথে ও গঙ্গার ধারে।  
আর আছে প্রমোদ-বিলাসের জন্তু মাসে দুটি কি তিনটি দিন—  
সিনেমা দর্শন।

কোনটিই বন্দীর এক সেল থেকে আর এক সেল-এ যাবার পথ ছাড়া  
কি? সেই ভিড়—সেই কোলাহল—কলহ—ঠেলাঠেলি—মারামারি।  
পৃথিবী পরিপূর্ণ হয়েছে বন্দী-নিবাসে অথবা জনসংখ্যা বেড়েছে—যাতে  
সঙ্কীর্ণ হয়েছে তার ভূমি! একটা কথা শোনা গিয়েছিল—যুদ্ধের পুরো  
যৌবনকালে। বোমারুর উৎপাতে—অভিজ্ঞজনেরা ফতোয়া দিয়েছিলেন  
(কোন কোন ক্ষেত্রে কার্যতঃ সে উপায় গ্রহণও করেছিলেন।) যে, শিল্প-  
কেন্দ্রগুলিকে ছড়িয়ে দিতে হবে দেশের অভ্যন্তরে। অতি ক্ষীণ দেহের  
অংশে নিশানা করা সোজা—তার ফলও অল্প আয়াসে মেলে। এখন  
যুদ্ধের বিভীষিকা মিলিয়ে গেছে—তৃতীয় মহাযুদ্ধের দুঃস্বপ্ন দেখলেও—  
আর তা নিয়ে সাবধান বাণী প্রয়োগ করলেও—অতি সাবধানীর  
চিত্ত-উৎক্ষেপ বলে তা কানে তুলছে না কেউ।

মলয়ের পাশটিতে এসে দাঁড়াল স্মৃতি। বাইরের জগৎ বিস্তীর্ণ এবং  
বিচিত্রও বটে। এ জগতে দুঃখ যেমন আসে অভাবিত—দুঃখ তেমনি  
ভেসে যায় নানা কন্ঠের প্রবাহে। আজ—কাল—পরও প্রতিটি দিন—  
সময়ের দাগে দাগ মিলিয়ে আসে আর চলে যায় না। একক জীবনের  
প্রবাহে—কখনো শ্রাওলা—কখনো শতদল—কখনো তরঙ্গ—কখনো তুফান

—এই বৈচিত্র্য-বৈভবে ভেসে আসে ঘটনা। ভেসে চলে যায় দূরে—  
কখনো শোভা—কখনো বা সৌরভের স্পর্শ দিয়ে। দাগে দাগ মেলে না  
—কিছুই থাকে না চিরস্থায়িত্বের প্রলোভন দেখিয়ে। আর তাতেই বুঝি  
মন ওঠে ভরে। সঞ্চয়কে একটি জায়গায় স্তূপীভূত করলেই না মমতা!  
...শ্রোতের জলকে খালের মধ্যে এনে জমা করা। লক্ষ্মী রূপাদৃষ্টিতে  
চান—অস্বাস্থ্যও ভালবেসে এগিয়ে আসে। সংসারে ঠাঁই বাঁধলে—জগৎ  
থেকে বিচ্ছিন্ন হয়ে যাবার সম্ভাবনা প্রচুর। ঘর ছাড়বার পর এই অমুভূতি  
প্রবল হয়েছে সূচিত্রার মনে—সম্পূর্ণকে পাওয়ার সাধনা সর্বদা বিলিয়ে  
দিয়েই করতে হয়।

মলয়কে সে এক দিন বললে, তোমরা কংগ্রেসের সব নীতি  
মাননা তো?

মানি—কিন্তু সমর্থন করি না। মন্ত্রী-মিশনের সঙ্গে এই আলাপ-  
আলোচনায় দেশের স্বাধীনতা আসবে না—এটা আমরা বিশ্বাস করি।

সূচিত্রা বললে, তবে আলাপ না চালিয়ে দেশকে বিদ্রোহের পথে  
টেনে আনলেই কি তোমাদের উদ্দেশ্য সিদ্ধ হবে?

মলয় বললে, টেনে আনার কথা নয়—কিন্তু এটা সর্বদা মনে রাখা  
দরকার—আমরা আগুন চাইছি—পাচ্ছি আলেয়া। আর তাতেই ভুলে  
সব পেয়েছি বলে যদি নিরুচ্চম হই তো কোথায় পিছিয়ে পড়ব ভাব কি?

কংগ্রেসের নেতারা কি এ কথা বোঝেন না?

নিশ্চয় বোঝেন। কিন্তু তাঁরা আশাবাদী। তাঁরা হয়ত এ-ও  
বোঝেন যে যুদ্ধের ধাক্কায় আমাদের মহল্ল স্বভাবতঃই শিথিল হয়েছে  
কিছুটা। তা ছাড়া বিপ্লব বাধাবার উপযুক্ত সময়ও এটা নয়।

সে কথা কি তোমারও মনে হয় না?

হয়। তবে—এ কথা কি আরও সত্য নয় যে—যুদ্ধের ইচ্ছাটা—

যুদ্ধের কারণ সম্পূর্ণরূপে নিশ্চিত না হওয়া পর্যন্ত জাগিয়ে রাখা কর্তব্য ?  
কারণও সং প্রতিজ্ঞায় অবিশ্বাস করি না আমরা—

একটু খেমে হেসে বললে, কি জান—কালশ্রু কুটিলা গতি । এখন পরিবেশ সৃষ্টি করে—রাজনীতির রঙ্গমঞ্চে চলছে পটক্ষেপণ আর পটোত্তোলন...এ তো সাধারণের মত অনুসারে ঘটে না ।

সুচিত্রা বললে, লিখিত সর্ভ অবস্থার চাপে এক মুহূর্তে বাতিল হয়ে যায় ।

মলয় বললে, বিপ্লব খড়ের আগুন নয়—ওপরের একটু দাহ পদার্থের সংযোগে দাউ দাউ করে জ্বলে উঠলেই তার উদ্দেশ্য সিদ্ধ হয় না । মানুষকে রাষ্ট্রসচেতন করতে হলে সমাজ-সংস্কার প্রথমে দরকার ।

মোট কথা তোমরা বাম-পন্থী ।

রক্ত গাঢ় হলেই মানুষ যে পন্থা নেয়—তা দক্ষিণ পন্থা নয়—ওটা আপোষ-নিষ্পত্তি—বিচার-বিবেচনা মানিয়ে চলার একটি দিক ।

মানিয়ে চলাটাই—অর্থাৎ সহযোগিতাই সব চেয়ে বড় কথা নয় কি ?

তারও আগে কতকগুলি ধাপ আছে—যা উত্তীর্ণ হওয়া দরকার ।  
তুমি তেতলা থেকে হাত বাড়িয়ে দিলেই আমি একতলা থেকে কিছু সে হাত ধরতে পারি না ।

তারই ব্যবস্থা তো হচ্ছে । সিঁড়ি—ইন্টারিম গভর্নমেন্ট হ'ল সেই সিঁড়ি যা দিয়ে একতলার মানুষ পৌঁছতে পারে ওপর তলায় কিংবা তেতলার মানুষ নামতে পারে একতলায় ।

মলয় বললে, সিঁড়িটা তাই মজবুত হওয়া দরকার । ও সিঁড়ি যদি পলকা হয় কোন উদ্দেশ্যই সিদ্ধ হবে না ।

তাই বুঝি এত কথা কাটা কাটি—এক একটি ধারার ভাব আর ভাষা নিয়ে মাথা ঘামানো চলছে ?



তবু তোমরা নতুন দলই—বামপন্থী। বলে সূচিত্রা হেসে তর্কের পরিসমাপ্তি করলে।

এক দিন মণীশের সঙ্গে দেখা হয়ে গেল—শ্রদ্ধানন্দ পার্কে মীটিঙে যাবার মুখে।

সূচিত্রা মণীশকে লক্ষ্য করেনি। মণীশই প্রণাম করে বললে, মাপ করবেন বউদি—প্রথমটা আপনাকে চিনতেই পারি নি।

অপরাধ মণীশের নয়—এ ধরণের পটভূমিকায় সূচিত্রাকে ও আশা করে নি।

সূচিত্রা নত নেত্রে বললে, অপরাধ আমারই—

মণীশ বললে, না বউদি—

মলয় বললে, থাক অপরাধতত্ত্ব—কিন্তু কোথায় তুমি গা ঢাকা দিলে—  
এত দিন কোন পাত্তা লাগাতে পারি নি!

গিনি হাউসে আমাদের আস্তানা—যদি খোঁজ করতে অন্ততঃ—

মলয় বললে, অনিমা কোথায়?

ঐ যে ডায়াসের একধারে যেখানে মেয়েরা বসে। এস, তোমাদের পেলে ও ভারি খুসি হবে।

মীটিং ভাঙলে—ওরা পার্কের একধারে বৃত্তাকারে বসল। তারপর চলল আলোচনা। মন্ত্রীমিশন আর কংগ্রেস—ভারতের যুগবিপ্লবী পরিবর্তনের কথা।

মণীশ বললে, আলোচনা আর ব্যাখ্যা এ সবে স্বাধীনতা আসবে বিশ্বাস হয়?

আলোচনা যদি আন্তরিক হয়—

বাধা দিয়ে মণীশ বললে, বিনা রক্তপাতে স্বাধীনতা লাভ শুনতে, সোনার পাথর-বাটির মত। তা হয় না—আমাদের তৈরি হতেই হবে।



তোমাদের বামপন্থী দলগুলি তা বিখাস করছে না। অথচ তোমরা এক ধরনের বিখাস নিয়েও দল আলাদা আলাদা! এটা আশ্চর্য্য বোধ হয় না?

মলয় বললে, সোস্যালিষ্ট আর কমুনিষ্ট পার্টি যেমন খানিকটা এক হয়েও সবটা এক নয়—আমাদের এই বিভিন্ন দলগুলি—

সুচিত্রা বললে, আমার আশ্চর্য্য বোধ হয় তোমরা এক হয়ে একটি সাধারণ কর্মপন্থা বেছে নাও না কেন! দল যত বড় হয় তার ক্ষমতাও তত বেশি হয়—এ তো জান।

মলয় উত্তর না দিয়ে মুহূ হাসলে। বললে, কিছু খাওয়াবে? খিদে পেয়েছে।

আমার কথা এড়িয়ে যেতে চাইছ কিন্তু।

তা চাইছি। কারণ সব দলগুলিকে এক করার বিরাট ব্যক্তিত্ব আমাদের কারও নেই—আমরা তা পারি না।

সুচিত্রা বললে, তা হলে তোমরা স্বপ্নই দেখবে চিরকাল?

না চিত্রা। শহরে আন্দোলন করে ছাত্র আর শ্রমিক খেপানো ছাড়া বিশেষ কিছু ফল হয় না, অস্বীকার করি না—ওটাও গণজাগরণের একটি অংশ। তবে প্রকৃত কাজ আরম্ভ করতে হবে গ্রামে—কৃষক আর মধ্যবিত্ত শ্রেণীকে নিয়ে। এর জন্য চাই সংগঠন—সমাজকে সুস্থ ও সক্ষম করে গড়ে তোলার কাজ। সে কাজও আরম্ভ করেছি আমরা।

সুচিত্রা বললে, খাবার খেয়ে কিন্তু খুলে বলতে হবে কি ধরনের কাজ আরম্ভ করেছ তোমরা।

শহরে বিক্ষোভ লেগেই রয়েছে। ডাক ও তার ধর্মঘট চলছে— প্রেস-ধর্মঘটের নোটিশ দেওয়া হয়ে গেছে। বাটা মজদুর ইউনিয়ন চঞ্চল হয়ে উঠেছে। বেলুড় লোহা-ঢালাইয়ের কারখানায় অর্ধভুক্ত শ্রমিকরা করছে ঘন ঘন মীটিং। পৃথিবীর চার দিক থেকে খবর আসছে ধর্মঘটের। যুদ্ধের জোয়ার সরে গেছে, দেশপ্রেমের মোহ—জীবন ধারণের সমস্তা-সংঘাতে রূপ বদল করছে। যুদ্ধোত্তম মানুষের চিত্তক্ষেত্র অধিকার করে আছে, প্রকৃত যুদ্ধ বিশ্বশান্তি প্রতিষ্ঠার আয়োজনেই আরম্ভ হ'ল বুঝি !

ইতিমধ্যে কলকাতা বেশি রকম বিক্ষুব্ধ হয়ে উঠল। কংগ্রেস মন্ত্রীমিশনের দীর্ঘমেয়াদী সর্ত্ত মেনে নেওয়াতে—লীগ স্বল্প-ও দীর্ঘ-মেয়াদী দুই সর্ত্তই বাতিল করে দিয়েছে। শুধু বাতিল করেই ক্ষান্ত হয় নি—অস্তবর্ত্তী গবর্নমেন্টের বিরুদ্ধে প্রত্যক্ষ সংগ্রাম করার সঙ্কল্প গ্রহণ করেছে। ঐ সংগ্রাম প্রথম শুরু হবে ষোলই আগষ্ট।...নেতারা কেউ কেউ বলেছেন—অহিংস সংগ্রাম আমাদের নীতি নয়। সংগ্রামের আগের দিন ঘোষণা করা হ'ল—ঐ দিন পূর্ণ হরতাল পালন করা হবে। যারা যোগ দিতে চায়—তারা যোগ দেবে—যারা যোগ দেবে না—তাদের ওপর জুলুম করা হবে না। যথাসম্ভব নিরুপদ্রবে প্রতিবাদ-দিবস পালিত হবে। তবে যদিই কোন অপ্রীতিকর ব্যাপার ঘটে এইজন্য ঐ দিন সরকারী ছুটি ঘোষণা করা হয়েছে।

ছুটি ঘোষণার বিরুদ্ধে যথেষ্ট বাদ-প্রতিবাদ হ'ল। সিন্ধুর গভর্নর ছুটির ঘোষণা বাতিল করে দিলেন—বাংলার লাট তুষ্টীভাব অবলম্বন করলেন। এমনি করে ষোলই আগষ্ট এল। ষোলই আগষ্ট এল অকল্লিত

রূপে। সভ্যতার পাদপীঠ থেকে গড়িয়ে পড়ল মানুষ। গড়াতে গড়াতে চলে গেল তারা আদিম যুগের আশ্রয়ে। পশু-জগতেও হনন-রীতির একটি সীমা নির্দিষ্ট আছে—জন্মস্বত্বে পাওয়া পশু-বিবেক বলা যায় তাকে। ষোলই আগষ্ট আরণ্য-রীতিকেও অতিক্রম করল অনায়াসে।

শহরের রাজপথ শবে আচ্ছন্ন হ'ল—আকাশে উড়ল চিল আর শকুনেরা। আকাশে উঠল—নিরীহ যে-কোন-নীতি-অনভিজ্ঞ দল-নিরপেক্ষ হিন্দু-মুসলমানের মরণ আর্তনাদ, উঠল প্রাসাদ ও বস্তি লেহন-কারী আগুনের লকলকে শিখা। বাতাসে বারুদের গন্ধ—রক্তের গন্ধ—শবের গন্ধ। গুণ্ডাদের উন্নত চীংকারে মথিত হ'ল বায়ুমণ্ডল। মানুষ নয়—গোটা শহরটাকে হত্যা করা হ'ল। নাদির-তৈমুরের কীর্তি ইতিহাসের পৃষ্ঠা থেকে আর একবার বৃটিশ-শাসিত শহরের বুকে ঝাঁপিয়ে পড়ল।

ষোলই আগষ্ট ঐ তারিখটিতেই নিঃশেষিত হ'ল না—পর পর তারিখ-গুলি তার জের টেনে চলল। 'জয় হিন্দ' আর 'আল্লা-হো-আকবর' ধ্বনি বায়ুস্তর বিদীর্ণ করে এক প্রান্তের অরাজকতাকে অন্য প্রান্তে বিস্তীর্ণ করে দিলে। মন্ত্রীমিশন তখন বিলাতের ঠাণ্ডা আবহাওয়ায় দুশ্চিন্তামুক্ত চিত্তে স্নানিদ্ভার আয়োজন করছে।

শহর দুঃস্বপ্নপীড়িত, পথে ঘাটে লোক চলাচল নেই বললেই হয়। এক সম্প্রদায়ের এলাকা দিয়ে অন্য সম্প্রদায় চলাফেরা তো করেছেই না—সঙ্গীন উঁচানো প্রহরীর সামনে পাশাপাশি দুই সম্প্রদায় দোকান খুলতে ভরসা পায় নি। দুধ সঙ্গীর অভাবে গৃহস্থের নাকালের অস্ত নেই—প্রচণ্ড আঘাতে শহর মুচ্ছা হত। এমন সময়ে মণীশের সঙ্গে মলয়ের দেখা।

রেড ক্রসের গাড়িতে ওরা আর্ন্ত-উদ্ধারে নিযুক্ত ছিল—এক পোড়া-বস্তির গলিপথে দুখানা মোটর এসে দাঁড়াল।

ব্যাপারটি হ'ল হিসাব-নিকাশ। প্রথম উত্তেজনা কেটে গেলে স্ক্র হ'ল বাগবাজার আর ট্রেটিবাজারের হিসাব-নিকাশ। মৌলানী-মাণিকতলা এরা বড়বাজার আর শামবাজারকে ছাপিয়ে যেতে পেরেছে কি? ভবানী-পুরের সঙ্গে মেটিয়াবুরুজের পালা দেওয়া চলল। লুণ্ঠিত সম্পত্তির মূল্য-হিসাব আর নিশ্চিহ্ন-প্রতিবেশীর সংখ্যা গণনা—কাগজে আর লোকের মুখে—পথে, বস্তুতে, ক্লাবে, বাড়িতে, আপিসে আর দোকানে প্রতিনিয়ত চলল। শহর গুজবের আবর্তে পাক খেয়ে ঘুরতে লাগল—স্বাভাবিক অবস্থা ফিরতে হ'ল দেরি।

ইতিমধ্যে দুর্গাপূজা এল—ঈদ সমাধা হল। গুপ্ত ছোরা মারার সংবাদ—সংবাদপত্র খুললেই চোখে পড়ে—কিন্তু ব্যাপক হাঙ্গামা বাধল না। তবে বড় রকমের একটা বিক্ষোভ পাক খেতে লাগল—হিসাব-নিকাশের অন্তরালে। তারপর এল দশই অক্টোবর। শহর থেকে বিক্ষুব্ধ ডেউ সবেগে আছড়ে পড়লো নোয়াখালিতে। কলঙ্ক-কাহিনীর আর এক পৃষ্ঠা ইতিহাসে সংযোজিত হ'ল। আবার কাগজে কাগজে আর্ন্তনাদ, হিসাব-নিকাশ। বাংলা থেকে বিহারে আছড়ে পড়ল ডেউ। বিহার থেকে তার গতিবেগ প্রবল হয়ে হাজারায় আঘাত করলে—তারপর প্রসারিত হ'ল মৈয়দপুরে। গৃহযুদ্ধের পটভূমিকা সূক্ষ্মপূর্ণ হ'ল।

দোসরা সেপ্টেম্বর কংগ্রেস যোগ দিয়েছে মধ্যবর্তী গবর্নমেন্টে। দিল্লীর বড় দপ্তরের সামনে বিক্ষোভ প্রদর্শিত হয়েছে। একটি চূকট মধ্যবর্তী সরকারের—মহামাত্র সদস্যের মোটরে মাত্র নিষ্কিপ্ত হয়েছিল, অগ্নিকাণ্ড ঘটে নি। কিন্তু সে আগুন ছড়িয়ে পড়েছে—রাজধানীর বাইরে। তারপর লীগের সদস্যরা যোগ দিয়েছেন সরকারে, তবু আগুন নেভে নি। একটা গোল বাধল ষোলই মে-র ভাষা নিয়ে। গণপরিষদে যোগ দেবার প্রতিশ্রুতিতে লীগ নাকি মধ্যবর্তী সরকারে প্রবেশ করেছিল

হয়েছে—আর একটা মিলের জন্য জমি দখল করা আছে—কাগজে কাগজে শেয়ার বিক্রয়ের বিজ্ঞাপন বার হচ্ছে। ফলে হাজার হাজার বিঘার জঙ্গল—বাঁশবন পচা ডোবা মশককুল সমেত নিশ্চিহ্ন হয়েছে—আশ-পাশের গ্রামে নবজীবনের স্রোত বইছে।

মিল বা ফ্যাক্টরীর অধিকৃত জমিতে শ্রমিক-ব্যারাক ও ম্যানেজার ইন্সপেক্টার প্রভৃতির কোয়ার্টারসও তৈরি হয়েছে। কোয়ার্টারে বৈদ্যুতিক আলো—সংরক্ষিত ট্যাক থেকে পাইপবাহী পানীয় জলের ব্যবস্থা এ তো আছেই, যুদ্ধের শেষভাগে রেশন-ব্যবস্থা চালু হওয়াতে নিত্য প্রয়োজনীয় জিনিস-পত্রের দোকানও খুলেছে কোম্পানী। দুটি বাজার প্রত্যহ বসে। আর যে সব দোকান গ্রামের অভ্যন্তরে আছে—সেগুলোরও ক্রী ফিরেছে। বিশেষ করে দেশী মদের দোকানের আয় বেড়ে গেছে অসম্ভবরূপে। শহর পায়ে পায়ে এগিয়ে এসেছে গ্রামের দিকে।

কলকাতার প্রতিক্রিয়া এখানেও হয়ত শুরু হ'ত—মিল কর্তৃপক্ষ ও শ্রমিক ইউনিয়নগুলির চেষ্টায় তা হয় নি। অত্যাচারের তালিকা ও নিহতের সংখ্যা নিয়ে তর্কবিতর্ক ও মনোমালিণ্ড যে ঘটে নি তা নয়—তবে সেটা দেশী মদের দোকানের এলাকাতেই নিবদ্ধ ছিল।

দোতলার দক্ষিণ-খোলা বারান্দায় ইজিচেয়ারে দেহ এলিয়ে খবরের কাগজ পড়ছে প্রশান্ত। সন্ধ্যার মুখে এক পেয়লা চা ও টোষ্ট মাখম ডিম জলযোগ করে বিশ্রামের মুহূর্তে কাগজ পড়া তার নেশা। বিশেষ করে আজকালকার অন্তর্বিপ্লবোন্মুখ ভারতবর্ষ যথেষ্ট কৌতূহল সঞ্চার করে মনে। নেতারা বলেন—দুটি বছর অন্ততঃ অশান্তি হানাহানি কাটাকাটির মধ্য দিয়ে চললে তবে পরীক্ষার প্রথম ক্ষেত্রটি পার হওয়া যাবে। স্বাধীনতা অমনি আসবে না—মূল্য দিতেই হবে।

প্রশান্ত কাগজ পড়ছিল। শহরে—শহরের চারপাশে এ প্রতিশ্রুতি ও

প্রভিন্সে ধর্মঘট লেগেই আছে। যারা কলম পিষে দশটা-পাঁচটা বজায় করে—তারাও ধর্মঘট করছে। সাপ্তাহি আপিসের চল্লিশ হাজার কেরাগী ছাঁটাই প্রস্তাবের বিরুদ্ধে এক দিন কলম চালনা বন্ধ করেছিল—ইন্স্পিরিয়েল ব্যাঙ্ক এই তো সেদিন ধর্মঘট সেরে কাজে যোগ দিয়েছে—ডাক আর তার বিভাগ—ওরাও কম দিন কাজ বন্ধ করে বুঝিয়ে দিলে না—যুদ্ধোত্তর যুগের সঙ্গে পা ফেলে চলতে সক্ষম। রেঙ্গুন ডক ধর্মঘট, তারপর সিঙ্গাপুর—জগৎটা শ্রমিক আন্দোলনে পাক খেয়ে খেয়ে ঘুরছে। না—একঘেয়ে এই সব খবর ভাল লাগে না।

টিপয়ের ওপর কাগজখানা রেখে টিনের কোটো থেকে একটা সিগারেট টেনে নিয়ে ধরালে। শীতকালের আকাশে সাদা সাদা মেঘ ভাসছে। আবহাওয়ার রিপোর্ট বলে—পূর্ব ও পশ্চিম বঙ্গে সামান্য বারিপাত হবে। উড়িষ্যার উপকূলভাগে মেঘগুলি অভিযান শুরু করেছে। বাতাসের কাঁধে চড়ে ভারতবর্ষের কোন্‌দিকে কতদূর ছড়িয়ে পড়বে তার মোটামুটি ইঙ্গিত পাওয়া যাচ্ছে।

চেয়ারে পা তুলে দিয়ে অলসভাবে একটার পর একটা সিগারেট ধরিয়েই চলেছে সে। সোনালী মেঘে সন্ধ্যা নামবে এখনই—ব্রিজের আড্ডা বসবে নীচের হলঘরে। খেলার সঙ্গে চা—পান—সিগারেট আর গল্প—সন্ধ্যাটা রঙীন আলোভরা ফানুসের মত গভীর রাত্রির দিকে উড়ে যাবে। এই জীবনের তৃষ্ণাই কি তবে সাম্যবাদের অভ্যন্তরে লুকিয়ে ছিল? হাঁ—সার্থক-হতে না-পারার ক্ষোভ সৃষ্টি করেছিল একটি মতবাদ—অক্ষয় ঈর্ষ্যার আক্ষেপ কিছুটা—আসলে প্রাসাদের শোভায় আর মোটরের পালিসে জড়িয়ে ছিল বাসনা। শৈশবে মা-ঠাকুরমার মুখে গল্প শুনে রূপকথাপায়ী শিশু যেমন উত্তর জীবনের সমৃদ্ধ ছবি কল্পনায় এঁকে বাসনাকে কথকিৎ পূরণ করে—বহু কল্পনা সার্থক হলে আনন্দে দিশেহারা

ছোয়াচ থেকে সে যে এটিকে রক্ষা করতে পেরেছে—এ কৃতিত্ব তারই তো। দু' দুবার ঢেউ উঠেছিল। পূজোর বোনাস আর মাগ্গি ভাতা বাড়ানোর দাবি। মালিক হাল ছেড়ে বললেন, যা ভাল বোঝ কর—কিছু টাকা মঞ্জুর করে দিচ্ছি।

অর্ধেক মাইনে বোনাস—আর দু' টাকা মাগ্গি ভাতা বৃদ্ধি—ধর্মঘটের প্রগাঢ় ছায়া—ফ্যাক্টরীর পাশ কাটিয়ে গেল।

রতন কটন মিলের ম্যানেজার সর্বেশ্বর বাবু বললেন,—কাজটা ভাল করলেন না প্রশান্ত বাবু। ঘি দিলেই আগুন জ্বলবে—বারো মাস ঘি চালবার ব্যবস্থা করতে পারবেন তো?

প্রশান্ত বললে, অসম্ভব লোক নিয়ে কাজের পড়তা হবে কেন সর্বেশ্বর বাবু? গো-স্নো ট্যাকটিক্‌স্‌এ ব্যবসা চলে না কখনো?

কিন্তু লাভের মার্জিন কমে এলে—আমাদের অবস্থা কি দাঁড়াবে—

তাও কি ভাবি নি সর্বেশ্বর বাবু? টাকায় টাকা লাভ—এ তো যুদ্ধের বাজারেই সম্ভব হয়েছে, টাকায় মিকি লাভ এ নিয়েও তো না বাঁচবার কথা নয়।

সর্বেশ্বর বাবু রাগ করে কথা বলেছিলেন কিছু, প্রশান্ত রাগ করে নি। লাভের অংশ কমে গেলেই এদের মাথায় আকাশ ভেঙ্গে পড়ে। এরা দু' চোখের সীমানায় যতটুকু পড়ে তারই মাপজোক নিয়ে ব্যতিব্যস্ত। কিন্তু দৃষ্টির দোষ, অহঙ্কারে আঘাত লাগলেই কেটে যায়, নতুন করে রক্ষা নিষ্পত্তি করে বেশি লোকসানই দিয়ে বসে এরা। সর্বেশ্বর বাবু শ্রমিকদের দাবি পুরিয়ে এক দিন দুঃখ করেছিলেন, মিল তুলে দেব, এত কম লাভে ভূতের খাটুনি খেটে পোষায় না।

মিল তুলে দেন নি তিনি। ভূতের কাঁধে চেপে আছেন বলেই ভূতেদের নাচের ধকল তাঁকে সইতেই হয়।



নীচের হলঘরে আলো জ্বলে উঠল, কোলাহল শুরু হ'ল। চাকর এসে খবর দিলে বাবুরা এসেছেন।

সিগারেটের টিন আর চা নীচের ঘরে পাঠানোর হুকুম দিয়ে প্রশান্ত নেমে গেল।

সর্বেশ্বর বাবু বললেন, এই শুভুন এঁদের মুখে, ব্যাটারি কি বলে ?

লক্ষ্মী গ্লাস ওয়ার্কস্-এর ম্যানেজার কমল মিত্র বললেন, টোয়েন্টি-পারসেন্ট পে ইনক্রীজ গ্লাস টোয়েন্টি পারসেন্ট এ্যালাউন্স। নিন ঠেলা, কি দিয়ে সামলাবেন সামলান !

আচ্ছা, বসুন স্থির হয়ে। একটা পরামর্শ করা যাক।

পরামর্শ আর ছাই! সব ক'টি মিল, ফ্যাক্টরী এক জোট হয়েছে, ইউনিয়নের থু দিয়ে নোটিশ দেবে পনেরো দিনের। একেবারে মোক্ষম কাছিমের কামড়। হতাশ সর্বেশ্বর টিন থেকে একটা সিগারেট টেনে নিয়ে চেয়ারের হাতলে মাথাটা হেলিয়ে দিলেন।

বেঙ্গল কটন মিলের ম্যানেজার অনন্ত দোবে বললেন, পুরা মাহিনার ছুটি, ক্যাজুয়েল লিভ পনের রোজ, আউর মেডিকেল ট্রিটমেন্ট ভি ডিমাও করছে।

প্রশান্ত বললে, ছুটি তো এ্যাডজুডিকেশনে যাবে, সেদিন মিল ওনার এসোসিয়েশনে ঠিক হ'ল না? আর মেডিক্যাল ট্রিটমেন্ট? কেন ডাক্তার নেই আপনার মিলে?

আরে ডক্টর আছে, দাওয়াই ভি আছে, লেकिन উ আদমী আচ্ছা দাওয়াই মাংতা হয়।

বেশ ত, তাও কিছু রাখবেন। লাভের একটা সামান্য অংশ দিনেই তো ভাল ডাক্তারখানা ও ভাল ডাক্তারের ব্যবস্থা হতে পারে।

সর্বেশ্বর বাবু মুখ ভার করে বললেন, পারে তো সবই মশায়, কিন্তু লাভের মার্জিন কমে গেলে—ভূতের ব্যাগার খেটে লাভ !

প্রশান্ত হেসে বললে, ভূতদের যখন ছাড়াই যাবে না, আর আদায় করতে হবে ভাল কাজ, তখন ওদের ভাল থাকা আর ভাল খাওয়ার ব্যবস্থা করতে হবে বৈকি !

সর্বেশ্বর রাগ করে বললেন, আপনার তো ফ্যাক্টরী নয়, কাজেই ও কথা বলবেন বৈকি ।

প্রশান্ত বললে, মালিকের মনের ইচ্ছে না জানলে কি এ কথা বলবার সাহস আমার হয় ! ভাল খাওয়া পরা আর ভাল থাকার দাবি আমার আপনার যেমন আছে, ওদেরও তেমনি আছে ।

কমল মিত্র বললেন, আচ্ছা সে না হয় যতদূর সম্ভব ব্যবস্থা করা গেল, কিন্তু পে আর এলাউন্সের দাবি মেনে নিলে, এই সর্বেশ্বর বাবু যা বললেন, ভূতের ব্যাগার দেওয়া ছাড়া আর কিছুই হবে না ।

প্রশান্ত সিগারেটের ছাই ঝাড়তে ঝাড়তে বললে, কাল কি পরশু দুপুর বেলায়—একটা মীটিং কল করা যাক । তার আগে মিলের আয়ব্যয়ের হিসেবটা ভাল করে পরীক্ষা করা দরকার ।

অনন্ত দোবে বললেন, আমেরিকা মাল ছাড়লে তো মার্কেট তেজ থাকবে না—বিলকুল ডাউন হয়ে যাবে ।

হাঁ—সে হিসেবও মোটামুটি কষতে হবে । তবে যাই বলুন—এ বাজার নামতে এখনও দু' বছর তো যাবেই ।

সর্বেশ্বর বললেন, তা হলেও তো ঝাঁচি । বাজার নামলে ব্যবসা তো গুটোতেই হবে । ভাববেন না একবার দাবি বাড়িয়ে আবার তা কমানো যাবে !

প্রশান্ত বললে, স্ট্যাণ্ডার্ড অব লিভিং যেমন তেমনি আয়ব্যয় চলবে ।

একটা কম—আর একটা বেশি এ টপসিটারভি কণ্ডিশনে পৃথিবী চলতে পারে না।

ব্রিজের আসর বসল—অন্য দিনের মত জমল না। সকাল সকাল খেলা ভেঙে সবাই উঠলেন।

কমল মিত্র বললেন, হিসেব-নিকেশ করতে দু'চার দিন সময় নেবে—মীটিংটা আসচে সপ্তাহেই হোক।

সর্বেশ্বর বললেন, তাই হোক—ওরা তো এখনও নোটিশ দেয় নি।

সবাই চলে গেলে প্রশান্ত আপন মনে খানিকটা হাসলে। মুঠো শক্ত করে রাখবার চেষ্টা কোথায় নেই? চাচ্ছিল, জেনেরাল স্মাটস্—থেকে চুনোপুঁটি সর্বেশ্বরবাবু পর্যন্ত। সাম্রাজ্যবাদ আর পুঁজিবাদে আতাত চিরকালের। সাম্রাজ্যবাদ না টিকলে পুঁজিবাদ বাঁচে কি করে! একের সম্পদ-সৃষ্টির মূলে বহুর দুর্দশা ও দাসত্ব—এ কলঙ্ক অপসারিত না হলে পৃথিবী সূস্থ হবে না। লোভের ত সীমা নেই—সে চায় আরও। অসুষ্ঠ থেকে পর্বতপ্রমাণ। টলষ্টয়ের সেই গল্পটা মনে পড়ল—একটা লোকের কতটা জমি আবশ্যিক। লোভের বশে সূর্য্যোদয় থেকে সূর্যাস্ত পর্যন্ত যে সব জমির উপর দিয়ে লোকটা ছুটে ছুটে চলল—মনে করলে সবই তার অধিকারে—তার ছুরাশা তাকে সেই প্রতিশ্রুতিই দিয়েছিল। সূর্যাস্তের মুহূর্ত্ত পূর্বে যেখানে সে থামল—চিরদিনের মত—সেই মাড়ে তিন হাত জমিটুকু তার দেহকে দিলে যথার্থ আশ্রয়। প্রয়োজন মিটিয়ে বাইরে হাত বাড়ানোই ত অনধিকার। অথচ পুঁজিবাদ তা স্বীকার করবে না—সাম্রাজ্যবাদ ত যুদ্ধং দেহি বলে দাঁড়িয়েছে।

সুখী হবার অধিকার সকলের আছে—এ কথা স্বীকার করে প্রশান্ত—কিন্তু কারো সুখ কেড়ে নিয়ে সুখী হওয়া নয়। কারও দাসত্বে নিজের প্রভুত্ব কায়ম করার বাসনাও তার নেই। এগুলি হ'ল দুর্বল—

দাঙ্গিক—ক্ষমতালোভীর বর্ষের বাসনা । লাভটাকে সর্বত্র ছড়িয়ে দেওয়া  
দরকার—হাতের পাঁচটি আঙ্গুল সমান না হতে পারে—একটা রুগ্ন আর  
একটা অত্যন্ত স্বীত হবে কেন ?

রোজই মোটর নিয়ে সে কলকাতায় যায় । মালিকের সঙ্গে পরামর্শ  
করে । তিনি ওর কাজে অত্যন্ত খুসি । বলেন, আমরা বাণপ্রস্থের যাত্রী  
—কিছু গুনিও না । কারখানা আর শ্রমিক দুটি পরস্পরের অবিচ্ছেদ্য  
অঙ্গ এটি সর্বদা মনে রাখবে ।

আপনার প্রফিট কমলে—

গ্রাহ্য প্রফিট পেলেই যথেষ্ট । আরে, যুদ্ধের কথা বাদ দাও—অবশ্য  
ইন্ফ্লেশনের ব্যাপারটা চট করে নষ্ট হবে না—তবে তোমার হাতে  
জিনিস নষ্ট হবে না—

কিন্তু আমি ত নতুন ।

নতুন বটে—আনাড়ী নও । আয়ব্যয় আর চলতি বাজার ঠাডি  
করে নিয়েছ—কোন দিন তোমায় ঠকতে হবে না ।

একে অগাধ বিশ্বাস বলা যায় । প্রশান্ত নিজের মতামত খাটাতে  
এতটুকু দ্বিধাবোধ করে না । অর্থের সুপরিচালনায় মানুষের কল্যাণ ।  
খেয়ে পরে সুস্থদেহে সে যদি কাজ করে যায়—সে কাজের ক্রটি কোন  
দিক দিয়ে কোন মুহূর্তেই প্রকাশ পাবে না । অভাববোধ হতে  
বিক্ষোভের যে সম্ভাবনা—সে উঠতে দেবেই বা কেন ?

হেড আপিসটা ঘুরে প্রশান্ত এল শুভাদের বাড়ির সামনে । ঠিক  
সামনে নয়—কেননা সে গলি পায়ে-ইটার গলি—মোটর সেখানে অচল ।  
বাঁধানো গলি চারবার পাক খেয়ে যেখানে শেষ হয়েছে—তারই একপ্রান্তে  
শুভাদের বাড়িখানা । পায়ে পায়ে এগিয়ে গেল প্রশান্ত ।

ভেতরে অনেক কণ্ঠের মিশ্রস্বর—যেমন উদ্দাম আলোচনা চলে

প্রত্যহ—তেমনি চলছে। শহরের আবর্জনারূপী ওই বাড়িখানিতে বসে—ভারতবর্ষের অসংখ্য শ্রমিক ও দরিদ্রদের মুক্তি চিন্তা করছে যারা—এ তাদের বিলাস, না ক্ষেপামি ! কয়েকটি মীটিঙে বক্তৃতা করলেই দাম্যনীতি চালু হবে না—কিংবা সিনেমার রূপালী পর্দায় লাখ দেড় লাখ টাকার চুক্তি-নামার স্বাক্ষরকারিণী নায়িকার মুখনিঃসৃত মন-তাতানো বক্তৃতাও কোন ফল প্রসব করবে না। সে বক্তৃতা করতালির সমর্থনে প্রেক্ষাগৃহ কাঁপিয়ে তুলবে শুধু। সস্তা ভাব-বিলাসিতার অভিব্যক্তিতে কৌতুকলোভী পুঁজিবাদীর দল বক্সের টিকিট কিনে মুচকি মুচকি হাসবেন। স্বৈর-শাসনের আওতায় বসে আরও বহুকাল মঞ্চে বা ময়দানে এ ধরনের বক্তৃতা শুনে তাঁরা বিন্দুমাত্র বিচলিত হবেন না। এই সোজা কথাটা শুভাৰা বুঝতে চায় না। রাজনীতি মানেই তো যে কোন সুযোগ-সুবিধার সাহায্য নেওয়া একথা কত দিন বলেছে শুভা, অথচ কার্যক্ষেত্রে সে পিছিয়ে পড়ছে না কি ?

কড়া নাড়বে কিনা ভাবছে—ওপর থেকে হাসির হলা গলির বুক আছড়ে পড়ল। দীর্ঘ বিলম্বিত হাসি। হয় তর্কে কেউ হেরে গেল নতুবা পুঁজিবাদের ওপর কটাক্ষ করে কোন শাণিত মন্তব্য বর্ষিত হ'ল।

কে—কাকে চান ?

ঠিক মুখোমুখি দাঁড়িয়ে প্রশ্ন করলে একটি ছেলে। হাতে তার বইয়ের গোছা—জামা কাপড়ে তার সত্যকার পরিচয় লেখা। বইগুলি কলেজের পাঠ্য হতে পারে, কমিউনিষ্ট লিটারেচারও হতে পারে।

প্রশান্ত উত্তর দেবার আগেই সে বললে, বিশেষ সুবিধা হবে না—এটা বুর্জোয়াদের ক্লাবঘর নয়। সরে পড়ুন।

প্রশান্তর বেশবাস দেখেই ছোকরা আঘাত দেবার লোভ সামলাতে

যুবক সিগারেট ফেলে দিয়ে হেসে উঠল হো হো করে। সে দিন তো পায়ে হেঁটে এসেছিলেন—আজ একখানা মোটর হয়েছে—তবুও বলছি সাবধান। শৈলেশ্বর বোসের তিনখানা মোটর আছে—

শৈলেশ্বর বোস! কথাটি চাবুকের মত সপাং করে প্রশান্তর পিঠে পড়ল। স্মৃতিশক্তি তার দুর্বল নয়।

ড্রাইভারের পিঠের দিকে ঝুঁকে পড়ে বললে, রাস্তার ওপিঠে গাড়ী থামিও তো। এক জনের সঙ্গে দেখা করে আসি।

## ২৩

স্বনীতি করার বাড়ির কাছে মোটর থামিয়ে প্রশান্ত গাড়ীর দুয়ার খুলতে না-খুলতে একটি মেয়ে বেরিয়ে এল বাড়ির ভিতর থেকে। মেয়েটির চলার ভঙ্গি পরিচিত—অথচ পিছন ফিরে পথ চলাতে ওর মুখ দেখা যাচ্ছে না। প্রশান্ত না নেমে ড্রাইভারকে বললে, ওই মেয়েটির পাশ কাটিয়ে আস্তে আস্তে চালাও গাড়ী। হর্ন দেবার দরকার নেই।

গাড়ী পাশে আসতেই মেয়েটি একটু সরে চাইলে সে দিকে। সন্দেহ ভঞ্জন হ'ল।

শুভা।

শুভা পরিপূর্ণ দৃষ্টিতে চেয়ে হাসলে, কমরেড প্রশান্ত! ব্যাপার কি? বলছি। আমবে গাড়ীতে?

শুভা বললে, নিশ্চয়। কত দিন পরে তোমার সঙ্গে দেখা—! বলতে বলতে গাড়ীর দরজা খুলে প্রশান্তর পাশে বসে পড়ে হাসলে, আঃ—তো মার গাড়ীখানা ছোট বটে—বসার ব্যবস্থা চমৎকার।

সবাইকে সুখী করে সুখী হতে চাও—বেশ তো। ব্যক্তিটা তুমি ভাল—তবু কতটুকু তুমি! তুমি পুঁজিবাদকে ভাল দৃষ্টান্ত দেখিয়ে গলাতে পারবে না—

তোমরা ও চেষ্টা কর না কেন এই ভাবে ?

কমরেড—তুমি বুদ্ধিমান হয়ে এমন প্রস্তাব করবে ভাবি নি! ‘আপনি আচরি ধর্ম লোকেরে শিখায়’,—সব কাজের এই হ’ল মূল নীতি। বড় খাটি কথা।

প্রশান্ত বললে, তা বলে—

শুভা বললে, তর্ক করব না—কমরেড। যে গুরুমশাই হুঁকো টানতে টানতে ছাত্রদের তামাক সেবনের অপকারিতা সম্বন্ধে বক্তৃতা দেন, তাঁর বক্তৃতাকে কি বলবে তুমি ?

কিছুই বলব না। তাঁর আচরণটা অভ্যাসগত কিন্তু অভিপ্রায়টি নিঃসন্দেহে মহৎ।

শুভা বললে, ছাত্ররা অল্প বুদ্ধি—আর অনুকরণপটু, আমাদের মত বুনো আর ঝামু হলে অবশ্য—

প্রশান্ত বললে, চল, একটা ভাল রেষ্টুরেণ্টে বসে থাক। এভাবে কথা কাটাকাটি করে তোমাকে বোঝাতে পারব না।

চল। কিন্তু পেটে কিছু পড়লেই মাথাব গোলযোগ খামবে—আশা করো না।

অভিজাত-শ্রেণীর একটা রেষ্টুরেণ্টে পর্দানশীন হয়ে বসলে দু’জনে। চা এল—আনুষঙ্গিক এল এবং সেগুলির সদ্যবহারের জন্য কাউকে অনুরোধ করতে হ’ল না। খাওয়া চলল অত্যন্ত সহজ ভাবে—আর সেই কারণেই আলাপের স্রোত আটকে গেল। মোটরের গতির তালে—পাশাপাশি বসে যে কথা সহজে বলা যেত—নিশ্চল চেয়ারে



একটু হাওয়া—ফ্যানের নয়, প্রকৃতির। বলে শুভা হাসলে।

বিল মিটিয়ে বাইরে এল প্রশান্ত। বললে, তোমায় পৌঁছে দেব ঠিকানায় ?

ধন্যবাদ। ট্রাম বাস যা হয় একটা পেয়ে যাব।

ও পিছন ফিরতেই প্রশান্ত নিজের নির্বুদ্ধিতাকে বার বার খিকার দিতে লাগল। শুভা তাকে কি ভাবলে ? নিবিড় সঙ্গ পাবার জন্তু ওর এই আকুল কামনাকে কি চাটুবাদ বলে উপেক্ষা করলে শুভা ? আর পাঁচ জনের মত সে-ও কি শুভার কাছে সাধারণ আলাপিত একজন ? তাদের অন্তরঙ্গতায় কোন দিন কি অহুরাগ-সিক্ত কোঁতুহল ভেসে ওঠে নি ? নিকটে টানবার আয়োজনের মধ্যে ছিল দেহগত আকর্ষণ—স্থূল মাংস-কামনার আবেগ ?

না—সোজা উত্তর চায় সে। দলগত নীতি—বা সমাজগত বাধা কিংবা ভালমন্দ-মনে-করা-করির সঙ্কোচ এসব একপাশে ঠেলে একটি মাত্র সহজ সোজা প্রশ্ন করবে ওকে—হৃদয়-দৌর্বল্য বা আবেগ-উচ্ছ্বাস যাই বলুক—একটি মাত্র প্রশ্ন করবে—ভালবাস আমাকে ?

মোটরের জানালা দিয়ে পিছন দিকে চাইলে প্রশান্ত। শহরের রাজপথে মানুষের আর যানবাহনের ঢেউ ঘন হয়ে উঠছে—চেনা মানুষের ফলে দৃষ্টিকে ভেড়ানো হুঃসাধ্য বটে।

কয়েকখানা জরুরি চিঠির মধ্যে—একখানি এসেছে বাড়ি থেকে। উপার্জনের ভেলায় চড়ে আবার সে স্নেহ-নদীর উপকূলে এসে পৌঁছেছে। বাবা তুফীল্লার অবলম্বন করে থাকলেও কেমন একটি দৃষ্টিতে স্বস্তির ভাব—মা তো আনন্দে চোখের জল ফেলে ভগবানকে যথেষ্ট ধন্যবাদ জানিয়েছেন। ছেলেকে সংসারের জোয়ালে পাকাপাকিভাবে জুড়ে দেবার পরামর্শ গুঁরা

বাহ্যতঃ গ্রামখানি আগেকার মতই আছে—মানুষের মুখে ভাসছে উদ্বেগ। বর্গীর হাজামার কথা কেউ বইয়ে পড়েছে—কেউবা গল্প শুনেছে—কেউ কেউ শোনেই নি—অথচ মনে হচ্ছে তেমনতর দুর্দিনই বুঝি সমাগত! তারা এসেছিল বাইরে থেকে—দিনের কার্যতালিকায় আর রাত্রির নিদ্রায় সর্কক্ষণব্যাপী ব্যাঘাত দিতে পারে নি। এ হ'ল কি? মসর্প গৃহবাসের মত লাগছে গ্রামখানিকে।

পথের দু'জায়গায় দেখলে গরুর গাড়ীতে মাল বোঝাই হচ্ছে। ছেলেতে বড়োতে টানাটানি করে ট্রাক খলে-বোঝাই বাসন আরও কি সব জিনিস গলিপথ দিয়ে নিয়ে যাচ্ছে ভিন্ন পাড়ায়—নিরাপদ স্থানে। এইভাবে পালিয়ে আত্মরক্ষা করবে সব?

প্রশান্ত গাড়ী থেকে নামতে না-নামতেই পাড়ার যুবাছেলেরা ছুটে এল। বললে, আপনি এলেন—তবু সাহস হ'ল আমাদের।

বৈঠকখানায় এসে বললে, এ পাড়ার চাঁদা বিশেষ কিছুই ওঠে নি—মালপত্ররও যোগাড় নেই। আপনি এসেছেন—ব্যবস্থা করে যান।

প্রশান্ত বললে, রিলিফ ফাণ্ড খুলছ নাকি?

রিলিফ ফাণ্ডই বটে! বলে কানের কাছে ঝুঁকে পড়ে ফিস্ ফিস্ করে কি বললে।

প্রশান্ত বললে, এই ভাবে বাঁচবে? ছি!

কি করব—ম্যাজিষ্ট্রেট বন্দুক জমা দেবার হুকুম দিয়েছেন, কেউ বাড়ি চড়াও হলে আত্মরক্ষা করব কি দিয়ে?

যাতে আত্মরক্ষার প্রয়োজন না হয় তেমন ব্যবস্থা কর নি কেন? দু'পক্ষ মিলে—

কেন—ভগবান নেই ? তিনি করবেন সব ।

বলতে বলতে শব্দ করে হেসে উঠলেন, তোমরা বিশ্বাস কর না কিছুই—কিন্তু তিনিই সব করান—আমরা নিমিত্তমাত্র ।

প্রশান্তুর ইচ্ছা নয় গ্রাম ছেড়ে পালিয়ে বিভীষিকা বাড়ায় । সে আর কোন কথা বললে না এ সম্বন্ধে ।

বিরাজমোহিনী বললেন, ওন ভয় বাড়ি ছাড়লেই এখনকার ইট কাঠ কিছুই থাকবে না । কিন্তু বাবা—আপনি বাঁচলে তো বিষয়সম্পত্তি ! মথুরার মাও তো যাব যাব করছে । উত্তুর পাড়ায় জিনিসপত্র সব পাঠিয়ে দিয়েছে—চেপ্টা করছে একখানা বাড়ি ভাড়া নেবার । ওরা চলে গেলে পাড়ায় রইলই বা কে ! কার ভরসায় থাকব বল ?

মাকে আশ্বস্ত করে প্রশান্ত বললে, সব ঠিক হয়ে যাবে—ভেব না মা । ভয় করলেই ভয় ।

মা বললেন, তুই এসেছিস—যা ভাল ব্যবস্থা হয়—কর ।

ছলযোগ করে ও বেরিয়ে পড়ল পাড়ায় । বহুক্ষণ ধরে এ পাড়া ও পাড়া ঘুরল—হিন্দু মুসলমান বহু লোকের সঙ্গে এই বিষয় নিয়ে আলাপ করলে । দুই দলই ভীত-সম্বস্ত । রাজনীতির জটিল বিষয় এরা বুঝতে চায় না—দলগত প্রীতিবিশেষও বিচলিত নয় । ব্যক্তিগত সুখদুঃখ—ব্যবসায়গত লাভক্ষতি বা সমাজগত দুর্নীতিঅপবাদ এইটুকুতেই ওরা কাঁদে—আনন্দ করে—উত্তেজিত হয় । বহুকাল পাশাপাশি বাস করে—কখনও গালাগালি—কখনও মাথা ফাটাফাটি হয়ে গেছে—আবার একদিন হয়ে গালাগালি করার সুযোগও এসেছে অচিরে । বাগড়াবিবাদের মধ্য দিয়ে যে ব্যকধান গড়ে ওঠে—তার তাৎপর্য বুঝা কঠিন নয়—কিন্তু এই আকস্মিক বিভেদ—এর মাথামুণ্ড খুঁজে পাচ্ছে না কেউ । প্রায় সবাই বলছে, এমনটা হ'ল কেন বাবু ?

প্রশান্ত মাতব্বর লোকদের কাছে গেল। এঁদের কেউ কেউ শান্তি-কমিটিতে আছেন।

বললে, আপনারা এক কাজ করুন। আত্মরক্ষার ব্যবস্থা ছেড়ে দিন। সবাই অবাক হয়ে বললেন, সে কি—গান্ধীজী পর্যন্ত বলেছেন—প্রশান্ত হাসলে। বললে, আপন বাডিয়ে আত্মরক্ষার ব্যবস্থা তিনি দেন নি। অস্ত্রশস্ত্র বাডিয়ে যদি শান্তিরক্ষা চলতো তো এত বড় দুর্ঘটনা হ'ত না।

মিছেই যুক্তি দিয়ে বোঝাবার চেষ্টা। তার কথায় মায় দিলেন কেউ কেউ—কেউ বা বললেন, তুমি ছেলেমানুষ—কতটুকু জান জগতের ? স্বয়ং ভগবান জীবজন্তুদের আত্মরক্ষার ব্যবস্থা করে দিয়েছেন—আমি মানুষকে বলেছেন—কিছু করো না—পড়ে পড়ে মার খাও।

অন্য পক্ষেরও ঐ কথা। বললে, ওবা কলকাতা থেকে গুণ্ডা আনিযেছে—সে দিন বাজাবে দেখলাম ইয়া গালপাট্টা—মুখখানা চাকা—এদেশে কোন দিন দেখি নি ওদের।

দু'দলকে এক করে আলোচনা চালাবার চেষ্টাও ব্যর্থ হ'ল। যারা রটনা করছেন রঙ ফলিয়ে—তাঁরা দূরেই রইলেন—যারা এক জায়গায় মিললেন—তাঁরা বললেন, ঠিক কথাই তো—এ ভাবে মানুষ বাস করতে পারে পাশাপাশি ? মিটমাট করে ফেলাই উচিত।

কিন্তু মিটমাট করবে কে ? কোন পক্ষ থেকে দায়িত্ব নিয়ে কেউ এগিয়ে এলেন না। বললেন, ওবে বাবা, একলার কি সাধি আমার।

বুড়োরা বললে, ছেলেরা মানে না আমাদের।

ছেলেরা বললে, বুড়োদের মত উস্কানি দিতে দ্বিতীয় কেউ নেই—ওদের সরান আগে পিস-কমিটি থেকে।

সুতরাং ক'দিন চেষ্টা করেও গ্রামের অবস্থা উন্নত করা গেল না।

দাদু বললেন,—তোদের রাজনীতিটিতি বুঝি না ভাই—তবে ধর্মরাজ্য  
স'স্থাপনের জন্য বার বার যে যুদ্ধ হ'ল—ত্রেতায়—দ্বাপরে--তার মূল  
কথা হ'ল দুষ্কৃতের বিনাশ। এক দুষ্কৃত বিনাশ হলে অন্য দুষ্কৃত যে  
জন্মে না এমন কথা নয়—তাই সম্ভবামি যুগে যুগে। এই হচ্ছে  
জগতের সৃষ্টিলীলা।

তোমার সৃষ্টিলীলাকে প্রণাম কবি দাদু—।

দাদু হাসলেন, তোমাদের কল্যাণ-বৃদ্ধি দিয়েও এ অমঙ্গলকে ঠেকাতে  
পারছি না তো ভাই—

আমাদের চেষ্টাকে শেষ চেষ্টা মনে কবো না দাদু—

দূর বোকা—তা মনে কবলে তাঁব সৃষ্টির রইল কি ? সৃষ্টিতত্ত্ব যত  
সোজা মনে করিস তা নয়।

প্রশান্ত বললে, সৃষ্টিতত্ত্ব আর একদিন শুনব দাদু—আজ সময় কম।

দাদু হো হো কবে হেসে উঠলেন, আচ্ছা, আচ্ছা। তবে ও তত্ত্ব  
শুনে বোকা যায় না ভাই—আর বুঝলেও শোনানো কঠিন।

মলয়ের মা ওর হাত দুটি ধরে কাঁদলেন, হাঁ বাবা, তোমার সঙ্গে  
দেখা হয় না তার ? বলবে তাকে—মাকে এত কষ্ট দিলে ভাল হ'ল  
কোন ছেলের ? বুড়ো বয়সে জাত খোয়াতে পারি নি—এই হ'ল  
গিয়ে আমার দোষ।

ওঁকে আশ্বস্ত করে বাড়ি ফিরে এসে মাকে বললে, কোন ভয় নেই  
মা, বাড়িতেই থাক। কলকাতা ত বেশি দূর নয়—খবর পেলেই  
আসব আমি।

গ্রাম আর সে গ্রাম নেই। পুরাতন বিধি-ব্যবস্থা মুছে যাচ্ছে—নূতন  
কিছু আশ্রয়ের মত অন্ততঃ গড়ে ওঠেনি। ট্রান্সিশন পিরিয়ড। কি

ভীষণ এই অন্তর্কর্তী কাল ! - সমাজ-অনুগত মানুষগুলিকে জোর করে রাজনীতির ঘূর্ণাবর্তে টেনে আনা হচ্ছে । কে টানছে ? স্বেচ্ছাবাদীরা ? মহাকাল ? যুগধর্ম ? যে-ই টানুক—এর গতি রোধ করা যাবে না । দুটি প্রধান শক্তি- শক্তিসমূহের নেশায় পৃথিবীর দেশ-মহাদেশের নাড়ীতে দিচ্ছে টান । অভয়—ভ্রুকার—স্বস্তিবাণী আর পরমাশক্তি— এই নিয়ে চলেছে খেলা । ইউরোপ—ভূমধ্যসাগর—মধ্যপ্রাচ্য—ভারতবর্ষ—ঈশান্য ভারত, আরব—চীন—জাপান—দুটি শক্তির অক্ষক্রীড়ার চকে ছড়িয়ে আছে । খেলা চলেছে পুরোদমে । কিন্তু এই খেলাই যে শক্তির চূড়ান্ত ফলাফল প্রসব করবে—সে ভবিষ্যৎবাণী করবে কে ? নতুন করে ভাঙ্গাগড়ার মুখে পুণাতন পৃথিবী পাক খাচ্ছে—বিদীর্ণ হচ্ছে—ছি ডে গুঁড়িয়ে ছিটিয়ে পড়ছে মহাব্যোমে । সূর্য টানছে পৃথিবীকে—পৃথিবী টানছে চন্দ্রকে—উপগ্রহে বেষ্টিত হয়ে গ্রহগুলি চাইছে শক্তিমান হতে । অবিভাজ্য অণুর অহঙ্কার চূর্ণ করেছে মানুষ—মানুষ আজ ধ্বংসের দেবতা । তবু সে শিব হতে পারে নি ; সৃষ্টি সংহারের ভাবকেন্দ্রে জগৎকে স্থিত কবে রাখবাব চেষ্টাই হচ্ছে নতুন পৃথিবী তৈরির ইতিহাস—দাদুর ভাষায় সৃষ্টিলীলা ।

আজকাল মানুষ সেই লীলাব রস আন্বাদ করতে পারছে কি ?

২৩

‘ এক দিন সূচিত্রা বললে, কই, বললে না ত কি ধরণের কাজ আরম্ভ করেছ তোমরা ?

মলয় বললে, বলার চেয়ে প্রত্যক্ষ দেখতে চাও কি ?

চাইব না কেন ?

সংসার ভেঙে দিতে হবে—স্বাইক দি টেণ্ট স্খচিত্রা ।

স্খচিত্রা বললে, ভাল কবে না বললে বুঝব কি করে ?

মলয় বললে, কাগজ তো পড় আজকাল - বোজই । পৃথিবীর নানা দেশে নানা রকমের গোলমাল--তবু এমন কোন মহৎ চেষ্টার খবর পাও না কি—যাতে কবে শান্তির রাজ্য প্রতিষ্ঠা হতে পারে ?

স্খচিত্রাব চোখমুখ উজ্জ্বল হয়ে উঠল । বললে, পাই সে খবর । কিন্তু সে কি সার্থক হবে ?

সন্দেহ নাথলে বিশাস আনা কঠিন । এক জনের চেষ্টা- পাঁচ জনের চেষ্টার সঙ্গে যুক্ত হলেই কাজ সহজ হয়ে আসে । তুমি ত দেখি কাগজ হাতে পেলেই মহাত্মাজীব প্রার্থনার অর্গশুলি মন দিয়ে পড় ।

স্খচিত্রা বললে, পড়ি এই কারণে - গুণ্ডলিতে স্পষ্ট সত্যকে খুঁজে পাই ।

মলয় হেসে বললে, স্পষ্ট সত্য খুব কঠিন মনে হয় বুঝি ? আব খুব তিক্ত ?

স্খচিত্রা বললে, মন আমাদের তৈরি নয় বলেই কঠিন থেকে ।

ভারপূর্ণ নোয়াখালিতে গিয়ে কাজ আশ্রয় করার দানিত্ব ও বিপদ আছে—এও জান ত ?

স্খচিত্রা বললে, জীবনে কোন পরীক্ষা তো দিলাম না ; বইয়ে অব কাগজে লোকের দৃষ্টান্ত পড়—ভাল ভাল কইলাম শুধু ।

মলয় বললে, সংসারের নানা কাটিয়েছি বুঝি—তাঁই ইচ্ছে হলেই মাহুষের মাঝে গিয়ে দাঁড়াতে ?

দূর, সংসার ছাড়ব বললেই কি ছাড়া যায় । মহাত্মাজী তো সংসার ছাড়তে বলছেন না কোথাও । সত্য আর ভালবাসা এই মূলধন নিয়েই তো দাঁড়িয়েছেন পরীক্ষা দিতে ।

তবু তোমাদের সন্দেহ হয়—এ পরীক্ষা কি সফল হবে ?



তা হয়।

কেন হবে সন্দেহ? সত্য যদি জয়ী না হয় তার শক্তি কমে গেল এ ভাববেই বা কেন? কাজকে যথার্থ ভাবে পেতে হলে কাজকেই নিতে হবে বেছে। আর কাজের আনন্দ শক্তি—সে-ও তো কাজের মধ্যেই রইল। যীশুকে ক্রুশে বিদ্ধ করেছিল বলে—তার মহৎ বাণীকেও যে হত্যা করা হয়েছিল এ ধারণা ভুল।

সুচিত্রা বললে, সাধারণ মানুষ সাধারণ ফলাফলে লক্ষ্য রেখে কাজ করে। খ্রীষ্টের মহৎ বাণী পৃথিবীতে ভেসে বেড়াচ্ছে, আশ্রয় পাচ্ছে না—এও তো দেখছি আমরা।

মলয় বললে, তা হ'লে গান্ধীজীর প্রাথনা-সভার কথাগুলি তোমার ভাল লাগে কেন?

সুচিত্রা বললে, হয়তো একটা দেহের মধ্যে দুটো মানুষ বাস করে এইজন্মে। একটা মানুষ চায় সংসারের লাভ-ক্ষতির চুলচেরা বিচার করে তাতে জড়িয়ে থাকতে—আর একটা মানুষ সত্যের কষ্টিপাথরে ফেলে সেগুলিকে যাচাই করতে চায়।

সংসারের লাভক্ষতির দিকটা কি সত্যের দিক নয়?

সুচিত্রা হেসে বললে, আমি পণ্ডিতলোক নই—পাঁতি দিতে পারব না। বাস্তব দিককে অস্বীকার করে মঙ্গল চেষ্টা বেশি দূর এগোয় না—এই তো দেখি। ধর্ম নিয়ে যারা পাগলের মত হানাহানি কাটাকাটি করে—তাদের কাছে প্রকৃত ধর্মের ব্যাখ্যা করাই হ'ল বাস্তবকে ঘোলা চোখে দেখা।

প্রকৃত ধর্মের ব্যাখ্যাটি কি?

মলয়ের কথায় সুচিত্রা কৃত্রিম ক্রোধে মুখ ফিরিয়ে বললে, যাও—জানি না।

মলয় হো হো করে হেসে উঠল। বললে, এই ত, এত অল্পে রাগ করলে মানুষের সেবা করবে কি করে !

সুচিত্রা বললে, মানুষের সেবা করব—এত বড় অহঙ্কার আমার নেই ; ইস্—ক্রমশঃ বিনয়ে লুইয়ে পড়লে যে ! সুচিত্রা রাগ করে পালাচ্ছে দেখে মলয় খপ করে গুর হাত ধরে বললে, ধরে নিলাম মানুষকে বাঁচিয়ে রাখাই হ'ল মানুষের ধর্ম—আপাততঃ সে ধর্ম পালনে তুমি অবহেলা করছ।

সুচিত্রা ক্রকুটি হেনে বললে, কিমে ?

মানুষ যাতে শান্তিতে জীবিকা নির্বাহ করতে পারে—যাতে শান্তিতে বাস করতে পারে—যথাসময়ে স্নান আহার উপাসনা স্বাস্থ্যবিধি পালন করতে পারে—এসব দেখা প্রত্যেক সং প্রতিবেশীর কর্তব্য নয় কি ?

তাতে কি !

তাতেই তো সব—সকালের রোদ চড়েছে কতখানি এ দেখেও যে প্রতিবেশী স্বাস্থ্য পালনের নিয়ম না মেনে মনুষ্য-ধর্মচ্যুত হয়ে পড়ছে—তাকে সচেতন করে দেওয়া যায় যদি—

সুচিত্রা বললে, থাম—আর ব্যাখ্যানায় কাজ নেই ! সামান্য ক্ষিদে সহ্য করতে পারে না যারা তারা আবার সেবা করতে যান কোন্ সাহসে ?

নিতান্তই দুঃসাহসে।

হাসতে হাসতে সুচিত্রা ষ্টোভ জ্বলে ফেললে। খানিকটা হালুয়া আর চা করে মলয়ের সামনে এগিয়ে দিয়ে বললে, চা খেয়ে চল বেড়িয়ে আসি।

আপত্তি নেই।

ব্লকটার বাইরে আসতেই প্রশান্তের সঙ্গে দেখা। প্রশান্ত হাত তুলে গুদের ডাক দিয়েছে।

বললে, তোমাদের খুঁজছিলাম—চল বাসায়।

সুচিত্রা বললে, আর কোটরে নয় ভাই—পার্কে বসা যাক।

কাছাকাছি একটা ছোটমত পার্ক ছিল—তিন জনে তারই মধ্যে প্রবেশ করলে। যুদ্ধ-পূর্বযুগের শ্রী পার্কের কোথাও চোখে পড়ে না—একই তো শ্রী বলতে কলকাতার পার্কের কোনটিতে নেই। অবিচ্ছিন্ন শব্দ ও ধূলিধূমের মধ্যে প্রকৃতির নির্জনতা বা শ্রী খুঁজে পাওয়াই দুষ্কর। যুদ্ধোত্তর যুগে এগুলিকে যুদ্ধের নিষ্ঠুরতা হিসাবে ধরে নিয়ে খানিকক্ষণ বক্তৃতা দেওয়া চলে। শ্লিট ট্রেকের প্রয়োজন মিটে যেতেই সেগুলিকে কবর দেওয়া হয়েছে—তবে মাটিটাকে সমান করে দেবার বা সে মাটিতে ঘাস বুনবার কি মরসুমি ফুল ফোটাবার চেষ্টা কেউ করেন নি। বেঞ্চি-গুলিও পায়াল ভাঙা ও পিঠ ভাঙা অবস্থায় কোন রকমে খাড়া হয়ে আছে। তারই একটিতে তিন জন এসে বসলে।

প্রশান্ত বললে, তোমার বাড়ি যাওয়া উচিত মলু। জ্যেষ্ঠিয়ার অবস্থা দেখলাম খুব খারাপ—তাকে দেখবার লোকেরও দরকার।

কেন, মেজ বউদি ?

তিনি তো বাড়িতে নেই—মেজদা বাসা করে তাঁদের কলকাতায় এনেছেন। তা ছাড়া দেশের অবস্থাও ভাল নয়।

সুচিত্রা বললে, মা আমাদের কথা জিজ্ঞাসা করলেন ঠাকুরপো ? কি বললেন ?

দেশের অবস্থা সংক্ষেপে জানিয়ে প্রশান্ত বললে, তোমার মা তাঁর আত্মীয়বাড়ি উঠবেন ঠিক করেছেন—কেবল বড় বউদির ব্যবস্থা—

সুচিত্রা বললে, আমরা যাব।

প্রশান্ত চলে গেলে মলয় বললে, যেজন্য আমরা বাড়ি ছাড়লাম চিত্রা—

সুচিত্রা বললে, এক একটি মুহূর্ত এত বড় হয়ে আসে যখন অল্প মুহূর্তের ঘটনাগুলি মুছে যায়। কেন আমরা বাড়ি ছেড়েছি সে কথা এখন থাক। একটি নোয়াখালিতে আমরা সবাই ভিড় কবে নাই-বা গেলাম!

ঠিক বলেছ—আমার গ্রামেও তো যথেষ্ট কাজ রয়েছে। বলে সুচিত্রার হাত ধরে ও টানতে আরম্ভ করলে।

সুচিত্রা বললে, আঃ আঃ—তোমাদের সঙ্গে আমরা দৌড়ে পাবব কেন?

মলয় বললে, আমরা হাউই—তোমরা হচ্ছ তার বারদ। ঠেলে দিয়েছ যখন তখন ভাল বাথবে নাই-বা কেন?

আঃ, তবু টানে! এটা পথ না?

মলয় হেসে বললে, আমরা ও তো যাত্রী।

২৪

ব্যারাকে ফিরতেই দেখে—মেজদা তালা-লাগানো দোর-গোড়ায় পাষাচারি করছেন। মেজদাকে দেখেই মলয়ের বুকটা ছাঁৎ করে উঠল। প্রশান্ত এই মাত্র বলে গেল, দেশের অবস্থা ভাল নয়—মেজদা কোন মন্ড খবর নিয়ে আসে নি তো?

মেজদা।

মেজদা ফিরে চাইলেন—মুখের ভাব তাঁর একটুও কোমল বোধ হচ্ছে না। কোন কথা না বলে প্রথর সঙ্কানী-দৃষ্টি দিয়ে ওদের দু'জনকে বিধতে লাগলেন।

সুচিত্রা অস্বস্তি কাটিয়ে প্রথম এগিয়ে এল তাঁর দিকে—হেঁট হয়ে

প্রণাম করলে তাঁকে। তারপর আঁচল থেকে চাবির গোছাটা হাতে নিয়ে তালা খুলে ফেললে।

মলয় বললে, বস মেজদা।

মেজদা ঘরের চারদিকে সেই প্রথর দৃষ্টি বুলিয়ে নিয়ে বললেন, এইটুকু বলে—আচ্ছা ঘরের কথা না হয় ছেড়েই দিলাম—এই নানান জাতের মধ্যে কিস কি করে ?

মলয় সে কথার জবাব না দিয়ে বললে, বসবে না ?

মেজদা বললেন, কাজটা জরুরী বলেই এলাম, নইলে—একটু থেমে বললেন, তোমার বউদিকে কলকাতায় নিয়ে এসেছি—দেশের অবস্থা শুনেছ বোধ হয় ?

মলয় বললে, চা খাবে তো ?

নাঃ—থাক। তাচ্ছিল্যভরে অনুরোধ ঠেলে পাতা বিছানার উপর বসলেন। বসে বললেন, মাকে এত সাধলাম, এলেন না। ভিটে কামড়ে পড়ে থেকে কি যে পরমার্থ লাভ করবেন তা উনিই জানেন! এখন গায়না ধরেছেন—বৃন্দাবন পাঠিয়ে দাও। যত হুজুরের দল নাকি বলেছে—সাদার মত দেখতে এক জন সন্ন্যাসীকে এই কাশী মথুরার দিকে দেখা গেছে। বাস—আর যায় কোথায়।

তা মা যদি যেতে চানই—

যেতে চাইলেই তো পাঠানো সম্ভব নয়—রেশুর জোগাড় না হলে অর্ধশ্রমই বল—আর বাপের শ্রাদ্ধ মেয়ের বিয়েই বল কোনটাই হবার জো নেই। রুধির—রুধির, সব আগে চাই রুধির।

মলয় কথা কইলে না। সংসাবে এতকাল ব্যবস্থা যা করবার উনিই করেছেন—কোথা থেকে কি করলে ভাল হয় সে উনিই জানেন ভাল। এ বিষয়ে তার মতামতের কোন মূল্য নেই।

মেজদা বললেন, দাদা বিবাগী—তুমি উপার্জন কর না—সংসারের যত দায় আমার ! একলা মানুষ নিজের ছেলেপিলে পরিবার দেখব—না জমিজমা দেখব, না—মা বউদিকে দেখব বল ? অথচ মার একটা ব্যবস্থা করা দরকার—খুবই দরকার । তাই ঠিক করলাম—পূব মাঠের পাঁচ বিঘে জমি বিক্রী করে—মার ব্যবস্থা করে ফেলা যাক । তুমিও তো অংশীদার, তোমার মত চাই—বিক্রী কোবালায় সই চাই—তাই—

মলয় বললে, এ বিষয়ে তুমি যা ভাল বোঝ কর, সই সাবুদ যা দরকার করে দেব ।

সুচিত্রা দু' কাপ চা ও কিছু খাবার নামিয়ে দিলে দু'জনের সামনে । মেজদার মুখের গাঙ্গীর্ষ্য মিলিয়ে গেছে—প্রসন্নমুখে উনি হাত বাড়িয়ে একটি পেয়লা টেনে নিলেন—খাবারের প্লেট থেকেও কিছু খাবার নিলেন । চা খাওয়া শেষ করে বললেন, কাগজ পড় নিশ্চয় ? খবর রাখ—তেভাগা ব্যবস্থায় আমাদের দফা রফা ! জমির খাজনা টানতে হবে ষোল আনা—ঘরে আসবে না একটি আধলা । কিন্তু ফাঁকি দেব বললেই তো ফাঁকিতে ইচ্ছে করে পড়ে না কেউ । আইন ঠেকাবার ব্যবস্থা আমরাও জানি ।

তারপর গলার স্বর নামিয়ে তিনি বললেন, সবাইকে জমি ছাড়িয়ে দিয়েছি—ওরা ষ্ট্যাম্প কাগজে যদি লিখে দেয় যে হাল বলদ জমির সার ইত্যাদি বাবতীয় খরচ মালিকের কাছ থেকে পেয়ে চাষ করছি, তবেই ভাগে দেব জমি ।

মলয় বললে, সবাই কি হাল বলদ লাঙল দিতে পারবে ?

এই বুদ্ধি নিয়ে বাস করলেই জমি তোমার থাকবে ! হাল বলদ দেবে না ঢেঁকি ! ওরা লিখে দেয় ভাল—না দেয় পথ দেখুক গে । আশ্রয়প্রসাদে ক্ষীণ হয়ে তিনি হেসে উঠলেন ।

মতেই জানেন। দেখতে ও পরম বিনয়ী—উচু গলায় কাউকে চড়া কথা বলে না কখনো—কিন্তু ওর অন্তরের কাঠিন্য—তার মত অনমনীয় বস্তু আর দ্বিতীয় নাই। কোথা থেকে আঘাত লেগে ওরা মুহূর্তে অমন বদলে যায়—ওদের নীতির মাপকাঠিই না কি—অন্যায় অপমান-বোধ কোন্ তুচ্ছ কারণে উগ্র হয়ে ওঠে—এসব রহস্য আজও তিনি বুঝতে পারেন না। কঙ্কি উন্টে ঘড়িটা দেখে হঠাৎ তিনি সচকিত হয়ে প্রসঙ্গ পরিবর্তন করলেন, ইস্—রাত হয়ে গেল দেখ! দাঙ্গা-হাঙ্গামা না থাকলেও বিশ্বাস নেই এখানকার আবহাওয়াকে। উঠি।

তিনি চলে যেতেই মলয় নিজেকে অত্যন্ত অসহায় বোধ করলে সে ~~কেন~~ সর্ভে রাজী হয়ে গেল! একি তার দুর্বলতা নয়? মনে স্বীকার করে যে নীতিকে মঙ্গলপ্রসূ বলে—মুখে তাকেই করলে অস্বীকার! যে জমির ওপর জীবন ধারণ করে মানুষ—তার স্বপ্ন কেন সে স্বপ্নবান হবে না? যাদের উপার্জনের বিভিন্ন ক্ষেত্র রয়েছে—তাদের লোলুপ দৃষ্টি জমির উপস্থিত নাই বা রইল! জমি কি তারই যে খেয়ালখুসিমত হস্তান্তর করে দেওয়া চলবে!

এই বাড়ির ঘরে শুয়ে আকাশ দেখা যায় না—আকাশের নক্ষত্র তেও দুর্লভ বস্তু। একটু ফাঁকা—একটু হওয়া—রাতের পৃথিবীর স্থপ্তিমগ্ন সামান্য দেহাংশ—এ না দেখতে পেলে আজ তার ঘুম আসবে না।

সুচিত্রা জিজ্ঞাসা করলে, শরীর খারাপ লাগছে কি? হাওর করব?

না।—স্বর গস্তীর—ভাঙ্গা-ভাঙ্গা।

তবে অমন করছ কেন? অন্ধকারে সরে এসে সুচিত্রা ওর কপালের ওপর একখানি হাত রাখলে।

মলয়ের মনে হ'ল এর চেয়ে চমৎকার মাঙ্গনা পৃথিবীতে নেই।



নিস্তর পৃথিবীর নিঃসঙ্গ অন্ধকারে লক্ষ্যচ্যুত হয়ে ও পরিলম্বন করছে।  
সৌধের অন্তরালে যে আকাশ হীরকদ্যুতিতে অপরূপ হয়ে পৃথিবী  
পরিক্রমণ করছে—তার সুরভি-নিঃশ্বাস ওর উত্তপ্ত কপালে এসে লাগছে।  
চোখের পাতা ভারি হয়ে আসছে—ঘুম আসবে এই মুহূর্তে।

২৮

ঘুমের মতই আবেশ—শিথিল-বৃত্তির বৃত্তটিকে দোলা দিচ্ছে।  
বিপরীতমুখী বাতাস—রক্তের উষ্ণতাকে শীতল করে আনছে, তবু  
মাথার যন্ত্রণা বেড়েই চলেছে। একে উপেক্ষা বলবে—না, ~~স্বপ্ন~~ স্বপ্নাগহীন  
অভিনয় বলবে? যে প্রশ্ন ইঙ্গিতে আচরণে স্পষ্ট হয়ে উঠল—তাকে  
অবসর-মুহূর্তের বিলাস বলে উড়িয়ে দিলে শুভা! ভালবাসা হ'ল  
বিলাস! দুঃখভোগের মুহূর্তে দেহগত দাবিকে অস্বীকার করা—স্বভাবকে  
অতিক্রম করার দুশ্চেষ্টা ছাড়া আর কি! পৃথিবীতে লক্ষকোটি  
মানুষের মধ্যে একটি মানুষ বিশেষ করে যখন আর একটি মানুষের  
মঙ্গল কামনা করে, পরস্পর এক হয়ে অপার আনন্দ লাভ করে—  
জগতের যাবতীয় বস্তু ব্যক্তি বৃত্তি নীতি হিসাব পরিণাম সব কিছুকে  
ভাসিয়ে দিয়ে নিজেরা করে নিরুদ্ধেশ যাত্রা—সে জিনিসকে বুদ্ধিগ্রাহ  
যুক্তি দিয়ে কিছু-না বলে উড়িয়ে দেওয়া চলে কি? হোক  
সে বিলাস—কি ভালবাসা কিংবা দেহগত আকর্ষণ কিংবা মহৎ অসৎ  
ধে-কোন বৃত্তিরই প্রকাশ, বাস্তব বা কল্পনা, তাকে অস্বীকার করা মানেই  
নিজেকে অস্বীকার করা। একটি মানুষ বিশেষ কয়েকটি মুহূর্তে একটি  
মানুষকেই চাইবে। বিস্তীর্ণ পৃথিবীর চিন্তা—খণ্ডিত এক গৃহকোণে  
আবদ্ধ হয় বলেই না—সোনালী ফসলে পৃথিবী দিনেরাতে পরিপূর্ণ

হয়ে রয়েছে? অথচ মিলতে এসেও কত বাধার সম্মুখীন হতে হচ্ছে! বাইরের বাধা—ভিতরের বাধা, আইনের—অস্তরের কস্মের কত না বাধা! হু হু করে ছরস্তু হাওয়া চলন্ত মোটরে আছাড় খেয়ে পড়ছে— আকাশ তারা-সমেত ছুটে পালাচ্ছে দু' পাশ দিয়ে। মাঠে নেমেছে অন্ধকার—দিক হয়েছে নিশিচু। এই দ্রুত ধাবমান পারিপার্শ্বিকে হৃদয়গত দৌর্কল্যই শুধু নিঃশেষে মুছে যাচ্ছে না। যে মুখ ফিরিয়েছে— তার দিকেই টানছে প্রবল বৃত্তি—কামনা কিংবা ভালবাসা। না— এ শুধু দুর্বলতা। একটি পথ আর একটি পথকে ছুঁয়েছে কিন্তু মেশে নি তার মধ্যে। দুটি সরল রেখা পাশাপাশিই তো চলে—বহুদূর চলেও তারা মেশার স্বেযোগ পায় না। তাদের পাশে সবুজ ঘাস মাথা তোলে—বিচিত্র বর্ণের ফুল শোভা বিস্তার করে—পাখীর কাকলিতে উতলা হয় পথের ধূলো—তবু তারা এক হবার স্বেযোগ পায় না। একটি মানুষের মোহ—এমন প্রবল হবেই বা কেন? হওয়া উচিত তো নয়।

গাড়ীবারান্দার কোলে মোটর খামল। বেয়ারা ছুটে এসে সেলাম জানালে—মিত্রের সাহেব ঠারতা হায়।

ড্রয়িং-রুমে আলো জ্বলছে—পাখাও চলছে মনে হ'ল। মৃদু কথার আওয়াজে বুঝলে—মিত্র একা আসেন নি।

নমস্কার বিনিময়ের পর মিত্রই পরিচয় করিয়ে দিলেন অপর ব্যক্তিটির সঙ্গে, আমার ভাইঝি মালতী মিত্র—এইবার বি-এ দিচ্ছে।

প্রশান্ত প্রীতি-সম্বন্ধপূর্ণ হাসি ফুটিয়ে মেয়েটিকে অভ্যর্থনা করলে। বুদ্ধিতে উজ্জ্বল দুই চোখে ওর হ্রীর প্রকাশ অপরূপ মনে হ'ল। বিদ্যাপ্রকাশের ব্যাকুলতা অবিনয়ের নামান্তর—এ তো বহুক্ষেত্রে তাকে পীড়া দিয়েছে। শূন্যগর্ভ কলসীতে যে ফাঁকা আওয়াজ হয় তারই

মত বাক-আর রীতি-সর্বস্ব নয় মালতী। অন্ততঃ প্রথম দর্শনে তাই মনে হ'ল।

মিত্র বললেন, এ ক'দিনে অনেক কিছু ঘটেছে। যে সর্ভ দিয়ে শ্রমিকদের অসন্তোষ দূর করেছিলাম—তাও ওরা মানছে না। আমি তখনই বলেছিলাম যে, 'মোর দে গেট—মোর দে ওয়াণ্ট।'

কেন এমনটা হ'ল ?

ওটাই যে স্বভাব ওদের। দেখেন নি—ষ্টেশনের কোন কুলিকে গ্যাং পাওনার বেশি দিলেও আরো কিছু পাওয়ার দাবি সে করবেই। এও তেমনি। আজকাল নাকি ওদের ফেডারেশন না বড় ইউনিয়ন মারা ভারতের ছোট ছোট ইউনিয়নগুলিকে এক করে রেখেছে। তারা যা নির্দেশ দেবে—এরা তাই মানবে। দেশটিকে সোভিয়েট ইউনিয়ন বানাতে চায়!—ব্যঙ্গপূর্ণ হাসিতে কথাটা শেষ করলেন মিত্র।

মালতী নম্রকণ্ঠে বললে, আলাদা আলাদা না থেকে এক হওয়াই কি ভাল নয় ? এই তো আপনারাও এক রয়েছেন।

মিত্র বললেন, এক হওয়া ভাল নয় কে বলছে ? কিন্তু যুক্তিহীন দাবি চাপিয়ে নিজেদের একতাকে প্রমাণ করার নাম শক্তি প্রকাশ নয়।

মালতী হাসলে—বললে, এক হ'লেই যে শক্তি প্রকাশ পায়—এটা প্রকারান্তরে স্বীকার করলেন কাকা।

মিত্র রাগ করে বললেন, তোমার ছেলেমানুষিপনা ঘুচল না মালতী। কবে কি বলেছিলাম—তাই ধরে বসে আছ !

মালতী হাসতে হাসতে বললে, কিন্তু ওরাও তো বলতে পারে দাবি আমাদের যুক্তিহীন নয়—আপনাদের যুক্তিটাই হ'ল অগ্রায় জিদ।

প্রশান্ত বললে, তা বলতে পারে না—যেহেতু অগ্রায় জায়গার তুলনায়—ওরা ভালই মাইনে পায়। দু' দু'বার ওদের দাবি মিটিয়েছি আমরা।

মানতী বললে, বেশ তো, আর এক বার মিটিয়ে দিন দাবি।  
জিনিসের দাম দিন দিন বাড়ছেই তো।

মিত্র ধৈর্যচ্যুত হয়ে বললেন, তারপর আমরা ঘোড়ার ঘাস কাটব,  
না? তোমার মত বুদ্ধি হলেই ফ্যাক্টরী চলবে!

মানতী হাসি দমন করে প্রশান্তর দিকে চেয়ে বললে, এত হাঙ্গামার  
মধ্যে মানুষের না যাওয়াই ভাল, নয় কি?

ওর এই ছেলেমানুষি মন্তব্যে প্রশান্ত হাসলে।

তারপর ত্রেতে করে বেয়ারা চা নিয়ে এল, সেই সঙ্গে তার  
আনুষঙ্গিক। শ্রমিক-প্রসঙ্গ ছেড়ে ওরা হালুকা আলাপে নেমে এল।  
কোথায় চালের দর চড়ছে, কোথায় তেলের ব্ল্যাক-মার্কেট ফেঁপে  
উঠছে, কোথায় প্রধান মন্ত্রীর কতোয়া জারির ফলে প্রদেশে প্রদেশে,  
দেশীয় রাজ্যে সম্পূর্ণ স্বাধীন হওয়ার আয়োজন চলছে—এসব  
আলোচনাও ক্রমশঃ এসে পড়ল। আজকালকার যে-কোন সভাতে—  
মজলিসে—উৎসব-ক্ষেত্রে পাঁচ জন এক হবার সুযোগ ঘটলেই অমূল্যব্রী  
সরকার—লীগ ও কংগ্রেসের নীতি—রেশন আর ব্ল্যাক-মার্কেট—  
সাম্প্রদায়িক দাঙ্গা ও সংপ্যালঘু সম্প্রদায়ের নিরাপত্তার কথা—এ  
সব নাকি উঠবেই।

আহারাদি সেরে তিন জনেই গায়েোথান করলে। মিত্র চললেন  
আগে আগে—পিছনে গল্প করতে করতে চলল প্রশান্ত আর  
মানতী।

অন্যান্য কথার পর মানতী বললে, এই ধরণের জীবন আপনার  
কেমন লাগে?

প্রশান্ত প্রশ্ন-উত্তর চোখে ওর পানে চেয়ে পান্টা প্রশ্ন করলে,  
আপনার কি মনে হয়?

মালতী মুখ নামিয়ে তাড়াতাড়ি উত্তর দিলে, মন্দ কি! মুখে তার মৃদু হাসি ফুটে উঠল।

প্রশান্ত বললে, আপনি হাসলেন যে ?

এমনি—হাসিটা আমার রোগ।

প্রশান্ত বললে, আমি জানি—এ ধরনের জীবন আপনার মনোমত নয়। কারণ ?

কারণ—একটু আগে আপনিই তো বললেন—

মালতী শক করে হেসে উঠল। বললে, ও হরি—আপনি বুঝি ভেবেছেন আমি শ্রমিক হিতাকাঙ্ক্ষিনী, ওদের কথা নিয়ে বড্ড ভাবি ? না—না—না—মোটাই তা নয়। ওদের কথা এত কম জানি বলেই তো ওদের কোন দাবিই আমার কাছে অণ্যায়্য বলে বোধ হয় না।

আশ্চর্য্য !

আশ্চর্য্য ! কেন ? কেন ?

মিত্র পিছন ফিরে বললেন, দশটা বাজে—কাল আলোচনা করো মালতী।

মালতী এগিয়ে এসে বললে, আচ্ছা কাকা—শ্রমিকদের ব্যাপার আমায় ভাল করে বুঝিয়ে দেবেন ?

মিত্র হেসে বললেন, তার দরকার কি—ওদের যে-কোন দাবি তুমি সমর্থন কর—এই তো তুমি ওদের দৃষ্টিতে পাকা গুয়াকিফহাল !

মালতী ঘাড় ফিরিয়ে প্রশান্তের পানে চেয়ে হেসে বললে, কাল এসে তর্ক করব কিন্তু। নমস্কার।

ভাঙ্গা টাঁদের অম্পষ্ট আলোয় ওরা অদৃশ্য হয়ে গেল। প্রশান্ত ভাবলে—একটা পথ আর একটা পথকে বার বার ছুঁয়ে যাবার চেষ্টা করে—এইটিই কি পথের চরমতম ইঙ্গিত ? চলবে—অথচ মিলবে

না—মুগ্ধ হবে অথচ থামবে না—এই ইচ্ছিত দিয়ে মানুষ রচনা করেছে পথকে—না পথ নির্দেশ দিচ্ছে মানুষকে ?

সকালেই মালতী এল। সবেমাত্র প্রশান্ত বিছানা ছেড়ে হাতমুখ ধুয়েছে—প্রাতঃকালীন অনেকগুলি কাজ তার বাকি। মালতী বৈঠক-খানায় ঢুকেই কলিং-বেলে ঘা দিয়ে পিয়ানোর সামনে টুলটার গিয়ে বসলে। তার পর ডালা তুলেই টুং টাং শুরু করে দিলে। বিলাতী একটা গানের সুর ওর কণ্ঠ ছাড়িয়ে অল্প ধ্বনিতরঙ্গে যন্ত্রস্বরের মধ্যে আত্মবিসর্জন করলে। বেশ প্রসন্ন প্রাতঃকাল—মালতী অকারনে খুসি হয়ে উঠল।

অগত্যা সব কাজ না সেরেই প্রশান্তকে নেমে আসতে হ'ল। যুক্তকর কপালে ঠেকিয়ে ও হাসলে, আশা করি নি—এত সকালে—

মালতী বাম হাতের মণিবন্ধ ঈষৎ আন্দোলন করে বললে, বাংলা সময়টা সব চেয়ে আগিয়ে চলে—মানুষদের পিছিয়ে পড়লে দুর্নাম রটে। অবশ্য সময়ের আগে চলার অপবাদ ও সাধুবাদ কোনটিরই ভাগী হতে চাই না।

অপবাদ ?

নয় ? যে সময়ের আগে চলে—তাকে বুঝতে পারে খুব কম লোকে।

প্রশান্ত বললে, অবশ্য তাঁরা যদি বুঝবার সুযোগ দেন সাধারণকে—

মাথা নেড়ে হেসে উঠল মালতী। কি কথাই সে বলেন ! সময়ের আগে চলেন ঠাৱা—তাঁরা মোটেই সাধারণ নন তো সাধারণে বুঝবে কি করে ? এর একটা সহজ পথ আছে—সে হচ্ছে অসাধারণ হওয়া।

প্রশান্ত বললে, বিধাতা সকলের বুদ্ধিবৃত্তিকে সমান করেন নি—প্রতিভাও দুর্লভ বস্তু। একটু হেসে বললে, যাই হোক, চা চলবে ?

চলবে—কিন্তু কালকের তর্ক চলবে না।

কেন—আপনিই তো আশ্বাস দিয়ে গেলেন—

পরে ভাবলাম—তাতে লাভই বা কি? আপনার জীবনযাপন-প্রণালী আপনার ভাল লাগে কি মন্দ লাগে—তা জেনে কারই বা লাভক্ষতি!

তবে কাল জিজ্ঞাসা করলেন কেন?

কৌতূহল। কাকার মুখে শুনলাম এখানকার কথা। এই সব শ্রমিক—এদের দাবি—ধর্মঘট—অশান্তি—আপনাদের ক্ষমতা—জিদ—

কোনটা অগ্রায় মনে হ'ল?

কি জানি—ঘোরপ্যাচ অভ বুঝি না। শুধু বুঝি, আমরা যদি পেট ভরে খেয়ে বেঁচে থাকতে পারি—ওরাও তা পারবে না কেন? ওরা কেন চাপ দেয়—কেন ভয় দেখায় ধর্মঘট করবার—কেন স্লোগান আউড়ে মানুষের সহানুভূতি আকর্ষণ করে—তা নিশ্চয়ই আপনারা জানেন।

জানি। কিন্তু দাবির একটা সীমা আছে। যে হাঁস সোনার ডিম দেয়—তাকে মেরে ফেললেই অনেকগুলো ডিম এক সঙ্গে মেলে না—এ তো জানেন?

মালতী বললে, জানি বৈকি। তবে কথা হচ্ছে—সোনা জিনিসটাই মারাত্মক বলে—লোভের সীমা নির্দেশ করে দেওয়া খুব কঠিন। আচ্ছা সোনা জিনিসটাকে খুব সস্তা করে দিয়ে পৃথিবীর সমস্যা সহজ করা যায় না?

প্রশান্ত বললে, সোনার বদলে যে জিনিসই দিন—লোভ তাতে কমবে না। বিনিময়-প্রথা এককালে ছিল—তাতেও সামাজিক সমস্যা মেটে নি।



মালতী বললে, ও সব তর্ক থাক—চলুন খানিক বেড়িয়ে আসি।

কোথায় যাবেন? এই কলোনিটা পেরুলেই তো বাঁশবাগান।

মন্দ কি—লাল আর ইন্দে রঙের একই টাইপের বাড়ি দেখে দেখে এত পুরনো লাগছে।—মালতী উঠে বারান্দায় এল।

নতুন তৈরী শহরের আভিজাত্য নেই—একথা মনে মনে স্বীকার করলে প্রশান্ত। সেই সঙ্গে তর্ক জমল মনে—আভিজাত্য না থাকলেই বা ক্ষতি কি! ইতিহাস বলে, পরস্বাপহরণ—সম্পদসৃষ্টির মূল সূত্রে নিহিত। মানুষের সহজাত প্রবৃত্তিতে সংস্কৃতির পিপাসা রয়েছে একথা অস্বীকার করা যায় না। কিন্তু নিজেকে সব দিক দিয়ে সুন্দর করে তোলবার মাঝে পরকে পীড়ন করার অভিযোগ আসবেই বা কেন? মানুষ তো মুদ্রা নয় যে—যে ছাপ তার দু-পিঠে ফুটে রয়েছে—তারই মূল্যে প্রত্যেকের গোত্র হবে তুল্যমূল্য। অসাধারণ বুদ্ধি—কর্মক্ষমতা—প্রতিভা—এসবের গোত্র সর্বসাধারণ হতে অনেকখানি উঁচুতে। বাগানের বেড়ায় ছাঁটাই করা গাছ—সে প্রকৃতির অলঙ্কার নয়—পৃথিবীর বিবর্তনবাদের সাক্ষ্যও নয়। যে সবার চেয়ে প্রাণশক্তিতে সতেজ, তার মূল্যও সাধারণের চেয়ে চড়া। কিন্তু সংস্কৃতির পিছনে সম্পদসৃষ্টির তাগিদ থাকলেও—অপহরণের দুষ্ফল নেই। এক একটা শহরের আভিজাত্য আছে বৈকি—যেমন দিল্লী, যেমন কাশী। বিবেকানন্দ একদিন বলেছিলেন, ইউরোপের শিক্ষা রাজনীতি—এশিয়ার শিক্ষা অধ্যাত্মবাদ। পৌরাণিক যুগের কাশী অপূর্ব দৃষ্টান্তে এই শেষের কথাটাকেই প্রমাণ করছে।

চলতে চলতে দু'জনের মধ্যে এমনি আলাপই চলল। মালতী হস্ত তর্কপটু নয়—সব কথাতেই অল্প যুক্তির ভারে ও বশুতা স্বীকার করে। তাই বলে ও যে কিছুই জানে না এ কথাও সত্য নয়।

কটন মিলের ম্যানেজিং ডিরেক্টর অনন্ত দোবের বৈঠকখানায় জরুরি পরামর্শ চলছে। লক্ষ্মী গ্লাসওয়ার্ক—এনামেল ফ্যাক্টরী আর দুটো কটন মিলের শ্রমিক সবাই একসঙ্গে ধর্মঘটের নোটিশ দিয়েছে। যুদ্ধোত্তর যুগে জীবন-যাপনের মান অসম্ভব রকম উঁচু হয়েছে—নিত্য প্রয়োজনীয় অর্ধেক জিনিস তো পাওয়াই যাচ্ছে না। রোগে চিরকালই মানুষ মরে—আজও মরছে, তবে মৃত্যুর হারটা বেশি। কারণ পুষ্টির খাওয়ার অভাব—আর খাচ্ছে ভেজাল তো আছেই। রোগের ওপর আছে সাম্প্রদায়িক দাঙ্গা। যাদের কাছে জীবনধারণই সব চেয়ে বড় ও কঠিন সমস্যা—তারা কি করে রাজনীতির পক্ষে আকর্ষণ নিমজ্জিত হ'ল—? কিন্তু রাজনীতি তাদের বহু দূরে ও গভীরে টেনে নিয়ে গেছে। ধর্মের খোলসটিকে বাঁচাবার জন্য তারা জীবন বিসর্জন দিচ্ছে—মানুষ হাসছে দূরে দাঁড়িয়ে। যাই হোক, রাজনীতি বা ধর্ম কোনটাই তাদের জীবন বিসর্জনের হেতু নয়—আমলে ঈর্ষ্যা-ক্ষুব্ধ দুর্বল মনে আদিম বৃত্তিকে জাগিয়ে দিয়ে সাবধানীর দল নিজেদের ক্ষমতা বাড়িয়ে নেবার জন্য এই খেলা খেলছে।

সর্কেশ্বর রায় বললেন, এ-ও তাদের খেলা। আমি বাজী রেখে বলতে পারি ওই দলকে মোটা রকম কিছু দিলে ধর্মঘটের নোটিশ তুলে নেবে।

কমল মিত্র বললেন, টাকার দরকার হলে—আবার নোটিশ দেবে ওরা। ওদের হাতের খেলনা হয়ে যদি ফ্যাক্টরী চালাতে হয়—তার চেয়ে ফ্যাক্টরী তুলে দেওয়া ভাল!

অনন্ত দোবে বললেন, বিজ্ঞানসম্মান কখনও বিজ্ঞানস তুলে দেবার

কোশ্চেন রাখবেন না। আর জরুরি অবস্থা না হলে মাইনের হার দণ বহুর মধ্যে বাড়ানো চলবে না।

সর্বেশ্বর বললেন, বোনাসটা কি একদম বাদ দেওয়া যায় না ?

প্রশান্ত বললে, না—পূজোর সময় একটি বোনাস দিতেই হবে— অতিরিক্ত লাভ হলে আর একটা—

না—না—না—মশায়, আর আঙ্কারা দেবেন না ! সর্বেশ্বর চীংকার কর উঠলেন।

সভার শেষে পথ দিয়ে ভাবতে ভাবতে চলেছিল প্রশান্ত। এই দরকষাকষি ব্যাপারটা তার ভালই লাগে নি। এই দেওয়ার মধ্যে প্রীতির প্রকাশ কই ? দাবি মিটলে যারা কাজে আসবে তারাই কি নিরঙ্কুশ মনে মনিবগোষ্ঠীকে শ্রদ্ধা দেখাতে পারবে কিংবা কাজে দিতে পারবে পূর্ণ মনোযোগ ? এক পক্ষ আদায় করে নিয়ে উদ্ধত হবে— অন্য পক্ষও সেই অনুপাতে তাদের পীড়ক বলে ঘৃণা করবে। মানুষের মন সাধারণ অবস্থাকে অতিক্রম করে জয়পরাজয়কে মনে স্থান না দিয়ে নির্বিকার হতে পারে কি ? শ্রমিকরা মর্ন্ত যা দিয়েছে তাও যথেষ্ট বাড়ানো—মালিকরা যা মেনে নিচ্ছেন তাও গ্রায্য অংশের চেয়ে ন্যূন তো বটেই। কারও মধ্যে আন্তরিকতা নেই। একে আপোষ বলার চেয়ে ভারী যুদ্ধের প্রস্তুতি বলাই ঠিক।

মোড় ফিরতেই মালতী এসে মিলল ওর সঙ্গে।

ইস্—খুব ভাবতে ভাবতে চলেছেন দেখি ! ব্যাপার কি ?

নাঃ—এদিকে কোথায় গিছিলেন ?

মালতী বললে, কোথাও না। বাঃ রে, বাড়ির দিকে চললেন যে— বেড়াতে যাবেন না ?

আজ থাক।

উচ্চ—আজ একটা আশ্চর্য্য জিনিস দেখাব আপনাকে।

ওই টিবিটা আছে না, প্রশান্তুর হাত ধরে ও বিপরীত দিকে আকর্ষণ করলে।

অগত্যা মালতীর সঙ্গ নিতে হ'ল।

মালতী বললে, আর কি—এবার তো ভারতবর্ষ স্বাধীন হ'ল। উনিশ শো আটচল্লিশের তিরিশে জুন ব্রিটিশ ভারত ছেড়ে যাবে। শোনেন নি আজ এ্যাটিলির ঘোষণা রেডিওতে ?

তাই নাকি ?

ইন্টারিম গবর্নমেন্টে লীগকে নিয়ে অচল অবস্থার সৃষ্টি হয়েছে—তাই পণ্ডিত নেহেরু ব্যাপারটি বিলেতে জানিয়েছিলেন। এ অবস্থা থাকলে হারা লীগের সঙ্গে সম্পর্ক ছাড়বেন এই ভয় দেখিয়েছিলেন। তারই ফলে লর্ড ওয়াভেলকে সরিয়ে মাউন্ট ব্যাটেনকে ভাইসরয় করা হ'ল। উনি নাকি শেষ ভাইসরয়।

প্রশান্ত বললে, খোশ খবরের বুটোও ভাল।

বুটো ? এমনি ঢাকঢোল পিটিয়ে মিথ্যা প্রচার করতে পারে কেউ ? মালতী অকৃত্রিম বিস্ময়ে চেয়ে রইল প্রশান্তুর পানে।

প্রশান্ত হাসলে। বললে, রাজনীতি আমরা বুঝি না—এটা যেমন ঠিক—ইংরেজী ভাষার ভাষাগুলিও তেমনি নানান জাতের। কোথায় গুঁর ফাঁক রইল—সে কি তুমি আমি পারব ধরতে ?

মালতী বললে, এত সোজা কথার মধ্যেও—

প্রশান্ত বললে, স্বাধীনতার মূল্য দিতে হয় একথা মান তো ? বিনা রক্তপাতে স্বাধীনতা আসে—ইতিহাসে এ নজির মেলে না—অথচ আমরা পেয়ে যাচ্ছি—

মালতী বললে, জগতে দুটো ব্লক তৈরি হচ্ছে—তারই সুযোগে আমরা—

আমার এখনও সন্দেহ আছে। ভারত ছাড়ব বললেই ভারত ছাড়া যায় না। সেদিন যেন পড়ছিলাম কে একজন লিখেছেন—সিঙ্গাপুরকে মালয় স্টেট থেকে আলাদা করে দেওয়া হচ্ছে। ওখানে ব্রিটিশ নৌঘাটি কায়েম তো রইলই। আন্দামান নিকোবার দ্বীপগুলি থেকে সিলোন পর্যন্ত ওরা নিরাপত্তার একটা লম্বা লাইন টানছে—যেমন প্রশান্ত মহাসাগরের অসংখ্য দ্বীপে মার্কিনী আত্মরক্ষার ব্যবস্থা চলছে। ইজিপ্ট হয়ে ভূমধ্যসাগর পর্যন্ত ব্রিটিশ এই লম্বা লাইন দৃঢ় করে রাখবে। ভারত ছেড়েও ভারতকে ছোঁরা দেখিয়ে বশে রাখবার ব্যবস্থা। তা ছাড়া ভেবে দেখ—দেশীয় রাজ্যগুলি এখনও গণপরিষদে যোগ দিতে ভরসা পাচ্ছে না—ওরা নিজেরা স্বতন্ত্র থাকতে চায়—আর ব্রিটিশ সে সুযোগ ছাড়বে বলে বোধ হয় না।

মালতী বললে, হাঁ—ঘোষণায় এ কথাও বলা হয়েছে—ভারতের অনিচ্ছুক প্রদেশ বা অংশকে জোর করে প্রধান অংশের সঙ্গে জুড়ে দেওয়া হবে না। ব্রিটিশ যে-কোন প্রধান দলের হাতে ক্ষমতা দিয়ে বাদে—ভিন্ন ভিন্ন দলকেও ক্ষমতা দেওয়া আশ্চর্য নয়।

প্রশান্ত বললে, ভাষা রচনার মস্ত বড় একটি ফাঁক ঐখানেই রয়েছে।

মালতী বললে, নতিস্বাক্ষরের ক্ষমতা যদি নাই দেবে—তো এসব ঘোষণার মূল্য কি ?

প্রশান্ত বললে, সত্যতা আর রাজনীতিতে অহি-নকুল সম্বন্ধ। ওর মূল্য আমরা বুঝতে পারব না।

মালতী বললে, সত্যি—এ সব কচকচি ভাল লাগে না। আসন্ন একটু বসন্ত থাক।

ছ'জনে ঘাসের উপর বসলে। পিছনে বাঁশবন—বাতাসে হুয়ে-পড়া বাঁশ থেকে কট্ কট্ শব্দ হচ্ছে, একটি ঘুঘু পাখী কোথায় আত্মগোপন

করে মাঝে মাঝে সেই শব্দে সুর সাধছে। সামনে ধূ-ধূ করছে মাঠ। কুঠারের আঘাতে বহু গুল্ম ও বৃক্ষ ধরাশায়ী হয়েছে। শহর এগিরে আসছে। এখনও আকাশ রয়েছে নীল। মোটা চিমনির ধোঁয়া এদিককার আকাশকে ঢেকে দিতে পারে নি এখনও।

কালই আমি চলে যাচ্ছি। আকাশের পানে চোখ তুলে মালতী বললে।

কালই! কথাটি ধীর-বিলম্বিত স্বরে উচ্চারণ করলে প্রশান্ত।

হাঁ—তবে মাসখানেকের মধ্যেই হয়ত ফিরে আসব। আখাস দেবার ভঙ্গিতে মালতী বললে।

প্রশান্ত উদাস দৃষ্টিকে প্রান্তরের পার থেকে টেনে আনলে না। সংক্ষেপে বললে, ভাল।

জায়গাটা আমার ভালই লেগেছে। কাল বলছিলাম না—সব শহরের বনেদিয়ানা থাকে না—আর বনেদিয়ানা না থাকলে মানুষকে টানতেও পারে না সে জায়গা?

হাঁ—আমি বলেছিলাম নাই বা থাকল বনেদিয়ানা। নতুনভাবে সৃষ্টি করার মধ্যেই রয়েছে ভাল লাগার বস্তু।

আপনার কথাগুলি অনেকক্ষণ ধরে ভাবলাম কাল। ভাবতে ভাবতে দেখলাম—এ জিনিস আমারও তো ভাল লাগা উচিত। অল্প যুগকে যদি ভালবাসতে পারি ত নিজের যুগকে অবহেলা করব কেন?

কিন্তু ভালবাসা—আর ভাল লাগা উচিত ত এক নয় মালতী।

একই দৃষ্টিভঙ্গির একটুখানি তফাৎ শুধু। যাই মনে হ'ল উচিত অমনি—

হেসে উঠল প্রশান্ত, অমনি ভালবাসার ডিগ্রীতে হু-হু করে তাপ উঠে গেল!

মালতীও হেসে বললে, গেলই তো।

তারপর দু'জনেই বহুক্ষণ ধরে বিলম্বিত হাসির তালে তাল দিয়ে চলল। প্রশান্ত দেখলে—আকাশ অত্যন্ত নীল হয়ে উঠছে—মালতী দেখলে—পায়ের তলাকার ঘাসগুলি গাঢ় সবুজে রূপান্তরিত হ'ল।

প্রশান্ত আবেগভরে মালতীর একখানি হাত তুলে নিয়ে ডাকলে, মালতী!

এই ভাষা—এই আবেগকম্পিত সম্বোধন সৃষ্টি-চৈতন্যের উন্মেষ হতে এই মুহূর্ত পর্য্যন্ত কোন নারীর কানে একটি ছাড়া অন্য কোন অর্থে প্রতিধ্বনিত হয় নি। এ সম্বোধন নয়—সম্পদ।

মালতী ডুব দিলে মেঠে সম্পদমাগরে।

## ২৭

নতুন শহরে কথাটা ছড়িয়ে পড়ল অত্যন্ত দ্রুত। প্রশান্তর ভবিষ্যৎ উজ্জ্বল—মিত্র আপত্তির হেতু খুঁজে পেলেন না। এ এক পক্ষে ভালই হ'ল। উচ্চশিক্ষার ভিত্তি ধরে ঐরা উচ্চ রাজপদের সামীপ্যে বিচরণ করেন তেমন বর অবশ্য সকলকারই কাম্য। কিন্তু যশ-সম্মানের অধিকারী হলেই সম্পদটা যথাপ্রাপ্য হিসাবে লাভ করা যায় না। ওখানে উত্তম কথাটির মূল্য দিয়েও ভাগ্য জিনিসটাকে নশ্র্যৎ করা কঠিন। কমল মিত্র যখনই মুখে উদ্যোগী পুরুষসিংহের দৃষ্টান্তের উল্লেখ করেন, মনে মনে বলেন—ভাগ্যও সম্পদসৃষ্টির আর একটি স্তম্ভবিশেষ। মানুষের মত সম্পদেরও দুটি চরণ—আর তাতেই তার সম্পূর্ণতা। মালতীর ভবিষ্যৎ এই মিলনে উজ্জ্বল বোধ হ'ল—এবং প্রসন্ন মনে তিনি স্বেযোগের প্রতীক্ষা করতে লাগলেন।



প্রশান্ত দুয়ার খুলে বললে, এস ।

দু'জনে পাশাপাশি বসলে । প্রসাধিতা মালতীর মূহু দেহ-সৌরভে গাড়ীটা ভরে গেল । গতির সঙ্গে দু' পাশের দিগন্তলীন নীল আকাশ সরে সরে যাচ্ছে—নিস্তরু একটি অবসর দু'জনকে ঘিরে বিস্তৃত হয়ে রয়েছে—তবু ওরা দু'জনে যেন দুই জগতের প্রাণী ।

প্রশান্ত চিন্তার গভীরে ডুবে গেলেও মাঝে মাঝে অসম্ভব নিস্তরু মুহূর্তগুলি ওর চৈতন্যকে দোলা দিয়ে যাচ্ছে । একটা কিছু বলা দরকার মালতীকে—অথচ সে কথাটি কি এই মুহূর্তে তা স্বরণে আসছে না ।

অবশেষে মালতীই কথা বললে, কি যেন ভাবছেন ! ঠাইকের কথা না কি ?

হাঁ । মাথা নেড়ে স্বীকার করলে প্রশান্ত ।

মালতী বললে, তা এতে ভাববার কি আছে, ওদের দাবি মিটিয়ে দিন না ।

প্রশান্ত হাসলে—কোন কথা বললে না ।

মালতী ঈষৎ ক্ষুণ্ণ হয়ে বললে, সত্যি—এত সব অশান্তি কেন যে সাধ করে পোড়ায় মানুষ !

প্রশান্ত বললে, অনিচ্ছাতেও অশান্তি আসে—

মালতী সোজা হয়ে বসে বললে, না—সম্পূর্ণ ইচ্ছাতেই বলব । এই যে হাঙ্গামা—

প্রশান্ত বললে, এমনি ধারাতেই জগৎ চলছে । হাঙ্গামা কোথায় নেই । তুমি ইচ্ছা করলেও যেমন অনেক হাঙ্গামা থেকে আলাদা থাকতে পার না—তেমনি—

মালতী বললে, প্রত্যেকে যদি প্রত্যেকের অভাব-অভিযোগ বুঝত—

শ্বেরাচারের নমুনা দেখে মনে মনে নিশ্চয় হাসছে। মনের মধ্যে হু হু করে উঠল।

প্রাস্তর পার হয়ে শহরে প্রবেশ করল মোটর।

মালতী বললে, মোড়ের মাথায় বাঁধবেন—নামব।

কেন—বাড়িতে পৌঁছে দিই না ?

দোকানে দরকার রয়েছে—তা ছাড়া দু'এক জন বন্ধুর সঙ্গে দেখা করে যাব।

মোটর থেকে নেমে মালতী বললে, ঘণ্টাভিনেক পরে যখন ফিরবেন—আমাকে তুলে নেবেন কিন্তু।

আজই ফিরবেন ?

ইচ্ছা তো আছে। নমস্কার। হাত তুলে নমস্কার জানিয়ে মালতী এগিয়ে চলল।

আজকাল অস্তরঙ্গতার সুযোগে ওদের সামাজিক রীতিনীতি যথেষ্ট শিথিল হয়েছে। এতখানি একসঙ্গে এসে মাত্র তিন ঘণ্টার ব্যবধানে এই ভদ্রতাবোধ জাগল কেন তা বিশ্বয়ের বিষয়। এ কি শহরের সনাতন রুত্তি ? বাড়ি আর মানুষের বেড়া চোখের সঙ্গে মনকেও আড়াল করে রাখে ? একাকী মানুষ অত্যন্ত সহজ ; কিন্তু বহু মানুষ এক হলেও একাকী হতে পারে না, আর সেই কারণেই সভ্য আচার-ব্যবহারের বহু অলঙ্কার তার গায়ে চাপানো।

চৌধুরী হাসিমুখে অভ্যর্থনা করলেন, কি খবর প্রশান্ত ? বস—আগে এক কাপ চা খেয়ে তাজা হও—তারপর তোমার অভিযোগ শুনব।

প্রশান্ত চায়ের কাপ টেনে নিয়ে বললে, আমি যে অভিযোগ করতে এসেছি—এ আপনি জানলেন কি করে ?

চৌধুরী হাসতে হাসতে জবাব দিলেন, যারা—লক্ষীর সাধনায়

পৃথিবীতে দাবার ছক পেতে বসে—তাদের কানকে সজাগ আর দৃষ্টিকে  
ভীক্ষ রাখতেই হয়। এই দেখ—বলে মরক্কো চামড়া বাঁধানো একখানা  
কাইল তুলে নিলেন বাঁ দিকের ট্রে থেকে। কাইলের লাল ফিতে  
খুলতে খুলতে বললেন, এই ফিতে দেখে যেন মনে করো না—এটা  
সরকারী দপ্তরখানার মতই মেজাজদার!

প্রশান্ত ঈষৎ হাস্য করে বললে, না—তা মনে করব না। জরুরি  
ব্যাপারে—

চৌধুরী বললেন, হ্যাঁ—কোটি কোটি টাকার ব্যাপারে তা মনে করা  
অন্যায় হ'ত না—কিন্তু—এই দেখ। একখানা নীল রঙের পুরু লেফাফা  
তুলে নিয়ে প্রশান্তের দিকে এগিয়ে দিলেন।

প্রশান্ত চিঠিটা বার করে পড়বার উদ্যোগ করতেই তিনি বললেন,  
চিঠি পড়বার আগে তোমার ব্যক্তিগত মতামতটা জানতে চাই।  
চিঠি লিখেছেন সর্কেশ্বর—আর সকলের জবানীতে। ওঁরা জানাচ্ছেন—  
আয়ব্যয়ের হিসাব করে দেখা যায় শ্রমিকদের দাবি মেটাতে গেলে  
লাভের অঙ্কটা নাকি চূপসে যাবে। যা থাকবে তা ভূতের ব্যাগার  
খাটা মাত্র। তোমার মতটা নাকি দাবি মেটানোর দিকে—অবশ্য  
গ্রায্য দাবি। কিন্তু আমি জানতে চাই কাকে গ্রায্য দাবি বলবে তুমি?

প্রশান্ত বললে, বেশি মুনাফার লোভ না রেখে যথাসম্ভব ওদের  
দাবি মেটানো যায় যদি—

এই নিয়ে কবার মেটানো হবে ওদের দাবি?

তা বার তিনেক বোধ হয়।

কতটুকু সময়ের মধ্যে?

বছরখানেক।

প্রত্যেক ছ'মাস অন্তর ওরা যদি দাবি জানায়—তাকে গ্রায্য বলা যায়?

পারে—তাকে হত্যা করলে একসঙ্গে সে ঝুড়ি ঝুড়ি ডিম দিয়ে ষায় না।

প্রশান্ত সোজা হয়ে বসল। বললে, আপনার কথা আমি বুঝেছি। এ প্রশ্নটা আমার মনেও জেগেছে।

এটা আমার প্রশ্ন নয়—যে দেশে শ্রমিক-গবর্নমেন্ট আছে—যাদের শক্তিশালী ইউনিয়ন আছে, তাঁদের কথা। তারা যেমন গ্ৰাঘ্য দাবি করে—তেমনি গ্ৰাঘ্য শ্রম দেয়। গ্ৰাঘ্য শ্রম দিতে পারে না যে শ্রমিক সে ইউনিয়নের সভা হতে পারে না। তাকে শাস্তি দেয় ইউনিয়ন।

আমাদের দেশে তেমন—

তেমন নিয়ম নেই কারণ সঙ্ঘ-নেতারা দুর্বল। তাঁরা নেতাই থাকতে চান—শ্রমিকদের লোভের যোগান দিয়ে। ওদের লোভকে গ্ৰাঘ্য পথে চালাতে শেখেন নি।

প্রশান্ত চুপ করে রইল। কি বলতে চান চৌধুরী? দাবি মেটানোর অনুরূপে ওঁর মত হয়ত—

চৌধুরী বললেন, ঘাবড়ে যেয়ো না হে, আমিও মানুষ—মানুষের দুঃখকষ্ট বুঝি। ওদের দাবি মেটানোর সপক্ষে মত দেব—তবে তথাকথিত শ্রমিক-নেতার ভ্রমকিতে নয়। নিরপেক্ষ সালিস বসুক—বার বার নয়, একবারই ঠিক হোক চুক্তি। গ্ৰাঘ্য দাম—গ্ৰাঘ্য শ্রম। নিস্তির এদিক ওদিক হেললেই দায়িত্ব বহন করতে হবে।

প্রশান্ত বললে, নিক্তি নিয়ে বসলে সোনার ওজন ঠিক হতে পারে—  
মানুষের অভাব—

পাকাপাকি কিছু করা কারও পক্ষে সম্ভব নয়। দ্রব্যমূল্যের মান কমলে শ্রমমূল্য যে কমবে না এ কুযুক্তি অবশ্য মানব না—আবার দ্রব্যমূল্য আরও চড়ে যদি—

তো যথেষ্ট লাভ। এইবার চিঠিখানা পড়—লাভের হিসাব-নিকাশ তাও ওতে আছে—দেখ। আমি আসছি। পাইপ ধরিয়ে চৌধুরী কক্ষান্তরে গেলেন।

ঘরের একশো ওয়াটের বিদ্যুৎ-বাতিটা যেন নিবু নিবু হয়ে এল। পৃথিবী পরিবর্তিত হচ্ছে এটা সত্য—কিন্তু অভাবনীয় এই দ্রুত পরিবর্তনে যা সরে যাচ্ছে পায়ের তলা থেকে—যা মিলিয়ে যাচ্ছে সামনে থেকে, তাকে মেনে নেওয়ার ফুরসৎটুকুও যে পাওয়া যাচ্ছে না। কে অসাধু? শ্রমিক-নেতা, না মালিক? না—যুদ্ধোত্তর এই পৃথিবী?

চৌধুরী ফিরে এসে বসলেন চেয়ারে। নতুন চুরুটে অগ্নিসংযোগ করে সন্মিত মুখে তিনি প্রশান্তুর পানে চাইলেন।

প্রশান্ত পাংশু মুখ তুলে বললে, না-না, আপনি এতে রাজী হবেন না। রাজী হবেন না—

চৌধুরী ধোঁয়া ছেড়ে বললেন—না, রাজী হই নি। তুমি শ্রমিক-নেতাদের সঙ্গে আলাপ-আলোচনা চালাতে পার। সং ভাবে যা করা সম্ভব—শেষ পর্যন্ত আমার সমর্থন পাবে তুমি।

প্রশান্তুর মুখে হাসি ফুটল।

কোথা থেকে চালাবে আলাপ-আলোচনা এই হ'ল প্রশান্তুর চিন্তা। ট্রেড ইউনিয়নের আপিসে যাবে কি? কিন্তু সেখানে তথাকথিত বহু নেতা আছেন—যারা সজ্যকে ক্ষমতাশালী করবার জগু বাঁকা পথটিই হয়ত বেছে নিয়েছেন। হলদে চিরকুটখানা যে অঙ্ক দাবি করছে, তা একের কল্পনাপ্রসূত বলে বিশ্বাস হয় না। শুভার কাছে যাবে? সে-ও

মাঝপথে এক মুহূর্ত সে থামলে—শুধু মুহূর্তমাত্র—তারপর সবলে বৃত্তির গতিপথ ফিরিয়ে বাকি ক’টা ধাপ অনায়াসে অতিক্রম করলে।

ঘর থেকে বেরুচ্ছিলেন শুভার মা—তঁার সঙ্গেই মুখোমুখি দেখা।

শুভার মা আনন্দ-মেশানো দুঃখ প্রকাশ করলেন, আর আস না কেন প্রশান্ত? তোমার কথা প্রায়ই মনে হয় আমাদের।

একটু হেসে কৈফিয়ৎ দেবার ভঙ্গিটাকে সে সহজ করে নিলে। বাহতঃ এটি ক্রটিস্বীকার।

শুভার মা বললেন, বস। শুভা এইমাত্র বেরিয়ে গেল। না না, তোমার সঙ্গে আমার ভীষণ দরকারী কথা আছে যে। তোমাকে দেখবার জন্য এইমাত্র আমি প্রার্থনা করছিলাম। ভগবান আমার কথা শুনছেন।

অগত্যা বসতে হ’ল। শুভার মা ভূমিকা বাড়ালেন না। বললেন, শ’ দুই টাকার বিশেষ দরকার যে বাবা! শোন নি বোধ হয়—মাসখানেক হ’ল শাশুড়ী ঠাকরুণ গত হয়েছেন। তাঁর শ্রাদ্ধের দরুণ আর ছেলেমেয়ে দুটোর আট মাসের মাইনেতে বেশ কিছু অভাব বোধ হচ্ছে। আর জানই তো, সংসারের খরচ আজকালকার দিনে—যে চালায় সে-ই জানে এর মর্ম।

বুকপকেটে হাত দিয়ে নোটের বাগলটা সে অনুভব করলে—কিন্তু এঁদের অভাবগ্রস্ত সংসারের দায় মিটানোর গরজ কি তার! যে সম্বন্ধ মধুর হতে পারত—অন্তরের সূত্রে অভিন্ন হতে পারত—তা ঘটনার স্রোতে হ’ল ভিন্নমুখী। এ আকাশ একদিন তারই ছিল অথচ এখানে স্বপ্ন-বিহার করার দুর্বলতা আজ তার নাই। আশ্চর্য—হাত গুটিয়ে না নিয়ে নোটের বাগলটা নিঃশব্দে সে টেনে নিলে। গুনলে না কত টাকা আছে—তেমনি নিঃশব্দে শুভার মায়ের দিকে হাতখানি বাড়িয়ে বললে, নিন।

তোমার কাছেই নালিশ আছে আমার। প্রশান্ত সহজ কণ্ঠে বললে।

শুভা খিল খিল করে হেসে বললে, রক্ষে কর কমরেড—সারা পৃথিবীটাই নালিশে ভরে রয়েছে—কোন্টা রেখে কোন্টা শুনব? আর নিজেকে যোগ্য মনে করি না—নালিশ শোনবার যোগ্যতা থাকা চাই তো।

ঠাট্টা নয়—সত্যি আমার কিছু বলবার আছে। প্রশান্ত গম্ভীর কণ্ঠে বললে।

শুভা এক মুহূর্ত চুপ করে থেকে বললে, বেশ বল—কিন্তু সংক্ষেপে।

জানি, তোমার সময়ের দাম আছে! প্রশান্তর কণ্ঠে পরিহাসের প্রচ্ছন্ন আভাস।

শুভা বললে, আমি ক্লান্ত। এইমাত্র একজনের সঙ্গে তর্ক করে ক্লান্ত হয়ে পড়েছি।

ক্লান্ত? আচ্ছা সংক্ষেপেই বলছি।

সমস্ত শুনে শুভা বললে, আমি কি করতে পারি?

তুমি কিংবা তোমরা যেই হোক—ওদের বুঝিয়ে—

পেট কাঁদলে, না ধর্ম না যুক্তি, কিছুতেই কেউ বোঝে কি কমরেড?

তবু দাবি গ্ৰায্য কি অগ্ৰায্য—

সবটাই গ্ৰায্য—যাদের পরনে নেই কাপড়—পেটে নেই অন্ন।

তর্ক করে লাভ নেই—দাবির যতখানি মেটানো যায় সেই চেষ্টা করতে হবে আমাদের।

আলোচনা মীমাংসার পথে গেল না। প্রশান্ত দ্রবং উষ্ণ হয়ে বললে, সক্রিয় বলতে কি—এ তোমরা ওদের কথা বলছ না—তোমাদের জিদ বজায় রাখছ।

তাতে আমাদের লাভ?



হঠাৎ জনশ্রোত শুরু হ'ল—ঝড়ের আগেকার আকাশ নিঃশেষে টেনে নিল বায়ুকে। দূরে বহু কণ্ঠের চীৎকার। মিছিল আসছে—ভুখা মিছিল।

এ জিনিস নূতন নয়—অভাবিত নয়। যুদ্ধোত্তর পৃথিবীতে এ রকমের ঝড় প্রতিদিনের ঘটনা। সাধারণ জীবনযাত্রার মানের সঙ্গে অদ্ভুত-ভাবে খাপ খেয়ে গেছে।

সারি দিয়ে লোক চলেছে—নানা জাতি—নানা ধর্মের লোক—গোটা ভারতবর্ষ মিশেছে কলকাতার রাজপথে। হাতে হাত মিলিয়ে যেতে যেতে চেষ্টাচ্ছে অপরিমিত। ধ্বংস হোক—ধ্বংস হোক পুরাতন সব কিছু। কায়েমী স্বার্থের প্রাচীর-ঘেরা পৃথিবী জীর্ণ হয়ে এসেছে—জীর্ণ হয়েছে তার আচারগত মানবীয় বৃত্তি—সুপ্রাচীন আধ্যামির গৌরবভার বহন করতে পারছে না তথাকথিত সভ্যতা। ধ্বংস হোক—সব কিছু ধ্বংস হোক। মুছে যাক প্লেটের পুরাতন লেখা—আভিজাত্য সংস্কৃতি হোক লুপ্ত—বর্ণাভিমান যাক মুছে—কমলা আবার ফিরে যান সিন্ধুপুরীর মণিময় হর্ম্যে।

প্রশান্ত মুখ ফিরিয়ে নিলে। বড় বেশি উদ্ধত—বড় বেশি প্রগল্ভ মনে হ'ল। সৃষ্টিকে নশ্রাৎ করে দেবার দুঃসাহসে বড় বেশি আত্মপ্রত্যয়-শীল। সৃষ্টি কিছু শূন্যস্থলিত হয়ে পৃথিবী আশ্রয় করে নি—ক্রমবিকাশে গড়ে উঠেছে বিরাট সভ্যতা। মানবগোষ্ঠী নিয়মনীতির আনুগত্য মেনে এসেছে নিয়েছে—একনায়কত্ব—পশুহনন বৃত্তি থেকে উন্নীত হয়েছে কৃষিধর্মে—গুহা থেকে এসেছে কুটিরে—বন্যবৃত্তিকে শৃঙ্খলিত করে দীক্ষা নিয়েছে মানবীয় ধর্মে। এ তার এক দিনের খেয়াল নয়—এক যুগের সাধনা নয়—এক শতাব্দীর সঞ্চয়ও নয়। পরীক্ষা-নিরীক্ষায় খাদ বার হয়েছে—সংস্কার হয়েছে বার বার—রাজা, রাজ্য, রাজসিংহাসন নিয়ে কত না পরীক্ষা হয়েছে

নিযে ব্রিটিশ তার প্রতিশ্রুতির আন্তরিকতা প্রমাণ করে নি কি ? কিন্তু এই ঘোষণায় ভারত-সম্রাজ্য আর একটি যেন গ্রহি পড়ল। কার হাতে ক্ষমতা দিয়ে ভারত ত্যাগ করবে ওরা ? অগ্রগামী একটি দল—অনুমান করা যায় কংগ্রেস—তারাই ক্ষমতা পাবে। সম্পূর্ণ ক্ষমতা অবশ্য নয়। লীগ-শাসিত প্রদেশ আছে—তাদের অনিচ্ছায় মূল অংশের সঙ্গে জুড়ে দেওয়া হবে না। আছেন ভারতীয় রাজন্যবৃন্দ। তাঁরা প্রতিশ্রুতি পালনের শেষ তারিখ পর্যন্ত হয়ত প্রতীক্ষা করবেন। তাঁরা স্ব-স্ব স্বার্থ অনুযায়ী যদি অনিচ্ছুক হন—কেউ তাঁদের বাধা করতে পারবে না প্রধান অংশের অঙ্গীভূত হতে। এই সব গ্রহি ক্রমাগতই পড়ছে। সম্প্রতি পঞ্জাবে খিজির-মন্ত্রীসভার পতন হয়েছে—তিরানকুই দ্বারায় শাসন চলছে। উনিশ শ আটচল্লিশের আগে যাতে পুরোপুরি পাকিস্তানী সাম্রাজ্যভুক্ত হতে পারে পঞ্জাব, তারই আয়োজন। সাম্প্রদায়িক দাঙ্গায় সারা পঞ্জাবে আগুন জ্বলছে। সীমান্ত-প্রদেশ আর আমামেও আগুন জ্বালাবার ইচ্ছন সংগৃহীত হচ্ছে। সিন্ধু তো ইতিমধ্যে স্বতন্ত্র লীগশাসিত প্রদেশ বলে উনিশ শ আটচল্লিশের জুলাই থেকে স্বাধীনতালাভ করবে এই আশা ব্যক্ত করেছে। বাংলা দু'ভাগে বিভক্ত হবার জন্ম রব তুলেছে। ফেব্রুয়ারির ঘোষণার ক্রিয়া সুদূরপ্রসারী বলেই মনে হচ্ছে। অছিগিরির চেষ্টা না থাকলেও—ভারতের মাটিতে অনেকখানি আশ্রয় যেন এই সব প্রতিক্রিয়ার সঙ্গেই কায়েম হবার আশা রাখে। ভারতের মহাসাগরে—আর ভারতের মাটিতে—দু-একটি শক্ত শিকড় নামিয়ে ওরা কি আমেরিকা ও সোভিয়েট প্রতিদ্বন্দ্বিতার পূর্ণ পরিণতির দিন গুনবে না ? ইতিমধ্যে লর্ড মাউন্টব্যাটেন আসছেন। ঘোষিত হয়েছে তিনি ভারতের শেষ বড়লাট। ক্ষমতা যাতে সুশৃঙ্খলায় হস্তান্তরিত হয় তারই চেষ্টা তিনি করবেন। তবু একথা স্বীকার করতে হবেই—

ক্ষমতালাভের আশাতেই হোক কিম্বা ভারতের দুর্ভাগ্য বলেই হোক—  
শৃঙ্খলা আজ কোথাও নেই। হিমালয়ের শীর্ষ থেকে কন্যাকুমারিকার  
অগ্রবিন্দু পর্য্যন্ত বিপ্লবের বহু্যঙ্গারে মূহুমূহুঁ কাঁপছে।

## ২৯

সুশীল খেয়ে যাবার জন্য পীড়াপীড়ি করলে।

প্রশান্ত বললে, আচ্ছা ঘুরে এখানেই আসব। কাজটা মিটিয়ে নিই—  
যে তোমাদের শহর, কখন কি আইন জারি হয়!

শুভাদের বাসায় এসে শুভার দেখা পেলে না—উলটে নূতন দুর্ভাবনা  
মাথায় চাপল। ওর মা অশ্রুক্রুদ্ধ কণ্ঠে বললেন, কাল নাকি শহরে ভারি  
হাঙ্গামা গেছে বাবা—শুভা সেই যে তোমার সঙ্গে বেরুল আর ফেরে নি।  
সারারাত হুঁচোখের পাতা এক করতে পরি নি। বুড়ো বয়সে আর কত  
সহ হয় বল ত! উনি কেঁদে ফেললেন।

কি সাহসনা দেবে—প্রশান্ত চুপ করে রইল। মায়ের গা ঘেঁষে দাঁড়িয়ে  
আছে নেটু আর খুকী। সেই রুগ্ন ছেলেটি আর সজীব মেয়েটি।  
মেয়েটির মুখখানি অত্যন্ত স্নান। চোখেমুখে ওর পর্য্যাপ্ত প্রাণশক্তির  
আভাস—একটু আশ্বাসে—সামান্য স্নেহে আদরে আবার উচ্ছ্বসিত হয়ে  
উঠতে পারে। কিন্তু ঝড়ের রাত্রির পরে প্রভাত এলেও সূর্য্যোদয় হয়  
নি—শাখাচ্যুত লতা মাটিতে লুটিয়ে আছে আধশুকনো পাতার ভারে।  
প্রশান্ত তাকেই ডাকলে কাছে—মাথায় হাত দিয়ে একটু আদর জানালে।  
বললে,—কি খুকী—একটু জল খাওয়াবে?

আশ্বাস নয়, অথচ এই কথাতেই মেয়েটি উৎফুল্ল হয়ে ঘাড় নেড়ে হেসে  
উঠল আর সঙ্গে সঙ্গে ছুটে চলে গেল।

হঠাৎ দূরে দেখা গেল প্রদীপ। চোখে তার আলোয় জাগছে বিভ্রম—তবু স্পষ্ট হ'ল অনেক রহস্য।

আনমনে সে অণু বইগুলি ঘাঁটতে লাগল। উত্তেজনার মুহূর্তে—উচিত-অনুচিত বোধ থাকে না—মনও থাকে না সজাগ, নইলে লঠনের আলোয় সে দেখতে পেত, ঘরের দুয়ারে দাঁড়িয়ে শুভা মূহু মূহু হাসছে।

শুভা অবশেষে বললে,—আর কিছু পাবে না কমরেড, মিথ্যে বইখানা ঘাঁটছ!

চমকে সে মুখ তুললে। মুখ তার পাংশু হয়ে গেল। বিবেক তার ভদ্রতার ক্রটিতে চোখ রাঙিয়ে ধমক দিয়ে উঠল। মাথা নামিয়ে সে অন্তর্দিকে চাইলে অপরাধীর মত।

শুভা সরে এসে বললে,—না না, অণ্ডায় কিছু কর নি। যে জিনিমে স্বত্ব তোমার স্থির করেই নিয়েছ—সে তো একান্ত করে তোমারই।

প্রশান্ত সবেগে মুখ ফিরিয়ে বললে, তার মানে ?

মানে আমি জানি না—মা জানেন। হাসতে হাসতে জবাব দিলে শুভা।

প্রশান্ত বললে, তুমিও জান—কেবল স্বীকার করতে ভয় পাও!

ভয় ? তা হবে ! শুভা এক মুহূর্ত কি যেন ভাবলে। ওসব কথা কাটাকাটি এখন থাক কমরেড—তোমার সর্ভগুলি আমি পড়েছি—পড়ে ভেবেছিও।

সর্ভের কথা পরে হবে—

আমার ধারণা ছিল—মিলের ব্যাপার নিয়ে তুমি অত্যন্ত অশান্তি ভোগ করছ।

হাঁ—অনেক রকমের অশান্তি আমার—অস্বীকার করব না—কিন্তু তোমাকে যা বলবার—

শুভার কণ্ঠস্বর শুষ্ক—দৃঢ়। ও কি ত্রুটু হল? প্রশান্তুর কি দোষ—মন যেখানে আত্মীয়তার সূত্রজালে আবদ্ধ হয়ে পড়েছে—সেখানকার তুচ্ছ দুঃখকষ্টে বিচলিত হয়ে পড়া কি এমনই অস্বাভাবিক? পৃথিবীতে দুঃখী যথেষ্ট আছে—মনের সঙ্গে তাদের দুঃখ যুক্ত নয় বলেই তো নরম হবার অবকাশ আসে না। বড় পৃথিবীতে মানুষ অত্যন্ত ছোট—সে পৃথিবী বাইরের; কিন্তু কতকগুলি সূক্ষ্ম মমতা দিয়ে সেই ছোট মানুষ যে দুনিয়া তৈরি করে তাও কি খণ্ডিত নয়—ক্ষুদ্র নয়? অথচ সে মানুষ নিজেকে বিনিয়োগ দিয়ে তখন তো আর ছোট থাকে না; সে হয় বৃহৎ—সে তখন অদ্বিতীয়।

শুভা বলতে লাগল, দোষ তোমার দিই না প্রশান্ত—জগৎটাই এমনি-ভাবে তৈরি। বহুকাল থেকে যা দেখে আসছি, যা শিখে আসছি—সংস্কারের ধারা কি সংস্কৃতির আলো—ধর্ম কিংবা ঈশ্বর—ভালবাসা আর পরদুঃখমোচনের চেষ্টা—এ সব যে সৃষ্টিগত উপাদানের সঙ্গে মিশিয়ে দৃষ্টিকে আর মনকে অমনি করেই তৈরি করেছে। সবাই বলে পৃথিবী ছোট হয়ে: আসছে, মানুষ মিলতে পারছে না তবু। ছোট ঘরে কলহ-কোলাহল করলে আমরা সৃষ্টি থেকে কি মুছে যাব না কমরেড?

প্রশান্ত ততক্ষণে সামলে নিষেছে। শুভার সব কথা ওর প্রতিস্পর্শ না করলেও তার আবেগ-গাঢ় স্বর ওর মনের মধ্যে আশ্রয় নিয়েছে। সে যেন বলছে—বাইরেটা জগতের সব নয়—মানুষের তো নয়ই। এই বিশ্বসংস্কারের ভার তোমার আমার সকলের। সংস্কার করতে বিলম্ব হয়—রচনা কর নূতন করে। চিরাচরিত প্রথায়, নীতিতে, বিশ্বাসে, মিথ্যাশ্রিত সত্যে আঘাত লাগবে। প্রচণ্ড আঘাত। তবু এগিয়ে চল। এগিয়ে চল।

অবশ্য এ ধ্বনি ক্ষীণ, আর অবিরাম নয়। মাঝে মাঝে মনের পর্দায়

কিন্তু—

ধর্মঘট করে দুঃখী মানুষের লাভ কতটুকু প্রশান্ত ! একান্ত নিকুপায় হয়েই শেষ অস্ত্র হিসাবে—

না—ওদের ক্ষেপিয়ে ধর্মঘট ঘোষণা করা একজাতীয় নেতাদের পেশা। তাতেই তাদের নেতাগিরি টিকে আছে।

বেশ ত, সেই নেতাগিরিতে আঘাত দাও না ! ভণ্ডামির প্রশয় দিলে সমাজ স্তম্ভ থাকে না।

আঘাত দেব কি করে—তারা যে বর্ণচোরা ! বাদের ক্ষেপানো হয়, তাদের হিংসাকে, তাদের ধর্মমতকে, এমন কি তাদের সব রকমের দুর্বলতাকে অস্ত্রের মত ব্যবহার করতে এরা যে পটু !...কাল যে চিরকুটখানা তোমায় দিয়েছি—

ওটা যে তোমাদেরই সৃষ্টি নয়—

হাতের লেখাটা সনাক্ত করা শক্ত নয়। আর সেটা তুমি চেষ্টা করলেই পারবে।

চেষ্টা করব কমরেড। শুভা হাসল।

তার আগে ধর্মঘটের যে গুজব শোনা যাচ্ছে—

গুজবে বিশ্বাস করো না। যারা দুর্বল তারা মুখে একটুও আশ্ফালন করবে না এ কেমন করে আশা কর কমরেড ?

প্রশান্ত উঠবার ভঙ্গি করে বললে, কাল আসব কি ?

স্ববিধে হয় আসবে—না হয় চিঠি লিখে জানাব।

সিঁড়িতে নামবার মুখে শুভা বললে, একটা ক্রটি স্বীকার করে রাখি কমরেড। তোমার টাকাটা আপাততঃ ফিরিয়ে দিতে পারছি না। তুমি হয়ত বলবে—যদি আত্মসম্মানে বাধল তো ও জিনিস নেওয়া কেন ! আমার উত্তর—অবস্থার চাপ। ওটা আত্মসাৎ করব না—ফিরিয়ে দেব—তবে বিনা স্তম্ভে।

জগতে কিছু নাই। আনন্দ-অমৃতের সন্ধান শুভাই তাকে দেয় নি—  
মালতীও দিয়েছে পূর্ণতার ইঙ্গিত। একখানি ঘর, একটি মধুর সঙ্গ,  
নির্জন অবসর আর আত্ম-উদ্ঘাটনের মুহূর্তে আত্মনিমজ্জন—পৃথিবীতে  
এই পাণ্ডাটাই তো নর-নারীর সর্বোত্তম সম্পদ। শুভা মরীচিকা—  
মালতী বন্দর। মালতী পরিপূর্ণ বিশ্বাসে তার আত্মার সমীপে এসে  
দাঁড়িয়েছে—তাকে প্রত্যাখ্যান করবার ক্ষমতা প্রশান্তর নাই। এ রকম  
স্বাত্মবন্ধনা সে নাই বা করলে!

হাঁ অগ্নায় হয়েছে—কালই মালতীকে নিয়ে তার ফিরে যাওয়া উচিত  
ছিল। শুভার সঙ্গে বুঝাপড়ার কোন প্রয়োজন ছিল না। যে পার্টির  
অনুত্তম অংশ শুভা—সেই পার্টির কাছেই তার দরকার। তাদের  
ঈর্ষস্থানীয় কয়েকজনকে যুক্তিবলে স্বমতে আনলেই ব্যাপারটার আশু  
নিষ্পত্তির সম্ভাবনা ছিল। অথচ আলোচনার ছুতায় শুভাকে আর  
একবার দেখে...

পায়ের গতি দ্রুত হ'ল। শ্যামবাজারের মোড়ে এসে দেখলে ট্রাম  
ডিপোর কাছে জনতা। কারা উত্তেজিতভাবে কি বলছে—মাঝে  
মাঝে চীৎকার উঠছে শ্রমিকের গায়া দাবি নিয়ে। ওরা শাসাচ্ছে  
ধর্মঘট করবে। আট হাজার শ্রমিক রুখে দাঁড়িয়েছে বিলিতি মালিকের  
দ্বারা শোষিত না হবার দৃঢ় সঙ্কল্পে। আয়ের অঙ্ক যাদের ব্যাঙ্ক-ব্যালাঞ্জে  
উপচে পড়ছে, তাদের কর্মচারীরা যুদ্ধোত্তর পৃথিবীতে চারশো গুণ দ্রব্যমূল্য  
যুগিয়ে অর্দ্ধাহারে অনাহারে দিন যাপন করছে। যা সামান্য মুষ্টিভিক্ষা  
রেশনে ও মাগ্গি ভাতায় মিলছে—তা 'তাতল সৈকতে বারিবিন্দুসম'।  
ওরা প্রতিজ্ঞাবদ্ধ হচ্ছে ধর্মঘট করবে।

পাশ থেকে একজন বললে,—পনেরোটা দিন সবুর করলেই হ'ত  
—বিলেতের কর্তাদের সঙ্গে একটা বুঝাপড়া হ'লে—



একজন রোগামত ছোকরা খেঁকিয়ে উঠল, বুঝাপড়া তো মাসখানেক থেকে চলছে। ঝাকা! কর্তারা কিছু জানে না—না?

তবু—

না—মশাই—না—যেমন কুকুর তেমনি মুগুর হওয়া দরকার। —উৎসাহে ছোকরার মুখ-চোখ জ্বলছে।

প্রশান্ত সরে এল। এ সব আলোচনা তার ভাল লাগছে না। আগুন জ্বলে দাহ বস্তুর বিচার-বিবেচনা নিরর্থক। ধর্মঘট হবেই।

মালতীর সন্ধানে সে যথানির্দিষ্ট গলির মধ্যে প্রবেশ করলে। কিছু বাড়ির নম্বরটা ঠিক মত মনে পড়ল না। বারকয়েক গলির এ-প্রান্ত ও-প্রান্ত ঘুরে বেড়িয়ে আবার ফিরে এল বড় রাস্তায়। ক্ষুধা বোধ হচ্ছে। মেসে ফিরে যাবার ইচ্ছা তার নেই—একটা মাঝারি মত রেষ্টুরেন্ট দেখে ঢুকে পড়ল।

শুধু আসন্ন ট্রাম-ধর্মঘটের নয়—আরও বহু জায়গায় ধর্মঘট চলছে ও চলবে তারও কর্ণরোচক মন্তব্য শোনা যাচ্ছে। পোর্ট-ট্রাষ্ট নাকি কুড়ি হাজারের ওপর কর্মচারী নিয়ে আসন্ন যুদ্ধের জন্ত প্রস্তুত। প্রস্তুত হচ্ছে ইম্পিরিয়েল ব্যাঙ্ক—রাস্তায় রাস্তায় ওদের প্রাচীরপত্র দেখা যাচ্ছে। একশো চুরাল্লিশ ধারা না থাকলে ধর্মঘট ঘোষণার বন্যায় কলকাতা পরি-প্রাণিত হয়ে যেত।

ভাবতে ভাবতে আবার সে ফিরে এল সেই গলিটায়। গলিটা বার দুই পরিক্রমা করলে। যদি পরিচিত কারও দেখা মেলে—কিন্তু মালতীই যদি দৈবক্রমে তাকে দেখে ছুটে আসে।

দুপুর বেলা—গলিটা নির্জন আর আলো-আধারী। কারণ সন্ধ্যা অষ্টবক্রাকৃতি গলি। লোকজনের চলাচল কম। চার বার পাক খেয়ে গলিটা বড় রাস্তায় এসে মিশেছে। দ্বিতীয় বার পরিক্রমা সেরে প্রশান্ত

যেমন মাঝামাঝি একটা ঝাঁকের কাছে পৌঁছেছে—অমনি তার মনে হ'ল, কারা যেন স্ফুট করে সরে গেল অন্ধকারের মধ্যে। দুষ্কৃতকারী না হলে অমন করে পালাবে কেন ওরা ?

কে—কে—ওখানে ? প্রশান্ত চোঁচিয়ে উঠল। সঙ্গে সঙ্গে কোন একটি কঠিন দ্রব্যের আঘাত এসে পড়ল মাথায়। অতকিত আক্রমণের বেগ সহ্য করতে পারলে না—জ্ঞান হারিয়ে ও লুটিয়ে পড়ল মাটিতে।

তার পর কিছুদিন কার্টল ছায়ার জগতে। পরিচিত পৃথিবীর বহু দূরে সে লোক। তন্দ্রা-জাগরণের মাঝামাঝি অবস্থায় বেশ কিছুদিন অতিবাহিত হ'ল। অগাধ আলস্যে মত্ত হয়ে উঠল মুহূর্ত—বিস্তৃত হ'ল দিন—আবার গভীর নিদ্রায় নিঃশেষ হয়ে গেল—কোন চিহ্ন না রেখে। কত সংবাদ শ্রবণ-পথে অর্থহীন প্রবাহে ভেসে এল—নিদ্রা আর অর্ধ-চৈতন্যে মিশে তারা কালসমুদ্রে হারিয়ে গেল একে একে। প্রায়ই দেখা দেয় সুপ্রসাধিতা একটি মেয়ে। মমতাভরা দুটি চোখে তার পলক পড়ে না—সেবানিপুণ করে প্রশান্তর মাথার চূলে সে পরিচর্যার স্পর্শ রেখে দেয়।

সেই অদ্ভুত রোমাঞ্চকর স্পর্শে চৈতন্য পূর্ণ প্রস্ফুটিত হতে চায়—আবার ছেয়ে আসে গভীর অন্ধকার। এমনিভাবে চলতে চলতে এক দিন সে ক্ষীণ কণ্ঠে জিজ্ঞাসা করলে, আমি কোথায় ?

মেয়েটি ছুটে এসে তার মুখের ওপর ঝুঁকে পড়ে বললে, আমায় চিনতে পারছ ?

ক্ষীণস্বরে প্রশান্ত উচ্চারণ করলে, মালতী।

মেয়েটির মুখচোখ আনন্দে ঝলসে উঠল। পরম স্নেহে প্রশান্তর মাথায় হাতখানি রেখে বললে, ঘুমোও।

এর পর ভারতবর্ষের জয়যাত্রা শুরু হ'ল। ঘটনার পর ঘটনার প্রবাহ স্রবিত গতিতে বয়ে চলল। বিদায় নিলেন ওয়াভেল—শেষ বড়লাট হয়ে এলেন মাউন্ট ব্যাটেন। ভারত-সম্রাট মীমাংসার জন্তু ত্বরান্বিত হয়ে উঠলেন তিনি। তিন মাসের স্তিমিতপ্রায় অগ্নি—জাতিবিদ্বেষ—আবার জ্বলে উঠল। যে যেখানে প্রতিক্রিয়াপন্থী ছিল সবাই তৎপর হয়ে উঠল। কেউ বললে, দ্বিজাতি-তত্ত্বের ফয়সালার জন্তু এ একটা চাপ—কেউ বললে, না, এটা বিদায়ী ব্রিটিশের কূটনীতি। দিনে দিনে নরশোণিতে ঘাতকের অস্ত্র হ'ল রঞ্জিত—পাঠান-পুলিসের অত্যাচারে শহর হ'ল দূষিত। পঞ্জাবেও আগুন জ্বলে উঠল। মুসলিম লীগ দৃঢ় পণ করলে—পাকিস্তান চাই-ই। জীবন-পণ। হিন্দুর বড়ঘম্মজাল ছেদন করে মুসলিম-রাষ্ট্র প্রতিষ্ঠা না করলে তার অস্তিত্ব বিলুপ্ত হবে। অবশেষে কংগ্রেসও টলল তার দৃঢ় সঙ্কল্প থেকে। দ্বিখণ্ডিত বাংলা আর দ্বিখণ্ডিত পঞ্জাবের ভিত্তিতে ভারতবর্ষকে বিভক্ত করার অভিপ্রায় প্রকাশ করলে। প্রস্তাব নিয়ে মাউন্টব্যাটেন ছুটলেন বিলেতে। বিলেত থেকে ফিরে এসে তিনি ঘোষণা করলেন—যেহেতু নেতৃবৃন্দ অথও ভারতের আপোষ-মীমাংসায় রাজী নন সেজন্তু ভারতবর্ষ দুটি খণ্ডে বিভক্ত হবে—হিন্দুস্থান ও পাকিস্তান। সেই সঙ্গে পঞ্জাব আর বাংলাও বিভক্ত হবে। দুটি গণপরিষদ বসবে—প্রয়োজন হলে দু'জন গভর্নর-জেনারেল। দেশীয় রাজারা যে-কোন একটি গণপরিষদে যোগদান করতে পারবে। আর কোন বিভাগ হবে না। কেবল শ্রীহট্ট জেলা গণভোটের দ্বারা আসামে থাকবে কি বাংলায় যাবে—ঠিক হবে। আর সীমান্ত প্রদেশেও গণভোট প্রযুক্ত হবে। ওখানকার কংগ্রেসী মন্ত্রী বহাল থাকা-না-থাকা তারই দ্বারা

আজকের দেবতারা কে ?

আজ দেবতার সংখ্যা কমে গেছে—এত কম যে আঙুলের পর্কে এসে দাঁড়িয়েছে সে সংখ্যা। যাই হোক—তোমার মিলনতত্ত্বের মধ্যে এই কথাটিও লিখে রাখ—দুটি পরস্পর-বিপরীত-ধর্মী দ্রব্যের মিশ্রণেই সৃষ্টির উন্নতি—সৃষ্টির সার্থকতা। অনেক চেষ্টা করেও—আধবুড়ো বয়সের মাথার কাঁচা চুল থেকে পাকা চুলগুলো নিঃশেষ করা যায় না—তেমনি এই সৃষ্টিকেও সর্বাঙ্গসুন্দর করবার চেষ্টা আমাদের ব্যর্থ হতে বাধ্য।

তবে চেষ্টা করব না ? মলয় হাসল।

বাঃ ! না হলে বেঁচে থাকার অর্থ কি রইল !

মলয় কলম তুলে নিয়ে বললে, দাঁড়াও, তোমার মস্তব্যটা লিখে রাখি।  
সৃষ্টি গুর হাত চেপে ধরে বললে, না। কলম রেখে এটা পড়ে ফেল তো চট করে। একখানা চিঠি সে এগিয়ে দিলে।

খাম ছিঁড়ে মলয় বার করলে চিঠিখানা। চার পৃষ্ঠার চিঠি—  
আসছে গ্রাম থেকে। মায়ের জবানীতে লেখা। পুত্রকে স্নেহ জানিয়ে তিনি লিখেছেন কিছু টাকা পাঠাতে। আর জানিয়েছেন মেজ্ব ছেলে ও পুত্রবধুর আচরণের কথা। তা ছাড়া দেশের সংবাদও জানিয়েছেন সবিস্তারে। তাতে জানা যায়—দেশ এখন শান্ত। আমরা বাঁটোয়ারা সম্পর্কে জল্পনা-কল্পনা তো চলছেই—খানিকটা উত্তেজনারও সৃষ্টি হয়েছে। বড়লাটের ঘোষণা অনুযায়ী—অস্থায়ী বিভাগে কোন পক্ষ উল্লসিত—কোন পক্ষ বিরমণ হলেও র্যাডক্লিক-রোয়েদাদের দিন গুনছে। তখন কিছু অশান্তি ঘটতে পারে—তবে সবাই আশা করে কলকাতায় নোরাখালির পুনরাবৃত্তি হবে না। মলয়ের কি মত ?—এসব মায়ের জবানীতে এলেও লেখকের অনুসন্ধিৎসার প্রকাশ। আর একটা খবর

সর্বশেষে দিয়েছেন মা এবং সকাতরে জানিয়েছেন, যে যেখানে থাকুক জন্মভিটার টানে মায়ের কোলে একদিন ফিরে আসেই। মলয় কি ফিরে আসবে না? সর্বশেষের খবরটি এই—দুর্গামোহন পক্ষাঘাতে মারা গেছেন—প্রশান্ত বাড়ি ফিরে এসেছে। সঙ্গে একটি সুন্দরী মেয়ে—ওর বাগ্‌দত্তা বধু। রূপে-গুণে মেয়েটির তুলনা নেই। আবার ধনবতীও। শোনা যাচ্ছে এই বিয়েতে যৌতুকই পাবে একটা লাখো টাকার সম্পত্তি—

মলয় হেসে বললে, রূপগুণের ওজনটা খাঁটি, কি বল চিত্রা?

সুচিত্রা বললে, যতই সাম্যবাদের জঁক করি না আমরা আমাদের মন থেকে ও-বিষ সহজে যাবার নয়।

যাবে দেশে?

না। মুখ নামিয়ে সুচিত্রা উত্তর দিলে। সেবারও তো যাবার সব ঠিক করেছিলাম কিন্তু—

শেষ পর্যন্ত আমিই পিছিয়ে ছিলাম—নয়? কি করি চিত্রা—  
মার সেই চিঠিখানা যদি না আসত—!

আজ তো মা তোমার যেতে লিখেছেন।

তোমাকে যেতে লেখেন নি?

তবু তোমার কর্তব্য—

মলয় একটু হাসল। বললে, জান চিত্রা—এই পৃথিবীটা আশ্চর্য। সম্পদ আমাদের মনকে এতখানি বিষিয়ে তুলেছে যে আসল-মেকি চিনলেও—মানতে পারি না। একটু থেমে বললে, আমি না গিয়ে টাকা পাঠিয়ে দিই যদি—তাতেই মা খুসি হবেন। হয়ত বেশি খুসি হবেন। মূহু একটা নিঃশ্বাস পড়ল।

সুচিত্রা বললে, এমনও হতে পারে দুটি জিনিসই তাঁর অত্যন্ত দরকারী।

দাবানলের মত শহরে ছড়িয়ে পড়ল। আক্রমণ ও আত্মরক্ষার যে সব উপকরণ এতদিন গোপনে গোপনে সঞ্চিত হয়েছিল—পুলিস-শাসন শিথিল হবার সঙ্গে সঙ্গেই তা প্রতিহিংসাকে শাণিত করে তুলল। বিদায়ী প্রধান মন্ত্রী গান্ধীজীর কাছে প্রার্থনা জানালেন—স্বাধীনতা-দিবসে তিনি যেন কলকাতা ত্যাগ না করেন। গান্ধীজী কর্তব্য বেছে নিলেন। বাংলার প্রাণকল্ল কলকাতায় বসে তিনি সারা বাংলাকে রক্ষা করবার ভ্রত গ্রহণ করলেন। সেই সঙ্কল্পে নগরোপান্ত্রে এক অখ্যাত পল্লীতে এসে আশ্রয় নিলেন—আরম্ভ হ'ল অগ্নিপরীক্ষা।

এই পরীক্ষায় উত্তীর্ণ হবেন বাপুজী ?

সুচিত্রার প্রশ্নে ডায়েরি লেখা বন্ধ করলে মলয়। তোমার কি মনে হয় চিত্রা ?

কালকের রাত্রির ঘটনা পড়েছ তো ? ক্ষিপ্ত জনতা গুর বাসগৃহ আক্রমণ করেছিল -- গুরকে আঘাত করেছিল।

দাঁড়াও লেখাটা শেষ করি।

মলয় লিখলেঃ সত্যকে সামনে রেখে যিনি বলতে পারেন—হয় জীবন, নয় মৃত্যু—তাকে এই ভাবেই বারবার পরীক্ষা দিতে হয়। আর সে পরীক্ষায় উত্তীর্ণ হওয়া তাঁর পক্ষে কঠিন নয়। কাল রাত্রিতে গান্ধীজী অগ্নিপরীক্ষায় উত্তীর্ণ হয়েছেন।

ডায়েরিটা বন্ধ করে মলয় হাসল।

বাঃ রে—কোথায় পেলো এ খবর ? বিষ্ময়ে প্রশ্ন করলে সুচিত্রা।

চল—দেখবে। হিংসার উচ্চত ফণা যেইমাত্র নত হ'ল—তখনই হ'ল সত্যশ্রমীর জয়। চল দেখে আসি।

ছুজনে গান্ধীজীর আশ্রয়স্থলের দিকে এগুতে লাগল। পদব্রজেই চলল। যেন তীর্থযাত্রা করছে। বহু অখ্যাত পল্লী দিয়ে নির্ভয়ে

বলা বাহুল্য—এই উপদেশ বা অনুরোধে অনেকেই মনঃক্ষুণ্ণ হয়েছে। হৈ হৈ কাণ্ড রৈ রৈ ব্যাপার না করে নিরীহ গোছের একটি শোভাযাত্রা, খানিকটা বন্দেমাতরম বা জয় হিন্দ বলে চাঁচানো, কোন মাঠে লোক জমিয়ে কিছু ছোলো বক্তৃতা—এরই জন্তু দু'শো বছর ধরে এত কাণ্ডকারখানা, জেলখাটা, সর্বস্বাস্ত হওয়া, ফাঁসি কাঠে ঝোলা, গুলি বা বিষ খেয়ে মরা—এ সবের কি দরকার ছিল? উত্তেজক সুরার মত যদি উৎসবকে না প্রাণ ভরে পান করতে পারলাম—তবে কেমনতর উৎসব সে? ঘাঁটিতে ঘাঁটিতে পাঠান-পুলিস বসিয়ে শান্তিরক্ষার অছিলায় ধমক দিচ্ছেন বাংলা-সরকার, খবরদার, অগ্নায় কাজ কর না—শান্তি পাবে। তবু র্যাডক্লিফ সাহেবের রোয়েদাদ বেরুলে—দল বেঁধে রাস্তা দিয়ে যখন চাঁচাতে চাঁচাতে যেতে পারবে তখন উৎসবের নামে প্রতিশোধস্পৃহা খানিকটা অস্তুতঃ চরিতার্থ করে নিয়ে এরা পরিতৃপ্ত হবে। পনেরোইএর মধ্যে খবরটা কি আসবে না?

হেমলতা আশুর মাকে জিজ্ঞেস করলেন, দিদি—দিন-কতকের জন্তু না হয় আবার ময়রাপাড়ায় গিয়ে থাকি। কি বল?

আশুর মা বললেন, মরণ—কি দুঃখে যাবি সেখানে! শুনছি রাজ্য আমাদেরই হবে। মেয়েমানুষের গায়ে হাত তুললে হেঁটে কাটা আর ওপরে কাঁটা দিয়ে ডালকুত্তো দিয়ে খাওয়াবে না?

সাহস সঞ্চয় করে হেমলতা ভিটেয় পড়ে রইলেন। বড় বাড়িটা শূন্য খা খা করছে। মেজ ছেলে বউ নিয়ে কলকাতাবাসী হয়েছে। যে সংসার কোলাহলে পূর্ণ ছিল—সেখানে আজ সাধন-ভজনের অনুকূল আবহাওয়া। বৃদ্ধ বয়সে নিরিবিলিতে বসে দু'দণ্ড ভগবানের চিন্তা করবার আকাঙ্ক্ষা কি মানুষের মনে জাগে না? এই রকম অবসর পেলে অনেকে ত ধন্য হয়ে যান। তবু হেমলতা এমন অথও অবসর



চান না। সংসারে আজ তাঁর কেউ নেই—অথচ ভাঁড়ারে গুছানো জিনিসের প্রাচুর্য্য; রান্নার ধুম নেই, গৃহপারিপাটোর শ্রম আছে। যে সংসারের তুচ্ছতম খবরে বাইরের বড় পৃথিবীর আফ্রিক-গতি স্থনিয়ন্ত্রিত—সে সংসার হেমলতার কল্লোলক থেকে গুছে যাচ্ছে—তবু তাতেই মগ্ন হয়ে রয়েছেন তিনি। উঠান ঝাঁট, বাসিপাট সারা—শাকের ক্ষেত বা ফুলগাছে জল ঢালা, রান্নার আয়োজন—ঘর-বারান্দা ধোয়া-মোছা—লেপ বালিশের ওয়ার তৈরি, ঘর-বারান্দার ঝুল ঝাড়া—কি না করছেন তিনি! ছপুর্ খাওয়ার পর মেঝেতে আঁচল বিছিয়ে খানিকটা ঘুম, ঘুম থেকে উঠে এক গ্লাস ঠাণ্ডা জল পান—দুটি পান ও এক খামচা দোস্তা গালে দিয়ে কোন দিন প্রশান্তদের বৈঠকখানা ঘেঁষে আড়িপাতা, কোন দিন বা পাড়ায় টহল দিয়ে সংবাদ বিতরণ ও সংগ্রহ—কোনটির অঙ্গহানি ঘটছে না। ঘুম তাঁকে শুধুই আনন্দ দেয় না—দুঃখও নিরবচ্ছিন্ন বেদনাদায়ক নয়। এ দুয়ের ওপরে নিজেকে প্রতিষ্ঠিত করে বৃহৎ ভিটেয় স্বচ্ছন্দে দিনের পর দিন কাটাচ্ছেন। দেশের স্বাধীনতা কি বস্তু হেমলতা বোঝেন না—তবে চারিদিকে যে ফিস্ফাস্ কানাকানি চলছে তাতে উত্তেজনা খানিকটা—খানিকটা কৌতূহল আর তৃপ্তিও বেশ লাভ হচ্ছে। প্রশান্তদের বৈঠকখানায় প্রায়ই আলোচনা বসে—এবং রোয়াকের কোল ঘেঁষে তিনিও জলের গ্লাস ও জরদার কোঁটা নিয়ে ঘুমোবার চেষ্টা করেন। কদিন আগে প্রশান্তদের নিয়ে তাঁর কৌতূহলটা উগ্র হয়েছিল। মালতী মেয়েটি চলে যাওয়াতে সে কৌতূহল স্তিমিত হয়েছে—এবার রটনার বিষয় অভাবে রসনাও প্রায় স্তব্ধ হয়েছে। কিন্তু মেয়েটি ভাববার খোরাক যথেষ্ট রেখে গেছে। আশ্চর্য্য ছেলে-মেয়ে আজকালকার! ওরা মিশবে, হাসবে, কথা বলবে নির্লজ্জের মত অথচ বিয়ে করবে না।

প্রশান্ত হাসবার ভঙ্গি করে বললে, কিছুই হয়নি—ভাল লাগছে না শুধু।

আচ্ছা।—হাত ছেড়ে দিয়ে মালতী অভিমানে খানিকটা দূরে সরে এল। চলেই যাচ্ছিল ঘরে থেকে। ঠিক যাবার ইচ্ছায় নয়—ভঙ্গিতে অন্ততঃ সেটা দেখালে। প্রশান্ত ওর এই নিঃশব্দ অভিমানটুকু বুঝলে। বুঝে ডাকলে, শোন।

মালতী ফিরল। খানিকটা ব্যবধান বজায় রেখে দাঁড়িয়ে রইল।

প্রশান্ত বললে, তুমি কেন আমার জন্ম কষ্ট পাও? বুঝতে পারছ না কি—আমি ফুরিয়ে গেছি, আমার দ্বারা আর পৃথিবীর কোন কাজ হবে না।

এই কথায় মালতীর দুঃখবোধ দ্বিগুণ হ'ল—মমতায়, প্রেমে সে বিগলিত হয়ে উঠল। এগিয়ে এসে আবার প্রশান্তের হাতখানি তুলে নিয়ে ছু' হাতে চেপে ধরলে। কান্নার আভাসে ওর কণ্ঠস্বর করণ হয়ে উঠল। না, না, ও কথা বলো না। তোমাকে ফিরতেই হবে—বাচতেই হবে। এ ভাবে তিলে তিলে তোমাকে আত্মহত্যা করতে দেব না আমি। শেষের দিকে কণ্ঠে ওর দৃঢ় প্রত্যয়ের স্বর ধ্বনিত হয়ে উঠল।

প্রশান্ত মুখ তুলে মালতীর পানে চাইলে—তার পর বাঁ হাত দিয়ে মালতীর একখানি হাত চেপে ধরে বললে, তাই হোক।

অনেক সংবাদ এনেছে মালতী। একটা পেপার মিল স্থাপনের পরিকল্পনা চলছে। স্বাধীন হ'ল ভারতবর্ষ—সংবাদ-পত্র চালনার জন্ম পশ্চিমের মুখ চেয়ে সে বসে থাকবে কেন? তবে এ কাজে যে সব আধুনিক বস্ত্রপাতির দরকার, তা পেতে বেশ কিছুদিন অপেক্ষা করতে হবে। এনামেল-শিল্পের ভবিষ্যৎও বেশ উজ্জ্বল। চৌধুরী কয়েকজন অংশীদার জুটিয়ে অনেকগুলি শিল্প-প্রতিষ্ঠান চালু করবেন—এই আশা

করছেন। দেশ যখন স্বাধীন হ'ল তার শিল্প-সম্পদ না বাড়ালে স্বাধীনতার মূল্য থাকবে কেন! শ্রমিকদের সঙ্গে একটা রফাও নাকি করতে হবে। প্রশান্ত বোধ হয় জানে—ভারতের জাতীয় ট্রেড ইউনিয়নের উদ্বোধন হবে শীঘ্রই। জাতির শক্তি যাতে ক্ষমতালোভীর নেতৃত্বে অপচিত না হয় তার জন্য এই ধরনের সজ্জ প্রতিষ্ঠা করতেই হবে। শ্রমিকে-মালিকে আর শাসকে সহযোগিতা না থাকলে কেউ বাঁচতে পারবে না। বহু দেশেই শিল্পকে জাতীয় সম্পদে রূপান্তরিত করে রাষ্ট্র তথা সমাজের কল্যাণ ও উন্নতি সাধিত হচ্ছে। এর বিরুদ্ধে প্রচারকার্য যথেষ্ট হয়েছে—আর হবেও, তবে মেকি দিয়ে সত্যকে ঢেকে রাখতে পারে না কেউ চিরকাল। বিলেতে কয়লা খনির কথা প্রশান্ত নিশ্চয় জানে।

প্রশান্ত আশ্চর্য হ'ল মালতীর এই ধরনের কথা শুনে। শোনা কথা নিয়ে এতক্ষণ ধরে আলোচনা চালাতে পারে কেউ? মালতী যা ছিল না—তারই দিকে এগিয়ে চলেছে। গভীর চিন্তার ছাপ ওর মুখে। প্রফুল্ল চক্ষুতেও ছায়া ফেলছে চিন্তা। আত্মচিন্তা ঠিক নয়—স্বাধীন ভারতবর্ষকে নিয়ে চিন্তা। কিসে দেশ উন্নত হবে, সম্মানিত হবে বিশ্বসভায়—সেই চিন্তা। নতুন পৃথিবী-রচনার স্বপ্ন-ঘোর ওর চোখেও লাগল বুঝি!

অবশেষে ও সঙ্কল্প করল কলকাতায় ফিরে যাবে।

কিন্তু পরের দিন খবরের কাগজ পড়ে ও স্তম্ভিত হ'ল। কলকাতায় আবার আত্মঘাতী হানাহানি শুরু হয়েছে। শান্তিদূত উপস্থিত থাকতেও হিংসার আগুন দাউ দাউ করে জলে উঠল! অভিশপ্ত ভারতবর্ষ! দুশো বছরের পরাধীনতা তার মেরুদণ্ড ভেঙে দিয়েছে।

পরদিন ছুপুরে বৈঠকখানায় বসে ওরা পরামর্শ করল, কালই

কলকাতায় ফিরে যাবে। মহাত্মা অনশন আরম্ভ করেছেন, এই ভ্রাতৃহনন যজ্ঞে আত্মাহুতি দেবেন। ছাত্রেরা বেরিয়েছে শান্তিমিছিল নিয়ে। বেরিয়েছে অসংখ্য প্রতিষ্ঠানের কর্মীদল—বালক-যুবক-বৃদ্ধ-মহিলা। অকুতোভয়ে তারা ঘুরে বেড়াচ্ছে সর্বত্র—প্রচার করছে শান্তির বাণী। স্বাধীনতার সন্ধিক্ষণে গান্ধীজীর অমূল্য জীবন যাতে নষ্ট না হয় তারই চেষ্টা চলছে দিনরাত।

হকার খবরের কাগজ দিয়ে গেল। মালতী দোরের কাছ থেকে কাগজখানা উঠিয়ে নিয়ে একবার চোখ বুলিয়েই চীৎকার করে উঠল, কি সর্বনাশ! এই দেখ—। কাঁপতে কাঁপতে ও বসে পড়ল প্রশান্তুর পাশে। এই দেখ—বড় বড় হরফে কম্পিত আঙুল ঠেকিয়ে ও বললে, ছুর্ত্তেরা শান্তিমিছিল আক্রমণ করেছিল। শচীন মিত্র, স্মৃতিশ বাডুজ্জ হত হয়েছেন—আরও অনেকে সাংঘাতিক আহত হয়েছেন। উঃ---

প্রশান্ত রুদ্ধ নিঃশ্বাসে ঘটনার বিবরণ পড়ে যেতে লাগল। উত্তেজিত মুহূর্ত্তে ওর কণ্ঠস্বর উচ্চ হয়ে উঠল—কেঁপে কেঁপে উঠতে লাগল। আহত নামের তালিকায় এসে হঠাৎ ও চোঁচিয়ে উঠল, মলয়—মলয়ও আহত হয়েছে। আঘাত গুরুতর।

বৈঠকখানার ওপিঠে একটি কাতরোক্তির সঙ্গে গুরুভার দ্রব্যবিশেষ পতনের শব্দ হ'ল। মালতী তাড়াতাড়ি জানালা খুলে চৌকির ওপর উঠে পাঁচিলের ও-পিঠে চেয়েই ভীতকর্ণে বললে, দেখ, দেখ—ও বাড়ির গিরী অজ্ঞান হয়ে উঠানে পড়ে গেছেন।

স্মৃতিশকে দেখে প্রশান্ত অবাক হয়ে গেল। চিত্তের স্থৈর্য্য ওকে মহীয়সী করে তুলেছে কিংবা পাষণ করে দিয়েছে হয়ত। যার একমাত্র আশ্রয় ভেঙে পড়ল অকস্মাৎ—সে কি করে অজ্ঞান মুখে সহজভাবেই

তবু আলো জ্বালাতে হবে। আলো না জ্বলে আমরা ঠাই পাব কোথায় ?

স্বচিত্রাকে মুখে সাহস দিলে—মনে মনে জানালে প্রগতি। সঙ্কল্প করলে, আবার সে কাজ করবে। যে কালে সে রয়েছে সে কালের দাবি তাকে পূরণ করতেই হবে—আর . অনাগত কালকেও স্বাগত জানাতে হবে। সমস্ত বন্ধনের মূলে রয়েছে জাড্য—সে বন্ধন ছেদন করতেই হবে।

৩৪

ই—ছেদন করতে হবে বন্ধন। সুখে দুঃখে উদাসীন থেকে নয়—কাজকে ভালবেসে—সুখ-দুঃখকেও গ্রহণ করতে হবে। উদাসীনের ধর্ম সংসার নয়—সংসারীর ধর্ম নয় শাস্ত্রবচন আউড়ে কর্মবিমুখ হওয়া। মান-অভিমান, তুচ্ছ হৃদয়ের আবেগ-উত্তেজনা সবকিছুকেই মেনে নিয়ে—কখনো হাসিতে কখনো কান্নায় অতিক্রম করতে হবে পথ। ভুল-ভ্রান্তি স্বীকার করে মহৎ না হোক সহজ হতে হবে। সহজ হওয়া আজকের দিনে কত যে শক্ত সভ্যতা-নাগিনীর পাশবন্ধ মানুষ তা মধ্যে মধ্যে উপলব্ধি করছে।

শুভার চিঠিখানা হাতে করে এই ধরনের কথাই সে ভাবছিল। যে দিকের দুয়ার ঘটনার প্রবাহ একদিন বন্ধ হয়ে গিয়েছে—সেই রুদ্ধদ্বারে নিষ্ফল কামনায় করাঘাত করার কোন সম্ভব অর্থও তো নাই। অথচ বুঝাপড়ার জ্ঞান সেই দুয়ারে গিয়ে তাকে দাঁড়াতেই হবে—মালতী তার পাশে থাকা সত্ত্বেও।

শুভা তাকে আহ্বান জানিয়েছে, দৃঢ় সঙ্কল্প সূর্য্যোস্তপ্ত তুষারকণার

প্রশান্ত জিজ্ঞাসা করলে, এভাবে তার চলে যাওয়ার কারণ কিছু অনুমান করতে পারেন ?

না বাবা—জানই তো সে মেয়ে খেয়ালী। পুরুষের সঙ্গে সমান তালে তর্ক করে, ঝগড়া করে। যেদিন সে চলে যায় তার দু'দিন আগে দু'জন লোকের সঙ্গে তার কথা কাটাকাটি হয়—সে এক রকম ঝগড়াই। তাদের সঙ্গে মতের মিল ছিল না ওর।

তাদের চেনেন আপনি ?

মানে বারকতক তাঁরা এসেছিলেন এখানে। ভারি ভাল লোক। তাদের কাছেই বুঝি ও কাজ করত—কারণ মাঝে মাঝে তাঁরাই টাকা-পয়সা দিয়ে যেতেন। এ বাজারে এমনিতে কে কাকে সাহায্য করে বাবা !

প্রশান্ত জিজ্ঞাসা করলে, তাদের সঙ্গে ঝগড়াই যদি হয়ে থাকে তাতে ঘর ছাড়বার যুক্তিটা ঠিক বোঝা গেল না। তাঁরা তো নিকট-আত্মীয় নন ?

না—। কিন্তু একটু দাঁড়াবে বাবা—একটি জিনিস তার বাব্ব থেকে পেয়েছি—তাতে অনেক কথা লেখা আছে। সব আমি বুঝতে পারি নি। দাঁড়াও বাবা, আমি আসছি। তিনি দ্রুতপদে চলে গেলেন এবং ফিরে এলেন দ্রুতপদেই। একখানি ছোটমত ডায়েরি প্রশান্তর হাতে দিয়ে বললেন, এইটি পড়লে হয়ত অনেক কথা তার জানতে পারবে। পড়ে দেখো।

প্রশান্ত সঙ্কোচ প্রকাশ করলে, কিন্তু—এ পড়া কি আমার পক্ষে অগ্ৰায় হবে না ?

একটুও না। আমি তার মা, আমি বলছি—একটুও অগ্ৰায় হবে না।

তবু,—প্রশান্ত নতমুখে চেয়ে রইল ডায়েরিখানির দিকে।

করে এক নিঃশ্বাসে অনেকখানি সে পড়েছে—গভীর রাত্ৰিতে রুদ্ধ-  
দ্বারকক্ষে আবার অজানা রহস্যের পাঠোদ্ধারে মগ্ন হ'ল সে।—যেখানটা  
তার ভাল লাগছে—দু'বার তিনবার করে পড়ছে। তন্ময় হয়ে পড়ছে।  
বাইরে রুমপক্ষের রাত্ৰি ক্রমে গভীর হচ্ছে—নীরব হচ্ছে চরাচর সে  
খেন্দ্রাল তার নেই।

এক জায়গায় আছে :

আজও প্রশান্ত এসেছিল। ওর সঙ্গে বেশ খানিকটা তর্ক হয়ে গেল।  
ও একটা কথা ভুলে আছে যে দুঃখীর দুঃখ-মোচনপ্রয়াস ওর অন্তরের  
বস্তু নয়। দয়াবৃত্তি মানুষকে কোমল করে—অহঙ্কৃত করে। সাধারণের  
চেয়ে উঁচুতে উঠে নিজেকে পরিতৃপ্ত বোধ করে না কি? ও কি করে  
দুঃখে দারিদ্র্যের বেদনা—ও তো দরিদ্র নয়।

পরের পাতায় :

ধর্ম্মঘট যদি হয়ই আমি কি করতে পারি? যারা পেট ভরে দু'বেলা  
খেতে পায় না তাদের দাবিকে অণ্যায় বলবে কোন্ যুক্তিতে! তোমার  
শিল্প উৎপাদনে কি ব্যয় পড়ল, তোমার মুনাফায় কোথায় ধরল টান—  
আধপেটা খেয়ে কোন্ দুর্গত রাখতে পারে সে হিসাব? ক্ষুধাকে  
নিবৃত্ত করবার সবচেয়ে বড় যুক্তি অন্ন—উৎপাদনের অপব্যয়, লাভ-  
লোকসান এ সব তো তুচ্ছ ব্যাপার। ইঁসকে মেরে ফেললেই  
একসঙ্গে অনেকগুলি সোনার ডিম পাওয়া যায় না সত্য—কিন্তু সোনার  
ডিমের লোভ অন্নপ্রাপ্তির চেয়ে বড় বস্তু এটাই বা ভাবছ কেন!  
পৃথিবীতে দুদিন এসেছে—মানুষের ক্ষুধামান্দ্য তো ঘটে নি।  
খাদ্য-শস্যের দাম পাঁচ ছ' গুণ বাড়িয়েছ—সিকি ভাগ মাইনে বাড়তে  
হত আপত্তি তোমাদের? তোমরা বুর্জোয়া নও বললে সর্বহারারা  
মেনে নেবে কেন? তোমরা কথার কৌশল জান—অঙ্কের কৌশল



• জ্ঞান—ষ্ট্যাটিস্টিকসের দোহাই তোমাদের প্রতি যুক্তিতে। সে যুক্তি বুদ্ধিগ্রাহ্য হয়ত, বিবেকগ্রাহ্য নয়—সহজবোধ্য তো নয়ই।

কয়েকখানা পাতা উন্টে পাওয়া গেল :

একটা সভায় বক্তৃতা দিলাম। প্রথমটা অত্যন্ত সঙ্কোচ হচ্ছিল—কথা জড়িয়ে যাচ্ছিল। ভাল ভাল কথা বা যুক্তিগুলো ভাবের স্রোতে একই সঙ্গে ঠেলাঠেলি করে বেরুতে চাইছিল—আর একসঙ্গে বেরুনোর জন্য কোনটাই স্পষ্ট হ'ল না। মুখচোখ লাল হয়ে উঠল, নিজের অক্ষমতা বুঝে বসে পড়লাম।

অন্যত্র :

আজ বক্তৃতাটা ভালই হয়েছে। বাদ্যের উদ্দেশ্যে কথাগুলি বললাম—তারি হাততালি দিয়ে সম্বর্ধনা জানালে। আজও মুখচোখ লাল হয়ে উঠল—অক্ষমতার দরুণ নয়—নিজেকে উপযুক্ত মনে করে।

কয়েক দিন পরের একটি তারিখে এসে পৌঁছল প্রশান্ত :

যখন বক্তৃতা দিই—নিজেকে বেশ খানিকটা উঁচু মনে হয়। আজকাল ভাল কথা, যুক্তি কিছুই আটকায় না। খানিকক্ষণ বলার পর আরও বলতে ইচ্ছা হয়। এ-ও কি নেশা? শুনেছি স্থরার ক্রিয়ায় দেহমনে উত্তেজনা জাগে—অনেকটা সেই রকমের উত্তেজনা কি? নইলে নিজেকে যোগ্য মনে করে ক্ষীণ হয়ে উঠি কেন? শুনেছি নেশা কাটলে আসে অবসাদ, ভায়েরি লিখতে লিখতে অবসাদ অনুভব করছি। আমার কেবলই মনে হচ্ছে গোকীর সেই কথা : You are not that which you want to appear. আমি যা নই—ভঙ্গিতে ভাষণে চালচলনে তাই হবার চেষ্টা করছি।

পর পৃষ্ঠায় :

না—বক্তৃতা আর দেব না। সত্যিই আমি তো তা নই। চাষীর

দুঃখ, মজুরের দুঃখ হয়ত বুঝি—দারিদ্র্যের সঙ্গে আমারও আবাল্যের পরিচয়। তবু আমি গৃহস্থ-ঘরের মেয়ে—যাকে বলে মধ্যবিত্ত। আমি চাষী নই—মজুর নই। এক এক সময় মনে হয় সাম্যবাদের নামে ওদের হিংসাকে—ওদের লোভকে জাগিয়ে জনপ্রিয়তা অর্জন করছি না তো? আচ্ছা, আমাদের কয়েকজন নেতাকে লক্ষ্য করব।

তারপরের মন্তব্যগুলি লিখে কেটে দেওয়া হয়েছে। কাটাকুটির মধ্যে একটি লাইন এই : নেতারা সবাই মধ্যবিত্ত পরিবারের।

কয়েকটা তারিখ পার হয়ে—আছে :

ধর্মঘট সর্বত্র সফল হচ্ছে না—কারণ শ্রমিকরা ভালমতে সজ্জবদ্ধ নয়। তা ছাড়া শ্রমিক-সজ্জগুলি আগুপিছু ভেবে না দেখেই কাজে বাঁপিয়ে পড়ে। রীতিমত ফণ্ডের সৃষ্টি না হলে ধর্মঘট সফল হবে কেন! যে ক্ষুধা মেটাবার জন্তু এই আয়োজন তাকেই সাথী করে কখনও যুদ্ধ করা সম্ভব! দাঁড়াবার ঠাই না থাকলে বলবার শক্তি আসবে কোথা থেকে!

এক জায়গায় আছে :

অবস্তীর টাকা নিলাম। না নিলে সংসারের অভাব মিটছিল না। কিন্তু কেন নিলাম? আমি তাকে দিতে পেরেছি কিছু? দেওয়া নেওয়া সমান মানে না থাকলে সমাজের সুর কাটে—মনের তালও কাটে। কাল প্রশান্ত যা বলে গেল—তা ভাবছি। সত্যিই তো দাবি চাপিয়ে আধা-আধি পেয়ে মিটিয়ে ফেলা মানে আপোষ-নিষ্পত্তির ব্যাপার। এটা যেন ভয় দেখানো ও ঘুষ খাওয়ার মত ঠেকছে। অধিকাংশ ধর্মঘট এইভাবে মিটছে। এ পথ ভাল নয়।

অন্যত্র :

দাশগুপ্ত কিছুতেই বুঝবেন না—বাঁকা পথ কল্যাণের পথ নয়। সমাজের শক্তি বাড়াবার জন্তু মালিকদের সঙ্গে টাকা নিয়ে রক্ষা করার যুক্তিটা

কি ! শ্রমিকদের বোঝানো হ'ল, এ হচ্ছে রসদ সংগ্রহ । ভবিষ্যতে তোমরা যাতে ভালভাবে লড়তে পার তারই প্রস্তুতি এটা । ছলে বলে অথবা কোশলে । আমি বললাম, অপকৌশল । উনি ক্রুদ্ধ হলেন, বেশ বুকা গেল । বক্রোক্তি করলেন, গান্ধীর ছোঁয়াচ লেগেছে ! সত্য কি শুধু গান্ধীরই একচেটে ? আশ্চর্য্য !

তারপর লিখেছে :

শ্রম আর মূল্য-বিনিময়ের কথাটা প্রশান্ত মন্দ বলে নি । গ্রায্য পারিশ্রমিকের বিনিময়ে গ্রায্য শ্রম এতো দিতেই হবে—এরই ভিত্তিতে আমরা লড় করতে পারব এই আন্দোলনকে । নইলে আধাআধি রফায় কারো বিশ্বাস অর্জন করা যায় না । যে শোষণের বিরুদ্ধে আমাদের জেহাদ, তাকেই সমর্থন করা হচ্ছে এই নীতির দ্বারা । গুপ্ত বললেন, কিসে ? বললাম, নয় কিসে ? আপনারা শ্রমিকের হয়ে যে দাবি জানাচ্ছেন তা কি ধনিক-শোষণের যন্ত্র নয় ? দাবি জানিয়ে পুরোপুরি যদি আদায় করতে পারেন তবে বুঝব দাবি আমাদের যথার্থ । বুকা মানেই তো মানহানির মামলা ।

অত্যন্ত অস্পষ্ট লাইন ক'টিতে বিক্ষিপ্ত মনের পরিচয় আছে :

মাকে তিরস্কার করেছি—কটু বলেছি । প্রশান্তকেও কটু কথা বললাম, আমাদের দুঃখ দেখে ওর অর্থ সাহায্যের হেতু কি থাকতে পারে ! ওর রক্তে নীল রঙের নেশা জমেছে, ও জগৎকে কিনতে চাইছে ।...হলদে চিরকূটখানা হাতে আগুনের শিখার মত জ্বলছে । জানি এ কার লেখা । কতবার প্রতিবাদ জানিয়েছি এ নিয়ে । ক্ষুধার্ন্তের অন্ত-প্রার্থনার দাবিতে যুদ্ধের তহবিল পূর্ণ করবার কি অধিকার আছে ! এ নিয়ে আমরা বিলাস করছি হয়ত ।

তারপর :

ক্রমশঃ স্পষ্ট হয়ে আসছে অনেক কিছু। পেলেই মানুষ তৃপ্ত হয় না—  
অঙ্গুরও প্রয়োজন আছে। যুদ্ধ তার স্বভাবের ক্রিয়া। নানান রকমের  
যুদ্ধ। ক্ষমতামদের মত—এ পাওয়ার বাসনা কমে না, বাড়েই। এ  
দৃষ্টিকে করে সঙ্কুচিত—আবিল—একাংশে লগ্ন। পৃথিবীর বহু দিক আছে  
—নানা বিপরীতধর্মী সমস্যা আছে। সব দুঃখের কারণই খাঁটি নয়, গ্ৰাহ্য  
নয়। তর্ক করলাম—কলহ করলাম—ওঁরা কিন্তু অবিচল। বললেন,  
এ দাবি প্রত্যাহার করব না আমরা। শ্রমিকরা কিছু পেলেই আপাততঃ  
সন্তুষ্ট হবে। নইলে বহুদিন ধরে ধর্মঘট চালানোর মনোবল বা অন্নবল  
ওদের নাই! ওঁরা চলে গেলেন। ভাবছি—পার্টির কাজে ইস্তফা দেব  
কিনা।

তারপরের লাইনগুলি স্পষ্ট—হরফগুলি বড় :

না ইস্তফা দেব না—শেষ পর্য্যন্ত এই অগ্ৰায়ের বিরুদ্ধে লড়াই করব—  
এ প্রথার সংস্কার করব। শ্রমিকের সঙ্গে—চাষীর সঙ্গে জীবনকে মিশিয়ে  
দিয়ে ওদের প্রকৃত মর্ম্মকথাটি বুঝতে চেষ্টা করব। যুদ্ধই যখন মানবীয়  
বৃত্তির অপরিহার্য ধর্ম্ম, তখন সে ধর্ম্ম কেন পালন করব না? ভীরুর মত  
পলায়ন আমার ধর্ম্ম নয়।

এর পর তিনটি পাতার লেখার ঠাসবুনানি—কাটা ও লাইনগুলি ঝাঁকা  
আর কালি ধ্যাবড়ানো। বোঝা যাচ্ছে চিত্তের শৈথিল্য হারিয়েছে। কোথাও  
অস্পষ্ট লেখা আছে; এ সংসারের ভার ওর ওপরেই দেব কি? ওকে  
চিঠি লিখলাম। তার পরেই মন্তব্য রয়েছে: সব ভাবনা একসঙ্গে ভাবা  
যায় না। আমার যথাসাধ্য সাহায্য করব—কিন্তু সংসার থেকে দূরে  
যেতে হবে। দুঃখের পাঁকে গলা পর্য্যন্ত ডুবিয়ে দুঃখটাকে হৃদয়ঙ্গম করা  
সহজ—কিন্তু সমস্যার সমাধান তাতে হবে না। পাঁকের বাইরে একটা  
পা না রাখলে আর একটি পা-কে পাক থেকে তুলব কি করে!

তু'একজনকে সঙ্কল্পের কথা বললাম। ওরা হাসল, বললে, ভীকু ! ধর্মঘট যত এগিয়ে আসছে—দুর্বল যুক্তির জালে জড়িয়ে আমি নাকি চাইছি পিছিয়ে যেতে ! কিন্তু আমি তো জানি যুক হবে না—এ শুধু যুদ্ধের অভিনয়।

প্রায় শেষ পাতায় এসে পৌঁছল প্রশান্ত :

কাকেই বা জানাই সঙ্কল্পের কথা ? সবাই ভুল বুঝল ! কিন্তু এক জনকে না জানিয়ে আমিও তো স্বস্তি পাচ্ছি না। প্রশান্তকে জানাব কি ? না—ছিঃ। তার চেয়ে তার কাছে ক্ষমা চেয়ে নেব পত্র লিখে। সে একদিন আসতে চেয়েছিল—পথের বাধা তখন ছিল দুর্লভ্য; পথ আজও সুগম নয়। তবে সত্যের অরুণবর্ণ জ্যোতি মাঝে মাঝে দেখতে পাই। সে যা বলে তার সবটা ভূয়ো নয়, আমাদের নীতিও ভেজাল-শূন্য নয়। সত্য আছে এ দুয়ের মাঝামাঝি। এখন পরীক্ষা চলছে। পরীক্ষার মূল্য দিতে হবে বৈ কি—তার পর যে সম্পদ আসবে...নূতন কালের রহস্য উদ্ঘাটিত হলে আমরা সে সম্পদের সন্ধান পাব। তবু জানিয়ে রাখি—সম্পদ সঞ্চয় করব না আমরা—তাকে ভাসিয়ে দেব কালের স্রোতে। নতুন সমাজ—নতুন বিধিবিধান—নতুন পারিপার্শ্বিক বার বার ফিরে আসে নতুন হয়ে। পুরাতন রীতি-অভ্যস্ত মন তাকে সহজে স্বীকার করতে চায় না। বয়োধর্ম্মে স্থিতিশীলতার জাঢ়্যভারে তার কল্যাণবুদ্ধি আচ্ছন্ন—চিন্তা অস্বচ্ছ, আর বিবেক পীড়াগ্রস্ত হয়ে পড়ে। মোহমুক্ত দৃষ্টি ও বিচারপ্রবুদ্ধ মন—এ যেন জরাগ্রস্ত না হয়। এ যদি জাগ্রত না রইল—কিসের প্রয়োজন জীবনে !

শেষ লাইন ক'টি :

চলে যাচ্ছি—গণ্ডি পার হয়ে। প্রণাম জানাচ্ছি পুরাতন পৃথিবীকে—  
—প্রণাম জানাচ্ছি অনাগত পৃথিবীকে। দেশ স্বাধীন হতে চলেছে—

ও ধড়মড় করে চেয়ার ছেড়ে উঠে দাঁড়াল। এ আহ্বানের অর্থ ওর কাছে অস্পষ্ট নয়...ও ভুল করে নি।

রাত্রিশেষের বার্তা নিয়ে সে ফিরে এল...প্রশান্ত তাকে ভালমতে জানে। তাকে স্বাগত জানাতেই হবে।

শেষ

---

গুরুদাস চট্টোপাধ্যায় এণ্ড সন্স-এর পক্ষে

প্রকাশক ও মুদ্রাকর—শ্রীগোবিন্দপদ ভট্টাচার্য্য, ভারতবর্ষ প্রিন্টিং ওয়ার্কস্

২০৩১১, কর্ণওয়ালিস্ স্ট্রীট, কলিকাতা—৬









